

故散騎常侍東海徐公集序

秘書郎陳

彭年

撰



昔姬昌既沒文不在於茲乎韓起有言禮盡見於魯矣
故尼丘降異以產民宗闕里垂言用為人極自哲人一
往作者多岐則有孟子制其橫流荀卿平其亂轍戰國
之際百氏沸騰嬴秦之餘六經煨燼菁華欲竭俎豆無
歸故賈生談仁義於前楊子宗詩書於後魏晉名士咸
重玄言梁隋諸公始興宮體茲風一扇踰數百年唐氏
隳又為多比百王而雖文章所尚方三古而終殊於是
韓吏部獨正其非柳、州輔成其事千齡旦暮斯豈誣

哉俾大道之將行故由天意幸詩文之未喪亦繫人謀
其有道冠人倫才為世表令名不泯百代攸宗今復見
之徐公矣公諱鉉字鼎臣其先會稽人也鄰幾之姿生
民之秀滄溟沃日流作言泉建木干星植為行圃英才
茂德光映於前修懿範清規儀形於來者弄璋之始屬
唐室之多虞佩觿之初值揚都之建號公文辭濬發不
類幼童識量淹通已成大器彈入仕方居終之年佩玉
登朝即就嚴徐之列洎江東內禪文物初興廊廟之珍
獨當其任搢紳之望無出其先漢之賢臣蔡邕歷三臺
之選魏之俊士索靖馳二妙之名若乃毛玠之公清汲

黯之正直王倫之知禮張華之博物鄭當時之下士山
山巨源之薦賢以公方之綽有餘裕故得觀孔光之樹
久奉樞機寓荀勗之池常參獻替雖具瞻之重猶未正
名而乃春之殊已同彼相及樓船南伐青蓋東來遂於
艱虞之辰克盡始終之節夫章臺之壁且屬秦求万城
之材果為晉用 太祖讀豫州之檄不責其非

今上聽上林之文屢言其美由是甘泉柏殿重奉宸遊
瑣闥貂冠更膺 天獎王公慕義如見古人名德在
時目為耆老季膺交友不異神仙許劭言談是名月旦
雖來於江左魯公於是贈詩寓彼漢中武侯以之下拜

無以踰也及運逢消長道或盈虛辭通籍之簪纓陪外
藩之鐔俎語鬼神之事歸 宣室而未期留封禪之
書臥茂陵而長往嗚呼惟公稟中和之氣挺傑出之才
風雨而不迷雪霜而不變瞻其潔白如珪如璋聽其風
聲如蕙如蘭自成人之始至縱心之年險阻艱難所經
多矣功名富貴皆自致之若平仲事君一心無改展禽
秉直三黜彌光百行立身世談其盡善片言違道人知
其不爲豈但王佐之才獲稱於士季公卿之量見賞於
林宗乎性理文房逸勢楚國之三休筆陣雄風宋人之
九拒昔者洞簫之賦誦之者後宮劔閣之銘刊之者明
詔賈誼過秦之作史臣置於篇中王融曲水之辭鄰使
求於座上蔡中郎之所自許則有太丘之碑潘黃門之
所用工獨是荊州之誅公並窮其淵藪仍在上游掇其
英華更多餘力雖絲篁金石無以均其雅韻蔽玄黃不
足方其麗草太玄之客徒欲載金述十意之人自將焚
藁豈獨語其篇什宜升洙泗之堂畫彼形容當在靈均
之廟者哉矧復六書之藝少而留心二篆之蹤老而盡
妙研精不捨常惜寸陰尺牘所傳有同珍寶 聖上
方欲恢千年之洪業答 上帝之耿光朝諸侯而
東巡祀介丘而 降禪若乃以秦丞相之健筆兼漢郎

將之雄文銘此成功垂之不朽求之輿議公即其人斯志未終大年行盡殲良之痛其可已乎公江南文藁撰集未終一經亂離所存無幾公自勒成二十卷及歸中國入直禁林制誥表章多不留草其餘存者子壻尚書水部員外郎吳君淑編為十卷通成三十卷所撰質論稽神錄奉詔撰江南錄修許慎說文並別為一家不列於此彭年越在幼年即承訓導通家之舊與文學以攸同入室之知方子淵而豈感生平而永歎報德無階痛音問之長違殞身莫贖聊存撫實用以冠篇時淳化四年七月序

欽定四庫全書總目提要

騎省集三十卷

宋徐鉉撰晁公武讀書志陳振孫書錄解題並載徐集三十卷與今本同陳氏稱其前二十卷仕南唐時作後十卷皆歸宋後作今勘集中所載年月事蹟亦皆相符蓋猶舊本也集爲其壻吳淑所編天禧中都官員外郎胡克順得其本於陳彭年刊刻表進始行於世鉉精於小學所校許慎說文至今爲六書矩矱而文章淹雅亦冠一時讀書志稱其文思敏速凡有撰述常不喜預作有欲從其求

文者必戒臨事卽來請往往執筆立就未嘗沈思
曰文速則意思敏壯緩則體勢疎慢故其詩流易
有餘而深警不足然如臨漢隱居詩話所稱喜李
少保卜鄰詩井泉分地脈砧杵共秋聲之句亦未
嘗不具有思致蓋其才高而學博故振筆而成時
出名雋也當五季之末古文未興故其文沿湖燕
許不能嗣韓柳之音而就一時體格言之則亦迥
然孤秀翟耆年籀史曰太平興國中李煜卒詔侍
臣撰神道碑有欲中傷鉉者奏曰吳王事莫若徐
鉉爲詳遂詔鉉鉉請存故主之義太宗許之鉉但

推言歷數有盡天命有歸而已其警句曰東鄰構
禍南箕扇疑投杼致慈親之惑乞火無里一作鄰婦
之詞始勞因壘之師終後塗山之會太宗覽之稱
歎不已云云後呂祖謙編文鑑多不取儷偶之詞
而特錄此碑蓋亦賞其立言有體以視楊維禎作
明鼓吹曲反顏而詆故主者其心術相去遠矣然
則鉉之見重於世又不徒以詞章也

序

余獲舊鈔本徐騎省集寶愛甚至鏤板旣成吮毫作序
悼南唐末造之衰思東海躬逢之厄憮然有感唏矣其
言夫其效命偏隅歷踐清要攀龍一鱗吐鳳五采濰州
夫子聯李杜之名集賢學士馳機雲之譽可謂弁冕英
雋黼黻巖廊者矣洎乎國步旣訖大命有歸走青蓋於
江東侍白衣於樓下身蒙特宥迹寄中朝則又麥秀之
詠無以喻其哀思竹素之詞不能寫其隱痛者焉或謂
禽喜受命遂卻敵師珉雋捐軀實因主辱以斯二者疑
愧前賢不知南都播越之餘開寶式微之際緘衣僧帽

叢姦盪於佛門春水小樓效都俞於詞律軍驅白甲水
縮黃花已失佑於天人冀圖存於旦夕秦宓文辨任專
對而有餘張儼高才緣通好以相屈渾濬之師已偪儀
秦之舌奚裨而公聞命慷慨秉義堅貞勿顧一介之使
而止上江之援乞緩無名之師以全一邦之命喙奮風
雨心甘雪旄蓋不爲馮謐之得歸直將繼孫晟而抗節
矣天威方霽卒貸行人運祚俄移仍隨國主句踐入吳
則范蠡從侍安樂降晉則郤正拜官然而免爲俘虜之
悲恨不與楚金同死江南大臣之對未聞向藝祖求生
公之心豈爲開國千戶侯而負永陵一培土乎或又謂

藥賜牽機禍階私謁一將朝命遂洩狂言背曹髦而馳
語何異王沈察昌邑而奏言不如張敞此尤事乖實錄
語涉不經夫以重光之孱昏遇太宗之英武勢非建德
就擒之比時無唐莊內亂之憂亦旣名改侯封錢增月
奉似劉鋹執挺已長降王擬叔寶工文祇堪學士本不
關其後慮亦安用其雄猜況乎悔已殺之諫臣吟東流
之江水閻君常態詞客遙情公縱不壅於上聞帝豈肯
援爲罪案是以文寶拾遺之記但述悽傷李燾通鑑之
編全刪疑誤有惇史爲左證杜後人之詆誣觀於隴西
撰碑便殿請對楊武陽昭烈之贊竝述休風魏文貞李

密之銘義存故主歎息動夫九陛忠義章於一時益可知文字之禁早與蠲除明聖之君必無忌克已方其浮湛僞朝遠避榮利朋黨不入於韓宋衡軸無競於張陳抵觸內臣識元節之壯志專誅賊首有廣漢之嚴威緬厥廉貞允爲卓絕暨歸皇宋終作詞臣王仲宣之侍華轂擬其賢勞蔡中郎之趣飲章同其傷陷半臂弗御嬰子京之寒疾華髮滿領嗟樂天之無兒命途永乖時論所喟而冰斯之筆空爛於當年燕許之文獲編於身後流傳未廣揮發有待幸拂拭於千古得揚摧以片言思鏡湖賀監之答猶慨慕其風標披南閣祭酒之書竝垂

光於天壤

光緒十六年歲次庚寅冬十一月黟縣李宗燭謹序

宋史文苑傳

徐鉉字鼎臣揚州廣陵人十歲能屬文不妄游處與韓熙載齊名江東謂之韓徐仕吳爲校書郎又仕南唐李昇父子試知制誥與宰相宋齊丘不協時有得軍中書檄者鉉及弟錯評其援引不當檄乃湯悅所作悅與齊丘誣鉉錯洩機事鉉坐貶泰州司戶掾錯貶爲烏江尉俄復舊官時璟命內臣車延規傅宏營屯田於楚州處事苛細人不堪命致盜賊羣起命鉉乘傳巡撫鉉至楚州奏罷屯田延規等懼逃竄鉉捕之急權近側目及捕得賊首卽斬之不俟報坐專殺流舒州周世宗南征璟

徙鉉饒州俄召爲太子右諭德復知制誥遷中書舍人環死事其子煜爲禮部侍郎通署中書省事歷尙書右丞兵部侍郎翰林學士御史大夫吏部尙書宋師圍金陵煜遣鉉求緩兵時煜將朱令贇將兵十餘萬自上江來援煜以鉉旣行欲止令贇勿令東下鉉曰此行未保必能濟艱江南所恃者援兵爾柰何止之煜曰方求和解而復決戰豈利於汝乎鉉曰要以社稷爲計豈顧一介之使置之度外可也煜泣而遣之及至雖不能緩兵而入見辭歸禮遇皆與常時同及隨煜入覲太祖責之聲甚厲鉉對曰臣爲江南大臣國亡辜當死不當問其

它太祖歎曰忠臣也事我當如李氏命爲太子率更令太平興國初李昉獨直翰林鉉直學士院從征太原軍中書詔填委鉉援筆無滯辭理精當時論能之師還加給事中八年出爲右散騎常侍遷左常侍淳化二年廬州女僧道安誣鉉姦私下吏道安坐不實抵辜鉉亦貶靜難行軍司馬初鉉至京師見被毛褐者輒哂之邠州苦寒終不御毛褐致冷疾一日晨起方冠帶遽索筆手疏約束後事又別署曰道者天地之母書訖而卒年七十六鉉無子門人鄭文寶護其喪至汴胡仲容歸其葬於南昌之西山鉉性簡淡寡欲質直無矯飾不喜釋氏

而好神怪有以此獻者所求必如其請鉉精小學好李斯小篆臻其妙隸書亦工嘗受詔與句中正葛湍王惟恭等同校說文序曰許慎說文十四篇并序目一篇凡萬六百餘字聖人之旨蓋云備矣夫八卦旣畫萬象旣分則文字爲之大輅載籍爲之六轡先王教化所以行於百代及物之功與造化均不可忽也雖五帝之後改易殊體六國之勢文字異形然猶存篆籀之迹不失形類之本及暴秦苛政散隸聿興便於末俗人競師法古文旣變巧僞日滋至漢宣帝時始命諸儒修倉頡之法亦不能復至光武時馬援上疏論文字之譌謬其言詳

矣及和帝時申命賈逵修理舊文於是許慎采史籀李斯揚雄之書博訪通人考之於逵作說文解字至安帝十五年始奏上之而隸書之行已久加以行草八分紛然聞出反以篆籀爲奇怪之迹不復經心至於六籍舊文相承傳寫多求便俗漸失本原爾雅所載草木魚鳥之名肆志增益不可觀矣諸儒傳釋亦非精究小學之徒莫能矯正唐大厯中李陽冰篆迹殊絕獨冠古今於是刊定說文修正筆法學者師慕篆籀中興然頗排斥許氏自爲臆說夫以師心之獨見破先儒之祖述豈聖人之意乎今之爲字學者亦多陽冰之新義所謂貴耳

而賤目也自唐末喪亂經籍道息有宋膺運人文國典
粲然復興以爲文字者六藝之本當由古法乃詔取許
慎說文解字精加詳校垂憲百代臣等敢竭愚陋備加
詳考有許慎注義序例中所載而諸部不見者審知漏
落悉從補錄復有經典相承傳寫及時俗要用而說文
不載者皆附益之以廣篆籀之路亦皆形聲相從不違
六書之義者其閒說文具具有正體而時俗譌變者則具
於注中其有義理乖舛違戾六書者竝列序於後俾夫
學者無或致疑大抵此書務援古以正今不徇今而違
古若乃高文大冊則宜以篆籀著之金石至於常行簡

牘則草隸足矣又許慎注解詞簡義奧不可周知陽冰
之後諸儒箋述有可取者亦從附葉猶有未盡則臣等
粗爲訓釋以成一家之書說文之時未有反切後人附
益互有異同孫愐唐韻行之已久今竝以孫愐音切爲
定庶幾學者有所適從焉錯亦善小學嘗以許慎說文
依四聲譜次爲十卷目曰說文解字韻譜鉉序之曰昔
伏羲畫八卦而文字之端見矣蒼頡模鳥迹而文字之
形立矣史籀作大篆以潤色之李斯變小篆以簡易之
其美至矣及程邈作隸而人競趨省古法一變字義侵
譌先儒許慎患其若此故集倉雅之學研六書之旨博

訪通識考於賈逵作說文解字十五篇凡萬六百字字書精博莫過於是篆籀之體極於斯焉其後賈魴以三春之書皆爲隸字隸字始廣而篆籀轉微後漢及今千有餘歲凡善書者皆草隸焉又隸書之法有刪繁補闕之論則其譌僞斷可知矣故今字書之數絜倍於前夫聖人創制皆有依據不知而作君子慎之及史闕文格言斯在若草木魚鳥形聲相從觸類長之良無窮極苟不折之以古義何足以觀故叔重之後玉篇切韻所載習俗雖久要不可施之於篆文往者李陽冰天縱其能中興斯學贊明許氏與焉英發然古法背俗易爲堙微

方今許李之書僅存於世學者殊寡舊章罕存秉筆操觚要資校閱而偏傍奧密不可意知尋求一字往往終卷力省功倍思得其宜舍弟錯特善小學因命取叔重所記以切韻次之聲韻區分開卷可觀錯又集通釋四十篇考先賢之微言暢許氏之玄旨正陽冰之新義折流俗之異端文字之學善矣盡矣今此書止欲便於檢討無恤其它故聊存古訓以爲別識其餘敷演有通釋五音凡千卷貽諸同志云鉉親爲之篆鏤板以行於世錯字楚金四歲而孤母方教鉉未暇及錯能自知書李璟見其文以爲祕書省正字絜官內史舍人因鉉奉使

入宋憂懼而卒年五十五李穆使江南見其兄弟文章
歎曰二陸不能及也鉉有文集三十卷質疑論若干卷
所著稽神錄多出於其客蒯亮錯所著則有文集家傳
方輿記古今國典賦苑歲時廣記云

進徐騎省文集表

臣克順言伏以德必有言見稱於君子文之行遠用示
於方來矧逢

熙盛之期茂闡

欽明之化

臣克順

誠惶誠懼頓首頓首伏念

臣本惟寒

族偶襲緒風幼服佩於義方長陶烝於

孝治築室百堵介處於下鄉教子一經敢隳於素業

旌閭雖慙於往事

賜書寧謝於古人家藏稍多耳剽亦久竊見故散騎常
侍徐鉉傑出江表夙負重名逮事

天朝荐升近列時受

先皇之顧遇頗為後進之宗師文律高深學術精博辭
 惟尙要思在無邪克著一家之言蓋處諸公之右涓化
 之歲被病考終生嗟伯道之孤歿慮若敖之餒而臣頃
 在場屋獲造門牆情篤鄉關禮鈞甥姪永惟感舊適值
 送終臣家乃具扁舟載其靈柩直抵豫章之郡卜葬西
 山之阿一掩佳城久荒宿草雖歲時靡輟為修黃石之
 祠而翰墨罕存難訪茂陵之札每思編輯尤懼舛譌數
 年前故參知政事陳彭年因臣屢言成臣夙志假以全
 本并茲冠篇乃募工人筆形鏤板竹簡更寫無媿於前

修綈几迴觀願留於

睿覽伏望

崇文廣武感天尊道應真佑德上聖欽明仁孝皇帝陛
 下清衷軫念

鴻霈延慈稍迴

虞舜之聰暫乙東方之牘

淪恩至厚俾朽骨以重榮

垂範長新耀遺編而增煥豈惟疎賤獨荷

照臨其新印徐鈇文兩部計六十卷一十二册謹隨表

上

進干冒

宸嚴臣無任戰汗激切屏營之至臣克順誠惶誠懼頓

首頓首謹言

天禧元年十一月日三司戶部判官朝散大夫行尙書

都官員外郎上護軍臣胡克順上表

批答

勅胡克順省所上表進新印徐鉉文集兩部計六十卷

共一十二册事具悉徐鉉生於江介早著時名歷事

祖宗之朝常居文翰之任發揮誥命有溫雅之風備預

咨詢見該通之學矧惟素履無謝古人汝克慕前修盡

編遺札俾之摹印庶廣流傳覩奏御之爰來諒恪勤之
斯至覽觀之際嘉歎良深故茲獎諭想宜知悉

五日

禁林制詔表章多不留草其餘存者子壻尚書水部員外郎吳君淑編爲十卷通成三十卷所撰質論稽神錄奉詔撰江南錄修許慎說文並別爲一家不列於此彭年越在幼年卽承訓導通家之舊與文舉以攸同入室之知方子淵而豈□感生平而永歎報德無階痛音問之長違殞身莫贖聊存摭實用以冠篇時淳化四年七月序

宋故金紫光祿大夫左散騎常侍上柱國東海縣開國伯食邑七百戶賁授靜難軍節度行軍司馬徐公年七十六行狀

公諱鉉字鼎臣其先東海剡人也周德之衰偃王以仁義所歸者七十餘國乃遜於江淮之南會稽太末里有廟存焉積慶所鍾令嗣蕃衍故自烈考已上皆生於會稽公所撰改卜合葬烈考太夫人於洪州西山墓誌詳矣公與弟錯屬烈考卽世年皆幼稚太夫人撫育教導資以生而知之咸以雄文奧學克振令譽公未弱冠以廕釋褐爲校書郎直宣徽北院機命文翰實專司之以

御名密稱先主卽位以本官直門下省賜緋試知制誥辭
 達典雅智效勤恪嗣主初拜祠部員外郎知制誥後覩
 受命草詔者無所經據不根事實繇是駁議忤旨左遷
 秦州幕職途中詩云浮名浮利信悠悠四海干戈痛主
 憂三諫不從爲逐客一身無累似虛舟滿朝權貴皆曾
 忤遶郭林泉已遍遊唯有戀恩心不改半程猶自望城
 樓謫居三年嗣主知其無罪徵復本官仍知制誥公餘
 力攻篆書度越陽冰而與李斯爲等夷著質論十四篇
 極形政之要盡君臣之際並傳於世斯爲不朽矣文章
 論議與故贈揆相韓公同志齊名時人謂之韓徐及江

淮之平建州也而福州與越人拒命不服使陳覺馮延
 魯招撫之未報遂擅興兵攻取時軍帥不一聽而無上
 又出不以律眾敗績而退乃歸罪二使將誅之時陳覺
 之使國老宋公之所舉也於是上表待罪蓋欲解救之
 遂械二使以歸聽命公與韓公議赦此二人則萬姓謗
 譏之怨歸于上二使首領之惠在於齊丘辱國客斲斯
 爲巨蠹遂同上疏極言其罪追正刑書克協眾心式沮
 狂計嗣主親批答疏略曰昨陳覺之行實太傅舉之矣
 及師敗之後事下有司太傅無救拔之詞有自訟之表
 以是之故得不再思何者先朝舊臣國家元老不惟舉

人偶失可得興言直是謀之不臧亦未有加罪之理昔魏武帝乘降劉琮之勢將兼并吳國張昭時居朝右爲吳老臣一旦勸請其君臣妾於魏此謀不以爲拙曷以爲拙乎賴周瑜輩力爭而止之及魏師之敗昭亦晏然自處吳大帝亦不之見責彼二子孤若懷憤悻之意戮之久矣此際長流遠郡斥爲庶人五木被身一家狼籍永從流放與死何殊卿等憂國情深除奸意切諸所徵引批答未殫公與韓公同表謝略曰伏讀批答曰卿等憂國情深除奸意切是陛下知其奸也又曰永從流放與死何殊知陛下必不用也旣知而棄雖在何爲公事

君匪躬嫉惡好直危言危行始終不變率此類焉尋徵拜中書舍人公嘗誘掖後進苟有一善必延譽之潔己請益者亦誨導之不懈壬子歲翰林學士江公知貢舉始以進士王克貞等三人及第盡復舉場之故事獨由公左右贊成之江公卽長興三年盧華下及第嗣主因問北朝取人何如卿此來江公對以北朝公薦私囑相半若此來唯以公道選材實無有此事嗣主甚善之中書舍人張緯聞之以爲皆大朝及第不本江公之意甚銜之時宰執皆非名第同力欲罷此科遂下制輟應舉焉明年公兼判文理院遂首言此事纔復不可遽止乃

季

自

涉

街

季

徵

姑

久惟

徵

補身不升

以進士張□仲尼□□□□□□□□鳳賦朱觀老子猶
 龍賦郭賁無聲樂賦印葵石城虎踞賦寫之以進遂下
 制云去歲所司上言暫罷貢舉本難久廢況以經年其
 諸色舉人並宜依舊解送自此不復廢矣公之為文長
 於典雅直而不迂以理勝為貴其武成王廟碑序末云
 微臣學愧常師用慙兼備承明再入故無經國之材宣
 室徵還幸對受釐之間將使延州聽樂長聞雅正之聲
 圯上受書世出帝王之佐蔣莊武帝廟碑序末云微臣
 潤色無功討論奚取思問神於先聖始欲事君苟獲罪
 於玄穹曷容媚竈唯於舊史想見英風適當罷役之初

爰奉屬辭之詔西州作頌誠慙邑子見稱南國刊銘或
 望至尊所改又銘末云謝傅長逝王公不作獨我莊武
 先迂睿略斯皆披文相質立言邁俗豈為情見乎詞而
 已矣時江南建興建屯田楚州常州尤甚聚斂培克之
 輩侵奪射利民不聊生言事者累諫弗聽洎國老宋公
 上疏主者堅執不易於是命公往察訪一如親行可興
 可廢悉以便宜從事後奏公既行而羣黨已切齒矣楚
 州應非理遷入屯田之產業盡還本戶百姓謹譁感泣
 如釋犴狴次至常州亦如楚州處置協比眾惡之徒太上御名
 以擅作威福徵還私第待罪蒼蠅貝錦膠固組織詰難

余集行狀

季 屈

泰

季

季

于

于 貞

季

復

脩

于

問狀不容自理鍛鍊深刻將置大辟其貶制乃張緯所
草末云尙以年齡方壯文學甚優特出彝章宜從流放
於是長流舒州時弟錯任右拾遺集賢殿直學士亦貶
祕書郎分司東都公前左遷秦州弟亦貶烏江尉及流
舒州親友臨江相送韓相有詩云昔年淒斷此江湄風
滿征帆淚滿衣今日重憐鷓鴣羽不堪波上又分飛在
同城三年唯游覽勝境披翫典籍尤攻吟詠情性未嘗
以得喪薑芥於方寸撰周將軍廟碑銘文宣王廟碑序
喬公亭記九疊松讚皆足志之文刻於貞石及疊移饒
州未登途而周世宗之師過淮取舒斬公遽攜家榜小

舟由皖口歸昇州公賦詩末云一夜黃星照官渡本初
何面見田豐其情發於中不顧言之太直如此明年授
太子左諭德未幾獲知制誥拜中書舍人通署中書省
事時周世宗弭兵修好待嗣君以優禮異數凡表章往
復討論潤色多公所爲及世宗崩祭文實公視草嗣主
嘉賞時人傳寫爲之紙貴侍嗣主殂於豫章護喪歸建
業後主卽位官職如故而訪聞詢謀無改嗣主之道其
知舉也不獨考其文章必先察其德行故難於得人出
羣拔萃者最稱吳淑復以子妻之其所問策五道盡時
務政理之要後主並親答焉仍俾詞臣悉對之後主以

尚書省綱條弛紊官司怠棄積習已久思公正之人以糾劾提振之徙公爲尚書左丞逾月而罷以尚書右僕射游公判六司拜公爲工部侍郎知制誥翰林學士尋以憲署曠職法吏侮文非委直清不能嚴肅拜公御史大夫而佞用讒勝吾道不行於是奉身而退拜兵部尚書知制誥翰林學士以先奉命修嗣主實錄乃專以屬辭比事爲務後主每有著述必令公兄弟視草而後編錄故雜說公爲之序文集弟集賢舍人爲之序彼昔之二龍兩驥烏足以方茲令名焉王師之弔伐金陵也公急病讓夷請使於天朝以釋後主之前事辯疑分謗且

署

脩

謹

謹

服罪降名以鄙入爲請庶不墮奕世之國祀已行遂拜右僕射同參左右內史事及覲

太祖敷奏忠慤執議誠信雖不得請

太祖亦甚嘉歎美其秉節無撓旣復命自以不能副後主之望雪泣固讓不受其新命焉尋從後主歸朝授太子率更令

皇上登極素知公之文學優贍久司教令特授直翰林學士院拜給事中侍從

鑿輿下并汾襲僞之地巡狩魏博逐入寇之虜申威耀德因壘懷來告至策勳詔示填委雖翰林諸公盡熙帝

之載而公亦豫有力焉數年拜右散騎常侍慶恩升左散騎常侍末年公著靜齋自箴篆書刊石寘於座右曰爰有愚叟棲此陋室風雨可蔽戶庭不出知足爲富娛老以逸貂冠蟬冕虎皮羊質處之勿疑永爾終吉後之君子觀之有以見公名重益謙德成藏密與其一無所鑒而窺冀所不休者是天之戮民不可同年而語矣惟公未冠筮仕名稱籍甚日彰夙習非聚學辨問之所克也稟心忠正治身儉約公家之事知無不爲自幼至老惡其聚斂貪冒未嘗微寘於懷俸祿所入不問多少隨時供億而已居處求安不務顯敞但聊以蔽其風雨量

家所受餘分貸親故舊知寓止焉與人交有始有卒必誠必信人要不替雖中或不善人無閒然初與禮部尙書常夢錫給事中蕭儼之爲莫逆蓋以二公常忿宋國老狃於締太上御名之業包藏凶慝每章言其罪公亦同力嫉惡先主嗣主因審度爲虞故不任之以政及宋國老暮年因陳覺李徵古協謀不軌貫盈事發同時殛死嗣主追念常蕭與公疇昔敢言果今日之速禍也時常公已卒因言曰夢錫常欲殺齊巨恨其誅戮不見於是贈右僕射焉適後主從容言及此事公且曰夢錫先卒不見齊巨之敗嗣主已追贈矣唯臣與蕭儼之目覩朝典況

失

季

孤 郎

恒 季

臣塵忝官列八座矣獨蕭儼之往為理官以赦前一入
 貶黜吉州以老告退願以臣今所居官授儼之旌其先
 見後主由是召蕭儼之至建業以公所陳列慰勞特授
 工部尚書以年過懸車致仕居吉州給奉祿終身焉公
 於內外族視無疎密待之如一其有孤嫠無告者皆糾
 合收養稱家之有無隨事拯濟婚嫁視之如家人子雖
 讒口謗議紛紜盈耳公自信不疑唯恤念舊是急不知
 其他及左遷邠岐亦墜此獲譴矣有子曰夷直朗州桃
 源令先公疾卒女三人長適左贊善大夫高御名交次女
 適國子博士吳淑先公卒次女幼有才淑未笄而卒公

享年七十六某年月日以疾終於邠州官舍恬然神氣
 不亂唯禁家人勿哭以為坦化但囑以殯歸於洪州西
 山祔葬於烈考太夫人之墓即以某年月日洪州胡某
 以舟至京護載公之柩歸西山從理命也公業隆儒行
 奉五常而不墮志嚮道風稟三寶而無玷故其立言蘊
 德久而彌芳繕性觀妙老而益壯實古之人與克播遺
 風允資鴻筆謹狀

徐公行狀

大宋故靜難軍節度行軍司馬檢校工部尚書東海徐公墓誌銘

龔光祿大夫尚書右僕射兼中書侍郎平章事監修國史柱國隴西郡開國公李昉撰

上即位之元年冬以學士李昉獨直翰林詔太子率更令徐鉉入院分直視草是時昉與公以同道相知論交契之始也越四年春

率

天子帥六師親征太原并壘既平遂北幸塞垣耀兵盧龍秋七月凱歌歸於京師軍衛之中書詔填委公援筆馬上應答如流以扈蹕勞遷給事中直學士院如故又四年授右散騎常侍始罷文翰之職端拱元年帝

署

親耕籍田改左散騎常侍積階至金紫光祿大夫敘勳
 至上柱國累封至東海郡開國侯食邑一千戶以淳化
 二年秋九月檢校工部尚書出為靜難軍節度行軍司
 馬明年八月二十六日晨時起方冠帶遽命筆硯語左
 右曰吾疾作矣手疏一幅約束後事又別署一幅道者
 天地之母書訖而終年七十六陝西道轉運副使鄭適
 來邠州遂出家財竭力襄事即以其年十月奉遷靈柩
 還京師權厝於板橋東南之佛舍愛壻國子博士吳
 淑門生殿中丞杜鎬時皆典治中祕書遂以公凶訃聞
 上覽表軫惜詔出內府錢二十萬賜其家明年七月

命

讓

洪州奉新縣義門胡仲堯自豫章具舟楫迎公之喪葬
 於洪州新建縣西上之鸞岡原奉遺令從先塋也公字
 鼎臣其先會稽人自言生於揚州曾祖諱源祖諱徽皆
 隱德不仕父諱延休衛尉卿贈左僕射才高道直有名
 於時公幼孤與弟鎔俱苦節自立未弱冠以文行稱於
 時仕江南李氏周旋三世歷校書郎直宣徽北院尋直
 門下省三知制誥一遷司封郎中兩拜中書舍人再入
 翰林為學士自貶官起為太子右諭德由尚書左丞為
 兵部侍郎為御史大夫由大夫為吏部尚書由尚書為
 右僕射同參左右內史事堅讓不就王師下金陵隨後

主歸朝以太子率更令奉朝請今諫議大夫張公使說
 在江南時奉太夫人慈訓不妄游下帷著書雖親族罕
 見其面年十六遇李氏先主霸有南土辟命累至釋褐
 連任書府繇是經史百家爛然于胸中矣其典誥命也
 落筆灑翰應用無窮皆混然而成有雅正之體當時名
 士如韓熙載者無敵尤長於制誥公與之齊名其豫機
 密也居中守正無所附會雖在家宴居如對君父其恭
 慎也如此當時用事臣有陳覺魏岑者樂禍好權多撓
 時政公嫉之如讎其掌貢舉也至公取人不受私謁先
 策問而後詞賦進德行而黜浮華當時舉場號為得士

公弟內史舍人錯每主文柄亦以直道自持故江表後
 進力學未至者聞二徐為春官多望風引退其精鑒無
 私也如此其持憲也當官執法無所屈撓姦邪為之側
 目權貴因之斂手當時言風憲者惟公與故御史中丞
 江文蔚王師之渡江也公將本君之命使於朝廷且乞
 緩師以奉祭祀 太祖引見謂公曰汝主託疾不朝乖
 事大之禮況吾兵業已行無中輟之理歸報汝主善為
 之謀公因慷慨鋪陳自古成敗之道表明後主忠孝之
 節 太祖亦為之動容原禮之遣歸初大軍已圍建業
 後主思命於交兵之間左右咸有難色公欣然請行後

矣 汝 于

主謂之曰爾既往即當止江上救兵勿令東下公曰是行非全策今城中所恃者救兵奈何以臣此行止之後主曰比以和解為請復用決戰即是自相矛盾於爾得不危乎公曰今豈以一介之微而忘社稷之重但置臣於度外耳後主撫之泣下曰時危見節汝有之耳及歸朝

太祖盛怒責之曰吾向與汝言何為弗達於汝主且拒抗之罪皆爾所為公頓首謝曰臣為江南大臣而其國滅亡抵此死有餘罪餘復何言

太祖於是歎息曰忠於所事者乎汝當事我如事李氏命坐存撫甚厚故相太子太師王公溥一見如舊相識每有經史異義多質疑於公繇是琴樽嘯歌筆硯酬唱無有虛日相得甚歡故工部尚書李公穆有清識嘗語人曰吾觀江表冠蓋若中立有道之士惟徐公近之耳兵部侍郎王公祐負才尚氣未嘗輕許人及見公常言於朝曰文質彬彬學問無窮惟徐公耳公亦曰王公詞如江海心無城府真奇士也今吏部侍郎李公至翰林學士承旨蘇公易簡皆當世英俊奉公以師友之禮公仕朝廷將二十年前後錫賜所得俸祿所入備伏臘外未嘗蓄聚一金所居之地僅庇風雨惟古木數株每夏

秋之際霖潦爲患頽垣壞宇人不堪其憂而公處之晏如也江南故人子弟暨親族之孤遺者來投於公歲無虛月公分廩祿以卹之虛館舍以安之殆於終年未有倦色有布衣蒯亮者老而多誕游公之門僅五十稔年九十猶矍鑠不衰每從江南來詣公公置之道院日與之碁未嘗語及他事而待之如初公嘗言江南有處士朱眞白嘗語人曰今人或言不欺神明也吾嘗佩服斯言不敢爲欺心之事有故人謝岳嘗爲虢州盧氏令刺史與之有隙凡選舉之制過七十卽罷去遂奏謝年過不堪其任時江東初下任人有可疑者咸質於公謝因

私請曰某之齒公實知之苟朝廷問公不敢望公言未七十但言不知其年卽幸矣公曰君之甲子某具知之而云不知是欺天也苟或見問必以實對其至行無誑又如此公爲文智思敏速或求其文不樂豫作令其臨事見白立爲草之云速則意思壯敏緩則體勢疎慢公愛婿吳淑言江南宰相馮延巳常語人曰凡人爲文皆事奇語不爾則不足觀惟徐公不然率意而成自造精極時人以爲知言所著文多遺落今其存者編成三十卷又擬徐幹中論作質論數十篇集耳目聞見之異作稽神錄二十卷並行於世公文學之外長於篆隸其書

札之妙自成一家當世士大夫有得其書者無不寶之
 以為楷法任常侍日奉詔與直史館句中正等重修許
 慎說文自撰韻譜一十卷學者伏其精博公嘗慕老子
 清淨之教莊周齊物之理故內不能以得喪動外不能
 以榮辱干然而為學之心老而彌篤在邠州日以時俗
 文字偽謬乃親以隸字寫說文字體纖細正如蠅頭過
 數萬言年高目明洞見毫末其精力不怠如此夫人太
 原王氏子朗州桃源令夷直並先公而卒長女適吳氏
 早亡次女適左贊善大夫高慎交幼女十七娘才淑過
 人未及笄年而夭自為誌文詞甚淒楚意孔門四科德

行文學洪範五福壽考康寧在於古人鮮有兼美惟公
 高才懿行善始令終所謂登孔門之二科居洪範之三
 福也語曰善人吾不得而見之矣惜哉銘曰
 祖丘軻兮宗老莊奉三寶兮師五常生維揚兮仕建康
 歸皇宋兮老大梁歿幽土兮葬豫章儒林丈人兮今也
 則亡嗚呼

祭文

維淳化三年歲次壬辰十月辛酉朔十八日戊寅銀青
 光祿大夫行尚書吏部侍郎兼祕書監上柱國李至朝
 奉大夫左諫議大夫充史館修撰判館事上柱國賜紫

金魚袋楊徽之張洎等謹以清酌之奠致祭於 故左
騎省常侍徐公之靈惟公博識宏才懿文茂學如金之
渾如玉之璞天然渾成不加雕琢頃在江左已聞素履
及來 天庭孰不仰止周旋清顯殆將二紀相如視草
隰朋近侍篆籀稱絕典謨得體其馨如蘭其直如矢令
聞令望之才之美今也儒宗古之君子五百年來一人
而已道屈於位遇 休明之世未盡伸才困於命當衰
晚之年不得志嗟乎天地之間人生如寄自古迄今其
誰不死矧素髮之垂領復何悲乎已矣可惜者淪於遠
郡契闊千里鵬鳥之賦未成二豎之災奄至瀟于意兮

止一女鄧伯道兮終無子此素友清交門生故吏可以
失聲而長號汎瀾而屑涕以爲天道難忱善人如是至
受教文字執弟子之禮徽之洎有舊瀟湘敦故人之契
迎旅櫬於西郊風切切兮雨蕭蕭靈筵慘兮素帷動疑
眸蠻於寂寥嗚呼臨喪一奠庶英魂之可招尙享

東海徐公輓歌詞

李 至

吾道亡宗匠明時喪大儒傳家無嗣子封岳有遺書命
劣長沙賈名齊鄴下徐不知千古後文行復誰如
執友韓夫子傳家弟楚金人稱聯璧重世慕二龍深鮑
謝須慙德機雲亦醉心可憐黃壤下埋沒此瑤琳

海內才名重儒中學問高病猶不釋卷老亦自揮毫蠹
簡披皆識亡書誦豈勞如能百身贖爭惜一鴻毛
說文修古篆質論著新詞尙父鷹揚頌周瑜水戰碑家
藏爲世寶手寫作人師不惜歸宣室吾皇問受釐
薄暮邠郊遠何人不慘顏無兒見星往有妾護喪還舊
宅猶臨水空車卻度關平生衣上淚今日爲君斑

左散騎常侍東海徐公

此五公詠中之一

徐公眞丈夫不獨文章伯江南兵未解主憂臣慘戚公
願紓其難苦求使上國庶獲一言伸少息苞茅責其君
驚且歎執手涕沾臆謂言知爾晚何此忠義激天子叱
在庭請讓雷霆赫公亦從容對曾不渝神色仁者必有
勇斯亦古遺直書大略其小我有春秋癖所以此詩中
不言公翰墨庶警事君心勉旃希令德

後序

徐公旣沒門人等論次其文爲三十卷曩祕閣吳正儀
今翰林潁川公並爲之序論之詳矣都官員外郎胡君
克順通才博雅樂善好賢早游騎省之門深蒙鄉里之
眷寶茲遺集積有歲時鏤板流行庶博悠永因以丞相
趙郡文貞公鄧帥隴西公所作墓誌輓詠等列於左次
用垂茂實俾題於後以記厥由大中祥符九年八月太

降

後集後序
常丞集賢校理晏 殊序

明州重刊徐騎省文集後序

騎省徐公文集三十卷天禧閒尙書都官員外郎胡君
克順編錄刊行且奉表 上進

章聖皇帝隆詔獎諭參知政事陳公彭年爲之序引丞
相晏元獻公復爲後序騎省在江南有重名仕天朝爲
近侍以文翰忠直在當時諸公先旣歿丞相趙郡李文
貞公實誌其墓所以稱述推尊之者甚至距今且二百
年其英名偉節得以不泯而爲後學法者繫文集是賴
年世負遠兵火中厄鮮有存者偶得善本使公庫鏤板

以傳紹興十九年十一月十日右朝議大夫充敷文閣
待制知明州軍州事提舉學事賜紫金魚袋徐 琛跋

徐騎省集目錄

第一卷

文賦三首

詩三十首

第二卷

詩六十九首

歌一首

第三卷

詩七十五首

第四卷

詩七十二首

第五卷



NATIONAL CENTRAL LIBRARY, TAIWAN, R.O.C.

詩七十一首

第六卷

制誥二十九首

第七卷

制誥二十六首

第八卷

制誥三十六首

祭告文二首

第九卷

册九首

諡議一首

第十卷

碑銘五首

第十一卷

碑銘三首

第十二卷

碑銘五首

第十三卷

記七首

第十四卷

記三首

頌一首 并序

贊四首

銘二首

哀册文二首

第十五卷

墓誌七首

第十六卷

墓誌八首

第十七卷

墓誌七首

第十八卷

序八首

第十九卷

序六首

表四首

書五首

第二十卷

表四首

書五首

狀二首

文九首

第二十一卷

應制詩一十九首

寄送詩四十八首

第二十二卷

雜詩五十八首

文賦二首

第二十三卷

序九首

第二十四卷

序五首

連珠五首

贊四首

銘三首

論三首

第二十五卷

碑銘五首

第二十六卷

碑銘五首

第二十七卷

碑銘五首

第二十八卷

記十首

第二十九卷

墓誌六首

第三十卷

墓誌六首

徐騎省集卷第一

賦詩上



東海徐

鉉

木蘭賦



頌德賦


新月賦

頌德賦

東宮生日獻

惟先王之建國體皇極而垂制仰則觀於辰象俯則察於地義前星為帝座之輔蒼震乃少陽之位非明德與茂親不足膺茲主器故萬邦以貞而本支百世是必天賜嘉祉神輸百祥山河資其正氣日月分其融光應期運以載誕配乾坤而永昌者也惟我儲后昭明俊德黃

貞枝
錫膺



讓

敬

驚

於

於

効

召

思

貞

徵

後集卷一
裳元吉沈潛剛克鈞深致遠曾莫揖其津涯問安視膳
每或形於顏色在昔沖讓高追太伯乃剖麟符保釐東
宅受道師傅稽疑典冊化自誠心風行邦國乃擁千旌
南徐之城左撫句吳前封敬亭京師河潤盛德日新其
畏如夏其惠如春謝傅圍棊靜一方之沴氣條侯高臥
息萬里之驚塵令問孔昭元功莫二人情不可以久鬱
皇統不可以終避乃畏天命允茲儲貳鳴玉軌以徐來
與春郊而總至龍樓霧廓雞戟風生珍符疊委和氣交
迎百度以之而式序多壘以之而載清史書有年衢傳
頌聲豈人事之協贊信宗祊之降靈于是玄圃凝陰瑤

山密雪宣猷之緹幕半下濛汜之曾冰乍結爰書慶誕
之日始過嘉平之節麗正晨啟重明夙設調護之客娛
侍之臣褰冠煒燁佩玉璘玢咸稽首而再拜獻多福于
萬春有宮坊之下吏乃捧觴而進稱曰自古聖賢率由
輔導伊狗名與課實故成敗之異效粵若成王史直周
呂左右前後惟仁與孝靡過不舉無善不告茲君臣之
一體故風聲之克劭降及後代亦慎厥初實聘四老復
延二疏咸由古道以佑皇儲若乃征和戾園有用臺博
望之盛貞觀承乾有玄齡魏徵之重或有其禮而無人
或有其人而不用何擇禍之忘輕信非賢而罔共英英

在

於
於

効

樹
庭下

徵
于

樹

樹

副君鑒知古今百揆在乎手萬務經其心朝廷之所寄者重蒼生之所望者深既賞興王之諫亦訪百官之箴故曰生民有勤好問則裕不躬不親人將執信一游一豫樂有常度節八音以導其和平調五味以適其喜怒情義兼于家國故知無不為愛敬極於君親故惟道是諭儉以足用而施舍不可不行仁以接物而刑罰不可不具冗官宜省而才不可遺疆事漸寧而備不可去居安思危觀災而懼上分一人之憂以成天下之務俾中外之禔福與宗祧而永固伊下臣之不佞蒙國士之殊遇實含和而吐頌豈登高之能賦願降鑒於芻蕘庶效

誠於塵露

木蘭賦 并序

頃歲鉉左宦江陵官舍數畝委之而去庭木蘭因移植於宗兄之家及鉉徵還席不遑暖又竄於舒庸吾兄感春物之載華擬古詩而見寄吟翫感歎謹賦以和焉雖不足繼體物之作庶幾申騷客之情爾

伊庭中之奇樹木蘭之可悅外爛爛以凝紫內英英而積雪芬芳兮謝客之囊旖旎兮仙童之節仙人有許蒲紫旄節茸之竊比聽蘭牙之並列於是辭下土之卑溼歷上京之繁華恥銜價於豪門乃託根於貧家此樹移本自歷陽植於庭中

組

草
効

夕

貞

桓

于

纒

顛

後集卷一

資幽人之賞豫有好事之稱嗟一旦逐客程遠君門路
 賒削閨籍與印綬豈獨留乎此花噫人屢遐棄花猶得
 地分兔苑之餘蔭向藩房而吐媚授簡多暇攀條屬思
 持香花以予比效騷辭而我寄感此生之百憂何斯物
 之足貴悲夫客館長吟山城市陰想馨香之不改歎歡
 宴之難尋憑歸夢於飛翼寫商歌於素琴歌曰光景兮
 愁暮別離兮易久真宰兮無黨貞心兮不朽誠知異日
 重滋田氏之荆但恐相逢共歎桓公之柳

新月賦

庚午歲宿直作

五月五日繁陰乍晴倬彼新月麗於太清映玉繩而絢

彩揜銀漢以騰精對鳩鵲西南之影步光明東北之楹
 歷歷遲漏悠悠我情雖萬古之不易感一年而始生乃
 有駮女癡男朱顏稚齒欣春物之駘蕩登春臺之靡迤
 雜佩璀璨輕裾颯灑紛乎拜祝怡然晏喜人歲歲以潛
 換景年年而若此昔我當年胡云不然世路多故流光
 暗遷易壯心於大觀變玄髮於華顛顧一毛之無濟媿
 兩綬之徒懸況乎萬象虛明九門奧秘對宣室以方罷
 閱通宵而不寐憂心似醉旣慷慨於君恩急景如馳更
 淒涼於往事想愬月以長歌遂抽毫而見意

詩

卷一

四

早春左省寓直

旭景鸞臺上微雲象闕閒時清政事少日永直官閑遠
籟飛簫管零冰響珮環終軍年二十默坐叩玄關

寒食宿陳公塘上

垂楊界官道茅屋倚高坡月下春塘水風中牧豎歌折
花閑立久對酒遠情多今夜孤亭夢悠揚奈爾何

將去廣陵別史員外南齋

家聲曾與金張輩官署今居何宋閒起得高齋臨靜曲
種成奇樹學他山鴛鸞終日同醒醉蘿薜常時共往還
賤子今朝獨南去不堪迴首望清閑

將過江題白沙館

少長在維揚依然認故鄉金陵佳麗地不道少風光稍
望吳臺遠行登楚塞長殷勤語江嶺歸夢莫相妨

登甘露寺北望

京口潮來曲岸平海門風起浪花生人行沙上見日影
舟過江中聞櫓聲芳草遠迷揚子渡宿煙深映廣陵城
游人鄉思應如橘相望須含兩地情

山路花

不共垂楊映綺寮倚山臨路自嬌嬈游人過去知香遠
谷鳥飛來見影搖半隔煙嵐遙隱隱可堪風雨暮蕭蕭

楊

署

樹

城中春色還如此幾處笙歌案舞腰

京口江際弄水

退公求靜獨臨川揚子江南二月天百尺翠屏甘露閣
數帆晴日海門船波澄瀨石寒如玉草接汀蘋綠似煙
安得乘槎更東去十洲風外弄潺湲

早春旬假獨直寄江舍人

省署皆歸沐西垣公事稀詠詩前砌立聽漏向申歸遠
思風醒酒餘寒雨濕衣春光已堪採芝蓋共誰飛

從駕東幸呈諸公

吳公臺下舊京城曾擗衡門過十春別後不知新景象

信來空問故交親宦游京口無高興習隱鍾山限俗塵
今日喜為華表鶴況陪鸚鵡免迷津

重游木蘭亭

繚繞長隄帶碧潯昔年游此尚青衿蘭橈破浪城陰直
玉勒穿花苑樹深官路塵埃成久別仙家風景有誰尋
那知年長多情後重凭欄干一獨吟

賦得綵鷺

縷綵成飛鷺迎和啟蟄時翠翹生玉指繡羽拂文楣詎
費銜泥力無勞剪爪期化工今在此翻怪社來遲

送魏舍人仲甫為蘄州判官

從事斬春興自長
斬人應識紫薇郎
山資足後拋名路
莼菜秋來憶故鄉
以道卷舒猶自適
臨戎談笑固無妨
如聞郡閣吹橫笛
時望青谿憶野王

題殷舍人宅木芙蓉

憐君庭下木芙蓉
嫋嫋纖枝淡淡紅
曉吐芳心零宿露
晚搖嬌影媚清風
似含情態愁秋雨
暗減馨香惜菊叢
默飲數杯應未稱
不知歌管與誰同

送史館高員外使嶺南

東觀時閑暇還修
諭蜀書雙旌馳縣道
百越從軺車桂蠹
晨殮罷貪泉訪古
初春江多好景莫
使醉吟疎

春日紫巖山期客不至

郊外春華好人家
帶碧谿踐莎藏鴨戲
輕靄隔雞啼掩映
紅桃谷黃緣翠柳堤
王孫竟不至芳草自
萋萋

宿蔣帝廟明日遊山南諸寺

便返城闈尚未甘
更從山北到山南
花枝似雪春雖半
桂魄如眉月始三
松蓋遮門寒黯黯
柳絲妨路翠毵毵
登臨莫怪偏留戀
游宦多年事事諳

賦得有所思

所思何在杳難尋
路遠山長水復深
衰草滿庭空伫立
清風吹袂更長吟
忘情好醉青田酒
寄恨宜調綠綺琴

落日鮮雲偏聚散可能知我獨傷心

贈王貞素先生

先生嘗已佩真形紺髮朱顏骨氣清道祕未傳鴻寶術
院深時聽步塵聲遼東幾度悲城郭吳市終應變姓名
三十六天皆有籍他年何處問歸程

春夜月

幽人春望本多情況是花繁月正明竟夕無言亦無寐
繞階芳草影隨行

愛敬寺有老僧嘗遊長安言秦雍閒事歷歷可
聽因贈此詩兼示同行客

白首棲禪者嘗談灞滻游能令過江客偏起失鄉愁室
倚桃花崦門臨杜若洲城中無此景將子剩淹留

游蔣山題辛夷花寄陳奉禮

本約陳同
游不至

今歲游山已恨遲山中幸喜見辛夷簪纓且免全爲累
桃李猶堪別作期晴後日高偏照灼晚來風急漸離披
山郎不作同行伴折得何由寄所思

徐騎省集卷第一

南陵徐乃昌校

國家圖書館, NATIONAL CENTRAL LIBRARY, TAIWAN, R.O.C.



徐騎省集卷第二 詩二

東海徐鉉

和殷舍人蕭員外春雪

萬里春陰乍履端
廣庭風起玉塵乾
梅花嶺上連天白
蕙草堦前特地寒
晴去便爲經歲別
興來何惜徹宵看
此時鴛侶皆閑暇
贈答詩成禁漏殘

寄蘄州高郎中

賈傅棲遲楚澤東
蘭皋三度換秋風
紛紛世事來無盡
黯黯離魂去不通
直道未能勝社鼠
孤飛徒自歎冥鴻
知君多少思鄉恨
併在山城一笛中

寄和州韓舍人

急景駸駸度遙懷處處生風頭乍寒暖天色半晴陰久
別魂空斷終年道不行殷勤雲上鴈爲過歷陽城

從兄龍武將軍沒於邊戍過舊營宅作

前年都尉沒邊城帳下何人領舊兵徼外瘴煙沈鼓角
山前秋日照銘旌笙歌卻返烏衣巷部曲皆歸細柳營
今日園林過寒食馬蹄猶擬入門行

景陽臺懷古

六言

後主亡家不悔江南異代長春今日景陽臺上閑人何
用傷神

春分日

仲春初四日春色正中分綠野裴回月晴天斷續雲鸞
飛猶箇箇花落已紛紛思婦高樓晚歌聲不可聞

寄鴛部郎中

贍

賤子乖慵性頻爲省直牽交親每相見多在相門前君
獨疎名路爲郎過十年炎風久成別南望思悠然

和王庶子寄題兄長建州廉使新亭

謝守高齋結御名新一方風景萬家情羣賢詎減山陰會
遠俗初聞正始聲水檻片雲長不至訟庭織草轉應生
阿連詩句偏多思遙想池塘晝夢成

謝文靜墓下作

時閩嶺用師契丹陷梁宋

越徼稽天討周京亂虜塵蒼生何可奈江表更無人豈
憚尋荒壘猶思認後身春風白楊裏獨步淚霑巾

觀人讀春秋

日覺儒風薄誰將霸道羞亂臣無所懼何用讀春秋

秋日雨中與蕭贊善訪殷舍人於翰林座中作

野出西垣步步遲秋光如水雨如絲銅龍樓下逢閑客
紅藥堦前訪舊知亂點乍滋承露處碎聲因想滴蓬時
銀臺鎖入須歸去不惜餘歡盡酒卮

送和州張員外為江都令

經年相望隔重湖一旦相逢在上都塞詔官班聊慰否
埋輪意氣尚存無由來聖代憐才子始覺清風激懦夫
若向西岡尋勝賞舊題名處為躊躇

和明道人宿山寺

聞道經行處山前與水陽磬聲深小院燈影迴高房落
宿依棲角歸雲擁殿廊羨師閑未得早起逐班行

晚歸

暑服道情出煙街薄暮還清風飄短袂馬健弄連環水
靜聞歸櫓霞明見遠山過從本無事從此涉旬閒

月真歌

廣陵妓人翰林殷舍人所錄攜之垂訪筵上贈此

楊

殷
聞

月
殷

殷
署

殷
貞

揚州勝地多麗人其間麗者名月真月真初年十四五能彈琵琶善歌舞風前弱柳一枝春花裏嬌鶯百般語揚州帝京多名賢其間賢者殷德川德川初秉綸閣筆職近名高常罕出花前月下或遊從一見月真如舊識閑庭深院資賢宅宅門巖峻無凡客垂簾偶坐惟月真調弄琵琶郎爲拍殷郎一旦過江去鏡中嬾作孤鸞舞朝雲暮雨鎮相隨石頭城下還相遇二月三日江南春滿城濛濛起香塵隔牆試聽歌一曲乃是資賢宅裏人綠窓繡幌天將曉殘燭依依香裊裊離腸卻恨苦多情輾障熏籠空悄悄殷郎去冬入翰林九霄官署轉深沈

人閒想望不可見唯向月真存舊心我慙鬪茸何爲者長感餘光每相假陋巷蕭條正揜扉相攜訪我衡茅下我本山人愚且真歌筵飲席常無情自從一見月真後至今贏得顛狂名殷郎月真聽我語少壯光陰能幾許良辰美景數追隨莫教長說相思苦

走筆送義興令趙宣輔

聞君孤棹汎荆谿谿隴首雲隨別恨飛杜牧舊居憑買取他年藜杖願同歸

天闕山絕句

散誕愛山客淒涼懷古心寒風天闕晚盡日倚軒吟

除夜

寒燈耿耿漏遲遲送故迎新了不欺往事併隨殘曆日
春風寧識舊容儀預慙歲酒難先飲更對鄉儺羨小兒
吟罷明朝贈知己便須題作去年詩

寄鍾謨

看看潘鬢二毛生昨日林梢又轉鶯欲對春風忘世慮
敢言罇酒召時英假中西閣應無事筵上南威幸有情
不得車公終不樂已教紅袖出門迎

正初答鍾郎中見招

高齋遲景雪初晴風拂喬枝待早鶯南省郎官名籍籍

佈

東隣妓女字英英流年倏忽成陳事春物依稀存舊情
新歲相思自過訪不煩虛左遠相迎

聞鴈寄故人

久作他鄉客深慙薄宦非不知雲上鴈何得每年歸夜
靜聲彌怨天空影更微往年離別淚今夕重霑衣

江舍人宅筵上有妓唱和州韓舍人歌辭因以寄

良宵絲竹偶成歡中有佳人俯翠鬢白雪飄飄傳樂府
阮郎憔悴在人間清風朗月長相憶佩蕙紉蘭早晚還
深夜酒空筵欲散向隅惆悵鬢堪班

初

寒食日作

厨冷煙初禁門閉日更斜東風不好事吹落滿庭花過
社紛紛鶯新晴淡淡霞京都盛遊觀誰訪子雲家

賀殷游二舍人入翰林江給事拜中丞

清晨待漏獨徘徊霄漢懸心不易裁閣老深嚴歸翰苑
夕郎威望拜霜臺青綾對覆蓬壺晚赤棒前驅道路開
猶有西垣廳記在莫忘同草紫泥來

歐陽太監雨中視決堤因墮水明日見於省中

因戲之

聞道張晨蓋徘徊石首東濬川非伯禹落水異三公衣

濕仍愁雨冠欹更怯風今朝復相見疑是葛仙翁

送吳郎中為宣州推官知涇縣

征虜亭邊月雞鳴伴客行可憐何水部今事謝宣城風
物聊供賞班資莫繫情同心不同載留滯為浮名

寄舒州杜員外

信到得君書知君已下車粉闥情在否蓮幕興何如人
望徵賢入余思從子居灤山真隱地憑為卜茅廬

九月十一日寄陳郎中

我多吏事君多病寂絕過從又幾旬前日龍山煙景好
風前落帽是何人

和司門郎中陳彥

衡門寂寂逢迎少不見仙郎向五旬莫問龍山前日事
菊花開卻爲閑人

賦得擣衣

江上多離別居人夜擣衣拂砧知露滴促杵恐霜飛漏
轉聲頻斷愁多力自微裁縫依夢見腰帶定應非

九月三十夜雨寄故人

獨聽空堦雨方知秋事悲寂寥旬假日蕭颯夜長時別
念紛紛起寒更故故遲情人如不醉定是兩相思

寄撫州鍾郎中

時王師敗績於
閩中謨在建州

去載分襟後尋文在建安封疆正多事罇俎若爲歡都
護空遺鏃明君欲舞干繞朝時不用非是殺身難

送歐陽太監遊廬山

家家門外廬山路唯有夫君乞假遊按牘乍拋公署晚
林泉已近署天秋海潮盡處逢陶石江月圓時上庾樓
此去蕭然好長往人閒何事不悠悠

立秋後一日與朱舍人同直

一宿秋風未覺涼數聲宮漏日猶長林泉無計消殘暑
虛向華池費稻粱

賦得霍將軍辭第

大

案署

署

瑤

漢將承恩久圖勳肯顧私匈奴猶未滅安用以家為郢
匠雖聞詔衡門竟不移寧煩張老頌無待晏嬰辭甲乙
人徒費親鄰我自持悠悠千載下長作帥臣師

和元帥書記蕭郎中觀習水師

元帥樓船出治兵落星山外火旗明千帆日助江陵勢
萬里風馳下瀨聲殺氣曉嚴波上鷁凱歌遙駭海邊鯨
仲宣一作從軍詠迴顧儒衣自不平

秋日廬龍邨舍

置卻人間事閑從野老游樹聲村店晚草色古城秋獨
鳥飛天外閑雲度龍頭姓名君莫問山木與虛舟

樹 閣

和蕭郎中小雪日作

征西府裏日西斜獨試新爐自煮茶籬菊盡來低覆水
寒鴻飛去遠連霞寂寥小雪閑中過班駁輕霜鬢上加
算得流年無奈處莫將詩句祝蒼華

中書相公谿亭閑宴依韻 李建勳

雨霽秋光晚亭虛野興迴沙鷗掠岸去谿水上堦來客
傲風欹幘筵香菊在盃東山長許醉何事憶天台

寄饒州王郎中效李白體

珍重王先嗣交情尚在不蕪城連宅住楚塞並車游別
後官三改年來歲六周銀鈎無一字何以緩離愁

塞 空 欺 光

寄歙州呂判官

任公郡占好山川谿水縈迴路屈盤南國自來推勝境
故人此地作郎官風光適意須留戀祿秩資貧且喜歡
莫憶班行重迴首是非多處是長安

宣威苗將軍貶官後重經故宅

蔣山南望近西坊亭館依然鑱院牆天子未嘗過細柳
將軍尋已成墩煌史萬歲嘗謫戍墩煌欹傾怪石山無色零落
圓荷水不香為將為儒皆寂寞門前愁殺馬中郎

附池州薛郎中書因寄歙州張員外

新安從事舊臺郎直氣多才不可忘一旦江山馳別夢

岐

幾年簪紱共周行岐分出處何方是情共窮通此義長
因附鄰州寄消息接輿今日信為狂

寄江都路員外

吾兄失意在東都聞說襟懷任所如已縱乖慵為傲吏
有何關鍵制豪胥縣齋晚閉多移病南畝秋荒憶遂初
知道故人相憶否嵇康不得嬾修書

張員外好茅山風景求為句容令作此送

句曲山前縣依依數舍程還同適勾漏非是厭承明柳
谷供詩景華陽契道情金門容傲吏官滿且還城

送應之道人歸江西

曾騎竹馬傍洪涯二十餘年變物華
客夢等閑過驛閣歸帆遙羨指龍沙
名題小篆矜垂露詩作吳吟對綺霞
歲暮定知迴未得信來憑爲寄梅花

送元帥書記高郎中出爲婺源建威軍使

寒風蕭瑟楚江南記室戎裝挂錦帆
倚馬未曾妨笑傲斬牲先要厲威嚴
危言昔日嘗無隱壯節今來信不凡
唯有盃盤思上國酒醪甜淡菜蔬甘

游方山宿李道士房

從來未面李先生借我西牕臥月明
二十三家同願識素驪何日暫遙城

題畫石山

彼美巉巖石誰施黼藻功回巖明照地
絕壁爛臨空錦段鮮須濯羅屏展易窮
不因秋蘚綠非假晚霞紅羽客藏書洞
樵人取箭風靈蹤理難問仙路去何通
返駕歸塵裏留情向此中迴瞻畫圖畔
遙羨面山翁

臨石步港

碕岸隳縈帶微風起細漣綠陰三月後
倒影亂峰前吹浪游鱗小黏苔碎石圓
會將腰下組換取釣魚船

病題二首

性靈慵懶百無能唯被朝參遣夙興
聖主優容恩未答

腸

丹經疎闊病相陵，脾傷對客偏愁。酒眼暗看書，每媿燈
進與時乖，不知退可憐。身計漫騰騰，
人間多事本難論。況是人閒，嬾慢人不解養生，何怪病
已能知命，敢辭貧。向空咄咄，煩書字與世滔滔，莫問津
金馬門前君識否。東方曼倩是前身。

寄江州蕭給事

夕郎憂國不憂身，今向天涯作逐臣。魂夢暗馳龍闕曙，
嘯吟閑繞虎谿春。朝車載酒過山寺，諫紙題詩寄野人。
惆悵懦夫何足道，自離羣後已同塵。

和州酬江中丞見寄

賈傅南遷久，江關道路遙。北來空見鴈，西去不如潮。鼠
穴依城社，鴻飛在次寥。高低各有處，不擬更相招。

和鍾郎中送朱先輩還京垂寄

分司洗馬無人問，辭客殷勤輟棹過。蒼蘚滿庭行徑小，
高梧臨檻雨聲多。春愁盡付千盃酒，鄉思遙聞一曲歌。
且共勝遊消永日，西岡風物近如何。

送郝郎中爲浙西判官

大藩從事本優賢，幕府仍當北固前。花繞樓臺山倚郭，
寺臨江海水連天。恐君到卽忘歸日，憶我遊曾歷二年。
若許他時作閑伴，殷勤爲買釣魚船。

閒
殷

殷
歌

閒
曙

翰林游舍人清明日入院中途見過余明日亦
入西省上直因寄游君

榆柳開新焰梨花發故枝輜輶隘城市圭組坐曹司獨
對芝泥檢遙憐白馬兒禁林還視草氣味兩相知

陪王庶子游後湖涵虛閣

東宮園

懸圃清虛乍過秋看山尋水上茲樓輕鷗的的飛難沒
紅葉紛紛晚更稠風卷微雲分遠岫浪搖晴日照中州
躋攀況有承華客如在南皮奉勝遊

柳枝辭十二首

把酒憑君唱柳枝也從絲管遽相隨逢春只合朝朝醉

遞

記取秋風葉落時

南園日暮起春風吹散楊花雪滿空不惜楊花飛也得
愁君老盡臉邊紅

陌上朱門柳映花簾鉤半捲綠陰斜憑郎暫駐青驄馬
此是錢塘小小家

夾岸朱顏柳映樓綠波平慢帶花流歌聲不出長條密
忽地風迴見綵舟

老大逢春總恨春綠楊陰裏最愁人舊游一別無因見
嫩葉如眉處處新

濛濛堤畔柳含煙疑是陽和二月天醉裏不知時節改

欄

漫隨兒女打鞦韆

水閣春來乍減寒
曉妝初罷倚闌干
長條亂拂春波動
不許佳人照影看

柳岸煙昏醉裏歸
不知深處有芳菲
重來已見花飄盡
惟有黃鸝囀樹飛

此去仙源不是遙
垂楊深處有朱橋
共君同過朱橋去
密映垂楊聽洞簫

暫別揚州十度春
不知光景屬何人
一帆歸客千條柳
腸斷東風楊子津

仙樂春來案舞腰
清聲偏似傍嬌饒
應緣鸞舌多情賴

長向雙成說翠條

鳳笙臨檻不能吹
舞袖當筵亦自疑
惟有美人多意緒
解衣芳態畫雙眉

徐騎省集卷第二

南陵徐乃昌校



國家圖書館, NATIONAL CENTRAL LIBRARY, TAIWAN, R.O.C.

徐騎省集卷第三

詩三

東海徐鉉

貶官秦州出城作

浮名浮利信悠悠四海干戈痛主憂
三諫不從爲逐客一身無累似虛舟
滿朝權貴皆曾忤繞郭林泉已徧游
唯有戀恩終不改半程猶自望城樓

過江

別路知何極離腸有所思登艫望城遠
搖櫓過江遲新岸煙中失長天水際垂
此心非橘柚不爲兩鄉移

經東都太子橋

榜

斷

秦

綸闈放逐知何道
桂苑風流且暫歸
莫問升遷橋上客
身謀疎拙舊心違

贈維揚故人

東京少長認維桑
書劍誰教入帝鄉
一事無成空放逐
故人相見重淒涼
樓臺寂寞官河晚
人物稀疏驛路長
莫怪臨風惆悵久
十年春色憶維揚

秦州道中卻寄東京故人

風緊雨淒淒
川迴岸漸低
吳州林外近
隋苑霧中迷
聚散紛如此
悲歡豈易齊
料君殘酒醒
還聽子規啼

得浙西郝判官書未及報聞燕王移鎮京口因

寄此詩問方判官田書記消息

秋風海上久離居
曾得劉公一紙書
淡水心情長若此
銀鈎蹤迹更無如
嘗憂坐側飛鴉鳥
未暇江中覓鯉魚
今日京吳建朱邸
問君誰共曳長裾

贈陶使君求梨

昨宵宴罷醉如泥
惟憶張君大谷梨
白玉花繁曾綴處
黃金色嫩乍成時
冷侵肺腑醒偏早
香惹衣襟歇倍遲
今旦中山方酒渴
唯應此物最相宜

陳覺放還至秦州以詩見寄作此答之

朱雲曾爲漢家憂
不怕交親作世仇
壯氣未平空咄咄

狂言無驗信悠悠今朝我作傷弓鳥卻羨君爲不繫舟
勞寄新詩平宿憾此生心氣貫清秋

王三十七自京垂訪作此送之

失鄉遷客在天涯門揜苔垣向水斜只就鱗鴻求遠信
敢言車馬訪貧家煙生柳岸將垂縷雪壓梅園半是花
惆悵明朝尊酒散夢魂相送到京華

陶使君挽歌二首

太守今何在行春去不歸筵空收管吹郊迴儼驂駢營
外星纔落園中露已稀傷心梁上鷺猶解向人飛
始憶花前宴笙歌醉夕陽那堪城外送衰挽逐歸艤鈴

閣朝猶閉風亭日已荒唯餘遷客淚霑灑後池旁

雪中作

賦分多情客經年去國心踈鐘寒郭晚密雪水亭深影
迴鴻投渚聲愁雀噪林他鄉一尊酒獨坐不成斟

賦得風光草際浮

宿露依芳草春郊古陌旁風輕不盡偃日早未晞陽耿
耿依平遠離離入望長映空無定彩飄逕有餘光颭若
荷珠亂紛如爝火颺詩人多感物凝思繞池塘

寒食成判官垂訪因贈

常年寒食在京華今歲清朝在海涯遠巷蹋歌深夜月

牧

蹤

蘆

閑

唯

驚

隔牆吹管數枝花
鴛鴦得路音塵闊
鴻鴈分飛道里賒
不是多情成二十
斷無人解訪貧家

送客至城西望圖山因寄浙西府中

枚叟鄒生笑語同
莫嗟江上聽秋風
君看逐客思鄉處
猶在圖山更向東

送寫真成處士入京

傳神踪跡本來高
澤畔形容媿彩毫
京邑功臣多伫望
凌煙閣上莫辭勞

九日雨中

茱萸房重雨霏微
去國逢秋此恨稀
目極暫登臺上望

心遙長向夢中歸
荃蘆路遠愁霜早
兄弟鄉遙羨鴈飛
唯有多情一枝菊
滿盃顏色自依依

寄外甥苗仲武

放逐今來漲海邊
親情多在鳳臺前
且將聚散爲閒事
須信華枯是偶然
蟬噪疎林村倚郭
鳥飛殘照水連天
此中惟欠韓康伯
共對秋風詠數篇

寄從兄憲兼示二弟

別路吳將楚
離憂弟與兄
斷雲驚晚吹
秋色滿孤城
信遠鴻初下
鄉遙月共明
一枝棲未穩
迴首望三京

附書與鍾郎中因寄京妓越賓

暮春橋下手封書海陵橋名寄向南江問越姑不道諸郎少
歡笑經年相別憶儂無

鍾代答

一幅輕綃寄海濱越姑長感昔時恩欲知別後情多少
點點憑君看淚痕

酬 竟

亞元舍人不替深知猥貽佳作三篇清絕不敢
輕酬因爲長歌聊以爲報未竟復得子喬校
書示問故兼寄陳君庶資一笑耳

海陵城裏春正月海畔朝陽照殘雪城中有客獨登樓
遙望天邊白銀闕天帝以黃金白銀闕下何英英雕鞍

趨

閑 躬

驚

繡轂趨承明閭門曉闢旌旗影玉墀風細佩環聲此處
追飛皆俊彥當年何事容疵賤懷鉛晝坐紫薇宮焚香
夜直明光殿王言簡靜官司閒朋好殷勤多往還新亭
風景如東洛邙嶺林泉似北山光陰暗度盃盃裏職業
未妨談笑閒有時邀賓復攜妓造門不問都非是酣歌
叫笑驚四鄰賦筆縱橫動千字任他銀箭轉更籌不怕
金吾司夜吏可憐諸貴賢且才時情物望兩無猜伊余
獨稟狂狷性褊量多言仍薄命吞舟可漏豈無恩負乘
自貽非不幸一朝削跡爲遷客旦暮青雲千里隔離鴻
別鴈各分飛折柳攀花兩無色盧龍渡口問迷津瓜步

山前送暮春

去年三月三十日瓜步阻風

白沙江上曾行路青林花

落何紛紛漢皇昔幸回中道

昇中扈駕東元遊之路

極目牛羊臥

芳草舊宅重遊盡隙荒故人相見多衰老禪智寺山光

橋風瑟瑟兮雨蕭蕭行盃已醒殘夢斷征途未極離魂

消海陵郡中陶太守相逢本是隨行舊乍申拜起已開

眉卻問辛勤還執手精廬外榭最清幽一稅征車聊駐

留閉門思過謝來客知恩省分寬離憂郡齋勝境有後

池山亭茵閣互參差有時虛左來相召舉白飛觴任所

為多才太守能搥鼓醉送金船閒歌舞酒酣耳熱眼生

花暫似京華歡會處歸來旅館還端居清風朗月夜牕

問

朗

佐

虛駸駸流景歲云暮天涯望斷故人書春來憑檻方歎

息仰頭忽見南來翼足繫紅牋墮我前引頸長鳴如有

言開緘試讀相思字乃是多情喬亞元短韻三篇皆麗

絕小梅寄意情

亞元詩云借得小梅應得信春風新自海邊來此篇尤嘉

偏切金蘭

投分一何堅銀鈎置袖終難滅醉後狂言何足奇感君

知已不相遺長卿曾作美人賦玄成今有責躬詩

鉉去春醉

情未盡珍重芸香陳子喬亦解貽書遠相問甯須買藥

療羈愁只恨無書消鄙吝

子喬問藥物所要又游處當問置新書故有此句

時靡不同歡娛今日兩成空天子尙應憐賈誼時人未

要嘲揚雄曲終筆閣緘封已翩翩驛騎行塵起寄向中朝謝故人爲說相思意如此

送蒯司錄歸京

早年聞有蒯先生二十餘年道不行抵掌曾論天下事折腰猶悟俗人情老還上國歡娛少貧聚歸資結束輕遷客臨流倍惆悵吟風黃葉滿山城

聞查建州陷賊寄鍾郎中

謨卽查從事也

聞道將軍輕壯圖螺城江下委犀渠旌旗零落沈荒服簪履蕭條返故居皓首應全蘇武節故人誰得李陵書自憐放逐無長策空使盧湛淚滿裾

還過東都留守周公筵上贈座客

賈生三載在長沙故友相思道路賒已分終年甘寂寞豈知今日返京華麟符上相思偏厚隋苑留歡日欲斜明旦江頭倍惆悵遠山芳草映殘霞

送楊郎中唐員外奉使湖南

江邊微雨柳條新握節含香二使臣兩綬對懸雲夢日方舟齊汎洞庭春今朝草木逢新律昨日山川滿戰塵同是多情懷古客不妨爲賦弔靈均

表弟包穎見寄

此子侍親在饒州累年臥病

常思帝里奉交親別後光陰屈指頻蘭佩卻歸綸閣下

荆枝猶寄楚江濱十程山水勞幽夢滿院煙花醉別人
料得此生強健在會須重賞昔年春

和

平生中表最情親浮世那堪聚散頻謝眺卻吟歸省閣
劉楨猶自臥漳濱舊游半似前生事要路多逢後進人
且喜新吟報強健明年相望杏園春

寄蕭給事

蕭江西致仕

危言危行古時人歸向西山臥白雲買宅尙尋徐處士
餐霞終訪許真君容顏別後應如故詩詠年來更不聞
今日城中春又至落梅愁緒共紛紛

送鍾員外詩序

歲辛亥冬十月天子命吾友德林爲東府亞尹太弟諭
德蕭君泊諸客餞於石頭城雲日蒼茫園林搖落尊酒
將竭征帆欲飛處者眷眷而不能迴行者遲遲而不忍
去煙生景夕風靜江平君子曰公足以滅私子當促棹
詩所以言志我當分題故以風月松竹山石寄情於贈
別云爾兵部員外郎知制誥徐鉉序

贈石奉送德林少尹員外

鉉上

我愛他山石中含絕代珍煙披寒落落沙淺靜磷磷翠
色辭文陛清聲出泗濱扁舟載歸去知是汎槎人

賦月

蕭或上

麗漢金波滿當筵玉斝傾因思頻聚散幾復換虧盈光
徹離襟冷聲符別管清那堪還自此兩地倚樓情

賦竹

孫峴上

萬物中蕭灑修篁獨逸羣貞姿曾冒雪高節欲凌雲細
韻風初發濃煙日正曛因題偏惜別不可暫無君

賦松

謝仲宣上

送人多折柳唯我獨吟松若保歲寒在何妨霜雪重森
梢逢靜境廓落見孤峯還似君高節亭亭勘繼蹤

賦風

王沂上

靜追蘋末興況復值蕭條猛勢資新鴈寒聲伴暮潮過
山雲散亂經樹葉飄飄今日煙江上征帆望望遙

賦山別諸知己

鍾禕上

暮景江亭上雲山日望多只愁辭輦轂長恨隔嵯峨有
意圖功業無心憶薜蘿親朋將遠別且共醉笙歌

贈秦州掾令胡克已

文公會孫

念子才多命且奇亂中拋擲少年時深藏七澤衣如雪
卻見中朝鬢似絲舊德在人終遠大扁舟爲吏莫推辭
孤芳自愛凌霜處詠取文公白菊詩

送荻栽與秀才朱觀

羨子清吟處茅齋面碧流解憎蓮豔俗唯欠荻花幽鷺
立低枝晚風驚折葉秋贈君須種取不必樹忘憂

使浙西先寄獻燕王侍中

京江風靜喜乘流極目遙瞻萬歲樓喜氣龍葱甘露晚
水煙波淡海門秋五年不見鸞臺長明日將陪兔苑遊
欲問平臺門下吏相君還許吐茵不

常州驛中喜雨

颼颼旱天雨涼風一夕迴遠尋南畝去細入驛亭來
蓑唱牛初牧漁歌棹正開盈庭頓無事歸思酌金罍

驛中七夕

七夕雨初霽行人正憶家江天望河漢水館折蓮花獨
坐涼何甚微吟月易斜今年不乞巧鈍拙轉堪嗟

贈浙西顧推官

盛府賓寮八十餘閉門高臥興無如梁王苑裏相逢早
潤浦城中得信疎狼籍盃盤重會面風流才調一如初
願君百歲猶強健他日相尋隱士廬

贈浙西妓亞仙

筵上作

翠黛嚙如怨朱顏醉更春占將南國貌惱殺別人家粉
汗沾巡蓋花鈿逐舞茵明朝綺牕下離恨兩殷勤

迴至瓜洲獻侍中

紫薇垣裏舊賓從來向吳門謁府公奉使謬持嚴助節
登門初識魯王宮笙歌隱隱違離後煙水茫茫悵望中
日暮瓜洲江北岸兩行清淚滴西風

邵伯埭下寄南郵陳郎中

故人相別動經年候館相逢倍慘然顧我飲冰難輟棹
感君扶病爲開筵河灣水濺翹愁鷺柳岸風微噪暮蟬
欲識酒醒魂斷處謝公祠畔客亭前

謫居舒州累得韓高二舍人書作此寄之

三峰煙靄碧臨谿中有騷人理釣絲會友少于分袂日
謫居多卻在朝時丹心歷歷吾終信俗慮悠悠爾不知

珍重韓君與高子殷勤書札寄相思

舒人以潛曉天柱爲三峰

和張先輩見寄二首

去國離羣擲歲華病容憔悴媿丹砂谿連舍下衣長潤
山帶城邊日易斜幾處垂鉤依野岸有時被褐到鄰家
故人書札頻相慰誰道西京道路賒
清時淪放在山州印杖紗巾處處游野日蒼茫悲鵬舍
水風陰溼弊貂裘雞鳴候旦甯辭晦松節凌霜幾換秋
兩首新詩千里道感君情分獨知邱

印秀才至舒州見尋別後寄詩依韻和

羈游白社身雖屈高步辭場道不卑投分共爲知我者

沙 殷 於 淺

樹

相尋多媿謫居時離懷耿耿年來夢厚意勤勤別後詩
今日谿邊正相憶雪晴山秀柳絲垂

行園樹

松節凌霜久蓬根逐吹頻羣生各有性桃李但爭春

題雷公井

拚靄愚公谷蕭寥羽客家俗人知處所應爲有桃花

送彭秀才

賈生去國已三年短褐閒行皖水邊盡日野雲生舍下
有時京信到門前無人與和投湘賦媿子來浮訪戴船
滿袖新詩好迴去莫隨騷客醉林泉

開
皖

移饒州別周使君

正憐東道感賢侯何幸南冠脫楚囚皖伯臺前收別宴
喬公亭下艤行舟四年去國身將老百郡徵兵主尙憂
更向鄱陽湖上去青衫憔悴淚交流

避難東歸依韻和黃秀才見寄

感感逢人問所之東流相送向京畿自甘逐客紉蘭佩
不料平民著戰衣樹帶荒村春冷落江澄霽色霧霏微
時危道喪無才術空手徘徊不忍歸

訓郭先輩

太原郭夫子行高文炳蔚弱齡負世譽一舉游月窟及

仙籍第三人時人故稱屈昔余吏西
自領蓋名籍籍

徵
皖

樹

月宮不曉
二十字

我竄羣舒向風心鬱鬱歸來暮江上雲霧一披拂雷雨
 不下施猶作池中物念君介然氣感時思奮發示我數
 篇文與我爭馳突綵褥粲英華理深剖肌骨古詩尤精
 奧史論皆宏拔舉此措諸民何憂民不活吁嗟吾道薄
 與世長迂闊顧我徒有心數奇身正詘論兵屬少年經
 國須儒術夫子無自輕蒼生正愁疾

和集賢鍾郎中

石渠冊府神仙署當用明朝第一人腰下別懸新印綬
 座中皆是故交親龍池樹色供清景浴殿香風接近鄰
 從此翻飛應更遠徧尋三十六天春

送劉山陽

舊族知名士朱衣宰楚城所嗟吾道薄是豈主恩輕戰
 鼓何時息儒冠獨自行此心多感激相送若為情

題伏龜山北隅

茲山信岑寂陰崖積蒼翠水石何必多宛有千巖意孰
 知近人境旦暮含佳氣池影搖輕風林光澹新霽支頤
 藉芳草自足忘世事未得歸去來聊為宴居地

送黃梅江明府

江前為江夏令有善政今更
宰小邑賦詩留別作此和之

封疆多難正經綸臺閣如何不用君江上又勞為小邑
 篋中徒自有雄文書生膽氣人誰信遠俗歌謠主不聞

味

一首新詩無限意再三吟咏向秋風

詠梅子真送郭先輩

忠臣本愛君仁人本愛民甯知貴與賤豈計名與身梅
生爲一尉獻疏來君門君門深萬里金虎重千鈞向永
且不用劉向谷永況復論子真拂衣遂長往高節邈無鄰至
今仙籍中謂之梅真人郭生負逸氣百代繼遺塵進退
生自知得喪吾不陳斯民苟有幸期子一朝伸

和蕭郎中午日見寄

細雨輕風采藥時
褰簾隱几更何爲
豈知澤畔紉蘭客
來赴城中角黍期
多罪靜思如剝蘖
赦書纔聽似含飴

謝公制勝常閒暇願接西州敵手棊

送黃秀才姑孰辟命

世亂離情苦家貧色養難
水雲孤棹去風雨暮春寒
幕府才方急騷人淚未乾
何時王道泰萬里看鵬搏

送王四十五歸東都

海內兵方起離筵淚易垂
憐君負米去惜此落花時
想憶看來信相寬指後期
殷勤手中柳此是向南枝

和太常蕭少卿近郊馬上偶吟

田園經雨綠分畦飛蓋閑行九里堤
拂袖清風塵不起滿川芳草路如迷
林開始覺晴天迴潮上初驚浦岸齊

熟

野

驚

後集卷三
怪得仙郎詩句好斷霞殘照遠山西

又和

抱甕何人灌藥畦金銜爲爾駐平堤村橋野店景無限
綠水晴天思欲迷橫笛乍隨輕吹斷歸帆疑與遠山齊
鳳城迴望真堪畫萬戶千門蔣嶠西

拋毬樂辭二首

歌舞送飛毬金觥碧玉籌管弦桃李月簾幕鳳凰樓一
笑千觴醉浮名任白頭
灼灼傳花枝紛紛度畫旗不知紅燭下照見彩毬飛借
勢因期尅巫山暮雨歸

雜歌辭五首

莫折紅芳樹但知盡意看狂風幸無意那忍折教殘
朝日城南路旌旗照綠蕪使君何處去桑下覓羅敷
事與年俱往情將分共深莫驚容鬢改只是舊時心
暫別勞相送佳期願莫違朱顏不須老留取待郎歸
拂匣收珠佩迴燈拭薄粧莫嫌春夜短匹是楚襄王

夢游三首

魂夢悠揚不奈何夜來還在故人家香濛蠟燭時時暗
戶映屏風故故斜檀的慢調銀字管雲鬟低綴折枝花
天明又作人間別洞口春深道路賒

繡幌銀屏杳靄閒若非魂夢到應難
牕前人靜偏宜夜戶內春濃不識寒
蘸甲遞觴纖似玉含詞忍笑膩於檀
錦書若要知名字滿縣花開不姓潘

南國佳人字玉兒芙蓉雙臉遠山眉
仙郎有約長相憶阿母無猜不得知
夢裏行雲還倏忽暗中攜手乍疑遲
因思別後閒牕下織得迴文幾首詩

徐騎省集卷第三

南陵徐乃昌校

徐騎省集卷四

和蕭少卿見慶新居

湘浦懷沙已不疑
京城賜第豈前期
鼓聲到晚知坊遠
山色來多與靜宜
簪屨尙應憐故物
稻梁空自媿華池
新詩問我偏饒思
還念鷦鷯得一枝

又和

驚蓬偶駐知多幸
斷鴈重聯愜素期
當戶小山如舊識
上墻幽蘚最相宜
清風不去因栽竹
隙地無多也鑿池
更喜良鄰有嘉樹
綠陰分得近南枝

東海徐鉉



送勳道人之建安

下國兵方起君家義獨聞若為輕世利歸去臥溪雲挂
席衝嵐翠攜筇破蘚紋離情似霜葉江上正紛紛

送許郎中歙州判官兼黟縣

嘗聞黟縣似桃源況是優游冠玳筵遺愛非遙應臥理
許嘗宰 涇縣 祖風猶在好尋仙 許宣平黟人得道 朝衣舊識熏香史

祿米初營種秫田大底宦游須自適莫辭離別二三年

送彭秀才南游

問君孤棹去何之玉笥春風楚水西山上斷雲分翠靄
林間晴雪入澄溪琴心酒趣神相會道士仙童手共攜

他日時清更隨計莫如劉阮洞中迷

和明上人除夜見寄

酌酒圍爐久愁襟默自增長年逢歲暮多病見兵興夜
色開庭燎寒威入硯冰湯師無別念吟坐一燈凝

正初和鄂州邊郎中見寄

潦到含香客淒涼賦鵬人未能全卷舌終擬學垂綸故
友睽離久音書問訊頻相思俱老大又見一年新

送劉司直出宰

之子有雄文風標秀不羣低飛從墨綬逸志在青雲柳
色臨流動春光到縣分賢人多靜理未爽醉醺醺

襟

送從兄赴臨川幕

梁王籍寵就東藩還召鄒枚坐兔園今日好論天下事
昔年同受主人恩石頭城下春潮滿金柅亭邊綠樹繁
唯有音書慰離別一杯相送別無言

送龔員外赴江州幕

煩君更上築金臺世難民勞籍俊才自有聲名馳羽檄
不妨談笑舉樽壘元規樓迴清風滿匡俗仙春畫障開
莫忘故人離別恨海潮迴處寄書來

送朱先輩尉廬陵

我重朱夫子依然見古人成名無媿色得祿及慈親莫

歎官資屈盡論活計貧平生心氣在終在靜邊塵

送德林郎中學士赴東府詩序

德林始以才術優贍入參近司旋以地望清雅寵登書
殿會東畿克復上以君有遺愛於淮海之都故輟侍從
之班攝尹正之任吾一二親友共餞行舟鉉也不才請
以言贈理大國若烹小鮮言不可撓之也况亂後乎德
林當本仁守信體寬務斷大兵之後民各思父聽其自
理任其自營為之上者導其蒙遏其淫而已示之以聰
明則民益迷拘之以禁令則民重困棄仁則吏暴失信
則眾惑急則民傷不斷則民懈慎此四者何往而不臧

讓

楊

甘

樹
微

漫
愷

噫嘻吾黨皆忘形者也平生以來胥會者幾何思當雞
犬相聞舟輿不接開口而笑攜手而遊在吾輩勉之而
已忘身徇國急病讓夷德林此行宜減離戀盍各賦一
物以為贈乎九月十七日序

得江 奉送德林郎中學士 喬舜上

摻袂向江頭朝宗勢未休何人乘桂楫之子過揚州
颯颯沙鴈漂漂逐浪鷗欲知離別恨半是淚和流

得酒 徐鉉上

酌此杯中物茱萸滿把秋今朝將送別他日是忘憂世
亂方多事年加易得愁政成頻一醉亦未減風流

得菊 蕭彧上

離情折楊柳此別異春哉含露東籬豔汎香南浦杯惜
持行次贈留插醉中迴暮齒如能制玉山更判頽

得遠山 徐錯上

瓜步妖氛滅崑岡草樹清終朝空極望今日送君行報
政秋雲靜徵吟曉月生樓中長可見持用減離情

得水 陳元裕上

上善湛然秋恩波洽帝猷謾言生險浪豈爽見安流汎
去星槎遠澄來月練浮滔滔對離酌入洛稱仙舟

得新鴻別諸同志 鍾蒨上

隨陽
漢驚

間

著
逐
匡

陳楊來萬里點點度遙空影落長江水聲悲半夜風殘
秋辭絕漢無定似驚蓬我有離羣恨飄飄類此鴻

送陳先生之洪并寄蕭少卿

聞君仙袂指洪涯我憶情人別路賒知有歡娛遊楚澤
更無書札到京華雲開驛閣連江靜春滿西山倚漢斜
此處相逢應見問爲言搔首望龍沙

送龔明府九江歸寧

茂宰隳官去扁舟着綵衣溢城春酒熟斥阜野花稀解
纜垂楊綠開帆宿鷺飛一朝吾道泰還逐落潮歸

和江西蕭少卿見寄二首

亡羊岐路媿司南二紀窮通聚散三老去何妨從笑傲
病來看欲嬾朝參離腸似線常憂斷世態如湯不可探
珍重加飡省思慮時時斟酒壓山嵐
身遙上國三千里名在朝中二十春金印不須辭入幕
麻衣曾此嘆迷津卷舒由我真齊物憂喜忘心卽養神
世路風波自翻覆虛舟無計得沉淪

送薛少卿赴青陽

我愛陶靖節吏隱從弦歌我愛費徵君高臥歸九華清
風激頽波來者無以加我志兩不遂漂淪浩無涯數奇
時且亂此圖今愈賒賢哉薛夫子高舉凌晨霞安民卽

徵

是道投足皆爲家功名與權位悠悠何用誇攜朋出遠
郊酌酒藉平沙雲收遠天靜江闊片帆斜離懷與契羨
南望長咨嗟

送高起居之涇縣

右史罷朝歸之官句水湄別我行千里送君傾一卮酒
罷長嘆息此嘆君應悲亂中吾道薄鄉俗舊人稀胡爲
佩銅墨此去白玉墀吏事豈所堪民病何可醫藏用清
其心此外慎勿爲縣郭有佳境千峯谿水西雲樹杳迴
合巖巒互蔽虧彈琴坐其中世事吾不知時時寄書札
以慰長相思

樹

宿茅山寄舍弟

茅許稟靈氣一家同上賓仙山空有廟舉世更無人獨
往誠違俗浮名亦累真當年各自勉雲洞鎮長春

晚憇白鶴廟寄句容張少府

日入林初靜山空暑更寒泉鳴細巖竇鶴唳眇雲端拂
榻安碁局焚香戴道冠望君如不見終夕凭欄干

題紫陽觀

南朝名士富仙才追步東鄉遂不迴丹井自深桐暗老
祠宮長在鶴頻來巖邊桂樹攀仍倚洞口桃花落復開
惆悵霓裳太平事一函真跡鎖昭臺

樹

殊

贈奚道士

含象

奚生曾有洞天期猶傍天壇摘紫芝處世自能心混沌
全真誰見德支離玉霄壁閉人長在金鼎功成俗未知
他日飈輪謁茅許願同雞犬去相隨

題碧巖亭贈孫尊師

絕境何人識高亭萬象含凭軒臨樹杪逆目極天南積
靄生泉洞歸雲鎖石龕丹霞披翠巘白鳥帶晴嵐仙去
留虛室龍歸漲碧潭幽巖君獨愛玄味我曾耽世上愁
何限人間事久諳終須脫羈鞅來此會空談

題白鶴廟

平生心事向玄關一入仙鄉似舊山白鶴唳空晴眇眇
丹砂流澗暮潺潺嘗嗟多病嫌中藥擬問真經乞小還
滿洞煙霞互陵亂何峯臺榭是蕭閑

步虛詞五首

氣為還元二心由抱一靈凝神歸罔象飛步入青冥整
服乘三素旋綱攝九星瓊章開後學稽首奉真經
天帝黃金闕真人紫錦書霓裳紛蔽景羽服迴陵虛白
鶴能為使班麟解駕車靈符終願借轉共世情疎
聖主過幽谷虛星在藥宮五千宗物母七字秘神童世
上金壺遠人間玉籥空唯餘養身法修此與天通

清

何處求玄解人間有洞天勤行皆是道謫下尙爲仙蔽
景乘朱鳳排虛駕紫烟不嫌園吏傲願在玉宸前
三素霏霏遠盟威凜凜寒火鈴空滅沒星斗曉闌干佩
響流虛殿爐烟在醮壇蕭寥不可極驂駕上雲端

留題

瑤壇醮罷晚雲開羽客分飛俗士迴爲報移文不須勒
未曾游處待重來

和陳洗馬山莊新泉

已開山館待抽簪更要巖泉欲洗心常被松聲迷細韻
忽流花片落高岑便疏淺瀨穿莎徑始有晴光映竹林

何日煎茶醞香酒沙邊同聽暝猿吟

奉和七夕應令

今宵星漢共晶光應笑羅敷嫁侍郎斗柄易傾離恨促
河流不盡後期長靜聞天籟疑鳴佩醉折荷花想豔粧
誰見宣猷堂上宴一篇清韻振金鐺

又和八日

微雲疎雨淡新秋曉夢依稀十二樓故作別離應有以
擬延更漏共無由那教人世長多恨未必天仙不解愁
博望苑中殘酒醒香風佳氣獨遲留

和印先輩及第後獻座主朱舍人郊居之作

成名郊外拚柴扉樹影蟬聲共息機積雨暗封青蘚徑
好風輕透白疎衣嘉魚始賦人爭誦荆玉頻收國自肥
獨坐公廳正煩暑喜吟新詠見玄微

印以南有嘉魚賦及第

和致仕張尙書新創道院

梓澤成新致金丹有舊情挂冠朝睡足隱几暮江清藥
圃分輕綠松牕起細聲養高靈厭病默坐對諸生

瘖疾

尙書時有

和尉遲贊善秋暮僻居

登高節物最堪憐小嶺疎林對檻前輕吹斷時雲縹緲
夕陽明處水澄鮮江城秋早催寒事望苑朝稀足晏眠

庭有菊花罇有酒若方陶令媿猶賢

和陳贊善致仕還京口

海門山下一漁舟中有高人未白頭已駕安車歸故里
尙通閨籍在龍樓泉聲漱玉牕前落江色和煙檻外流
今日君臣厚終始不須辛苦畫雙牛

京使迴自臨川得從兄書寄詩依韻和

珍重還京使殷勤話故人別離長挂夢寵祿不關身趣
向今成道聲華舊絕塵莫嗟容鬢老詩句逐時新

陪鄭王相公賦簷前垂冰應教依韻

牕外虛明雪乍晴簷前垂霽盡成冰長廊瓦疊行行密

何殷

晚院風高寸寸增玉指乍拈簪尙媿金階時墜磬難勝
晨食堪醒曹參酒自恨空腸並不能

送禮部潘尙書致仕還建安

名遂功成累復輕鱸魚因起舊鄉情履聲初下金華省
帆影看離石首城化劍津頭尋故老同亭會上問仙卿
冥鴻高舉眞難事相送何須淚滿纓

和尉遲贊善病中見寄

仙郎移病暑天過卻似冥鴻避尉羅晝夢乍驚風動竹
夜吟時覺露霑莎情親稍喜貧居近性嬾猶嫌上直多
望苑恩深期勿藥青雲岐路未蹉跎

池州陳使君見示游齊山詩因寄

往歲曾遊弄水亭齊峰濃翠暮軒橫哀猿出檻心雖喜
傷鳥聞弦勢易驚病後簪纓殊寡興老來泉石倍關情
今朝池口風波靜遙賀山前有頌聲

再領制誥和王明府見賀

蹇步還依列宿邊拱宸重認舊雲天自嗟多難飄零困
不似當年膽氣全雞樹晚花疎向日龍池輕浪細含煙
從來不解爲身計一葉悠悠任大川

送高舍人使嶺南

西掖官曹近南溟道路遙使星將渡漢仙棹乍乘潮柳

童

映靈和折梅依大庾飄江帆風淅淅山館雨蕭蕭陸賈
眞迂闊終軍久寂寥送君何限意把酒一長謠

和王明府見寄

時情世難消吾道薄宦流年厄此身莫嘆京華同寂寞
曾經兵革共漂淪對山開戶唯求靜貰酒留賓不道貧
善政空多尙淹屈不知誰是解憂民

和方秦州見寄

逐客栖栖重入京舊愁新恨兩難勝雲收楚塞千山雪
風結秦淮一尺冰置禮筵空情豈盡投湘文就思如凝
更殘月落知孤坐遙望船牕一點星

文獻太子挽詩辭五首

國有承祧重人知秉哲尊清風來望苑遺烈在東藩此
日升緱嶺何因到寢門天高不可問煙靄共昏昏
夏啟共君子周儲上帝賓音容一飄忽功業自紛紛露
泣承華月風驚麗正塵空餘商嶺客行哭下宜春
出處成交讓經綸有大功淚碑瓜步北棠樹蒜山東百
揆方時敘重離遂不融故臣偏感咽曾是嘆三窮
甲觀風景促園陵天地長簫笳咽無韻賓御哭相將盛
烈傳彝鼎遺文被樂章君臣知己分零淚亂無行
綵仗清晨出非同齒冑時愁烟鎖平甸朔吹繞寒枝楚

我

驚

諱樹

高

光陰

客來何補緱山去莫追迴瞻飛蓋處拚袂不勝悲

送王員外宰德安

家世朱門貴官資粉署優今爲百里長應好五峰游柳
影連彭澤湖光接庾樓承明須再入官滿莫淹留

以端谿硯訓張員外水精珠兼和來篇

請以端谿潤疇君水玉明方圓雖異器功用信俱呈自
得山川秀能分日月精中箱各珍重所貴在交情

奉使九華山中塗遇青陽薛郎中

故人相別動相思此地相逢豈素期九子峰前閑未得
五谿橋上坐多時甘泉從幸余知忝宣室徵還子未遲

且喜一杯消別恨野花風起便離披

奉命南使經彭澤

值王明府不在留此

遠使程途未一分離心常要醉醺醺那堪彭澤門前立
黃菊蕭疎不見君

南都遇前嘉魚劉令言遊閩嶺作此與之

我持使節經韶石居作閑遊過武夷兩地山光成獨賞
隔年鄉思暗相知洪涯壇上長岑寂孺子亭前自別離
珍重分岐一杯酒強加滄飢數吟詩

閣阜山

殿影高低雲揜映松陰繚繞步徘徊從今莫厭簪裾累

不是乘輅不得來

玉笥山留題

仙鄉會應遠王事知何極征傳莫辭勞玉峰聊一息形骸已銷散心想都凝寂眞氣自清虛非關好松石九仙皆積學洞壑多遺跡遊子歸去來胡爲但征役

廬陵別朱觀先輩

桂籍知名有幾人翻飛相續上青雲解憐才子盜唯我遠作卑官尙見君嶺外獨持嚴助節宮中識薦長卿文新詩試爲重高詠朝漢臺前不可聞

文彧少卿文山郎中交好深至二紀已餘睽別

數年二子長逝奉使嶺表塗次南康弔孫氏之孤於其家覩文彧手書於僧室慷慨悲歡留題此詩

孫家虛座弔諸孤張叟僧房見手書二紀歡游今若此滿衣零淚欲何如腰間金印從如斗鏡裏霜華已滿梳珍重遠公應笑我塵心唯此未能除

朱處士相與有山水之願見送至南康作此以別之

憐君送我至南康更憶梅花庾嶺芳多少仙山共遊在願君百歲尙康強

清明日清遠峽作

嶺外春過半塗中火又新殷勤清遠峽留戀北歸人

迴至南康題紫極宮衷道士房

王事信靡盬飲冰安足辭胡爲擁征傳乃至天南陲天
南非我鄉留滯忽踰時還經羽人家豁若雲霧披何以
寬我懷老莊有微詞達士無不可至人豈偏爲客愁勿
復道爲君吟此詩

和歙州陳使君見寄

新安風景好時令肅轅門身貴心彌下功名口不言韜
鈴家法在儒雅素風存簪履陪游盛鄉閭俗化敦臨牕
山色秀繞郭水聲喧織絡文章麗矜嚴道義尊樓臺秋
月靜京庾晚雲屯曉吹傳衙鼓晴陽展信旛一篇貽友
好千里倍心論未見歸驂動空能役夢魂

和賈員外戩見贈玉藥花栽

瓊瑤一簇帶花來便斲蒼苔手自栽喜見唐昌舊顏色
爲君判病酌金罍

光穆皇后挽歌三首

仙馭期難改坤儀道自光闕宮新表德沙麓舊膺祥素
帟堯門揜凝笳畢陌長東風慘陵樹無復見親桑
永樂留虛位長陵啟夕扉返虞嚴吉仗復土揜空衣功

業投三母光靈極四妃唯應彤史在不與露花晞
 隱隱闈門路煙雲曉更愁空瞻金輅出非是躍龍游德
 感人倫正風行內職修還隨偶物化同此畏軒丘

嚴相公宅牡丹

但是豪家重牡丹爭如丞相閣前看鳳樓日暖開偏早
 雞樹陰濃謝更難數朶已應迷國豔一枝何幸上塵冠
 不知更許憑欄否爛熳春光未肯殘

侍宴賦得歸鴈

夜靜羣動息翩翩一鴈歸清音天際遠寒影月中微何
 處雲同宿長空雪共飛陽和常借便免與素心違

又賦早春書事

苑裏芳華早皇家勝事多弓聲達春氣奕思養天和煖
 酒紅爐火浮舟綠水波雪晴農事起擊壤聽賡歌

薔薇詩一首十八韻呈

東海侍郎 太

尉中書令鄭王

從善

綠影覆幽池芳菲四月時管絃朝夕興組繡百千枝盛
 引牆看滿高煩架屢移露輕濡綵筆蜂誤拂吟髭日照
 玲瓏幔風搖翡翠帷早紅飄薜地狂蔓挂蛛絲嫩刺牽
 衣細新條翠草垂晚香難暫捨嬌態自相窺深淺分前
 後容華互盛衰樽前留客久月下欲歸遲何處繁臨砌

誰家密映籬絳羅房燦爛碧玉葉參差分得殷勤種開
 來遠近知晶熒歌袖袂柔弱舞腰支膏麝誰將比庭萱
 自合唾勻粧低水鑑泣淚滴煙霽畫擬憑梁廣名宜亞
 楚姬寄君十八韻思拙媿新奇

依韻和令公大王薔薇詩

綠樹成陰後羣芳稍歇時誰將新濯錦挂向最長枝卷
 箔香先入凭欄影任移賞頻嫌酒渴吟苦怕霜髭架迴
 籠雲幄庭虛展繡帷有情縈舞袖無力習遊絲嫩蘂鶯
 偷采柔條柳伴垂荀池波自照梁苑客嘗窺玉李尋皆
 謝金桃亦暗衰花中應獨貴庭下故開遲委豔粧苔砌

分華借槿籬低昂勻灼爍濃淡疊參差幸植王宮裏仍
 逢宰府知芳心向誰許醉態不能支芍藥天教避玫瑰
 眾共嗤光明烘晝景潤膩裛輕霽麗似期神女珍如重
 衛姬君王偏屬詠七子盡搜奇

和門下殷侍郎新茶二十韻

暖吹入春園新芽競粲然才教鷹觜拆未放雪花妍荷
 杖青林下攜筐旭景前採茶須在日未出前孕靈資雨露鍾秀自
 山川碾後香彌遠烹來色更鮮名隨土地貴味逐水泉
 遷力籍流黃暖形模紫筍圓茶之美者有員捲紫筍正當鑽柳火
 遙想湧金泉陽羨茶山有金涉泉修貢時出任道時新物須依古法煎

輕甌浮綠孔孤竈散餘煙甘薺非予匹宮槐讓我先
亦可竹孤空冉冉荷弱謾田田解渴消殘酒清神感夜芽
 眠十漿何足饋百榼靜堪捐采擷唯憂晚營求不計錢
 任公因焙顯陸氏有經傳愛甚真成癖嘗多合得仙亭
 臺虛靜處風月豔陽天自可臨泉石何妨雜管絃東山
 似蒙頂願得從諸賢

徐騎省集卷第四

南陵徐乃昌校

徐騎省集卷第五

東海徐 鉉

春雪應制

繁陰連曙景瑞雪灑芳辰勢密猶疑臘風和始覺春
繁林開玉蘂飄座裊香塵欲識宸心悅雲謠慰兆人

進雪詩

欲使新正識有年故飄輕絮伴春還近看瓊樹籠銀闕
遠想瑤池帶玉關潤逐麩麩鋪綠野暖隨杯酒上朱顏
朝來花萼樓中宴數曲賡歌雅頌閒

自題山亭三首

簪組非無累園林未是歸世喧長不到何必故山薇
小舫行乘月高齋臥看山退公聊自足爭敢望長閑
跋石仍臨水披襟復挂冠機心忘未得棊局與魚竿

和陳表用員外求酒

暑天頻雨亦頻晴簾外閑雲重復輕珍重一壺酬絕唱
向風遙想醉吟聲

奉和右省僕射西亭高臥作

院靜蒼苔積庭幽怪石欹蟬聲當檻急虹影向簷垂晝
漏猶憐永叢蘭未覺衰疎篁巢翡翠折葦覆鷓鴣對酒
襟懷曠園棊旨趣遲景皆隨所向物各遂其宜道與時

相會才非世所羈賦詩貽座客秋事爾何悲

憶新塗觴池寄孟賓于員外

往年塗水駐行軒引得清流似月圓自有谿光還碧甃
不勞人力遞金船潤滋苔蘚欺茵席聲入杉松當管絃
珍重詩人頻管領莫教塵吐咽潺潺

右省僕射後湖亭閑宴鉉以宿直先歸賦詩留

獻

湖上一陽生虛亭啟高宴楓林烟際出白鳥波心見主
人忘貴達座客容疵賤獨慙殘照催歸宿明光殿

送孟賓于員外還新塗

尚

塗

塗

土

問

塗

款

暫來城闕不從容，卻佩銀魚隱玉峯。
雙澗水邊歌醉石，九仙臺下聽風松。
題詩翠壁稱逋客，采藥春畦狎老農。
野鶴乘軒雲出岫，不知何日再相逢。

孟君別後相續寄書作此酬之

多病怯煩暑，短才憂近職。
跂足北牕風，遙懷浩無極。
故人易成別，詩句空相憶。
尺素寄天涯，滄江秋水色。

納后夕侍宴

天上軒星正，雲間湛露垂。
禮容過渭水，宴喜勝瑤池。
影露籠花燭，升龍肅羽儀。
君臣歡樂日，文物盛明詩。
簾捲銀河轉，香凝玉漏遲。
華封傾祝意，觴酒與聲詩。

開
彩霧粉時

又三絕

時平物茂歲功成，重翟排雲到玉京。
四海未知春色至，今宵先入九重城。

銀燭金爐禁漏移，月輪初照萬年枝。
造舟已似文王事，卜世應同八百期。

漢主承乾帝道光，天家花燭宴昭陽。
六衣盛禮如金屋，彩筆分題似柏梁。

北苑侍宴雜詠詩

竹

勁節生宮苑，虛心奉豫遊。
自然名價重，不羨渭川侯。

松

細韻風中遠寒清雪後濃繁陰堪避雨効用待東風

水

碧草垂低岸東風起細波橫汾從遊宴何謝到天河

風

昨朝纔解凍今日又開花帝力無人識誰知玩物華

菊

細麗披金彩氛氳散遠馨汎杯頻奉賜緣解制頽齡

柳枝詞十首

座中應制

金馬辭臣賦小詩梨園弟子唱新詞君恩還似東風意

先入靈和蜀柳枝

百草千花共待春綠楊顏色最驚人天邊雨露年年在

上苑芳華歲歲新

長愛龍池二月時氤氳金線弄春姿假饒葉落枝空後

更有梨園笛裏吹

綠水成文柳帶搖東風初到不鳴條龍舟欲過偏留戀

萬縷輕絲拂御橋

百尺長條婉翹塵詩題不盡畫難真憑君折向人間種

還似君恩處處春

風暖雲開晚照明翠條深映鳳凰城人閒欲識靈和態

聽取新詞玉管聲

醉折垂楊唱柳枝金城三月走金羈年年爲愛新條好不覺蒼華也似絲

新春花柳競芳姿偏愛垂楊拂地枝天子偏教詞客賦宮中要唱洞簫詞

凝碧池頭蘸翠漣鳳凰樓畔簇晴煙新詞欲詠知難詠說與雙成入管絃

待從甘泉與未央移舟偏要近垂楊櫻桃未綻梅花老折得柔條百尺長

奉和宮傅相公懷舊見寄四十韻

謝傅功成德望全鷺臺初下正蕭然搏風乍息三千里感舊重懷四十年西掖新官同賈馬南朝興運似開天文辭職業分工拙流輩班資讓後先每愧陋容勞刻畫長慙頑石費雕鐫晨趨綸掖吟春永夕會精廬待月圓立馬有時同草詔聯鑣幾處共成篇閑歌柳葉翻新曲醉詠桃花促綺筵少壯况逢時世好經過甯慮歲華遷雲龍得路須騰躍社櫟非材合棄捐再謁湘江猶是幸兩還宣室竟何緣已知瑕玷勞磨瑩又得官司重接連聽漏分宵趨建禮從遊同召赴甘泉雲開闔闔分臺殿風過華林重管絃行止不離宮仗影衣裾嘗惹御爐烟

師資稷契論中禮依止山公典小銓多謝天波垂赤管
敢教晨景過華磚翮飛附驥方經遠巨楫垂風遂濟川
玉燭調時鈞軸正台階平處德星懸巖廊禮絕威容肅
布素情深友好偏長擬營巢安大厦忽驚操鉞領中權
吳門日麗龍銜節京口沙晴鷁畫船蓋代名高方赫赫
戀恩心切更乾乾袁安辭氣忠仍懇吳漢精誠直且專
卻許丘明師紀傳更容疏廣奉周旋朱門自得施行馬
厚祿何妨食萬錢密疏尙應勞獻替清談唯見論空玄
東山妓樂供閑步北牖風涼足晏眠玄武湖邊林隱見
五城橋下棹洞泔曾移苑樹開紅藥新鑿家池種白蓮

不遣前騶妨野逸別尋逋客互招筵棊枰寂靜陳虛閣
詩筆沉吟劈彩牋往事偶來春夢裏閑愁因動落花前
青雲舊侶嗟誰在白首親情倍見憐盡日凝思殊悵望
一章追敘信精研韶顏莫與年爭競世慮須憑道節宣
幸喜書生爲將相定由陰德致神仙羊公剩有登臨興
尙子都無嫁娶牽退象天山鎮浮競起爲霖雨潤原田
從容自保君臣契何必扁舟始是賢

相公垂覽和詩復貽長句輒次來韻

西院春歸道思深披衣閑聽暝猿吟鋪陳政事留黃閣
偃息神機在素琴玉柄暫時疎末座瑤華頻復惠清音

開晴便作東山約共賞烟霞放曠心

九日落星山登高

秋暮天高稻穞成落星山上會諸賓黃花汎酒依流俗
白髮滿頭思古人巖影晚看雲出岫湖光逢見客垂綸
風煙不改年長度終待林泉老此身

十日和张少監

重陽高會古平臺吟徧秋光始下來黃菊後期香未減
新詩捧得眼還開每因佳節知身老卻憶前歡似夢迴
且喜清時履行樂是非名利盡悠哉

御筵送鄧王

禁裏秋光似水清林煙池影共離情暫移黃閣只三載
卻望紫垣都數程滿座清風天子送隨車甘雨遠人迎
綺霞閣上詩題在從此還應有頌聲

和张少監晚菊

憶共庭蘭倚砌栽柔條輕吹獨依隈自知佳節終堪賞
爲惜流光未忍開采擷也須盈掌握馨香還解滿罇罍
今朝旬假猶無事更好登臨汎一杯

送馮侍郎

聞君竹馬戲毗陵誰道觀風自六卿今日聲名先舊物
共看旌旆擁書生斬蛟橋下谿煙碧射虎亭邊草路清

應念筵中倍離恨老來偏重十年兄

又絕句寄題毗陵驛

曾持使節駐毗陵長與州人有舊情爲向驛橋風月道
舍人髭鬢白千莖

陳侍郎宅觀花燭

今夜銀河萬里秋人言織女嫁牽牛珮聲寥亮和金奏
燭影熒煌映玉鉤座客亦從天子賜更籌須爲主人留
世閒盛事君知否朝下鸞臺夕鳳樓

送蕭尙書致仕歸廬陵

江海分飛二十春重論前事不堪聞主憂臣辱誰非我

曲突徙薪唯有君金紫滿身皆外物雪霜垂領更離羣
鶴歸華表望不盡玉筍山頭多白雲

賦得秋江晚照

落日照平流晴空萬里秋輕明動楓葉點的亂沙鷗
網魚梁靜簷簷稻穗收不教行樂倦冉冉下城樓

奉和子龍太監與舍弟贈答之什

石渠東觀兩優賢明主知臣豈偶然鴛鷺分行皆接武
金蘭同好共忘年懷恩未遂林泉約竊位空慙組綬懸
多少深情知不盡好音相慰強成篇

史館庭梅見其毫末歷載三十今已半枯嘗僚

樹曾

諸公唯相公與鉉在耳觀物興感率成短篇
謹書獻上伏惟垂覽

東觀婆娑樹會憐甲坼時繁英共攀折芳歲幾推移往
事皆陳迹清香亦暗衰相看宜自喜雙鬢合垂絲

鼎臣學士侍郎以東館庭梅昔翰苑之毫末今

復半枯向時同寮零落都盡素髮垂領茲唯

二人感舊傷懷發於吟咏惠然好我不能無

言輒次來韻攀和 悅

憶見萌芽日還憐合抱時舊歡如夢想物態暗還移素
豔今無幾朱顏亦自衰樹將人共老何暇更悲絲

鐘 篴

再次前韻代梅答

託植經多稔頃筐向盛時枝條雖已改情分不曾移莫
訝堦前老還同鏡裏衰更應憐墮葉殘吹挂蟲絲

太傅相公深感庭梅再成絕唱曲垂借示倍認

知憐謹用舊韻攀和

禁省繁華地含芳自一時雪英開復落紅藥植還移謂

為翰林又靜想分今昔頻吟歎盛衰多情共如此爭免

為史館鬢成絲

太傅相公以東觀庭梅西垣舊植昔陪盛賞今

獨家兄唱和之餘俾令攀和輒依本韻伏媿

斐然 錯

靜對含章樹漢有含章樹閑思共賞時香隨荀令在根異

武昌移物性雖搖落人心豈戀衰唱訓勝笛曲來往韻

朱絲

鼎臣學士侍郎楚金舍人學士以再傷庭梅詩

同垂寵和清絕感歎情致俱深因成四十字

陳謝 悅

人物同遷謝重成念舊悲連華得瓊玖合奏發塤篪餘

楫雖無取殘芳尙獲知問君何所似珍重杜秋詩

太傅相公以庭梅二篇許舍弟同賦再迂藻思

曲有虛稱謹依韻奉和庶申感謝

舊眷終無替流光自足悲攀條感花萼和曲許塤篪此
會成春夢何人更已知緣情聊借喻爭敢道言詩

太傅相公與家兄梅花訓唱許綴末篇再賜新

詩俯光拙句謹奉清韻用感鈞私伏惟采覽

錯

重歎梅花落非關寒笛悲論文叨接萼末曲媿吹篪毛詩

云仲氏吹篪枝逐清風動香因白雪知陶鈞數友悌更賦邵

公詩

和鍾太監汎舟同游見示

樹
豎

潮溝橫趣北山阿一月三游未是多老去交親難暫捨
閑中滋味更無過谿橋樹映行人渡村徑風飄牧豎歌
孤權亂流偏有興滿川晴日弄微波

又和游光睦院

寺門山水際清淺照孱顏客權晚維岸僧房猶揜關日
華穿竹靜雲影過堦閑箕踞一長嘯忘懷物我閒

和張少監舟中望蔣山

谿路向還背前山高復重紛披紅葉樹閒鬪白雲峯盡
日慵移權何年醉倚松自知閑未得不敢笑周顒

御札

徵

新酒初熟偶與鄭王諸公開嘗於清宴堂廡之間既覽
秋物復矚霜牋因賦茱萸一題以遣此時之興卿鴻才
敏思不可獨醒宜應急徵同賦前旨

茱萸詩

翰林學士臣徐鉉

進

萬物慶西成茱萸獨擅名房排紅結小香透夾衣輕宿
露霑猶重朝陽照更明長和菊花酒高宴奉西清

奉和御製茱萸

臺畔西風御果新芳香精彩麗蕭辰柔條細葉粧治好
紫帶紅芳點綴勻幾朶得陪天上宴千株長作洞中春
今朝聖藻偏流詠黃菊無由更敢鄰

蒙恩賜酒奉旨令醉進詩以謝

明光殿裏夜迢迢多病逢秋自寂寥臣以病戒蠟炬乍酒多時傳丹鳳詔御題初認白雲謠今宵幸識衢樽味明日知停入閣朝為感君恩判一醉不煩辛苦解金貂

秋日汎舟賦蘋花

素豔擁行舟清香覆碧流遠煙分的的輕浪汎悠悠雨歇平湖滿風涼運瀆秋今朝流詠處即是白蘋洲

題梁王舊園

梁王舊館枕潮溝共引垂藤繫小舟樹倚荒臺風淅淅草埋欹石雨修修門前不見鄒枚醉池上時聞鴈鷺愁

節士逢秋多感激不須頻向此中游

奉訓度支陳員外

古來賢達士馳驚唯羣書非禮誓弗習違道無與居儒家若迂闊遂將世情疎吾友嗣世德古風藹有餘幸遇漢文皇握蘭佩金魚俯視長沙賦恹恹將焉如

明道人歸西林求題院額作此送之

昔從岐陽狩簪纓滿翠微十年勞我夢今日送師歸曳尾龜應樂乘軒鶴漫肥含情題小篆將去挂巖扉

送宣州丘判官

憲署游從阻平臺道路賒喜君馳後乘於此會仙槎緩

送

署

主

素

間

後集卷五

酌遲飛蓋微吟望綺霞相迎在春渚暫別莫咨嗟

北使還襄邑道中作 九月三十日

九月三十日獨行梁宋道河流激似飛林葉翻如掃程
途苦晝短野迴知寒早還家亦不閑要且還家了

禁中新月

今夕拜新月沉沉禁署中玉繩疎閒彩金掌靜無風節
換知身老時平見歲功吟看北墀暝蘭燼墜微紅

觀吉玉花燭

王門嘉禮萬人觀況是新承置醴歡花燭喧闐丞相府
星辰搖動遠游冠歌聲暫闕聞官漏雲影初開見露盤

帝里佳期頻賦頌長留故事在金鑾

碁賭賦詩輸劉起居 與

刻燭知無取爭先業未精本圖忘物我何必計輸贏賭
墅終規利焚囊亦近名不如相視笑高詠兩三聲

春盡日游後湖贈劉起居 劉時方
燒藥

今朝湖上送春歸萬頃澄波照白髭笑折殘花勸君酒
金丹成熟是何時

送察院李侍御史廬陵因寄孟員外

繡衣乘驛急如星山水何妨寄野情肯向九仙臺下歇
閑聽孟叟醉吟聲

後集卷五

七

後湖訪古各賦一題得西邸

南朝藩閫地八友舊招尋事往山光在春情草色深曲池魚自樂叢桂鳥頻吟今日中興運猶懷翰墨林

送德邁道人之豫章

禪靈橋畔落殘花橋上離情對月斜顧我乘軒慙組綬羨師飛錫指煙霞樓中西嶺真君宅門外南州處士家莫道空談便無事碧雲詩思更無涯

送陳祕監歸泉州

風滿潮溝水葉飛水邊行客駐驂騑三朝恩澤馮唐老萬里鄉關賀監歸世路窮通前事遠半生談笑此心違

木

離歌不識高堂慶特地令人淚滿衣

又聽霓裳羽衣曲送陳君

清商一曲遠人行桃葉津頭月正明此是開元太平曲莫教偏作別離聲

又題白鷺洲江鷗送陳居

白鷺洲邊江路斜輕鷗接翼滿平沙吾徒來送遠行客停舟爲爾長歎息酒旗漁艇兩無猜月影蘆花鎮相得離筵一曲怨復清滿座銷魂鳥不驚人
生不及水禽樂安用虛名上麟閣同心携手今如此金鼎丹砂何寂寞天涯後會眇難期從此又應添白髭願君不
忘分飛處

鷺

長保翩翩潔白姿

徐騎省集卷第五

南陵徐乃光校

徐騎省集卷第六制一

保甯王制

東海徐鉉
南昌王制

張居詠制

馬希崇舒州節度使制

馮延巳加特進制

林仁肇浙西節度使制

鄧王加司空制

上太后尊號制

徐運授太子太保制

朱業江州節度使制

朱業宣州節度使制

劉從效檢校太師制

嚴續除司空制

改封江王制

謝斥加特進制

鄭王加元帥制

匡 効 肇



朱業加中書令制

馬在貴加官制

游簡言平章事制

保甯王制

門下昔先王聰明時憲文質載周親親之義莫之或改
乃知封建之重宗社攸賴友愛之美風教攸先寅奉舊
章敢忘循舉二十弟某稟質冲粹慎德孝恭出言有章
好學不倦故我文考慈訓備隆而能踐修嘉猷惠迪前
哲卓爾令器時惟老成粵予眇冲肇當纘服賴貽謀之
啟後仰垂鑒之在天尙念多艱懼弗克荷是用睦懿親
以祐涼德班宗彝以懷萬邦錫爾以山川表爾以車服
師長之任申而寵之敦敘之恩於是乎在於戲苴茅侯
社禮莫縟焉連華棣萼親莫昵焉履信思順可以無悔
尊師重道事以多聞盡愛敬以奉親顏極惠和以厚忠
室勿忮勿墮有初有終服我訓辭永光懿烈可

南昌王制

門下昔西周之分陝服則曰風聲所存南朝之治揚州
則曰本根攸寄非親賢碩望不足以表東夏非輔相重
地不足以副具瞻天下爲公百王不易肆予敷命匪敢
有私長子某敦信厚之風秉孝恭之德允迪前烈率由
生知自剖麟符往綏淮甸尊敬師保奉行詔條有所問

而不干知為善之最樂東楚之俗向風而安時以為能
 朕亦自慰夫陟明賞善有國大典苟得其所雖親何嫌
 是用特就留臺寵開相府崇貴之義儀制存焉噫為政
 無他勤則有繼舉德甚易終之實難無以安佚自居而
 忘夙夜之戒無以驕貴自負而忽藥石之言治亂盛敗
 則有先聖之遺經憲章文物則有中朝之成式諮訪佩
 服身先行之敬哉慎哉無忝多訓可

張居詠制

門下昔在先王任賢尚齒出將入相所以任賢也尊師
 重傅所以尚齒也況乎擇藩屏之寄膺輔導之求高步

承華誕揚師訓克堪其選我有人焉某負貞幹之材稟
 純厚之德亟更庶尹厯事累朝昇元始基賴其獻納故
 陟鸞臺之位爰立作相保大踰歲籍其綏慄故委龍節
 之權受脹之社懋乃嘉績叶于朕心殿邦政成輯瑞來
 覲方圖位著爰得僉諧而昔自故相已嘗為保重煩耆
 德俾傳東朝尊敬之儀典章斯在噫昔者叔孫疏廣善
 於其職克繼來躅可不慎哉勉著嘉猷以副時望可

撫州節度使馬希崇除舒州節度使制

門下姬周同德曹叔封於王畿炎漢功臣楊僕恥居關
 外是知藩翰之重所寄必同遠近之差以斯為寵我有

於

於 於

樹

於
任

成命爾其敬聽某識度恢弘風猷茂遠家勳蓋世不怙
貴以驕人多難薦臻每忘身而濟物智能適變仁足亢
宗來庭不俟於七旬保境豈徒于五郡劉總舉全燕之
地弘正輸雄魏之邦故實攸存懋章何愆是用加之飶
賜尊以上公陟負璽之崇資委建牙於列鎮虛襟而見
前席與談言語有章威儀可則旣叶跂予之望且堅戀
闕之心藹爾誠明形于表疏愈歎忠勤之操宜更節制
之權而永泰全軍舒庸舊國地望無慚于汝水封疆密
邇于王城用諧日近之言尙資河潤之福俾迴新命往
受中權於戲大義昭彰朝恩渙汗千里之地可以觀政

三軍之帥可以圖功永樹風聲無忘多訓可

太弟太保馮延巳落起復加特進制

門下爵賞之行憲章斯在急於務則適其變終其事則
歸于禮將軍重位足以奪孝子之情特進崇班自昔冠
諸侯之上申爲懋典允屬公才具官馮延巳儒雅積中
機神應物風雲夙契魚水冥符處多士之朝副具瞻之
望及移相府出鎮臨川封境綏懷聲猷茂遠頃集蓼莪
之痛俯從金革之權露冕有誠輯瑞來覲疇咨舊德保
佑東朝比疏傅之在前允諧擬議類魯公之拜後適就
變除俾進崇階庶申優寵於戲將相之重資爾以惟聖

儲兩之尊繫爾以成德知人則哲子用弗疑勉揚令圖
無忝多訓可落起復冠軍大將軍加特進餘並如故

林仁肇浙西節度使制

門下建侯樹屏有國之攸先崇德報功百王之所共斯
爲令典予敢忘之鎮海軍節度浙江西道觀察等使留
後金紫光祿大夫檢校太傅濟南縣開國伯食邑七百
戶林仁肇稟此星芒鬱爲時幹鼓鼙之氣指勅敵而愈
高金石之心因時艱而益壯故能灼殊功於南部夷多
壘於東門元戎所行績用昭著及總留務于浙之西成
師著無犯之威察俗有惟清之化屹爾京口殷然長城

樹 肇

肇

樹

子惟汝嘉俾正藩守因爾才略樹之風聲雄師大邦所
以屏王室尊官盛典所以懋官成惟惠惟和有嚴有翼
使子無東顧之慮者繫其賴焉克堅一心以永百祿可
依前檢校太傅兼御史大夫使持節都督潤州諸軍事
潤州刺史充鎮海軍節度使浙江西道管內營田觀察
處置等使功臣散官勳封如後

紀國公封鄧王加司空制

門下宗子維城良臣維聖故有王社之數鼎司之權親
親賢賢古之大訓也我有成命時維至公第七子某識
度淹通器質清粹就傅之歲威儀不慙出閤已來聞望

所著向由邦政入踐中樞內形將順之規外盡彌綸之業人知親附俗待和平邦家之基斯實攸賴今六駢巡守萬乘啟行方資扈蹕之勤宜有酬庸之典畫南陽而錫壤掌邦土以命官併加馭貴之資益峻具瞻之望於戲義極君父愛敬之道兼焉任綜文武弛張之政存焉爾其佩服前訓咨詢舊德勿驕勿惰有初有終永樹風聲以保元吉

上太后尊號制

門下膺昊穹之眷荷宗祏之重何嘗不嚴奉慈訓聿循孝理所以化成天下弘濟多艱親親尊尊教之大者也況沈潛之德丕顯于國風輔佐之勤光昭於五業今遺恩累洽靈鑒在天俾予小子恭踐大寶思弘任姒之烈紹恢三五之基彝章盛典敢忘祇奉宜上大行國主皇后尊號為太后

太子少傅徐運授太子太保制

門下崇德尚賢推恩錄舊茲惟令典允屬時英予以眇躬嗣膺丕業威藩之望羽翼之恩敢忘寵章用光師道某清直稟氣忠厚為資實戚里之所宗歷累朝而見重敬慎即保家之至恭勤無出位之思爰自京口臨藩克貞師律鸞臺作相足厚時風留侯旋務於退身疏受更

聞於稱職純誠益著雅望攸高昨者預奉綴衣導揚未
命忠貞以濟典禮無違顧惟冲人懼德弗嗣當此承祧
之日益堅重傅之懷是用就改崇資仍加食賦於戲班
崇一品秩視三師苟非賢臣孰克臻此永期納誨無替
令猷可

朱業江州節度使制

門下古者諸侯之賢入為卿士上公之寵出為方伯故
中外之任踐更攸宜我有勳臣咸曰名將藩維宿衛夾
輔冲人肆予仰成是用申告某家傳武略天賦純誠名
因勇聞位以材致周旋數紀佐佑累朝由裨將以統元

戎勳勞滋茂自百城而登連帥聲政治聞寵益盛而若
驚位益高而愈讓予纂服之始駿奔來朝且堅戀闕之
心因處周廬之任忠貞彌固夙夜惟寅輦下肅清時乃
之力永言舊德豈忘予懷會九江元侯入奉朝任中流
之寄非賢不居是用輟蘭綺之權付金符之重往分巨
屏更伉殊庸噫簡師旅以壯軍聲明紀律以宣庶政可
畏可愛富之教之是汝所長無替前效陟明有典厥惟
欽哉可

朱業宣州節度使制

門下車服之寵所以報功藩闔之權所以觀政茲為令

典允屬信臣某智勇克兼忠貞特立秉武經而致用服
戎政以居多誠悃洞然終始一揆及分符出守持節主
留恩信並行詔條畢舉肅連營而無犯視赤子以如傷
所臨之方去思仍在向鍾多難入衛京師憂國忘家令
行禁止羣情自固戎事以甯肆予仰成時乃之力今疆
場俯靜蒸黎未康宣城奧區國家巨屏方當謀帥是用
策勳資果毅以壯先聲假惠和而蘇疲俗付爾節鉞往
鎮撫之惟爾慈儉足以安民剛正足以行法必當望風
自理投刃皆虛宜弘寬大之規以集中庸之德勉茲具
美求振嘉猷可

泉州節度使劉從效檢校太師制

門下望高於朝則享師保之任惠加於物則進土田之
封所以啟佑沖人藩屏王室者也我有寵數屬於元侯
某山岳儲精星芒秉異挺全才而應用激大義以致身
而自際會先朝奮揚奇策靜一方之多難越萬里以來
庭故得倚作藩宣誓之帶礪而能恩威洽著紀律修明
戎政有經理聲日遠黎獻有不欺之頌朝廷無南顧之
憂茂績忠規古難具此粵予眇質嗣德弗明賴我友邦
越乃賢帥推誠翼戴克荷景靈渙汗之恩惟恐不至是
用增以井賦崇爲太師美號峻階併伸殊渥噫乞言之

禮可以觀德殿邦之寄可以樹勳勉揚令圖永錫繁祉
可

右揆嚴續除司空兼門下侍郎平章事制

門下天作司牧必生丞弼非君臣同體道則不明非律
呂交感功則不濟粵予眇質負荷景靈不有時賢豈戡
多難敬若先意疇茲舊臣某純粹炳靈惠和成性襲台
鼎之慶連肺腑之親歷奉累朝亟更庶尹憂國家之事
知無不為經夷險之間中立不倚言必由於忠信行必
自於誠明勞而弗矜謙以自牧先朝鑒其誠志任以腹
心須當巡守之初俾貳主留之寄盡規竭慮夜思晝行

京輔以甯時乃之力及奉揚末命以佑沖人送往事居
禮無違者忠勳茂績人無閒然今二后在天萬物思理
予方乃眷子亦具瞻是用命作司空倚為左相兼國史
樞機之任進升階食賦之資豈曰寵章是同憂責嗚呼
受遺作弼厥惟艱哉爾其崇遠大之謨布簡寬之政詢
箴諫之士塞便佞之言滿假自賢則其智益蔽虛懷接
物則其猷益光念茲在茲以底於道可

信王改封江王加中書令制

門下唐堯之聖也既以序九族為先漢祖之隆也亦以
守四方在念矧予小子弗堪多難實賴羣臣共康蒸民

粵有賢侯亦在諸父庸勳表德敢或愛焉第二十叔某
 天賦機神生知禮樂肇開宋邸則孝敬之道升聞出建
 齋壇則威和之風遠振況五嶺之際俗雜地雄吏服其
 明民安其教煦如冬日隱若長城孤以不明祇奉王今上御名
 咨乃庶尹至于友邦師保之規既自家而刑國蓼蕭之
 澤當由親而及遠是用正左相之位崇三司之儀增賦
 進封併伸寵數於戲昔我文考並建懿親藩屏所繫社
 稷是衛燕翼之旨可不勉歟敬仁嘉猷以永繁祉可

謝匡策加特進階增食邑

門下王者均慶推恩無遠弗及矧有舊德居然將臣方

申求舊之懷豈悵疇庸之典某素推勇氣夙負壯圖立
 功旗鼓之間發跡風雲之會出分符竹入守關防翼衛
 天門董齊蘭綺咸著在公之績可觀適用之材享此期
 頤保茲優逸臻富壽之福全終始之名比之古人不可
 多得孤以眇質嗣守慶基方資無改之規式重後凋之
 節俾升階序仍進戶封於戲二品崇階三朝貴任人臣
 寵祿何以過斯勉荷朝恩永揚令問可

鄭王加元帥江甯尹制

門下睦親尊賢王者之盛業也中台上將有國之重任
 也是必疇咨公議稽若前經舉而行之謂之令典我有

愛弟時惟宗英論道經邦勳德滋茂肆予有命允叶厥
中某挺命世之才秉生知之哲機神穎邁器宇冲深自
寶玉分封緇衣授職內蘊清明之德外宣寅亮之功持
謙下之資以親附百姓體儉勤之節以表率時風學問
該通每諮詢而自益忠誠孝悌常將順以無違昔者三
后叶心十亂同德允滋古義非爾而誰粵予眇躬惠迪
先訓獲守大業迄臻小康實繫手足之賢以集股肱之
寄無德不報雖親何嫌是用誕舉渥恩就加名數夫元
帥者民之司命中樞者國之宗臣尹京所以表則四方
增封所以藩輔王室毗倚之重何以加斯於戲義兼國

茲

徵

樹

家權總文武動靜之際治亂繫焉所先者在乎弼諧所
慎者在乎聽受清如止水故是非之說不可欺平如懸
衡故善惡之徵不能惑有犯無隱非好異也不違如愚
非苟合也惟公是務惟道是從所務必老成所親必端
士服茲多訓永樹英聲可

朱業加中書令宣州節度使制

門下予嘗顧藩屏之重思黎獻之康故使折衝之威迭
行於封畧惠和之化普及於方州旣報政之屢聞乃改
轅而敷寵咨爾賢帥聽吾話言某武毅致身忠厚成性
踐更事任昭著勳庸倚若金湯誓之帶礪自持使節出

鎮中流恢簡易之風立嚴明之令仁而有斷吏不敢欺
故使萬井阜安連營輯睦藹爾殿邦之績叶子進律之
文率是通才何適不可予以宣城列鎮旬服粵區久闕
元戎未孚王化藉爾有成之政副吾共理之懷右相之
崇宰司所重申為殊獎以極朝恩於戲有惠於民有功
於國中台貴位累鎮劇權苟非純誠何以臻此爾尚守
益恭之節勵匪懈之心永懋嘉猷以光時望

馬在貴加官制

門下盡忠于國者其報深有勞於事者其澤厚方切念
功之義仍當均慶之初不有寵章孰先懋典馬某深沈

於

於
勤
勸

有勇質重寡言少推學劔之能早識擇君之舉自策名
旗鼓受任疆場履險身先有功不伐向分符竹實制要
衝化行於富庶之時節著于艱難之際純誠懿績時論
多之入總禁營遂成優秩富壽之福無闕敬慎之風愈
高予惟汝嘉思有以勤屬此推恩之際俾升掌武之資
噫忠勳既明寵祿亦至終始之義今古所高勉揚令猷
以享元吉

游簡言左僕射平章事制

門下昔在明王膺圖嗣統雖復格天光表繼文下武猶
曰實相以濟又曰克艱厥臣矧惟寡昧疇咨庶尹若乃

承弼之重毗倚之隆詢於具瞻敢或輕授游某世濟文雅挺空公器中興之始卽爲辭臣重熙在運亟更近署忠爲令德實浮於名藹然直聲允洽時望先皇帝省方展義分命羣司藉爾重臣輔予小子直躬無避正辭不諂翊從行闕克申其勞至於受命交共之間抗節履危之際由義以濟知無不爲此皆古之所以爲艱今之所以嘉尙者也閒歲出於獨斷命長南宮議者但高其盡公之誠未許其理劇之用遂能正身而令當官不回厲風霜之威以糾其慢堅夙夜之節以率其勤請託不行紀綱自舉羣議由是咸伏六職以之孔修風雨不渝始

終一致實爲國器想見古人而躬親簿領之間遽成勞勩從容廟堂之上未盡謀猷疇庸之典予所多愧是用命作左相陟茲鸞臺進金紫之崇階典圖書之祕府勳爵并賦併示寵名於戲釋細務足以導節宣之和參大政足以暢彌綸之業繁爾致君之效成我知臣之明往惟欽哉無假多訓可

徐騎省集卷第六

南陵徐乃昌校

國家圖書館, NATIONAL CENTRAL LIBRARY, TAIWAN, R.O.C.



徐騎省集卷第七

東海徐鉉

李匡明御史大夫制 宋齊丘知尙書省制

劉崇俊起復制 馮延魯江都少尹制

王彥儔加階制 李匡明舒州刺史制

趙丞御史中丞制 陳褒制

杜昌業江州制 招討妖賊制

魏王宣州大都督制

王崇文等並本州觀察使制

高逸休壽州司馬制 李萼節度副使制

馮延巳兼起居郎閤居常兼起居舍人制

王仲連朱崇楷等制 查文道知雜制

張義方勤政殿學士制

劉彥貞觀察使制 外祖母追封制

刁紹工部尙書制 張義方左常侍制

李貽業宗正卿制 陳繼善工部侍郎制

蕭儼祠部郎中制 陳景進工部侍郎制

李匡明御史大夫制

敕御史所職實爲紀綱百官之邪得以糾正眾目不理
得以舉明使朝廷凜然罔懈於位茲朕之攸賴而和庶

政也向者治刑不暇官業靡申遂用省其訊鞠之煩委
以澄清之寄庶循理本諒在得人通議大夫守吏部尙
書柱國賜紫金魚佩隴西縣開國子食邑五百戶李匡
明學術優深德望清重可副丞相以鎮時風中散大夫
守右常侍判御史臺事柱國賜紫金魚袋趙丕自掌憲
司克勤於職而侍從之列朝夕論思期於弼違宜在專
任今以庶獄移從理官可歸騎省以備顧問各踐乃位
允期懋功匡明可御史大夫丕可守本官罷臺事

宋齊丘知尙書省制

敕兩掖南宮樞機之地也元台上公股肱之寄也况親

賢在位中外具瞻式敘彝倫爰申明命夫真宰之重大
 政咸歸出納王言固當綜錄侍中壽王某向兼南省未
 叶舊章宜罷判尚書省便領中書門下兩省事太保齊
 巨雖道在經邦方資納誨而事殷會府兼藉允釐可知
 尚書省事大元帥齊王總納百揆以貞萬邦凡曰謨猷
 悉關獻替其三省事並取齊王參決朕允思恭己以荷
 景靈用一國之才敢辭則哲成天下之務庶叶無爲方
 俟沃心豈勞多訓

劉崇俊起服制

敕匡時啟運功臣威邊將軍濠州都團練觀察處置等

使光祿大夫檢校大傅使持節濠州諸軍事守濠州刺
 史渦口兩城使兼御史大夫上柱國彭城縣開國子食
 邑五百戶劉崇俊濠上觀風克昭祖服光祿大夫檢校
 太保持節常州諸軍事常州刺史兼御史大夫上柱國
 劉佑晉陵守土允茂政經而皆夙練軍聲習知邊要方
 深朝寄遽屬內艱未言護塞之權宜舉墨綬之制俾加
 寵命改授階資勉抑孝心以從王事並可起復雲麾將
 軍餘如故

馮延魯江都少尹制

敕朝議郎行尚書虞部員外郎武騎尉賜緋魚袋馮延

於

効時

於從丕

臣臣勤

魯頃者尹縣留都首變田制克勤于事以利于人自歸
朝行已踰周歲如聞眾庶未甚樂成矧彼浩穰所宜均
一是用假爾亞尹往畢舊功其在條理得中厚薄無撓
俾乃比屋咸遂所安止於刑讞之繁亦以公平為用務
令稱職無忝加恩可以本官判江都少尹公事

王彥儔加階制

敕王者旌董戎之功重殿邦之任疏寵之命因事有加
所以勸能而伋效也佐臣衛聖功臣建威將軍康化軍
節度池州觀察處置等使起復雲麾將軍檢校太尉兼
侍中使持節池州諸軍事池州刺史上柱國太原郡開

國侯食邑二千戶王彥儔作鎮方隅克揚威信師謀不
撓庶政有常肅爾先聲宣我朝命向者起于哀制授以
崇階禮適就於變除寄方隆於藩屏俾崇增邑式示推
恩勉揚令圖無替王績可光祿大夫加食邑一千戶餘
如故

李匡明舒州刺史制

敕通議大夫守御史大夫柱國賜紫金魚袋隴西縣開
國子食邑五百戶李匡明向緣時望命長憲臺既歷歲
時亦聞敬慎方伋茂績以光大猷遠觀拜章固辭重位
俾全寵遇宜輟準繩尚賴分憂無忘守節可檢校司徒

兼御史大夫使持節舒州諸軍事守舒州刺史充本團
團練使餘散官賜邑如故

趙丕御史中丞制

敕朕以御史未理庶政靡清思得良臣副吾慎選中散
大夫守右散騎常侍柱國賜紫金魚袋天水縣開國子
食邑五百戶趙丕再履憲署欽若攸司迭爲侍臣匡予
不及俾授格心之寄宜膺獨生之權夫才識兼通然後
能得大體公正無黨然後能肅百司糾正失中則紀綱
撓顧避不言則職業墮爾其欽哉無辱朕命可御史中
丞餘官勳賜爵邑如故

署
臣

陳

勅
勤
聽
永

陳褒制

敕出身事主忠之效也以年致政古之制也淳風將振
斯道復行朕用嘉焉宜示優寵宣徽使某官陳褒以敬
慎之操俊乂之才輔予潛九之初叶我司總之寄出納
惟允佐佑盡規勤勞王家數紀於是未念耆德方注虛
懷遽從知退之言亟有縣車之請雖面諭難抑豈舊功
可忘而司衛列卿秩崇務簡俾退辭近侍猶在立朝勉
迴高尚之心式厚君臣之義可衛尉卿

杜昌業江州制

敕十連之帥百城之長藩屏王室其揆一也隨時省置

何常之有焉朕祇荷慶基懋循古訓迭用舊德以頒詔
 條交修予違踐更爾位肆因大慶式舉朝章金紫光祿
 大夫上柱國京兆縣開國子食邑五百戶杜昌業始以
 明敏肅恭服勞近密出納惟允固慎無違先帝用能委
 之邦政明九伐以恢王略堅一心以迪大猷六事允諧
 時乃之用將圖爾效且盡其才朕以中流之寄九江為
 重控五嶺之衝要鎮百蠻之驛騷屬予相臣入總樞務
 惟爾公望克嗣其勳是用輟夏官之崇膺外臺之職尙
 虛使節以便理戎其往慎乃攸終遵我成憲簡易以申
 令恩信以卽師惟惠惟忠無忝朕命依前檢校太保兼

御史大夫使持節江州諸軍事江州刺史本州團練觀
 察使散官勳如故

招討妖賊制

朕聞先王之靜人也四夷咸賓尙先慎德之誠一夫不
 獲則軫納隍之心是故導以仁聲浹之惠澤猶不可化
 遂威有刑昨者領表遺叱聚為寇盜違其上命犯彼戰
 鋒而敢乘我國哀伺我邊隙侵軼我封部誘惑我黔黎
 保據谿山肆為剽掠朕以肇膺丕業先洽德音矧彼狂
 徒皆吾赤子弗忍盡殺冀其自新所以雖命師徒且令
 招撫而凶愚不革結聚愈繁暴害吏民攻圍縣邑一至

於此其能久乎國有常刑吾又何愛仍聞眾軍致討累有殺傷平人無辜暴骨于野興言及此永惻朕心況常賦及期三農失業特申矜惜更示懷來虔州今年應屬省租稅並可放免仍委諸縣長吏安存編戶宣示國恩防護警巡勿令擾動妖賊張茂賢首爲劫盜罪在難容若能束身歸降亦與洗滌收錄如聞命之後因循未賓卽令招撫諸軍分路進討如所在百姓及徒黨中有能擒斬茂賢者不計有官無官並賜三品賞錢一萬貫莊一區並已分產業並永放苗稅差役傳之子孫此恩不改若能同心計畫及數內或擒獲得稱王稱統軍軍使

之屬并次第首級止於一隊一寨頭領者卽約此例等降優賞放免苗稅差役或能自出身歸投有田畝者各令歸業仍放三年租賦無田者委本道錄奏各與逐便優穩安排及重加賞賚如凶惡不迴爲諸軍擒獲者不問人數卽便處斬明申威信汝自擇焉諸軍將士有能斬獲茂賢殺戮支黨官賞之制並越常規予不食言爾宜自勵朕永惟止殺許汝悛心且妖賊等燒毀倉儲蹂踐禾稼聚食則資糧立盡外取則穀實不收進則大軍扼其前退則領兵倚其後况烏合之眾本不同心緩則苟避征租急則各圖恩賞函首來獻翹足可期咨爾羣

黨等自保家鄉其思甯息與其碎身於鋒刃孰若樂業於閭里咨爾將士等各奮驍雄早成功績與其暴師於境上孰若受賞於轅門體我深懷速清邊徼布告本道咸使聞知

魏王宣州大都督制

敕惟先王體國經野建邦設都並立懿親以藩王室當畿服之地則任輔翌之重有戎昭之績乃增督護之威是以王略恢而諸侯和矣宣城重鎮陪京之南制天險之津梁據三楚之襟帶境環千里邑聚萬民我朝以來戎寄尤切太師魏王受鉞先帝建牙是邦宣導王風董

齊師律生殖茂遂禮讓興行時惟懋功叶此時論粵朕小子懼德弗堪允孚大猷其在叔父雖師保之命已迪茂章而刺舉之名未極公望宜升大府式壯中權於戲立愛之恩予不敢怠敬保之義王其謂何勉啟乃心以底於道可升宣州為大都督府以魏王為宣州大都督府長史餘並如故仍編入冊命宣降

王崇文劉仁瞻張鈞並本州觀察使制

敕守邊之要在乎崇垣翰而重威令也任能之方在乎因善政而加寵秩也懋迪斯道時惟令猷金紫光祿大夫檢校太傅使持節吉州諸軍事守吉州刺史兼御史

實嗣効

於

大夫上柱國太原縣開國男食邑三百戶王崇文儒雅飾身威儀宣用入奉旅賁之列出申刺舉之能光祿大夫檢校太傅使持節袁州諸軍事守袁州刺史兼御史大夫上柱國劉仁瞻沈厚有謀明斷能理護塞之略歷任弗遷光祿大夫檢校太傅使持節歙州諸軍事守歙州刺史兼御史大夫上柱國清河縣開國子食邑五百戶張鈞踐履班行昭著聲問守土之效一心靡違而皆克樹乃勳誕揚我武協比成績勤勞王家朕以眇躬欽承鴻業寶賴良將綏爰四方肆于布慶之辰而有加等之命就升使職並駕兼車仍崇馭貴之封增立將軍之

于

號併申寵寄尙示克終無懈乃誠以底於理陟明有典予不敢忘崇文可光祿大夫依前檢校太傅使持節吉州諸軍事守吉州刺史兼御史大夫充本路都團練觀察處置等使進封開國子食邑五百戶仍賜號威勇將軍散官勳如故仁瞻可依前檢校太傅使持節袁州諸軍事袁州刺史兼御史大夫充本州團練觀察處置等使封彭城縣開國男食邑三百戶仍賜號貞威將軍散官勳如故鈞可依前檢校太傅使持節歙州諸軍事守歙州刺史兼御史大夫充本州都團練觀察處置等使進封開國伯食邑七百戶仍賜號武威將軍散官勳如

故

高逸休壽州司馬制

敕朝議郎行袁州司馬賜緋魚袋高逸休立身謹行聞於朝廷負才好謙老於州縣先皇獎異錫以銀章優秩自居十數年矣其子焞秉乃直筆爲吾史臣適當均慶之初先有腰金之命而愛敬之切發於中誠乞循迴授之文庶遂顯親之義辭旨懇激覽之惻然俾允所陳且成其美仍加寵秩以就縣軍噫望俗舊人惟爾而已觀本朝之恢復拖紫綬以優游孝子克家耆年致養茲惟盛事足慰爾心可檢校尙書水部員外郎壽州都督府

于我斝干族

司馬致仕賜紫金魚袋

宣州營田副使兼馬步都指揮使李萼可節度

副使罷軍職

敕王者官人之旨必褒賢能而均勞逸也列辟垂憲予弗之忘某官李萼夙負壯圖少爲裨將餘勇可賈有勞不矜泗水剖符邊候甯晏宣城從帥連營輯和而將領之權久煩耆德毗贊之任未極初筵俾援尙齒之文就疏加等之命勉承朝獎無替忠誠可

駕部郎中馮延已兼起居郎屯田郎中閭居常

兼起居舍人

萼萼

春
署於

敕朕疑旒端冕以臨萬邦而左右史臣執簡近侍言動得失注記無回故布政罔不臧承化罔不若惟聖攸賴慎柬難虛某官馮延巳君子之儒多文爲富發之爲直氣播之爲雄文某官閭居常行顧樞機學臻精博得廷臣之體多長者之言而皆踐彼周行奉予元子或奏記有翩翩之譽或罇罍多壘壘之談藹然清風叶此時望是宜兼領郎署咸躋掖垣於戲君舉必書朕敢忘于恭已無德不報爾勿怠於懋官各振公才副茲多訓可

侍御史王仲連可起居舍人監察米崇楷可右

補闕

于
于

敕朕嘗思古先哲王所以致理區中垂憲萬祀者蓋有史臣以記其過有諫官以弼其違或面諍於庭或舉書於冊故政令所及罔不化成而怠惰之心無自入矣將振斯典必求其人某官王仲連爰藉才能亟參秩序正已而率下盡節而向公某官米崇楷早負時名尋升閨籍佩韋以臨事慎獨以修身而並服豸冠或司綱憲或立朝多按劾之奏或典刑有欽恤之心叶我懋章宜升右掖勉修官業以副簡求直筆正言無有所諱可

水部員外郎判刑部查文徽可侍御史知雜

敕秦漢以御史掌四方之記我朝以雜端正百官之邪

其名則同所職實重副是慎選其惟通才某官查文獻克負美名早從交辟尋陟郎署升為王臣法讞之難俾其參決而察情無不當持論無不平俾上絕濫刑下知恥格率是幹用使持憲綱在能振舉霜威肅清朝序爾其直躬而處眾正色以當官糾繆繩愆無或顧避陟明有典可不懋哉可

左常侍張義方可勤政殿學士

夫珥金貂直騎省以備顧問非不重也而文學之選宜又加焉某是號名儒久登華貫臺閣踐歷聲實相符侍極而來當官無撓朕祇奉先烈勤求大中諮訪闕疑藉

爾稽古特加近職以示開懷順美弼違無忘謹直

楚州刺史劉彥貞可本州觀察使

敕懋官之旨非增秩不足以示寵行邊之任非進號不足以申威施之其人是為令典某寬厚得眾深沈有謀克荷家聲累膺朝寄百城觀政三郡底甯而長淮上游地雄師眾刺舉之職未及當官廉問之權實諧僉議因是敷寵更伉厥成噫千里之長三軍之帥任遇斯重勳庸是圖爾其敬哉無墮乃力可

外祖母追封某國夫人

敕昔帝欽明義先敦序九族既睦萬邦以懷矧乃推自

業之恩疏漏泉之澤有光茂典式表孝心外祖母李氏
麗德坤儀垂訓內則儲慶漸生民之叶顯魂開石窳之
田肆予渺躬弗忘祇稟而嗣膺鴻業若涉大川奉長樂
以自甯過躍龍而軫念追遠之數宜有加焉是用進啟
大邦載崇懿號昭示戚里知予永懷可

大理卿判戶部刁紹可工部尙書

敕周禮六卿皆有軍政漢制尙書奏事禁中歷代親重
也如是今予有命亦屬其才某官刁紹始以幹能屢參
煩劇向由卿等踐歷省垣制國用而無違登生齒而有
羨丕顯成績是爲才臣今朕祇嗣丕圖永懷司會俾率
諸吏表於南宮爰陟冬卿式申慶澤爾其欽承彝訓修
舉官司無忘克終以忝殊渥可

兵部侍郎張義方左常侍制

敕某珥貂服冕侍從獻替騎省之任也必以儒學大僚
端方名士入膺茲選允叶茂章而爾義方可謂能矣踐
歷臺省抑揚聲實純誠直道造次靡忘今予渺躬嗣守
丕訓弗惠厥德思聞讜言乃均慶恩命爲常侍從容左
右敬伫嘉猷爾其念哉無渝乃節可

太常少卿李貽業可宗正卿

敕先王睦親也必求宗姓之賢者朝行之名臣爲之表

于

敬

儀序其昭穆今我有命時惟舊章某官貽業學以潤身文以行禮貞以幹蠱直以事君有一於此是可嘉尙矧備四者非所謂名賢乎今朕嗣續丕基敷均慶澤是用選於掌樂爲我司屬使吾宗室有信厚之風非貽業而誰勉修厥官無忝多訓可

左司郎中陳繼善可工部侍郎

敕國有六職百工預其一焉我朝已來其選尤重矧自尙書郎而擢拜者不其鮮歟某官陳某以幹蠱之才克今上之美亟更庶尹遂歷省垣委之以繁雜之務而事益御名明兼之以權筦之司而利不匱弘羊心計亦莫加焉屬

朕出震嗣圖施令布慶二卿之任頗難其人今以繼善爲之爾其可以稱職噫大僚之體存乎簡易興利之要在乎廉平無淪乃誠以撓吾法可

水部郎中判刑部蕭儼可祠部郎中

敕某官蕭儼夫王者之爲政也任能舉直理刑懋功如斯而已矣今秋官卿佐皆闕爾儼實專其司定法察情克舉攸職切言直氣屢聞於朝靡私厥躬何其愛朕之深也方將圖效適屬均恩是用就升名曹仍加命服俾耀省闈時予寵章爾其念哉無易乃心無回乃行決獄以寬簡當官以公平一心克終予慎嘉汝可

屯田郎中李景進可工部郎中

敕某官李景進昔漢館陶公主爲子求郎而不得何者非其人也今汝景進亦吾外戚而謹愿儒雅好學善言久爲臺郎頗副時望故均慶澤擢轉名曹彼漢推公而吾獎善兩得其道不亦宜乎

徐騎省集卷第七

南陵徐乃昌校

徐騎省集卷第八

東海徐 鉉

張援可司農卿制

李潯正授江都令制

潘處常可金部郎中制

高越可檢校水部郎中制

景逵檢校司空制

景廸可檢校左僕射制

鄭延樞可清江縣令制

艾筠可江都少尹制

閻度可江甯府參軍制

馮侗可祕書省正字制

李景述可虞部郎中制

趙丕可司農卿制 成幼文可主客員外制

袁特可浙西判官制

喬匡舜可浙西掌書記賜紫制

查文徽可樞密副使制

顧彥回可浙西推官制

周弘祚可池州刺史制

鮑濤可虔州判官制 閻居常可檢校司空制

韓熙載可兼太常博士制

張緯可句容令制 高越可水部郎中制

趙仁澤甯國軍都虞候制

高弼可元帥府書記制

孔昌祚可泗州刺史制

方訥可東都留守判官制

田霖可東都留守制 張師古可校書郎制

王崇昭可江西觀察衙推制

沈翺可大理司直制

翟延祚可水部員外郎制

唐顥可監察御史制 馮延魯可勤政殿學士制

林廷皓責授制 告天地文

祭世宗皇帝文

匡愛

弘

太府卿張援可司農卿兼大理寺事

書曰任官惟人又曰惟刑之恤朕服斯道因舉而行某官張援為性端方處眾和雅貞亮足以幹事哀矜足以得情亟更攸司弗易時用因予有慶期爾盡才命為大農俾掌廷尉於戲庶獄之慎不可忘也單辭而行不可為也平反伏念夜思書行尚於措刑體我求理敬之哉

權知江都令李潯正授

勅四京令之重也其選惟一是一必試可以進之均慶以寵之蓋欲慎厥官而安其政也某官李潯屢為長吏綽有能名東夏之理不易其操事簡俗便予甚多之爰用

加恩俾從真授勉欽朝獎無懈乃心可

和州司馬潘處常可金部郎中

勅先王之制官刑也過無所隱其肆大眚也善靡有違無私之義於是乎在某早服時望亟更臺郎予在東朝列于賓席旋貳廷尉實奉邦刑偶違伏念之言遽貽一黜之命今朕祇嗣丕業誕敷慶恩豈以職弗之愆遂忘罇俎之舊是用召自近郡陟於南宮勉承寵光以求無咎可

浙西判官高越可檢校水部郎中賜紫

勅王者之建藩輔也必命重臣以臨之又擇賢士以佐

於黜事

于勤

貞

于

于貞

于

于第

後集卷八

之政成當遷留而增秩古之制也高越以儒學淹雅見稱於時頃自南宮直于東觀筆削之言方勵弓旌之禮是求從事大邦率多婉畫有嘉令望爰屬慶恩俾假正郎仍紆紫綬服我加等之命無懈盡規之心

安陸郡公景逵檢校司空太府少卿

勅夫太上立德其次親親能兼之者鮮矣惟是具美屬於我朝某孝友資身貞幹為質守樞機而無悔居富貴而不驕藹然善聲成此嘉器朕肇襲丕業廣覃慶恩矧有名臣近在宗屬是用假以空土列於亞卿仍進崇階併示優寵於戲行為民則爾其勿忘愛克厥職朕不敢

尙服我多訓永揚令圖

保定郡公景迪可朝散大夫檢校左僕射賜紫

制

勅朕歷選列辟見其睦親名器之難必當慎簡信不可私於其屬也故我疏寵務先推公保定郡公景迪靜惟端方動必孝敬佩服師友之訓成信厚之風宗室之間問望尤著屬我嗣服之始叶於立慶之恩爾其率循令猷惠迪前勲勿驕勿惰以永乃成

左拾遺鄭延樞可清江縣令賜緋

勅夫邑令之有聲者入奉清列諫官之滿歲者出宰百

六三六

里蓋朝廷憂民立政之意也某官早歷宦緒無廢官常擢參禁垣克服彝憲而南楚大邑長吏尤難命自周行往宣朝旨仍加朱紱以示殊恩無易乃心勉修所職

浙西判官艾筠可江都少尹

勅天下之大建親分陝以尹之東夏之重選能設貳以維之茲用安民而政舉也某官艾筠識量純素學術通明奉我東朝周知其善輟借侯幕載揚令名海虞之重筠有其力夫以亞尹之難如彼而有適用之才若此俾膺慎選不亦宜乎勉勵公方更施勤績

閩度可江甯府參軍

隅康

問

勅鄉貢明經閩度士子起家而預清級者蓋亦有之自非才地兼茂則不能光朝命而叶時論矣以爾名父之子自強不息學業履行實浮於名屬予出震之初成我多士之世俾掾天府以漸亨衢無忘益恭更揚令名

馮侗可祕書省正字

勅五品子馮侗蘭臺圖書之府起家而預之自非有才孰克處此以爾早服嚴訓實揚令名勵學檢身如恐不及成爾嘉器富我士林俾授初資以漸清貫無忘詩禮之學以益刊正之勤可

舒州司馬李景述可虞部郎中

勅王者用士其要惟公苟得其才近親何避某官李景述承茂勲之後秉素士之風頗有美名聞於戚里郡丞之任為久臺郎之位為宜俾疏慶恩改授清級無忘師友之訓以奉朝廷之儀

江州判官趙丕可司農卿

勅王者之正百官也黜其有過其肆大眚也許以自新則邦典行而朝恩浹矣某官趙丕謹行以處眾克勤以在公臺省踐更誠心不替故先皇獎用寄以準繩而靡達官常自罹常憲朕纘承鴻業廣布慶恩以其久列班行偶因迷謬特申渥澤俾授正卿勉勵乃心仁揚令望

江西推官成幼文可主客員外郎

勅諸侯之佐命于朝廷而治職有勞奏課稱最者則當升閨籍補為省郎蓋勸能取士之旨也某從事大鎮于茲累年本以誠明濟之通敏論不阿諂政無頗邪一方允釐爾實有力今予寵爾以立朝之位命爾以司藩之官爾其敬哉無忝我陟明之典

洪州判官袁特可浙西判官

勅袁特朕以關輔之大控制要津出保傅之重鎮之以屏王室擇寶從之賢佐之以齊政經而特尹縣神州理甚簡便運籌盛府言必端詳叶於東求宜授斯任夫潤

之民固與洪無異而爾之操當與初不渝則官業允釐而朝獎無替矣敬服斯訓往勵乃心可

洪州掌書記喬匡舜可浙西掌書記賜紫制

勅喬匡舜朕以師傅之重敬而不違式遂便安俾臨關輔而軍旅之事不可無佐奏記之任不可非才聞匡舜以高文受知以直道從事歷歲斯久弘益居多故因其賓席之資加以紫綬之貴改轅東適從吾上公無替初心以忝朝令

知雜御史查文徽可起居郎樞密副使制

勅秉記言之筆以待左右受司聰之寄以典出納並居

二職其可非才某官查文徽儒雅表文忠厚成質早踐華貫時為名臣以南宮清望之資當憲府雄極之任提綱有序而眾目以理正身自處而周行以清物論與之子用嘉尚居中理極不亦可乎噫為朕腹心注人耳目執節一懈悔咎隨之爾其慎之無忝吾命可

潤州丹徒令顧彥回可浙西推官

勅長人之吏親職為勞觀風之佐坐籌為異均其所任是曰優恩某官顧彥回以清節士風嘗參王府以耆年篤行出字齊民謀績尤異自當優寵馳驅州縣非為所宜俾陟賓階奉我元老優游盛府足以光華

撫州刺史周弘祚可池州刺史

朕以將復淳風務先理道思得良二千石以安吾民儻副簡求迭受大郡斯蓋布政懋官之旨也某官周弘祚勲臣之子雅有父風自服佩恩華踐史事任訓齊武力能得士心綏懷邊戎克壯兵畧俗阜秩滿序勞當遷朕觀其才可謂良矣青陽名郡控制中流前所任者咸屬重望今以授爾爾其欽哉進爵升階式示兼寵苟勤節弗易池人來蘇考績策勲吾有彝典

吉州判官鮑濤可虔州判官

勅虔之為鎮俗雜地廣化不可一時生寇攘萑蒲旣平

閩井思父可以佐吾良帥而甯吾齊民者亡聞某官鮑濤久倅列郡克舉官常從政以和理劇無滯況虔吉鄰郡聲績素彰便道之官率舊為用副茲慎選誰曰不然爾其敬承無忝明訓

給事中閻居常可金紫檢校司空充盧州節度

副使

勅王者推念舊之心申優賢之旨官序出處從其所安諒不可滯於一方也某官閻居常執心冲粹為學精博修賢人之業多長者之言粵予纂承實重舊德俾掌駁議直于瑣闥而無妄之疾未痊貞退之請彌切重違誠

願抑此朝恩俾佐藩方式便頤養金印紫綬邦土憲司
併申寵光以示優渥陟明之典當俟有瘳可

虞部員外郎史館修撰韓熙載可太常博士

勅某官韓熙載朕以因心之感同軌有期嚴恭禋祀仍
從此始求所以節豐儉而振廢闕者屬於禮官慎選其
人必在時彥以熙載學問精贍辭氣亮直本以通識濟
之奇文惟名與實咸副是命故輟自東觀列于曲臺使
代稱禮樂之盛吾實有望於爾勉之哉

虞部員外郎史館修撰張緯可句容令

勅為政之要在乎安民長人之利在乎慎選故吾用古

道擇尚書郎而命之某官張緯學問該通辭藝精絕自
東朝載筆石室抽文朝論藹然以為名士矧又洞識理
體周知物情是為通才何適不可王畿大邑既庶而富
藉爾敏惠為吾教之仍假臺郎以申朝獎苟聞報政豈
恡加恩可

浙西判官高越可水部郎中

勅多士之世副臺郎之選者前代謂之賢乃知三署之
屬例無輕授某官高越早踐朝序嘗為史臣當官有聲
聚學不倦頃屬上將出臨大藩輟參入幕之資備觀理
劇之用府罷赴闕時名益高司川之秩俾從真授無忘

職業以荷朝恩

左監門將軍趙仁澤可甯國軍都虞候

勅南藩之寄宣城爲最師勁而眾地近而雄故朝命列校以貳軍事所以重其威令也某官趙仁澤名將之子頗有父風在軍積年武畧精練出甯大邑歸預禁營副予簡求俾隸宣部往綏乃績無替前芳

左師郎中高弼可元帥府書記

勅某官高弼王者之用師也必先以文告之命訓誓之辭故戎車之往記事爲重而朕前委愛弟實司邦政今命爾弼使典軍書任才責功其意具在矧弼嘗參西掖

尋履南省所歷之任籍籍有聲今能奮雄辭而塞慎選陟明之典予豈忘哉

左領軍將軍孔昌祚可泗州刺史

勅左領軍衛將軍甲仗宮城營造等使孔昌祚朕以長淮北偏閔隔戎夏惟彼泗口實當要衝凡爲守臣罔不慎選而昌祚以貞幹事以勤懋德周廬巡徼之政宮禁繁劇之司董齊典理靡有違者歷歲且久秉心不渝朕觀其才可爲邊將授以符竹付之臨淮爾其揚乃武威修乃郡政登于考功之籍以塞任能之恩可

水部郎中方訥可主客郎中東都留守判官

勅某官方訥朕以分陝之任非親賢不可故迭用子弟以居守復以佩觿之齒唯訓導是務故慎選名德以從行而朕在東朝先皇命爾訥列我賓席恭慎文雅抱其風度將順規諷揖其忠誠尋又奉予愛子益固是道今所授任非訥而誰客曹正郎留臺幕職往示兼寵爾其敬哉乃心不渝懋典甯忘

祕書郎田霖可東都留守巡官

勅某官田霖朕命愛子表正東夏管記之任樽俎之間唯才與行乃可是選而朕在儲貳則嘗知霖文藝直心綽有餘裕累參載筆之任近登祕籍之司列於王官頗

叶時望故授以留臺之職副茲託乘之求爾往敬哉無忝予命

前山陽縣尉張師古可祕書省校書郎

勅王者之行慶也獎能振滯赦過責功如斯而已矣某前爲縣佐以公事罷免而聞其立身修己有足多者故從其滌瑕之命升諸祕籍之司往服乃官勿重而悔

江州錄事參軍王崇昭可江西觀察衙推

勅某官王崇昭西南大藩庶政繁會訟獄之理欽恤是先重輕一隳手足無措必得朝士以典掌之而聞崇昭可當斯任往蒞乃職無忘益恭

仕

匡

弘

於 敬 匡

後集卷八

前舒州錄事參軍沈翽可大理司直

勅某蔭籍從任以儒術資身蓬閣曳裾早揚聲問侯藩載筆亦懋勤勞向事圭符實司綱紀州縣之職非其所長既失儀刑遂從罷秩今慶賞斯浹一眚咸矜復爾名籍俾參棘寺吾不記過爾其自修

前舒州刺史李匡明可中書侍郎

勅朕以不德恭承丕基思聞獻替之言以自開悟故以侍從之列尤用簡求矧乃職奉詔命地參公輔歷代精選可虛授乎某以風度爽邁克嗣遺今上御名以文章弘雅累踐清途先皇器之任遇尤重故其冠翰苑掌天官長憲

臺肅千里靖恭于位績用有成舒人既康執璧來覲宜加疏等之命擢為鳳閣侍郎敬之哉出為諸侯非不貴也入首三品非無位也持重足以鎮物納忠足以報我匡正不逮予有望焉

歙州觀察推官翟延祚可水部員外郎

勅某以外諸侯吏入為尚書郎者非推恩酬勞何以臻此聞爾宰百里佐廉車皆有政能宜當選任往祇乃事無忝予恩

大理司直唐顥可監察御史

勅某夫御史之列皆一時之清選而貴仕所由漸也聞

後集卷八

七

爾執心有常從事以直持刑甚平允當官有勤勞故升諸朝廷俾之察視爾其懋乃才用修我紀綱無傾側糾訐以為能無依阿顧避以自守勿貽爾悔以忝予恩

禮部員外郎馮延魯可中書舍人勤政殿學士

制

勅侍從庶職總司清要若乃參書殿之列備切問之重使如綸之命式光人文無詢之言不入吾耳所寄若是其選可知某惟望與才皆副是任況東畿亞府有理劇之用南宮禮典多伏奏之勤俾膺簡求必叶虛仁夫前言往行爾所祇服正辭讜議予之嘉聞無從非彝以忝

多訓

筠州刺史林廷皓責授制

勅恥過作非言不顧行為臣如此在法難容某頃自歸朝頗推有勇俾之為將所以圖功及封疆多難之時車徒四出之際遂能激揚壯節指麾師旅付以圭符而畏懦屢聞遁逃不暇震驚城守註誤軍謀當此之時已宜行法予以義深罪已功在止戈既屈身以弭兵乃含垢而務德復移郡寄仍縮使權苟奏課之有聞亦在人而何棄未終考績爰掇訟辭猶且累上表章屢言今上陷洎遣制使明徵其辭乃自滁揚罷郡以來筠州移任之後

侵漁公帑積數且多干犯詔條為罪不一證據明具詞
理並窮殊不省非更為文過謂競廝養為恥以對獄官
為羞欲蓋彌彰侮我何甚其武勇也既如彼其誠心也
又如此倘猶弘恕何以律人尚以君臣之間務全終始
特從薄貶庶克自新勉荷寬恩無重而悔

告天地文

臣以寡昧叨嗣慶基對越上玄申養長樂側身恭已靡
敢荒寧而聖尊后自夏秋以來寢膳違豫醫藥備竭禱
祠必至數月於是有加無瘳憂勞之誠不知所措敢陳
蠲潔仰告威靈伏惟精懇上通玄恩錫佑哀臣烏鳥之

志憫臣欒棘之心使六氣惟和百祥薦降冀於旦夕速
就康寧臣內顧眇躬弗明於道方深慈訓之益欲報劬
勞之恩烝烝之懷區區於是隳瀝肝膽以俟鑒臨

祭世宗皇帝文

稽古靈命造圖伊始聖人既生萬物咸理玄功格而高
謝令問垂而不已通玉帛于無外執豆籩而萃止蓋百
代之不易言皇猷之至美恭惟盛德乃聖乃神爰初纘
服舊邦惟新瞻顧函夏實始經綸三驅示禮四載彌勤
濟之以武守之以文降鑒迴慮全國庇民既戢兵而禁
暴咸服義以歸仁功成理定返樸還淳羣賢在位百度

惟貞方將致宣王之薄伐焚老上之龍庭還師衽席檢
 玉云亭何祝壽之無感忽綴衣之在辰嗚呼哀哉神祔
 軒工化流南國率感義以孺慕共銜哀而膈臆日月以
 之匿曜煙雲爲之改色痛輯瑞之長違恨攀髯而不得
 嗚呼哀哉永惟下國獲嗣餘基奉天光而不早順文告
 以何遲仰電霆之振以警其失賴陽春之澤以赦其迷
 既賓禮之加厚亦恩情之過私大信有十齡之固承勸
 無再稔之期覽訃書而慟絕捧遺使以漣洏嗚呼哀哉
 集同軌於七月遏八音於四海喬山之冠劍長掩灞浹
 之川源不改敢薦忠信敬陳脯醢庶有感而必通願降

神而如在

徐騎省集卷第八

南陵徐乃昌校

徐騎省集卷第九

東海徐 鉉

光穆后諡册

封保甯王册

追封許國太妃册

蔣莊武帝册

追封安王册

追封豐王册

劉仁贍改封越王册

慶王進封陳王贈太尉册

追贈留從効父册

昭惠后諡議

光穆后諡册

維年月日嗣國主臣某再拜稽首言臣聞體厚德而母
萬物存乎尊位騰耿光而蕃百世繫乎鴻名繼統廣業

貞於
於弘

莫斯為重顧惟小子懼忝貽謀對越祖宗敢揚公議伏
惟大行聖尊后姜任顯族皇英茂德作合元聖長發祥
符秉婦禮於儲闈正嬪則於四海孝心天賦惠問川流
祚啟重熙尊歸里內率循陰教欽若皇猷順承利坤元
之貞輔佐流周南之化慈撫公族仁懷六宮清淨廣于
真風戒慎刑于外戚用能永錫繁祉弘濟多難保佑沖
人克荷丕今上仰繫慈訓方恢景福靈臺告祿永樂長遠
罔極之懷觸緒荒殞恭惟尊名節惠之典載考儒臣禮
官之稱咸以為光大孝悌之懿肅雍賢德之盛昭映前
烈垂示無窮列辟承式弗敢失墜謹奉玉冊琮寶上尊

謚曰光穆皇后伏惟威靈如在鑒茲縟禮延九廟之積
慶與二儀而長存嗚呼哀哉謹言

封保甯王册

維保大元年八月丁未朔其日皇帝若曰稽古夷庚祇
叶皇極建侯樹屏保乂王家用能乘運會昌歷世重光
先哲所以啟後列辟所以時憲者也我思立愛宜有加
焉咨爾二十弟某中和萃靈寬裕成德戲必俎豆之禮
學無城闕之遊聰明仁智仰遵前訓孝友姻睦率由生
知昭此玉音應于麟趾朕以不德凜乎丕承文武之功
期無獨享契龜胙土抑為舊章今使使某官某持節册

某
樹

爾為保甯王食邑二千戶敬之哉昔我文考對越上帝
敷佑下民克儉于家無縱于逸再造之業與世無窮予
以爾有邦膺受繁祉今爾尚迪遺烈保終令圖無從非
彝無狎非正耆老是聽訓典是師綏甯乃封以永元吉

追封許國太妃册

維保大三年太歲乙巳七月乙未朔某日皇帝若曰昔
在祖后法象天明旁求淑女式孚陰教並建內職以麗
外朝故其先德之舉顯魂之命比爰庶尹無不及焉蓋
敬終貽後之旨也咨爾故汝南郡君周氏恭儉執中明
智資性頃諧法相入奉先朝紘緼之勤夙著于彤史湯

沐之寵竟飾於泉扃粵予纂承祇稟茲訓家道既正國
風以理仰蹈成式永懷舊人是用釐舉闕遺追崇名教
昆吾舊宅太岳全邦申畫四封以先懿德今使使某官
某持册封許國太妃嗚呼令聞不忘盛典無替昭昭復
魂聞予此言

蔣莊武帝册

維年月日皇帝若曰稽古皇極訓民事神詔大號以崇
正直之威垂大名以紀昭明之德牲幣有數典禮不愆
政是以和神降之福莫不由斯者已若乃以死勤事沒
而不朽流光儲祉蔣帝有焉惟帝冥符靈氣孕毓玄造

於 神 於
禎 惟

嘉猷雄畧昭映前人在昔潛耀大川躍鱗下邑著艱難
之節所以事君彰變化之神所以顯俗惟德是輔感而
遂通建福會昌以戡時難豐功厚德以享帝郊史臣執
簡于無窮工祝正辭于不絕顧茲寡昧祇嗣寵鴻敢忘
人謀以叶靈貺瞻言南岳作鎮皇州興運惟新禎符不
顯而位極于炎昊名謝於康惠墜典未舉予用慊焉濮
陽諸姬實纂服之舊邦尅亂除害乃庇人之盛業合爲
緝禮申告祠庭今使使某官持節奉冊追謚曰蔣武帝
嗚呼丹青懿烈光光如彼簡冊廟貌昭昭如此永爲民
正無乏神主之望焉

追封安王冊

維年月日國主若曰稽古大猷啟迪來裔藩翰之寄重
事也不以親屬爲嫌寶玉之分盛典也不以死生易節
昔在有魏蒼舒早世降及我唐子雲無祿咸用追啟王
社飾于泉扃垂爲憲章肆予遵舉咨爾某稟信厚之德
持謙下之資在傳不勤爲善最樂烝烝孝敬之性恂恂
友悌之風及苴茅北藩授任殿省別六尚之名物參九
戎之政令行以正直持之公平諸御知方羣校競勸職
修事舉朕甚多之爵止極于公封位未登於六事流光
不待時望慊焉申予有慊之懷加爾飾終之禮冬卿峻

於 代 敬

懷

秩楚澤全封丕舉茂章永光餘烈今命使某持節冊贈
工部尙書封安王嗚呼延吳之壞予用多愧間平之德
人其識諸簡冊無虧丹青不泯昭昭復魂亦克知之

追封豐王冊

維年月日國主若曰名器之重典冊之崇不以親疏爲
嫌至公之舉也不以死生易節歸厚之道也先哲彝訓
我儀行之咨爾某挺岐嶷之姿稟山河之秀亦旣就傅
時爲老成迪祖宗之猷不愆不忘奉詩禮之學惟幾惟
勤公室所推藩屏攸寄秀而不實凋此妙齡天性所鍾
永悼何已眞王異數護塞英雄藩舉爲寵章飾彼幽壤今

歧

命使

云

嗚呼分以寶玉苴以白茅弗及圖功猶足表

德尙爾不昧知予此心

衛王劉仁瞻改封越王冊

維年月日國主若曰忠臣之事君也歿且不朽王者之
念功也久而弗忘故賢哲膺期風烈所及千載之下若
旦暮焉矧先朝舊臣藩方賢帥雄名大節震耀區中粵
予纂承敢亡褻寵咨爾故某命世英傑奕葉勲庸便蕃
寵遇茂著聲實間者輟自離衛鎮于壽春導德申威罔
不率俾國步中梗邊烽載驚介然孤城橫制險地威畧
所奮以戰則靡亢恩信所加以守則彌固社稷是衛豈

驚

於

於

於

於

於

惟封疆嗚呼壯圖中奪而英氣動於二國奇表長謝而忠規流於百代肆我文考爰極寵章崇為帝師建以王社大名備物無不及焉咨予小子敬想先正聞輦之感斯極飾壤之禮未行是用越于彝章再光贈典山陰大國會稽遺墟申畫四封永旌懿烈今遣使某官持節改封越王嗚呼忘身殉國其至如彼慎終追遠其厚如此永錫繁祉子孫保之

慶王進封陳王贈太尉冊

維年月日國主若曰古稱王者之貴必有光也豈不以在原之助義切於邦家陟岡之恩情均于存沒自非贈

飾之寵甯申敦叙之懷稽迪前經式揚盛典咨爾某受天正氣為國宗英器量川停機神秀出縱橫之智發為事業儒雅之度播為文辭自錫壤侯藩調兵簡錡行令惟一撫下惟仁周廬不驚宸極甘寢天覆形於鍾愛時望極於維城景命不融儀表長謝壯圖大畧嗟時運之難并遺文餘烈綿歲序而常在粵予小子祇荷今上奉慈訓于長樂頒分器于懿親友于之思追懷何已是用修嚴縟禮申告九泉以王有文雅之稱故改封於陳社以王有重厚之器故建號於上公光昭令典永垂不朽今命使某云噫花萼之遊宛成今昔寶玉之數遂隔

平生尙想明靈鑒茲永悼

追贈留從効父册

維年月日國主若曰立身揚名君子所以顯父母也慎終追遠王者所以厚風俗也政之大者其可忘乎咨爾清源軍節度使留某父贈鄴州都督彥雄行當於躬量韜於世修誠明而應物積善慶以流光實啟高門誕生賢嗣建節風雲之會致身藩翰之權清甯一方表率羣后歲勤職貢恭守朝經位崇帝師勲在王府向非稟訓有自膺期而生則功勲所昭何以及此雖褒贈之典已賁於九原而督護之名未光於大府俾加縟禮薦洽朝

章今遣使

云

持節册贈爾爲潞州大都督於戲節越

之貴命屈於生前典册之崇禮符于不朽旣足以光爾之有後亦所以表予之推恩昭昭有靈知我斯意

昭惠后諡議

臣聞廣莫極於坤元則含容光大擬議著焉尊莫隆於王后則窈窕思賢詠歌發焉是以上德無名而稱謂流於百代至道無象而儀刑表於萬方此固天理出於自然聖人所以無避者也矧惟節惠之禮百王盛典述德之議史臣至公誕昭耿光敢揚懿德伏惟大行國后生商遺烈安劉積慶淑質奇相惠問英才光映台華作儷

於

公族紹隆藩閫載輯儲闈世子專寢門之禮孝心不匱
大君以家人之慶天覆有加誠由肅雍之德叶此睦姻
之盛言內則者以爲美談及屬運飛天尊歸配地嚴恭
匪懈稟母儀于上宮慈惠積中率婦道於天下澣濯是
服而六衣有煒環珮中節而有御有倫思脫簪之誠以
成憂勤之政躬大練之飾以輔純儉之風陰教旣孚王
化茂遠方輿告變椒風永闕慟結長樂哀纏紫宸龜筮
叶從攢塗將啟旌德之號彤管斯存若乃山河表德而
文之以禮金玉其相而守之以恭垂訓以慈進賢以哲
至於誦經習詩之敏審音知樂之明超然遠識夙絕終

於化

古勤行孝養下自從禮故寬裕懷於六宮天資明惠學
無不通故遺愛鍾于宸眷載稽具美實光前列謹按諡
法德禮不愆容儀恭美皆曰昭慈哲遠識寬裕遺愛皆
曰惠仰惟實錄足表鴻猷諡曰昭惠后謹議

徐騎省集卷第九

南陵徐乃昌校

徐騎省集



三

徐騎省集卷第十

東海徐 鉉



武成王廟碑

蔣莊武帝新廟碑銘

武烈帝廟碑銘

重修筠州祈仙觀記

筠州清江縣重修三清觀記

武成王廟碑

下臣伏讀前史窮探政經莫不以兵戰爲危事目干戈
爲凶器異達人之格論蓋曲士之常談若乃上考洪荒
遐觀擬象九疇垂範何常棄從革之功五緯麗天詎可
淪長庚之耀春生夏長非秋無以收成雷動風行非霜

不能肅殺先王設教疇敢淪之垂衣裳以正其本為弧矢以申其用坂泉戡亂所以見軒后之神明丹浦庇人所以成帝堯之光宅七旬來格本由舞羽之仁八百同辭始自葬枯之惠故修文廟堂之上者武功之始折衝千里之外者文德之形好仁而忘兵則西夏偃王以之而殞恃力而棄義則夫差贏政由是而亡乃知文德不修則武功不立武功不試則文德不昭相須而成其揆一也故立其教者謂之聖大其業者謂之賢聖則應天順人西伯受代殷之任賢則開物成務太師有佐命之功當其偃息朝歌盤桓渭水量恢宇宙既處困而能通

才冠生民亦俟時而後動雲雷之屯已今上天人之契冥符歷數有歸君臣相遇投釣而起同車以還尊為王者之師我無慙德加之百姓之上人絕異言大矣哉聖哲膺期無得而稱已故能式遏亂略大拯橫流把白旄而誓師操黃鉞而助斷解倒懸之困釋比屋之誅六統既集天保已定然後式廬表墓歸馬放牛申義封于夷齊授成事於旦奭宏開四履高視五侯及其德澤將衰風流已遠猶使紀侯大去不遺九世之讐周室既卑更賴一匡之業自非道充四表功濟三才孰能不顯烈光若斯之盛者也其後聖人既沒真風漸漓戰國如焚羣生

護
于

貞
於

戊

矣

徵
於

殄瘁先王利器舉爲爭奪之資闕里諸生率用縱橫之說遂使中都憤歎聿興末學之詞柱史傷嗟始發不祥之論流遁忘返積習生常則我武獲之音將墜於地夫至公所以應羣動上德所以綜萬殊達其旨則左右咸宜迷其本則弛張兩失自漢參霸道魏濟姦雄藐爾千年荒哉七德國家參墟發命扈水膺圖羣黎興後后之辭八表有宅心之地高祖奉天革政扇牧野之高風太宗屈已師臣躡渭濱之盛軌施其法則致其報入其國則思其人貞觀年中始于礪谿立廟玄宗祇若先訓奮發神謀平內難於女戎嗣鴻圖於代邸永言遺範重事

嚴禋開元中詔京師及天下州府並立太公廟著良辰於上戎抗繻禮於虞庠而復歷選前修式崇配享得其體者參入室升堂之列蹈其跡者儼摠衣函丈之容穆若皇風煥乎甲令肅宗來朝走馬初嚴避敵之師九五飛龍遂荷在天之命澆戈旣戮商奄猶驕方資戡定之勤更舉褒崇之詔禮尊南面位極眞王取其大告之稱以定易名之典歷代之闕文備矣聖皇之能事烝哉故得靈鑒孔昭羣臣競勸諸侯供職函夏同文中興之功配天齊古雖復運逢興替時有安危造周之德旣隆思漢之人常在烈祖沉潛剛克神武有徵靜氛厲于蕭墻

功高庖正掃摟搶於丹徼業茂賓門由是四海樂推三
 靈眷命光復舊物洪惟至公大道將行皇猷累洽今上
 允文允武克長克君自出震見離發號施令雷行天下
 豐宜日中信及豚魚仁霑行葦若夫尚齒尊賢之教宵
 衣旰食之勤制禮作樂之文返樸斲雕之質固已紛綸
 帝籙掩映瑤編猶復叶比臧謀疇咨庶政以為五材並
 用廢一不可天下雖平忘戰必危是故簡萬乘之人申
 九伐之令六官聯事百度惟貞副君以介弟之尊當撫
 軍之任威而不猛動必以仁大元帥齊王明德茂親由
 諸王而宿衛副元帥燕王敦詩閱禮以長子而帥師用

能啟迪大中張皇下武其餘西京名將霧集星羅北府
 奇兵飈馳電驚並列雲臺之像咸開長水之宮地利人
 和思深慮遠域中無事則用之於進賢興功四方有變
 則用之於弔民伐罪故出車甌洛則係以長纓鞠旅衡
 湘則舉為內地皆所以拯其塗炭之患息其沉闕之爭
 非徒誇大兵威兼并土宇而已至於篁竹萑蒲之聚田
 昭屈景之宗或粗舉先聲或聊分偏校莫不厥角稽顙
 請命即刑史不絕書野無遺寇斯乃聲名文物之外廟
 堂帷幄之間思未半之功已倍矣加以為而不宰讓德
 於天潔粢豐盛靡違於時事春蘭秋菊遠被于無文乃

顧崇韜式嚴邦政以爲三王四代之事罔不從師前哲
令德之人必將崇祀列聖盛典實啟孫謀乃復舊章爰
作新廟于是宗伯建位梓人授規入端門而右迴旁太
學以西顧瞰康莊而列屏因爽塏而營基他山之石威
移中伐之材畢萃成之不日自比靈臺揆彼方中甯慙
楚室崇堂屹以特起高門豁其洞開筵有籩豆之區階
有賓主之位干戈在序鐘鼓在庭緝然觀藝之場藹爾
致誠之地春秋二仲時和氣清醴醖交羞牲牲不疾鵠
冠礪劍展告虔薦信之儀玉戚朱干儼象德達神之列
中軍元帥出建靈旗六郡良家來登勇爵旆旌鑣吹桓

桓推轂之威金石絲簧穆穆宴毛之序觀之者亂臣知
懼比夫漢尊黃老詎臻清淨之源秦用刑名徒有刻深
之弊中庸之德其在茲乎嗟夫聖人沒而微言絕王澤
竭而頌聲息奚斯露寢諸侯之事何觀吉甫清風衰世
之音孰尙豈若帝圖光赫聖作宏新人知鼓篋之方家
識止戈之漸固可著之金石列在鼎彝微臣學愧常師
用慙兼備承明再入固無經國之才宣室徵還幸對受
釐之問將使延州聽樂長聞雅正之聲圯上受書世出
帝王之佐敢揚丕訓敬勒貞珉其銘曰
於惟基命建用皇極實有武備以昭文德弗惠弗迪是

糾是殛天地剛柔惟帝之則是則是倣文王武王惟師
尙父時惟鷹揚匡正天下綏爰四方微禹之烈于湯有
光肅肅牽牲皇皇表海簡禮從質因民不改難老曰壽
專征爲大泱泱之風至今猶在大道旣隱明王不遭走
鹿爭逐頰魚告勞泯若四履紛吾六韜我思古人心焉
切切天或愛民物無終否率此叛國歸于聖帝自葛初
征至牧乃誓君子萬年本枝百世鴻圖再造二聖重光
亦旣大賚甯惟小康六事允釐四維孔張夢寐卜獵咨
嗟鈞璜虎踞之陽龍藏之涖爰作新廟畢崇明祀設楹
交戟朱門納陛鬼竈穹崇重深奧秘名光大告禮重眞

王侑神祀食入室升堂威儀文物容貌采章列聖有作
茲焉不忘膠庠旣成教義旣明三湘卽序百越來庭馬
無南牧人怨東征烈烈政典洋洋頌聲商郊車騎灌壇
風雨績用不泯威神若覩鏤金石以表德荐馨香而受
祐春蘭兮秋菊無絕兮終古

蔣莊武帝新廟碑銘

臣聞南正司天授宗祝史巫之職春官掌禮詔犧牲玉
帛之儀皆所以別類人神統和上下三時不害力嗇以
之普存百物阜安薦信猶多其品用能舉明德而徼景
福播和樂以致靈祇三五已還皆是物也若乃渾元宣

氣山岳成形雲雨於是乎生財用於是乎取故有龔冕
 之服璋底之符或以肆瘞垂文或以屣懸著法虞舜聖
 帝也而有徧于之祀周武明王也而有惟爾之祈至于
 祈田高邑之都藻莖桑封之秩稭稌有羨蘭菊無虧大
 典奇篇論之備矣後王祖帝聞斯行諸金陵山者作鎮
 揚都盤根福地峙天險之左次瞰臺城之北隅陽嶺前
 瞻包舉青林之苑陰崖右轉經營之武之池絕巘嶽岑
 蔽虧日月深岩窈窕吐納風雲層臺累榭臨其嶺湧泉
 清池湛其下白鹿麀麀騰其藪鴛鴦雛孔翠栖其林豫章
 杞梓之材橘柚櫨梨之實赭堊丹青之美錫銀金碧之

於 此 楊

於 徵 於

饒固以事異假珍富兼諸夏登于軌物掌以虞衡矧復
 奇怪中潛細縕上屬真人末應瘞雜寶以祈年智士攸
 同指盤龍而建國亦何必嵩丘發峻始號降神岷嶺騰
 精獨稱建福自時厥后代富靈遊刺史還都卽有栽松
 之地諸生肄業非無講學之場岫幌雲關訪徵君子幽
 谷鹿巾霞帔集道侶于中林斯亦羣帝之密都先王之
 冊府者在昔霜鍾細品猶淹耕父之居及景微光尙
 駐長留之駕況乎皇州列岳宅怪儲靈不有吉神孰司
 陰隲蔣帝孕清明之氣稟正直之資實九德之所生與
 五龍而比翼自西江考績謝聯事於玄夷比部申威輯

此

庶功於黃綬于時祚終四百運偶三分夫懷隊炭之愁
家有剝廬之痛帝則勤勞狗物慷慨憂時既授張敞之
俘卽振李崇之鼓赤丸未盡執漢節以忘生青骨難誣
降北山而受享飛蟲顯俗生民之舒慘焉依白馬耀奇
平昔之威容如在故使中都之印式報陰功長水之營
旁旌同氣廬宮改命非因介子之焚廟貌崇壇詎比愚
公之徙自是光靈茂遠代祀綿長或昭德而致祥或害
盈而降罰黃旗紫蓋奉五馬之禎祥朱鬣碧蹄矜高山
之巨盜賢如謝傅猶繫草木之形親若始安亦假弟兄
之助故得王封錫羨帝服歸尊追炎昊以齊稱躅虞黃

降
致
預符

於

元
佑

而接武事光典冊惠浹幽遐任水木之遞遷顧高深而
自改國家綠圖受祉黃鉞庇人分二牧於土中包九有
于宇下雖十聯百里亟更守宰之權而四望五郊不易
宗彝之數及威儀暫失龜鼎中遷瀛海颺迴坤輿幅裂
而盤礴之際常奉周正封域之間獨爲漢守衣冠舊族
宛洛遺氓咸趨懷德之鄉其免永嘉之亂終使皇天眷
祐百姓與能克昌再造之基奄有六朝之地烈祖功踰
嗣夏體濬哲而致中興皇上德邁繼文懋九良而恢下
武格天光表慰率土之歌謠累洽重熙漸羣黎之肌骨
所以珍符總至靈命畢陳極金篋以標年盡瑤編而紀

瑞襲於六藝貫彼三墳矧復聖作無方神謀不測殷周
 損益文武張弛制在先機申於後甲百吏奉行而不暇
 兆民日用而不知帝典恢弘天文貞觀擿華發藻抉贖
 披聳丹浦非好戰之師兩階有誕敷之舞坐知千里廓
 清五嶺之氛役不踰時底定七閩之難國風王澤自北
 而南樹立之權由來尚矣康無專享止崇藩屏之封穆
 弔不咸但著急難之咏未有極至公之舉正大弟之尊
 大義鴻猷如今日之盛者也副君膺則哲之寄有聖人
 之資由上德而貞大邦用英才而總百揆麗正繼明之
 業仰奉宸謀持謙敬客之心甫懷庶品則有齊藩上寄

紆盪綬而握兵符燕邸真王珥貂冠而掌宮籥周公則
 武王之弟夏啟則吾君之子故能緝熙帝載寅亮天工
 晏平仲之論和北宮子之謂禮自家刑國草偃風行上
 下之際既交華夷之情如一黑齒奇肱之俗欵塞來王
 碧嵩素滄之濱除宮望幸后夔典樂已播薰絃司馬進
 稱行陳祕檢功既隆矣德亦厚矣尚復往而未止謙以
 益尊政靡不修思無不及以為無文咸秩訓誥之格言
 明祀是崇春秋之大義農祥晨正豐潔四馳密雲不雨
 馨香並薦載紆睿鑒爰顧遺祠詔曰蔣帝受命上玄奠
 職茲土力宣往代澤被中區所謂有益於人以死勤事

於

樹

夕
竟

于貞
來
神

崇

者也今號位已極名謚弗彰闕典未申朕甚不取其以
 勝敵克亂之業為民除害之功因姓開國追謚莊武仍
 令有司修寢廟備制度焉于是即舊謀新審形面勢農
 工告隙營室方中或懸水以為規或飭材而攻木塼埴
 之工麤至圻塤之伎星羅徑術常夷靡獲王孫之草荆
 榛舊闢甯誅宋玉之茅百堵齊興旬歲而畢繚垣十里
 重屋四周樹文玉於庭中交枝羸靡挺開明於闕外詭
 狀髮髻納陛逶迤碧疊元州之石橫梁天矯雪披後渚
 之梅豁朱戶之瞳矐陽光不久闕深宮之靈霽暮霽常
 霏堂上布筵楹閒設奠管磬鐘鼓羅于下籩豆簠簋肆

於前再變之音克諧永貞之祝無愧神光倏忽褰服連
 蜷孔蓋翠旌若有光而罔覲蕙肴蘭籍若有去而不亡
 用是高楫靈玄永司純嘏魍魎魅豈煩夏鼎之圖風
 雨雪霜無待桑林之禱則知民和而後降福事理而後
 不祈人祇之閒如斯而已者也粵若先王命祀神道教
 人前哲合德之流九魁六宗之類或以公族視秩或以
 戶邑奉嗣子晉之為帝賓真階匪極傳說之騎龍尾景
 耀未融斯皆地勢本高升聞易達詎有權輕五校壤狹
 一同而能比敬軒臺分光堯日縱質文之迭改代奉典
 章及聖哲之不承更加崇飭故金簡玉字興王之統可

於
其
君
於
昌

尋兩騎五車受職之期斯在雖將歷選安得同年昔者
崑閩窮遊尙紀白雲之什燕然薄伐亦陳玄甲之銘孰
與冥貺昭彰壽宮宏麗水通懸圃萃氣色于閭門路接
白楊煥丹青于駟野此而草述後嗣何觀微臣潤色無
功討論奚取思問神於先聖姑欲事居苟獲罪于玄穹
邊容媚寵惟於舊史想見英風適當罷役之初爰奉屬
辭之詔西州作頌誠慙邑子見稱南國刊銘或望至尊
所改庶使千八百國會執玉於茲峯七十二家配泥金
於此地其銘曰
茫茫玄造萬物資始一經神怪一緯人理先聖則之以

著綱紀仰觀俯察上天下地高卑既定品物咸宜宣氣
者山配地曰祇三公是擬九德攸司天作金陵蔣帝荒
之巖巖金陵作鎮上國陰林巨壑材生物植洞穴岩房
逶迤詰屈隱士無言仙童不食洪惟廟貌奠此名位區
重天孫權傾陸吾薜荔之服辛夷之車若自空桑來遊
下都翼翼京揚馮馮輦轂運屬多壘幸祈深福峻殄堅
夷勛忘景覆胼纒玄功威蕤帝錄皇唐膺運和悅人神
崇名則舊受職惟新祥圖雜集祀典紛綸終全王土以
俟真人再造延洪繼文光大陰陽不測天地交泰沒羽
梯航雕題冠帶成民致力祭神如在猶防闕典乃顧遺

楊
聿
七
命

靈永懷簡冊欽若昭明克亂除害膺茲大名亦有制度
備於祠庭式瞻昏定昏定既正爰揆農時農時弗虧虞
衡肅給般爾交馳加之龔斲益以章施新廟既成神居
既甯我有常祀蒸餽薦腥匪榮匪祈歆我惟馨三時不
害大庖不盈昔在周家逮於漢室徒騁驥馱虛羅甲乙
純嘏弗臻斯猷愈失載返真風爰歸聖日五衢植木四
照栽花馳烟驛霧晦景韜霞方介十巫何憂一車行觀
吉玉願折踈麻謝傅長逝王公不作獨我莊武先紆睿
略魯墳無棘遼城有鶴刻此茗華永傳嵩霍

武烈帝廟碑銘

臣聞昊穹凝命玄化不宰司契牧民之重授以聖功益
謙輔德之明顯諸神道玉燭景風之瑞所以報憂勤天
時地物之妖所以警安逸是以古之聖人覩災而懼因
敗而成撥亂反正之勳偃武修文之業延洪光大皆有
幽贊者焉故禹奠九州受蒼水繡衣之命武師牧野接
五車兩騎之神或假靈於五將三門或取象於長庚北
落奇怪恍惚歷代有之然則潔粢豐盛崇名紀號欽若
天意不顯陰功元元本本政之大者也茲我后所以側
身修德允濟時屯武烈帝所以禦災捍患光膺帝服人
神合應豈不偉哉惟帝才冠生民道高振古登賢能于

後集卷一
鄉老論昭穆於本朝若夫忠孝文武之風信智言之
懿提綱案部之績夷凶靜亂之勤論道經邦之猷宮懸
錫篤之寵忘身殉國之節驚愚顯俗之奇固已炳煥丹
青鏗鏘金石用能高標明祀大庇蒸民犧牲玉帛數有
加於羣望備物典冊禮遂縟於真王是知妙極無方數
均不測告禎符於

下闕

獨能雖通幽洞靈實聖哲之所務而問神語怪非典冊之悠先故揚摧而論蓋史臣之職也主上以功成弗處

無德不報增封進號厥有舊章乃下詔冊贈武烈帝備名數禮也於是正南面之尊窮大壯之勢耿耿新廟奕奕崇堂雉門兩觀之嚴左城右平之制龍旂鑾輅雲罕軒懸兼三代之盛儀抗五郊之殊豐與夫周人革命止陳之牡之祈晉室主盟但用朱絲之禱報功之典不亦盛乎常州刺史何重貴初領前軍獨當強寇以忠貞爲甲冑以恩信爲金湯首挫賊鋒力全郡壘褰帷之任因以疇庸坐樹之風更成德讓皆足以光昭雅頌垂示來雲後之君子知天命不可以智欺大福不可以力勝幸災怙亂鬼得而誅背盟奸好人將誰與覆車斯在殷鑒

禮

貞

樹讓

殷

匪遙類委土以為師樹豐碑而紀事下臣奉詔謹勒銘云

之功不宰帝德無為化機冥運羣動交馳必有神道鑒而董之董之伊何惟帝之職恍惚有象陰陽不測如岳降祥配天輔德保我蒸民莫匪爾極偉哉閒傑多藝多才名馳八紘位重三槐祀典光啟王封肇開人思召樹俗畏軒臺洪惟我后積仁累慶運啟再造功宣二聖金匱在握璿璣以正陰陽既和人神交應時災有數孰克違斯靈命白天疇能問之盜兵竊發立貺冥期風雲鼓蕩氣勵殲夷蔣侯助順霍山啟道卑聽匪遠誠明則到

上曰欽哉享茲昭告帝服加尊大名紀號多壘既平連營既甯奕奕新廟崇崇百城民罔疢癘年斯順成庭有備物時殷頌聲禍福何常惟人所擇棄信毀義恃眾與力上帝不蠲明神是殛勒石嚴祠敢告萬國

重修筠州祈仙觀記

筠州祈仙觀者東晉黃真君上升之地因為道館綿歷代祀互有增修國朝保大中元宗皇帝奉為吳讓皇再加營金金石具刻此不備書夫言意假象故立朝修之所形器有壞故資繕完之工此觀當荆楚之要津實郵傳之便道過賓稅駕遊子解裝憧憧往來罕或虛月必

於

祖

于樹

葺之後二紀有餘閤垣墉頽落且半道士羅自正總攝真侶啟煥之風以爲道由人弘德以勤繼下飾不美人其謂何于是心謀躬行節用蓄力授其徒之可任者會其士之好道者月省歲計經之營之卽舊謀新興廢補闕十有餘歲其績大成凡建聖主殿黃真君殿各一區峙瑤壇範洪鐘造橫橋於通津植茂樹而蔽野其修舊整壞者層樓重廊二十餘間其取材也時其擇匠也良程之以壯督之以固瓴甌礪礪尙其密藻繪丹雘尙其麗帑廩不費工庸不勞煥然新宮峙此靈境君子是以知其能也夫神仙之事史臣不論豈不以度越常均

帝 隄 於 效

非擬議所及故邪仲尼書日食星殞皆略其微而著其顯慮學者之致惑也又況於辛夷恍惚之際乎然而載籍之閒微旨可得書云三后在天詩云萬壽無疆斯皆輕舉長生之明効也及周漢而降則事迹彰灼耳目不誣天人交感民信之矣于是通儒洪筆始著于篇至如許君黃君通幽洞冥窮神極妙逮爾姻族與夫家人乘景上躋超然絕俗故墟舊井真氣裴回至其鄉而思其人仰其道而踐其迹斯觀之盛豈徒然哉鉉頃歲扈從南巡有事于游帷之觀二宮相距兩舍而遙使指有程瞻望弗及逮今一紀無日忘之會羅君狀其功績圖其

形勝見託記述欣然而書開寶七年九月二十四日記

筠州清江縣重修三清觀記

元氣既判天地乃位氣之清明靈粹者鍾乎洞天福地名山大川之間真聖之所戾也景福之所興也然則游居走望乃建道館焉通都大邑往往而在豫章之地實曰奧區帶豫章之通川據西山之雄鎮鬱映磅礴神異所栖高真十二震耀方夏萬靈軌轍靡迤蟬聯保大庚成歲詔復高安縣為筠州析其北鄙為清江縣而三清觀負新邑之左瞰長江之濱形勝高奇壇宇嚴淨聞諸故老云昔吳許二君嘗遊茲地夜觀青氣上屬於天相

與嘆曰此非凡地當為神仙之宅及二君登晨之後邑人追感前言其今上茅茨歲時薦獻眾目為草堂道院函關紫氣事往名畱今上盤屋草樓人非郭是年世彌遠增修益崇開成中始詔賜號三清之觀自時厥後又踰十紀運逢治亂道有汗隆中興已還百度咸復官得其守人盡其能道士吳宗元允迪玄風克堪道任以為朝禮之域飈歛所臨不飾不美眾將安仰於是月考歲計庀工飭材補廢扶傾無所不至建三清之殿造虛皇之臺設待賓之區做飭賢之室範華鍾之鑑今上層樓之茗亭同廊複道重深奧祕于是飾儀衛備器用肅然必洽煥

焉可觀夫其誠至者其禮修其守固者其事舉道

下闕

徐騎省集卷第十

南陵徐乃昌校



國家圖書館, NATIONAL CENTRAL LIBRARY, TAIWAN, R.O.C.

徐騎省集卷十一

東海徐 鉉

舒州周將軍廟碑銘

壽州刺史劉公神道碑銘

唐故德勝軍節度使扶風馬匡公神道碑銘

舒州周將軍廟碑銘

將軍諱瑜字公瑾廬江舒人也吳史列傳功炳乎丹青
皖城遺祠頌闕乎金石嗚呼皇天有造物之柄有愛民
之仁必待聖人而後行王者有承天之德有濟世之量
必待聖人而後發故天人合應聖賢相須民之司命闕
一不可雖復凌雲之今上御名非一木之材千金之裘非一狐

之腋然其建大號運長策總攬英傑弘濟艱難亦一二
人而已故革夏者九有之師而伊尹爲阿衡翦商者三
千同德而呂望爲尙父秦爲無道高祖誅之則鄼侯蓋
於羣后莽據閏位光武正之則仲華冠於四七漢宗失
御孫氏奮發破虜討逆繼志勤王而將軍傾蓋于千載
之期濡足於百六之會策名江左宣力中朝殊勳盛烈
曠代齊契何其偉哉于時王業始基羣凶方熾國難薦
及人心屢搖將軍精發于中義形于色履艱危之際貞
節彌堅率振蕩之眾伸威方厲推誠以明大義故逆折
游說之鋒屈身以表至公故首定君臣之敬摧赤壁之

於于

貞

於

於于

於

陣勢動九州建漢中之謀量包四海於是強敵攝迹羣
生延頸姦雄之智無所施焉漢室之隆未可量也嗚呼
天未悔禍國之不幸修塗止於偏師大命殞于巴巨流
慟于當時遺恨于終古豈四百之祚麻數難移三分之
基疆宇有限不然何雄才大略神授之如彼短命促齡
天奪之若此忽乎茫昧不可得而詳也夫英聲由于茂
實元功出于全德威稜所及非勉強之攸能績用斯存
豈毀譽之可奪有吳爲新造之國柴桑乃觀望之師大
帝非爭衡之才子布有私室之顧將軍投袂而起橫戈
以出魏蜀二主天下英雄或垂翅而宵奔或俛首而求

於署於

樹

制難

肇

揀降茲以往烏足道哉至於分財推宅之仁觀樂審音之妙知人先覺之哲存交服物之懷實天縱其能亦行有餘力矣嗟夫民墜塗炭真主所以臞瘠天造草昧良佐所以驅馳非君臣同體不足以濟大業非帷幄共斷不足以制疆流將軍能沮幼生之譚而吳主亦能拒敵國之閒將軍能畫不世之策而吳主亦能破羣疑之心故得不顯霸功若斯之盛當此時也如趙士之碌碌漢相之齷齪徒使有若林之會安能施一繩之維又況於市道之交署門之客哉此義夫節士所以感激于風雲惆悵于時運者也嗚呼微管之績旣耀于中區盛德之

祀遂崇於東夏歷世逾遠善慶彌彰翼子謀孫徙封移社而支庶繁衍故在舒庸召樹猶存魯堂無壞光靈不泯實生太尉中書令西平恭烈王焉半千之運懸符祖德萬夫之望允濟時屯始爲定亂之雄終爲佐命之老而仁風所被多在故鄉王與嗣子鄴皆節度廬江今仲子祚復刺舉濤部過里門而載軾瞻廟貌而長懷命梓人以新其堂與督里宰以除其徑術教祝史以潔其籩豆率宗屬以薦其孝思肇建豐碑以示前烈懿哉象賢之美其理之勤民用接和歲則大有戾夫不佞敢作頌云

皇天上帝敷佑下民既命賢主亦生賢臣有若將軍救
時之屯仗義秉信資忠輔仁堂堂定策蹇蹇忘身雄飛
夏口橫薦江陵將軍猶生漢室不傾將軍既沒天下三
分盛德之享嚴祠未墮壯夫擊節義士沾巾猗歟舊德
赫矣雲孫嗣勳纂服長戟高門壽公有煥靈貌如存我
紆蘭佩來挹犧罇懷賢慷慨用獻斯文

大唐故匡時啟運功臣清淮軍節度壽州觀察處
置等使特進檢校太傅持節都督壽州諸軍事
壽州刺史御史大夫上柱國彭城威侯贈太尉
劉公神道碑

聞夫郊圻內理牧萬民者是曰諸侯夷狄外攘守四方
者其惟猛士然則安危異任文武殊塗故天下方爭韓
彭英吳橫雕戈而震耀羣生待理龔黃寇賈擁皂蓋以
從容及夫昭格寰區紛綸簡冊其歸一也代有人焉若
乃總是全謨覃于奕葉流光受社潛齊累將之家崇德
計功下視慙卿之族古難具美我則兼之公諱崇俊字
德修其先彭城人高祖升調補山陽淮陰尉遂家焉卽
爲縣人也岳峻洪基海疏遙派陽城相土千齡侯伯之
封沛澤中興兩代帝王之後懷黃結紫論鼎甲以盱衡
刻像圖形誓山河而捧袂園史家牒披卷可知頃者聖

揚 於 於 國

域

詩

運中微羣方暫擾驪山之北犬戎興戲水之師踐土之
庭天子屈河陽之召公路擁南陽之眾僭號仲家隗囂
據隴右之圖坐論西伯勤王問罪吳太祖始定揚州賜
服專征昭皇帝遂加殊禮于是揚旌北討遷寇迹于淮
濱闢土西封謀守臣于諸將命我顯祖作牧鍾離乃因
堡障之嚴載施犬馬之備軍無牝政將期千萬之行師
有見糧卽聚九年之蓄方圖大舉已仗前受永年不登
未幾而歿長山羣盜舊畏來公西城故營願從班勇復
命烈考嗣膺使符不還渭水之兵誓卒龍門之託故蓼
城之戰斬獲過當汝陰之圍策勳居最先零委質鬪充

國以無由獫狁驚蒐射郢都而不中疇庸錫羨建清淮
軍以壯中權加禮慎終贈太尉公以光幽窆旣而鼓輦
悽愴部曲徘徊家有遺恩人思世德帝曰崇俊惟爾恭
儉孝友誠明惠和任則中軍帥位則文昌長誕舉攸職
予惟汝嘉濠梁之郊控扼遐裔惟乃祖金克懋厥始乃
考仁規克慎厥中肆予命爾克成厥終往哉汝諧無廢
朕命公銜卹奉詔墨經卽戎鋪陳政經討閱軍寔思有
以光大前緒播揚國風初二先公之理也屬洛邑再遷
浚郊作梗偽新竊據仍延十五之期黃武開元始創三
分之業犬牙之地螿尾常搖鋒鏑縱橫車徒奔走摧牙

臣

於

後

獸困尚遙，匡復之謨，頰尾魚勞，未暇綏懷之術。逮公之理也，寇皆遠遁，民仁息肩，千里風從，四方聳聽，以爲格物必在於立制也。故藝貢賦以息貪暴之端，暢刑章以極姦宄之極，賞不虛授，罰其必行，以爲富邦必在於務本也。故使民以時，相地之利，持未熟之稻，游惰自遷，班再易之田，兼并絕倖，以爲邊甯不可以忘武備也。故遠斥候，浚溝隍，竹與木而靡遺，膏與苦而畢給，亭障屹峙，軍聲隱然，以爲強兵必在於實。王畿也，故招懷邊毗，講習戎事，游兵冀馬，俱爲無犯之容。晉勇齊雄，並集選和之下，歲揀精銳歸之京師。其餘庶政常經，門見戶睹，斯

可畧而言也。高皇帝禮均元老，寵冠列藩，受禪之初，則進上公之秩，肆類之際，則委廉使之權，言必見從，無再卻之奏。君常高枕，忘北顧之憂，皇上欽奉重熙，聿遵無改，毗倚尤重，親敬有加。初先太尉公之薨也，西北小驚，戒嚴從便，因詔執事，移清淮軍于壽春，及是復立定遠軍，卽命公爲節度使，仍以公少子斥符尚永嘉公主留侯操印初躋上將之壇，帝子吹簫卽降王姬之館，優禮伯舅，望重懿親。於時公蒞濠梁十有七年矣，米鹽皆序，丞史當才，閉閭罕事，舉烽無驚，朝廷以公能光前烈，雅得邊情，清淮之師遺風仍在，俾盛一家之美，載嚴萬里

于

臣

於

後集卷十一
之城改壽州刺史充清淮軍節度使鄧侯倏去雞鳴傷
父老之心長者負來虎渡息鄉閭之患能事畢舉考功
再暮方將建大旆以風驅指函關而電掃雲中雞犬八
公之迹徒存夢裏膏肓二豎之妖遂作春秋四十保大
四年夏六月十有六日薨于壽春公署皇上翦鬚靡及
穿壁方遙投綠沈之瓜悲哀竟日賜黃銀之帶慷慨沾
襟廢朝三日中使護葬詔兵部侍郎李貽業持節冊贈
太尉賜諡曰威卽以其年秋九月十五日備鹵簿鼓吹
葬於濠州鍾離縣大化里之原禮也前夫人李氏後夫
人隴西郡君李氏皆太師趙忠懿王女也賴鄉仙李卽

開柱史之源參野飛龍遂紀宗卿之籍勳庸六鎮時高
謝氏之門師範兩朝室有班姬之訓荃蘼蘭蕙映戚里
以芬芳藻荇蘋蘩播婦儀而昭哲門內之理夫人有焉
子八人二子幼長子節早亡次範滁州刺史次簡次策
次霸時未仕次符秘書郎或得公之政事或得公之兵
鈐學禮學詩惟忠惟孝皆推酥酪之味咸有芝蘭之芳
所謂積善餘慶世濟其美者也惟公山河龍鳳凝粹彩
於神姿緯候風雲集淵謀于靈府議公家之事不以身
爲行將軍之令每由剛克卒祖禰之成業可謂聿修膺
牧伯之寵章汔無虛授所以始終匪玷福祿攸歸同族

之閒朱輪結軌季父仁瞻作鎮夏口弟崇怙崇僖更典
晉陵其餘將軍列侯中郎校尉銀黃照爛光浮通德之
門珩珮陸離響雜高陽之里苟非自天攸相與國無疆
其孰能與於此乎向使享大年敷遠畧鴻飛鵬舉功未
可量也天命不然能無永悼昔者荊州從事猶牽墮淚
之悲大宰舊寮亦有懷鉛之請況乎世功丕顯揭日月
以高驤帝念惟隆會雲龍而下濟欲垂萬葉可不務乎
微臣職典絲綸詞非清潤持赤管以承詔拂貞珉而投
刃庶使蚩蚩萌隸觀迹而長懷眇眇來雲披文而盡信
其銘曰

惟彼陶唐有此冀方自天祐之後嗣其昌侯遷魯縣帝
德芒碭猗那大族嵩華配長颯颯彭城興我遐祚顯顯
山陽著我高祖高祖伊何仁而不遇慶鍾令孫聿來用
武皇運中否諸侯起爭浚郊帖亂淮壖不庭吳王奮發
受鉞專征命我顯祖守濠之城濠城巖峻濠兵驍勇顯
祖帥之羣兇振恐將軍下世邊烽亦聳乃命象賢荷時
之寵荷寵伊何載大其功蠢蠢梁寇言言頽墉是馘是
俘兵無頓鋒爰有奇略集于威公威公嗣侯不墜其訓
戎事之隙民功是振爲之中典著之令問泗上風移京
師河潤帝曰伯舅子嘉乃勳扞境則武安邦則文乃降

王姬于爾慶門乃改乘轅于彼西軍西軍何在鎮彼衡
霍威公來思式遏寇虐胡馬已遠將星俄落百身甯贖
九原誰作明明天子惻愴聞鼙歲云秋止返旆遲遲二
藩士女泣涕漣洏賢侯逝矣吾誰與歸黯黯塗山湯湯
淮涘駟馬悲鳴滕公所閉甘棠勿翦召伯攸憇是用刊
碑永告來裔

唐故德勝軍節度使檢校太保同中書門下平章

事扶風馬匡公神道碑銘

夫道被萬物處其中者是曰賢人功濟橫流讓其先者
方稱君子施之則開物成務與廣業而同歸卷之則保

匡
諱

隆

干

族宜家垂令名於必大是以長沙吳芮繁祉邁於三雄
南陽賈復賁寵光於四七歷代已降靡不由之迄于我
朝則扶風公其人矣公諱仁裕字德寬其先扶風人子
孫或從官於徐方今爲彭城人也粵若萬邦作乂益有
佐禹之功因封受氏奢有卻秦之績公侯必復關西靡
孟起之威文武未墜南郡被季長之德存乎譜牒無侯
闡揚曾祖某祖某皆以鹵介之氣當屯蒙之運不履王
侯之事歸全父母之邦考某少負雄名爲武甯軍裨將
才高位下厥用弗昭累贈尚書右僕射傳曰有明德而
不顯當代後必有興者故其餘慶集於我公惟公克稟

驚

及

於

事

衛

粹靈夙彰奇應方娠而神貺協夢旣生而異氣充庭宗族相驚里閭交慶識者謂之曰不意英物復鍾此兒天將啟之馬氏爲不朽矣長而爽邁輔以博聞善無常師器以虛授乃皇圖中否赤縣淪災戰國縱橫爭求策士孔門堂奧半作家臣公負先見之明審擇君之義舉旗沛澤卽授中涓定難京師仍參主簿而上方從厯試允懋臣功經綸草昧諮訪遺闕公親侍左右日奉謨猷能知四國之爲且掌賓客之禮勞無伐善夙夜不離于公美則歸君議論莫闕其際出入二紀懋肩一心車服以庸寵祿來假乃升朝序乃掌禁師以左領軍將兼總丞

相之兵衛申令惟一任眾惟睦推以恩信先之勤勞周廬旣嚴軍士以簡考績稱最帝用嘉之遷檢校司徒遙兼宿州刺史夫千騎之長可以圖功百城之權可以觀政中外迭處抑惟舊章卽授楚州刺史本州團練使旬服之際邦賦是繁長淮之衝戎寄爲急公奉揚王略遵舉詔條人不易方計日而治徵爲右衛大將軍復領舊兵以衛相府董齊之略有踰于初明年改右金吾大將軍以扶風縣三百戶爲封邑執金之職厯代雄重綿祀虛位公首居之內訓卻非之士外察苛留之禁熊羆宣力輦轂無塵及上允膺內禪光啟建業寺府軍衛半存

於

舊京委公留臺右師俾率東夏卽遷檢校太保改右天
威副統軍進爵爲伯陝服從入公有力焉及參告類之
儀益光求舊之舉寵開幕府遙領徐方進封郡侯定食
千戶左輔之地王業所基藩屏京師惟公攸賴乃移使
節往鎮京口公慈惠著于郡國威德洽於士心由是齊
人向風期年報政加同中書門下平章事廬州節度觀
察等使自南北分隔戎華交馳合淝之郊常制衝要故
有台階之命以增外闔之威公於是謹斥候審號令習
組練之士則聲如飈馳嚴堡障之備則勢若山立虜不
敢犯邊是以甯而察俗之方如南徐之理方當矢謨帷

署
於
貞
臣
于

展薄伐關山渡江之誓旣陳滌渭之舟已具嗚呼良圖
未展早命不融春秋六十有三昇元六年閏三月五日
薨于廬州公署上省奏震悼廢朝三日卽用玄甲之數
式擬鐵山之功給于官司臨以中使奉常以視履考祥
之義循貞心大度之美詳協公論易名曰匡卽以其年
四月七日備鹵簿儀衛葬於廬州合淝縣鄉里禮也公
娶同郡萊氏封彭城郡君麗穠李之華親采繁之職理
內協鵲巢之詠從貴有魚軒之華某年月日先公而逝
嗣子右弓箭庫使光庭東頭供奉官光祚閤門承旨光
紹皆稟義方無忝遺烈家承膏梁之後而恭順克修職

在綺紉之間而雅素自若君子謂扶風公其有後乎夫
碑頌之設有自來矣琬琰之細旣垂於茗華盤盂之微
又參于警戒若乃道合天眷忠存王家累輔翼之功而
鐘鼎之報罔闕享將相之賞而帶礪之誓弗渝時無閒
言沒有餘慶故其宗廟之紀金石之銘昭示來雲不可
誣也小臣不學奏旨刊文庶使計功稱德代遠而愈信
披文相質事久而彌芬峴首之懷靡盡昆吾之烈長存
嗚呼哀哉其銘曰

益作朕虞實曰元凱崇基締業明德攸在維趙于蕃封
移族改祚實刊山源長巨海因枝別代峴渭來遷導德

絳帳勤王跼鳶流光襲祉映後昭前懷黃結紫著簡成
編誕發材英肇惟明懿鼎角膺奇龜文履異博容汎愛
入孝出弟運有屯蒙器無凝滯爰初發迹雲從潛泉濯
纓職幟拊翼中涓良驥處服忘歸在絃樞機言行無競
惟賢繼綬從君匪伊履屐勤毖前爰周旋陞戟居國必
聞在身無擇帝曰允諧胙乃丕績惟彼淮泗疆以獯夷
惟此京浙纘以邦畿封淮表浙惟惠惟威椒蘭在俗轅
轍興思羣舒待理獫狁孔棘帝謂侯氏纘服新息式固
爾猷惠此廬國乃陟台階俾藩于北龍旆四牡鉤膺鏤
錫命服有煒光聲戴揚獷狄弭耳蚩毗嚮方上儀像物

昊

下謚飛蝗梁木或顛通川有逝長城既嚴哲人永瘁像
著雲臺風存遐裔輟春盡思瞻山殞淚信結殊俗悲深
上昊丹碑既刻列鼎書勳祁連不泯庸器長存丕顯百
代惟子有臣

徐騎省集卷十一

南陵徐乃昌光校



徐騎省集卷十二

東海徐 鉉

茆山紫陽觀碑銘

池州重建紫極宮碑銘

唐故道門威儀玄博太師貞素先生王君之碑

袁州宜春縣重造紫微觀碑文

舒州重建文宣王廟碑序

茆山紫陽觀碑銘

臣聞太初之氣其生也無始眾妙之門其本也無名積而成形散而爲器乾坤運之而兩儀位王侯受之而天下貞是故斷鼇鍊石之地絕地通天之業衣裳軒冕之

謹

於

化

德

岐

於

崇

建

治

肝

露

貞

鼎

后干戈揖讓之君雖復遭罹異途步驟一致莫不契協
 於神明之域飲和于道德之原廣無爲之爲執無象之
 象萬物恃生而不有百姓日用而不知其迹也則格天
 光表先人而成俗其本也則收視返聽全真而養身至
 其玉檢登封蘿圖啟後游神象外脫屣區中鑄金鼎而
 乘白雲登寒門而立玄極闕宮清廟式嚴觀聽之場玉
 洞金壇別啟下都之所由是靈符總集真籙岐分三元
 八會之因潛通髣髴七映九華之室密擬形容足以徼
 福應於含生致孝思于時事聖人繼作雲全相望故茆
 山紫陽觀者今上敬爲烈祖孝高帝元敬皇后之所重

修也爾乃星紀儲精下爲峻極河圖著錄懸示禎期自
 道氣融明真科流衍沼化宏開于赤縣符圖廣秘於名
 山而華陽洞天實羣仙之都會金陵地肺又三茅之福
 鄉左憑柳汧煙霞韜映右帶陽谷川原隱麟伏龍靡迤
 鎮以雷平之嶺鬱岡迴合浸以護軍之潭郭真人叩舷
 之池不遷留岸許長史煉丹之井自列寒泉白霧紫烟
 照映其上鸞輪鶴馭往來其間高真七人四處茲地其
 後貞白先生以立德應世肇開朱陽之館以玉書演秘
 爰立昭真之臺堂靖疏基玄州之蹤可擬生徒廣業白
 龜之迹斯存金紉鳳羅代相傳授龍車虎駕世有飛升

及立靖先生以冲氣含和體庚桑之歲計玄宗皇帝以
 尊師重道屈軒后之順風由是天眷遐臨皇心密契惟
 新舊館再易華題丹鼎洞經潔修無倦芝泥龍簡投奉
 相望戶邑之民豈止奉明之縣樵蘇之禁寧唯柳下之
 墳故得雲物告祥芝英表瑞山周王之瑤水徒詠空歌
 異漢帝之猗蘭唯陳甲帳自茲厥後代有修崇上士名
 人時時解蛻雲輶羽蓋往往降靈皆著于金石播于謠
 頌嗟乎四時代謝天道盈虛雖九氣長存厯劫以資其
 融結而三階有象隨時因表其晦明則斯觀也將世逢
 以汙隆與皇圖而升降赤明未啟猶多闕戶之悲白水

方興始漸高門之慶孝皇帝猶龍孕德指樹垂陰應樞
 電之殊祥有天中之奇表甘盤就學和光於百六之初
 庖正分官利見於九三之際賓門納揆有大造於當時
 彤矢旅弓允至公於四海由是法堯受命祀夏中興補
 西北之不周應東南之王氣御明堂而揖羣后輯瑞玉
 而覲諸侯既治定而功成更憂深而思遠乘奔馭朽不
 以黃屋爲尊盱食宵衣唯以蒼生是念知無爲之無敗
 體上德之不德凝神姑射端拱穆清政舉其中事至而
 應愛民重法務本訓農偃革消兵守好戰必危之誠卑
 官菲食懼以人從欲之譏故得百寶効靈三辰薦祉遠

貞

明代
恒驚

勤

頌功

般工

焚

暑

宮之

無不屆邇無不安少康光武之功獨高帝錄貞觀開元
 之業更啟孫謀今上承績德之基法自然之道變化無
 方之謂聖神武不殺之謂仁學洞精微守謙光而冲用
 用昭隱復體大度以包荒動則庇民不矜功而尚智靜
 惟修政恒務嗇而勸分聞善若驚每賞秋毫之細容光
 必照靈遺行葦之微化洽風隨時和俗厚常以天下者
 烈祖之天下憲章者昇元之憲章垂裕無窮永懷罔極
 衣冠原廟未足盡思聲樂娛神良非至敬緬慕在天之
 駕因嚴訪道之宮尋屬長樂上仙躍龍興感載詠生民
 之什思弘十亂之宮乃眷靈岩誕敷明詔發虞衡之吏

集班爾之功執藝駿奔飭材厲至果園之柰供其龔斲
 北邙之土給其圩墁乃新秘殿秘殿孔碩黯其靈靈屹
 其穹窿璇題互照以晶瑩珠網交疎而窈窕震般雷於
 滴瀝拖宛虹於循軒忽陰闔而陽開乍霞駁而雲蔚儼
 若虛皇之御穆然太上之容疑馭氣以迴躋眇凌雲而
 遐觀乃立高門高門有閤擬金闕之觚稜洞朱扉而煥
 照龍章鳳篆以之題署霓旌絳節茲焉出入乃建兩序
 紛逶迤而重深乃起層樓邈茗亭而顯敞北彌郭阡之
 路南亘姜巴之衢赫光影以燭坤麗丹青而藻野速如
 神運恍若化工每至日薄星迴歲聿云暮桐華萍合春

已載揚赤城旋軫之初白鶴會朝之際都人士女舉袂成帷襲靈風而共洽天和仰雲今上而方知帝力豈止百年猶畏獨識軒轅之臺三壽作朋永闕姜嫄之廟大哉至矣無得稱焉夫妙本太無名垂不朽挺窮神知化之盛然後顯通幽洞靈之微立尊道貴德之教然後致還淳返朴之理漸於人爲富壽被于樂爲聲詩告於太史爲典册著於豐碑爲銘篆耿光丕顯其在茲乎爰命下臣敬書令德其詞曰

邈矣至道悠哉妙門崑崙無物綿綿若存是生清濁爰闢乾坤乃生之民乃作之君德盛惟皇功高曰帝訪道

峒山求珠赤水下或知有時稱至理三正循環鴻圖資始於惟基命赫矣皇唐運啟再造天降百祥玄德升聞既壽永昌時乘白雲至於帝鄉穆穆嗣君雄雄下武禮極配天教明尊祖明發盡思優然若覩敬仁仙遊式嚴靈宇靈宇何在句金之陵丹霞夕映白霧朝凝重屋四注崇臺九層雲生窈窕日麗觚稜三秀交陰五便分徑丹沙流液玄洲立靖柳谷絙煙雷池寫鏡彷彿九華依稀七映至誠則感有應斯來舍真上客蕭閒逸才颺輪倏忽晨蓋徘徊浮黎認土方丈凝臺昔在聖人建言敷教救物以慈奉先以孝敬佩真契恭聞大道顯妙用於

於

於

徵

言象鼓淳風於億兆薦純嘏于無窮仰皇猷之克紹

池州重建紫極宮碑銘

域中之大曰道百行之先曰孝故孝心充乎內必道氣
應乎外於是有聿修之德追遠之懷揚名顯親之善集
靈徼福之舉用於邦國則臣節著施于家庭則子道光
以之為政則民從又以之薦信則神降福然則壇館之
作焉得已乎池州紫極宮者本東晉之普明觀也浸之
以秋浦鎮之以齊山北望陵陽竇真人飛升之所南瞻
九子費徵君棲隱之鄉玄風徘徊精氣交感代有奇士
居為殊庭既奉玄元之御因崇紫極之號治亂迭運隆

替不常戊午歲太守陳公始臨此郡歷危垣而歎息步
遺址而顧瞻役不徒興義將有屬公媯水洪派太巨舊
族重世避地徙居建安祖德門風冠映圖牒王師拓境
閩方即敘撫納歸附旌訪賢能惟我嚴君首奮奇節芟
夷逋穢弘濟艱難偏師所指無往弗克故十年之間由
裨將歷郡守登上公建齊壇功名之盛近古無匹及王
室多故邊城不寧復遣公督舟師率諸將越萬里三年
轉戰算無遺策兵不頓鋒威行軍中勳在王府舍爵再
命聿來是邦於是解甲釋兵頒條布政事從中興民用
接和會文賦詩彬彬然有儒者之風矣俄而王妣國太

於闕

于

于從

夫人凶問至公孺慕出次烝烝永懷以爲柔儀慈訓保
大吾族鞠育仁愛兼倍諸孫嘗藥弗親執紼且違欲報
之恩王事靡盬思所以薦祉於冥漠求神於希夷非龜
山之宮必易遷之館然則琳房金閨瑤壇檜井迎列眞
之御資闓風之游仙經不誣勝事可作于是瞻星揆日
飭用庀徒散廡下之金出荆門之絹人百其力工薦其
能易其傾頽化以壯麗成於心匠不愆素期自某年月
鳩工至某年月訖事凡出錢若干萬築室若干間正殿
當陽三尊負展享列宿之位于東序設三官之堂于西
廂嚴饋奠之室於良維所以盡時思之禮做閑宴之亭

於乾位所以極坐忘之懷矢棘雉飛霞駁雲蔚瑕題行
月煥城邑之晶光飛螢白日壯江山之氣色如是則飈
歛之駕不得不臨胖蠻之福不得不集想見武夷之會
足申令伯之心至矣哉善慶孫謀無得稱已嘗試論之
曰神仙者君子之所歸也故眞誥云至孝至貞之人皆
先受靈職次爲列仙歲登降其幽明如人間之考績矣
若乃盡忠於君純孝於親敷惠於民歸誠於仙而不得
與夫餌芝朮醮星斗者同躋眞階吾不信也勗哉夫子
其惟有終鉉扈駕南巡致禮名岳假道過此仰瞻久之
博我以文輒不遜讓其銘曰

讓

勗

閑

若

於祖

于遠

貞

已

於

于

貞

於

於

我經池陽池陽既康化於至道民知嚮方乃闢新館以
奉虛皇君子薦祉則惟其臧我登新宮新宮既崇深巖
耽耽丹彩彤彤九華散影十絕盤空右在宣岳如游閬
風至道不煩玄關甚邇孝享誠敬奉時祀妣善慶純嘏
施於孫子三茅二許夫何許已流芳金石永永千祀

唐故道門威儀玄博太師真素先生王君之碑

原夫至道之先邈哉稀矣書契已降可得而云黃帝堯
舜澄其源故垂衣恭已在宥天下伯陽仲尼導其用故
建言立德憲章無窮赤松羨門神而明之故輕舉上賓
留侯商皓變而通之故解景滅迹順是以下莫不由之

故有縉紳端委利萬物于廟堂之上葛巾蕙帶全陰功
於塵埃之外隱顯殊致趣捨同歸其人有終其魄不死
聞風玄圃羣帝之密都赤城華陽仙聖之治所光靈躋
嚮若在左右仁人君子徃徃至焉見之於貞素先生王
君矣君諱棲霞字玄隱華宗繼世積德所鍾生於齊得
泱泱之風長于魯習恂恂之教七歲神童及第十五博
綜經史闕黨童子靡敢並行東方諸侯爲之前席而仙
材靈氣稟于自然塵纓世網不可拘係每名山獨往神
契感通奇怪恍惚眾莫能測天祐丁卯歲避亂南渡至
于壽春感四海之分崩想八公之遺跡于是解巾名路

委質玄門問政先生聶君師道見而奇之授以法錄是日彩雲皓鶴翔舉久之既而窮方士之遐遊得東鄉之勝境道無不在善豈常師又從威儀鄧君起遐受大洞真法玄科聖旨動以諮詢福地仙源因而棲託誅茅穿徑枕石漱流身既退而名愈彰道已寂而節彌苦桑田自改桂樹長留烈祖漢高皇帝方在賓門實來作鎮紫氣表真人之應青雲符好道之占君鵠書被徵褐衣來見談天人之際講道德之源靡勞牧馬之迷自契順風之問因從敦請來止建康有玄貞觀者陳宣帝爲臧矜先生之所作也殿堂岑寂水木清華遊焉息焉以遂其

樹

真

真

好竹宮望拜玉牒秘詞叩寂求真必君是賴嘉祥靈應世莫得聞聖歷中興恩禮殊重加金印紫綬號玄博太師烈祖嘗從容謂君曰吾不貪四海之富唯以蒼生爲念君對曰夫古之聖人修其身而後及天下天下待一人安而後安今天子勤勞萬機忘寢與食身且不能自治豈能治蒼生哉帝善其言以百金爲之壽其識度亮直又如此焉今上嗣清淨之基尊玄默之化諮諏賓敬有踰于前而君茅嶺夙心老而稱篤比年抗表請歸舊山優詔惜之又加貞素先生之號既而玉棺有命紫素告期葛洪見留不成大藥少君捨去先夢繡衣保大王

子歲夏四月甲寅隱化於玄貞觀春秋六十有二恩旨痛惜賻錢二十萬道俗嗟慕會葬數百人初君之處茅山也卽良常洞之前相當平山之下披藜翦穢面壑臨流除地爲壇來朝真之位因巨設隧卜安神之室至是歸葬符夙願焉六月發自京師泝淮而上時畿內久旱川塗可揭是日大雨洪注騰波卻流鷲長隄踰重堰飄然利涉人不知勞昔周王有樂水之朝宣尼有四川之應校靈比德其殆庶乎君傳法度人數逾累百有若玄貞觀主朱懷名先入室道極嚴師首座孫仲之章表大德劉復先叅受經法法藏開玄秘本懷在三之義願垂不朽之

風威儀王可則首座陳希聲並仰高山共刊貞石鉉也不佞夙承教義難復仙凡異蹟靜躁殊途而誠心所感素交斯在緋緋何神字號若山山何從書峴首之悲以俟遼城之歎詞曰於鑠子晉上賓於天亦有令孫窮神體玄昔我來思世稱其賢今我徃矣人謂之仙至道希夷孰知其然華陽洞府句曲風煙林芳橘葉地卽芝田披文相質億萬斯年

袁州宜春縣重造紫微觀碑文

若夫聖人有作沒而不朽畏其神而向其臺思其治而變其樹故尊道貴德玄化所以無窮高山景行後賢所

尚

鄧

守

字

於
伐

以不乏門函光啟上士勤行書契已還煥乎丹青者可
 數邦域之內表厥宅里者相望時運與并人境交得教
 之大者其可忽乎袁州宜春縣紫微觀者蓋有晉劉表
 真人上升之地也左鍾山之奇峰右洪陽之仙洞巉巖
 千仞蔽虧日月窈窕百里畜池風雷迴岡層巒崇其基
 坳激湍澄谿宣其氣象真靈之所游集邑居之所走望
 皇統中否下國尋戈齊臺盡宅多函壞鹿巾霞帔藐
 矣流離藻局黼帳翦焉墮廢而周德未厭漢中仍存舊
 物既甄墜典咸復惟茲靈境將俟其人道士孫去華殖
 本康樂之川從師新吳之邑清心煉氣絕粒忘形三十

餘年其道彌固保大中自所居華林山館南遊北鄉望
 佳氣之鬱葱踞坳垣之靡迤慨然歎息誓志終完於是
 面壑依巖披榛築室勤身而感物應迹以化人鄉閭風
 隨跪信日至節以致用時而命工二十餘年厥功克就
 紺殿特立重廊回闢合朱戶以瞰野峙瑤壇而在庭至
 于像設之尊儼仗衛之精麗厨廩之充剏居室之清閑
 洪纖必周奢儉中度美矣顯績昭哉素誠夫褒善稱氏
 春秋之旨雖在遐遠人其捨諸監察御史李君思義奉
 使宜春稅駕斯館都厥成今上嘉其秉心碑而揭之以文
 求我言意難盡強爲之銘銘曰

袁君之賢此州乃名鄧氏之仙此觀乃形春華麗絕真氣融明允矣奧壤居然福庭運逢交喪地有遺靈美哉孫師興廢扶傾重閣金籥還飛大鈴煙霞聚散飈歛逢迎精誠所感大道方行用刊樂石永告雲扃

舒州新建文宣王廟碑序

鉉嘗讀文中子用著書竊觀其建言設教憲章周孔有道無位故德澤不被於生民然而門人弟子如房魏李杜輩皆遭遇真主佐佑大化元功盛烈亦云至矣猶以為禮樂不興未能行文中子之道嗟乎使顏閔之徒遇貞觀之世舉聖人之業成天下之務豈不益大乎時運

不並享聖賢不世出可為長嘆息已矣夫太羹玄酒足以道神明而不能競適口之味大咸雲門足以和風俗而不能言娛耳之聲五常六藝足以興國家而不能勝捷給之數釋菜合樂足以祈永貞而不能掩福田之說李斯荀子弟子也而為焚書之酷德彝文皇上宰也而沮王通之議況其餘哉故用兵以來郊庠鄉塾委而不修者有年矣皇唐中興之一紀天子乃崇學校養庶老舉六德教胄子旁達郡國靡然向風舒州古諸侯之封也其地廣其任重太傅周公舊勳碩望來頒詔條武以貞師仁以行政動必資於前訓舉必順于人心前吏部

郎鍾君頃登銓管之司實參侍從之列論思典治必以名教爲先泊從左官來爲佐職神交主諾人無間然始一年而旱暵作二年而百穀登三年而上下和旣富而教爰修廢典乃嚴社稷則播殖之功報乃祀箕畢則風雨之候時乃卽黌堂謁先聖寢廟卑而將圯衮冕陋而不度政之大者烏得已焉于是庀功庸示儀制堂奧戶牖巍乎大壯山龍藻火煥乎有章重門以深之周垣以繚之俎豆升乎筵干戚由乎序佻佻眾賢是配是侑肅肅燕毛以衍以樂閭伍之屬耆幼之倫惠澤漸乎肌膚風教移乎情性惜其所治者百城耳推是而往何所不

至哉鉉也不才放逐至此崇地主之惠接故人之懽博我以文宜無所讓屬役旣具冠篇將畢會鍾君召還京師祖行之夕視草以送且曰敬教勸學非大君子不能行計功稱伐非大手筆不能任吾友紫微郎韓君卽其人也託之銘頌以永清風

徐騎省集卷十二

南陵徐乃昌校



國家圖書館, NATIONAL CENTRAL LIBRARY, TAIWAN, R.O.C.

徐騎省集卷第十三

東海徐鉉

宣州涇縣文宣王廟記

復三茅禁山記

宣州開元觀重造中三門記

紫極宮新建司命真君殿記

楞嚴院新作經堂記 攝山棲霞寺新路記

常州義興縣重建長橋記

宣州涇縣文宣王廟記

昔夫子祖述堯舜憲章文武扶東周於已絕拯蒼生於

以

既墜其迹屈而道愈大其人亡而教愈遠則生民已來未之有也其在祀典法施於人則祀之矧褒聖之祀其可忽乎然則中人不足以語上下士聞道而大笑故斯教已衰於戰國廢於嬴政漢魏以降續而復絕夫仲尼日月重昏於祀非聖人孰能廓之故斯教也興於武德盛於貞觀極於開元理自然也兵興以來大化墮替先王禮器委頓於勝廣之門闕里諸生悽惶於絳灌之下矧厥祠宇其存幾何天之愛人不當遂絕皇統再造六藝始修太歲丙午重熙在運宣城雄鎮帝之叔父在焉故幕府之選殊重尙書郎吳君光輔奉詔佐廉部兼理

於涇旣涖事乃被儒服謁先師闢荆棘厯堦垣以造於茅茨之間仰瞻俯觀喟然而歎於是奉開元之成制采頽宮之舊章經之營之是卜是築惟新祕殿儼飾睟容入室升堂森然如在籩豆有位賓主由序表著咸列門衛肅然於是青衿雩服之子有從師觀藝之場鯁齒駘背之徒識養老慈幼之節欣欣然其化之大者歟明年秋君奏計如京師因得其實嗚呼聖人在上羣才畢舉使三代之風得達於邑里不其偉哉余承君之歡美君之志刊石紀事寘於祠庭後之君子無忘企及其餘理畝籍察庶獄闢汙萊邊陂塘則有考功之吏在故不書

於時太歲丁未冬十月九日尙書主客員外郎知制誥徐鉉記

復三茅禁山記

華陽洞天金陵福地羣仙之所都會景福之所興作故其壇館之盛薦享之殷修奉之嚴樵牧之禁冠於天下其所由來舊矣聖厯中微官失其守望拜之地多所荒蕪若乃真靈翔集玄貺胥蠶興復之迹必假異人天祐丁丑歲貞素先生王君棲霞始來此山恭佩上法徘徊地肺偃息朱陽永懷舊規期在必復先生潛德內映符彩外融名士通人道契冥會凡縞紵之贈脆信之資悉

奉山門以成夙志於是由良常洞至雷平山千里而近於入萌隸者盡今上御名贖之芻蕘不得輒至墟墓不得雜處藝樹蔽野植松爲門川梁必通榛穢必翦建方壇於雷平之上造高亭於良常之前朝修有致誠之地游居有稅駕之所姜已古陌秦望舊封肅然清光復如開元天寶之歲矣先是紫陽之右有靈寶院焉真臺故墓鞠爲茂草先生殫罄資用克今上御名殿堂有開必先無遠弗屆都督武陵康王奉錢百萬梁王造殿一區向道之徒咸奉厥事曾未周歲惟新舊宮皆先生之力也昔大隗致襄城之駕庚桑化喂蟲之人是知道心惟微其應如響時

則有若道士經若虛協規同志是攝是贊幹事以恪感物以誠績用不愆斯寶攸賴先生以保大壬子歲夏四月悉書夫物之數疆畔所經請命於京師申禁於郡縣以授茅山都監鄧君棲一能事既畢數日而化期命玄應昧者不知夫仙階感召諒非一揆若乃神清氣靈骨籙標映受之於天也心虛器冲玄德充蔚基之於性也昭真垂教啟喚靈迹行之於勤也故策名紫素飛步黃庭流功儲慶必參相合然則先生之道其殆庶乎雖歛駕不留冥升日遠而高風可述遺範在人進而紀之翰墨之職也鄧君企慕前躅見託直書己未歲秋八月記

宣州開元觀重建中三門記

夫清淨玄默道之基也宮館壇墀道之階也生知者因基以成全上御名勤行者升階而覩奧故君子德業玄挺仁慈積中必廣馴致之方乃形兼愛之迹爲科誠以檢其情性爲象設以致其誠明情性平則和氣來誠明通則靈符集由是登正真之境入希夷之域曠矣無際薰然太和斯實興化致理之方還淳返朴之本豈與夫延方士尙祕祝求長生以自奉者同年而語哉宣州開元觀遠擬清虛獨標形勝敬峰崇峻鎮其後句谿澄徹經其陽鍾一方淳粹之精結三素氤氳之氣當泰陵之尊道揭

聖庥於華題藹爾殊庭居爲福地及運纏百六數偶三災雖棟宇不渝而制度多闕靈蹤必復有待而興主上嗣位之七年皇室在造之一紀今儲后狗臧札之操讓德承華體間平之賢總戎藩服首台司而握師律鎮京口而領宣城其爲政也質以先正諮於耆老義以果斷仁以發生民力不偷闕政咸舉而斯觀路門久廢遺址將蕪非所以敬教尊祖會昌建福者也乃命執事卽從經度民多暇日府有羨財勤而不勞成而勿亟巨棟山立層簷翼舒六扉洞開方軌並入重廊助其迴合祕殿表其深嚴十絕之幡拂文楣而絢彩九龍之驂軋金鋪

而振響瞻之者有凌雲之氣經之者疑駕歛之游信足以勵上士之進修福蒼生於仁壽旣而功宣納麓望集撫軍大壯之制斯成重離之位亦正貞符允塞盛德宜書道士孫洞虛素業淳深至誠敦慤發揚真迹啟迪嘉猷永爲不朽之功願紀他山之石宮臣執筆以謹歲時戊午秋九月庚申記

紫極宮新建司命真君殿記

夫金闕琳房不可階而升也惟至誠能通之靈符景福不可企而望也惟至行能致之故君子行道於時宣力於國敷惠於民貽範於家此人之極致自天所祐也又

元
卷之三

況考集靈之地崇列真之宇薦納約之信勵勤行之誠然則希夷眇邈超言象之表矣有若故司空相國馮翊懿公承世功之緒襲重侯之業地親於副馬美繼於緇衣便蕃臺閣夷險中立不倚金石貫其心唯力是視風霜盡其節故四綜會府再踐中樞三殿方鎮一平邦土慎終如始沒有遺忠激楚之樂雖窮通德之門不改嗣子太僕少卿俊等祇奉慈訓弗敢失墜以爲公之純誠冲氣本道家者流而仁政令典近浹於三茅之境高齋甲第夙鄰乎玄化之宮故棲神植福必先於是爾其冶城峻址西州舊署本忠貞之遺隴郭文舉之故臺九原

可作勝氣如在乃相形勢補廢闕建司命真君之殿於宮之良維披真蘊以立程集國工而考藝瞻星揆日不勞而成崇高壯麗重深藻繪煥如也凝旒端簡負展仍几穆如也珠幡絳節紛披乎左右空歌洞章簫寥乎晨昏真聖以之而臨御純嘏以之而蕃錫賢人啟後孝子奉先無以加於此矣鉉始以事分通舊從子弟之游終以禁掖具員陪僚屬之末及公之啟手足也復忝國士之許辱寄託之任知己之厚何日而忘短篇敘事益感遇之萬一也

楞嚴院新作經堂記

余集卷十三

六

君子才足以治劇惠足以安民見危致命以死勤事有
 一於此然後可以薦信於無方之神儲慶於必大之門
 噫楞嚴院經堂之作也其庶幾乎平陽柴君諱進思字
 昌美故太尉中書令尋陽靖王之孫也少而爽俊長而
 忠恪尤善騎射頗曉兵書靖王愛之出則典親兵居則
 專家政幹蠱之美宗族稱之王薨始為公臣累遷旅師
 鴻圖再造金革寢威上以其才能可任故以為內宴副
 使乘輅建節將命四方盤根錯節所至皆治改鄂岳觀
 察巡官知永興縣事縣有山澤之征榷管之利歲終考
 績倍於前人遷泰州軍事判官兼營田鹽監平蠹政決

庶獄勞農督課潔己律人民不告疲公有餘利除勸農
 使復監池吉二郡護武昌軍千里晏安上流靜謐會梁
 人入寇我武未揚東畿陷沒羣情震駭命君為行營應
 援軍使率舟師數千鼓行而東平難濟口復海陵郡於
 是淮泗之地聲勢始通乘勝長驅因逼隋苑前茅接戰
 羣師後期振臂奮身有死無二雖破竹之勢敗於垂成
 而東道清夷本由君之下舉也江都剋復歸葬京師天
 子憫焉贈左千牛衛將軍賻贈加等禮也嗣子殿前承
 旨廷遇等棘心在疚荼蓼兼倍以為苴麻苫由飾哀之
 期有終蒸嘗封樹追遠之禮有數復欲圖不朽之績徼

無邊之福則金仙之教世之所崇宗旨在於經文威容存乎像設於是擇奇勝之地補闕遺之事今上經堂六間塑地藏菩薩像一軀几席什器之類華而備精而固耽然其質煥乎其章深嚴足以遠世喧虛明足以味玄旨其全節之風也如彼其集靈之所也如此然則冥冥之祐縣縣之慶豈誣也哉余頃歲左官海陵君盡傾蓋之分感忠臣之事主嘉孝子之奉親刻石紀事以聳善也援筆悽愴無心於文保大丁巳歲春三月日東海徐鉉記

攝山棲霞寺新路記

棲霞寺山水勝絕景象瓌奇明徵君故宅在焉江令公舊碑詳矣高宗大帝刊聖藻於貞石紆宸翰於璿題煥乎天光被此幽谷先是茲山之距都也五十里而遙方軌並驅崇朝可至及中原今上亂多壘在郊野無牧馬之童岐有亡羊之僕義祖武皇帝潛龍茲邑訪道來游始命有司是作新路金椎既隱玉馱言還祠山之駕不追回中之道亦廢於戲聖人遺迹必將不泯微禹之歎夫何逮哉保大辛亥歲時安歲豐政簡民暇粵有寺僧道嚴名高白足動思利人百姓莊思悰家擅素封積而能散嗟亭侯之不復憫行旅之多艱乃相與翦荆榛疏坎

窞闢通衢之夷直棄邪徑之迂迴建高亭於道周跨重
 橋於山上鑿甘井以救渴立名表以指迷草樹風煙依
 然四望峰巒臺榭肅肅前瞻由是江乘之塗復識王畿
 之制矣余職事多暇屢游此山喜直道之攸遵嘉二叟
 之不懈為文刻石用紀成功俾後之好事者以時開通
 隨壞完葺此碣有泐斯文未湮不亦美乎其年八月一
 日兵部員外郎知制誥徐鉉記

常州義興縣重建長橋記

聖人作川梁以濟不通舟車所及纒連棋布若乃形勝
 傑大名聞天下者亦無幾何陽羨長橋其一也夫英賢

之所纏次邑居之所瞻望山川之精粹宅焉里城之神
 靈憑焉廢而興之圯而葺之豈惟備政足以徼福是橋
 也徵諸圖牒則後漢邑令袁君創造國朝永奉中令丘
 君新之其他無聞焉中興之初邑有義夫曰吳濛吳渢
 率以私帑備加營今上人賴其利踰三十載丙辰歲國步
 中梗百越寇邊邑人敗之燒營而遁飛燄旁及宏梁半
 摧甲寅歲著作佐郎劉君來為邑長視其制度知非民
 力之所能濟乃狀其事白於有司上聞嘉之詔賜錢八
 千萬君信而好古寬而得眾尉盧蒨鼎甲餘慶俊造策
 名政是以和事無不舉乃相與敷王澤因民心備物致

用程功揆日器利工善材良事時戊辰歲冬而裁明年
暮春而畢長五十步廣七步對縣樓而直出跨荆谿而
橫絕丹艘其飾□偃蹇而虹舒崇高其勢邈蒼亭而山
立朱輪方軌駟馬連騎營營市井憧憧往來有衽席之
安無揭厲之患昔者乘車濟涉聖人謂之無教橋梁弗
修賢相知其不能以今方古勝負分矣夫書云考績傳
載稱伐庸庸善善其可廢乎刻之貞珉以示來者庚午
歲春二月十五日記

徐騎省集卷第十三

南陵徐乃昌校

光校

徐騎省集卷第十四 記二

東海徐 鉉

重修徐孺亭記

喬公亭記

毗陵郡公南原亭記

劍池頌

九疊松贊

硯銘

野老行歌圖贊

四皓畫贊

許真人井銘

高侍郎畫象贊

文獻太子哀册文

齊王贈太弟哀册文

重修徐孺亭記

至矣哉天之愛民甚矣雖數有治亂而常生聖賢故得

其位則功加于時舛其運則教垂于後雖銷聲滅迹全
 身遠害不德而德普逃名而名揚擁篲築宮禮重于列
 國式闡表墓道光於無窮舉善而教政之大者也恭惟
 我祖炳靈南國舊宅界乎仙館高臺峙乎澄陂孺亭之
 稱海內瞻仰名公良牧代加崇飾千載之下猶旦暮焉
 頃屬邦君非才敗我王度翦焉層今上鞠為茂草噫百世
 之祀誰能廢之庚申歲始建王都辛酉歲遂遷清蹕肆
 覲羣后疇咨先賢餘基未傾偉人將至既而鼎湖在御
 桐圭錫壤丞相司空鄧王以茂親之重膺分陝之權思
 老成之典刑仰高山之景行同言而信不肅而嚴乃命

經營將從締今上九成方起百堵未周甲子歲入秉國鈞
 以武昌運帥侍中濟南宮代司宮籥公致用以武從政
 以文祇奉蕭規率由周禮再廢成制詳考舊基夷坎宮
 而就平裨崖岍而增固乃崇堂奧乃加藻績右嚴罇坵
 之序左設庖膳之區前臨康莊旁眺城闕平湖千畝疑
 碧於其下西山萬疊倒影於其中依然懸榻之場想見
 致芻之狀與夫洪崖之館絢綵於煙霞滕王之閣騫飛
 于雉堞南州之物象備矣前哲之光靈萃焉嗟乎君子
 興一役建一事于時必可頌于後必可觀茲亭之作也
 都人明悅過賓矚目紀于方國之吏播于樂職之詩鉉

也幸承燕翼之謀獲忝翰墨之任俾垂不朽敢憚蕪音

喬公亭記

同安城北有雙谿禪院焉皖水經其南求塘出其左前
 瞻城邑則萬井纏連却眺平陸則三峰稱翠朱橋偃蹇
 倒影於清流巨木輪囷交陰於別島其地豐潤故植之
 者茂遂其氣清粹故宅之者英秀聞諸耆耄喬公之舊
 居也雖年世屢遷而風流不泯故有方外之士爰今上經
 行之室回廊重宇眈若深巖水瀕最勝猶鞠茂草甲寅
 歲前吏部郎中鍾君某字某左官茲郡來游此谿顧瞻
 徘徊有懷創造審曲面勢經之營之院主僧自新聿應

善言允符夙契即日而裁逾月而畢不奢不陋既幽既
 閑馮軒俯盼盡濠梁之樂開牖長矚忘漢陰之機川源
 之景象咸歸卉木之光華一變每冠蓋萃止壺觴畢陳
 吟嘯發其和琴棊助其適郡人瞻望飄若神仙署曰喬
 公之亭志古也噫士君子達則兼濟天下窮則獨善其
 身未若進退以道小大必理行有餘力與人同樂為之
 懿也是郡也有汝南周公以為守有潁川鍾君以為佐
 故人多暇豫歲比順成旁郡行再雩之禮而我盛選勝
 之會鄰境興閭戶之歎而我賦考室之詩播之毗訟其
 無愧乎余尚自禁掖再從放逐故人胥會山水窮游良

于

於

據

彌

於

于
隱

於

燠
於

於

苦

辰美景賞心樂事有一於此宜其識之立石刊文以示
來者于時歲次乙卯保大十三年三月日東海徐鉉記

毗陵郡公南原亭館記

人生而靜性之適也若乃廟堂之貴軒冕之盛君子所
以勞心濟物屈己存教功成事遂復歸于靜用能周旋
於道常久而不已者也有唐再造俗厚政和人多暇豫
物亦茂名園勝槩隱麟相望至于東田之館西州之
墅婁湖張侯之宅東山謝公之游青谿賦詩之曲白楊
飲酒之路風流人物高視昔賢京城坤隅爰其別館百
畝之地芳華一新舊相毗陵公習靜之所也其地却劇

峻嶺俯瞰長江北稱臨滄之觀南撫新林之戍足以窮
幽極覽忘形放懷于是建高望之亭肆游目之觀睨多
鳥於雲外認歸帆於天末四山院見而屏列重城邈迤
而霞舒紛從步而右回關精廬于中嶺倚層崖而築室
就積石以為階土事不文木工不斷虛牖夕映密戶冬
煩素屏塵尾榷几黎牀談玄之侶此焉游息設射堂于
其左湛方塘于其下虛楹顯敞清風爽氣襲其間倚岸
繁迴紅渠翠苔藻其浹至于芳草嘉禾修竹茂林紛敷
翳蔚不可殫記凡廡庫之室厨廩之區賓燕所資不戒
而具每良辰美景欣然命駕羣從弟子結駟相追角巾

藜杖優游笑詠觀之者不知其為公相也古人有言朝廷之士入而不能出況於輕鐘鼎之貴徇山林之心將相之權不能累其眞肺腑之親不能系其遁道風素範豈不美歟又以鉉無事事之情有善善之志見徵拙筆用勒貞珉是時歲次辛酉冬十月日記

劍池頌 并序

歲次辛酉月躔仲冬王人徐鉉揚旌銅柱之鄉稅駕劍池之廟慨嘆靈迹徘徊故墟或曰龍泉太阿安得為寶出也不為當世之用佩之不免亡身之災天下固有虛名而無實效者歟愚以為不然夫聖人之於天下亦物

耳所稟受者異故能與造物者並而為天下王是以聖人之作也天不愛其道地不愛其寶同聲相應同氣相求人謀鬼謀皆為聖人用無功無迹豈尋常所能識乎然則集陰陽之英萃山澤之精窮爐冶之妙極鋒鋌之利宜其冥合玄造彌成聖功者也昔黃帝法月滿而鑄鏡用能照燭怪魅辟除不祥大禹收貢金以鑄鼎使民知神姦以遠不若漢高祖佩斬蛇之劍以撥亂除害奄有天下是以三者皆人力所為也咸能輔佐興運與時隱見其可誣乎在昔三分叔世咸有昏德天命將改寰宇將同斯劍知之故靈發于下氣浮于上應帝王之符

於

効

於

日

命矚識者之觀瞻亦猶伊尹負鼎於莘墟仲尼動色于魯相千載一會聖賢所以汲汲也向使晉武能誕若天意克明俊德判忠邪之路絀驕侈之心則賢能盡其才神靈效其用涓耀之烈可續七百之期不爽而王猷旣鬱亂本旣成百姓失望羣龍沮色於是斯劍也委質張雷之鑑一泄其情遠迹劉石之醜復歸于潛其出也所以示神之不亡其去也所以示唯德是輔則其爲用也遠矣昔者周過其數秦不及期是知天命之精微可以人事而延促前哲論之備矣若夫精眞之誠修于內感召之致應乎外自然而然有道存焉不可以智求不可

以言達王者得之則三五之功其餘事耳然則天下至瑤本非人臣所服變化無方神物之事也忘身殉國忠臣之節也兩造其極求仁得仁復何怨乎廟在豐城故縣俯瞰池岸狀武侯雷府君之象祀焉去今縣四十里而龍泉太阿之廟別在中路棟宇綿久皆將傾頽邑人朱暉等治重熙之化感百世之祀獎率同志唯壽宮千載光靈煥然如在縣令孟賓于尉孫舉皆以文行之懿中賢良之選接武連事惠此王畿推誠於民荐信於神風雨不愆耕鑿咸若先賢遺躅其不泯也宜哉是池廣

不畝深才數尺父老云近歲暮旦往往有雲霧蒙覆

其中恍惚之理不可測已今中興王業聖政惟新豈非
靈命孔昭玄貺將集天命不僭弘之在人使臣司言敢
告有位乃為頌曰

周室既衰仁獸來臻晉祚不融龍劔効珍神化無方天
命無親德之不建與運俱淪歸潛厚載以俟真人惟劍
之神惟賢之識湛湛靈沼綿綿廟食瑞氣常在玄符靡
測垂茲頌聲永永無極

九疊松贊 并序

同安郡南二十里古城南隅有松焉拳曲臃腫勢若九
疊交柯聳幹無不蟠屈者其地高迥旁無壅闕莫知其

何由如是或曰下有頑石根不得舒氣脉債興故為此
狀好事者以為盛觀焉余始聞其名今至其下嗜之而
貽曰嗟夫草木麗地稟天之和條暢秀茂固常也若乃
原隰之宜失陰陽之候違柔脆之姿則離披枯瘁貞勁
之質則鬱抑盤錯生理乖矣獨有瓌奇之貌嗚呼失其
所乎昔在太古君臣強名賢愚同域洪洞洞是謂大
和降及後代聖人有作顯仁義建功名扶衰整弊不得
已也於是有愛惡則象生焉其甚者飭行以矯時執方
以違俗考槃閭巷聲重王公上德喪矣獨有高世之譽
嗚呼荀孟屈賈之徒豈斯松之類耶感物徘徊因為之

贊于嗟彼松孰爲而生天枉其性屈折其形人寶我貴
我非所營噫嘻淳風曷歸大道安行吾欲與汝各全其
眞作此好歌以告騷人

硯銘

他山之石是斲是治荆藍表瑩雲露含滋執簡而至磨
鉛在茲言出乎身文以行之噫嘻君子慎爾樞機

野老行歌圖贊

昔在陶唐光宅萬國下或知有帝將何力鼓腹擊壤嬉
游無極自然而然忘適之適中古道薄親仁懷德末世
政亂姦宄寇賊淳風不還可以嘆息丹青志石存諸往

則嗟爾有位鑑茲王式

四皓畫贊

君子道行必資其位邈哉四賢隱居叔世皤皤之貌丹
青假志爾無素飡覩此知媿

許眞人井銘

長史含道棲神九天人非邑改丹井存焉射茲谷鮒列
彼寒泉分甘玉液流潤芝田我來自西尋眞紫陽若愛
召樹如升魯堂敬刊翠琰求識銀牀噫嗟後學揖此餘
光

高侍郎畫象贊

穆穆清真不淄不磷文高學富道直誠純昭質已邈斯
猷愈新丹青畫象以永光塵棠陰峴首瞻仰霑巾

文獻太子哀冊文

維顯德六年太歲己未九月癸卯朔四日丙午文獻太
子薨于東宮延春殿以某年十有二月壬申朔十三日
甲申遷座于文園禮也象輅差階龍樓向曙肅仗衛以
將引儼罇罍而不御主上感深守器念極賓天痛玉符
之靡召悲銀榜之空懸詔下臣於信史載盛烈于瑤編
其詞曰

於昭我唐誕受帝祉舊邦維新令問不已亦有積慶載

生賢嗣平王之孫吾君之子越在綺紉芳若蘭蓀綠車
表慶寶玉疏恩東平錫壤南昌啟藩耆老諮訪工墳討
論文以行禮時然後言敬愛表於天性信厚由於自然
運屬重熙地惟明兩古尚達節吾先德讓剖符分陵居
東作相封燕禮縟副戎業廣績著保釐道高寅亮敬亭
南屏浙水東馳是惟關輔以衛京師乃移節鉞建此藩
維擇其令典導以由儀仁薰俗厚化洽風隨國步中艱
文身怙亂鎮以高臥制之長算取彼鯨鯢戮爲京觀吳
門載同輿詞協從天之眷命我豈矜功乃正皇統斯維
至公爰撫軍而監國亦納揆而登庸業彌盛而學彌廣

警門

警街

於

歎太

於

望益高而禮益恭不言而信有感則通多壘以之而罷
 警四時以之而除兇反溘和于國儉致符瑞於年豐天
 亦艱諶胡甯不惠枉矢流蒼震之野大耀奄前星之次
 捨內間之間安進淨正而把袂九重增慟萬邦街涕冥
 茫少海之波寂歷滄雷之肆嗚呼哀哉感神飈之遠至
 嘆芳歲之云徂違大學之齒胄啟佳城而下居建采章
 于綢練儼備物于塗芻經武帳之崩旄據青龍之鬱紆
 嗚呼哀哉若霧閉塗窮陰殺節重雲之旭日如晦大壑
 之層冰似雪指京口而不臨背都門而永訣萬目愁而
 旆旌慘羣心感而笳簫咽嗚呼哀哉瞻瑤山之落木聽

玄圃之迴風臺思子以何極宮長男而遂空集荆門之
 故吏會商嶺之悲翁淚淋浪而洒袂氣怨結而盈胸嗚
 呼哀哉歷遂古以遐觀考令猷於三善孰仁孝之昭著
 復功名之不顯惟史筆與毗頌配天長而日遠甯騁麗
 于東田豈駁能于文選嗚呼哀哉

齊王贈太弟哀册文 代喬侍郎

維年月日天策上將軍太師尚書令臨川牧齊王薨于
 臨川府之正寢主上追先皇付託之意表叔父遜讓之
 風乃下明詔册贈太弟卽以其年十一月日葬于江州
 某縣某鄉廬山之原從理命也綃幕夕陳虞歌曉引改

於

鈞

讓

於

賢

於

夷園之賓館設龍樓之陛楯闈靈儀以愈遠窮哀端而靡盡愴永恨于宸襟俾誕揚于令聞其詞曰

皇天眷祐錫唐良輔時惟宗英裔自文祖孝弟敦懋機神穎悟昔在中興爰當就傅申畫宛永錫茲茅土德望日躋邦家是毗鈞陳宿衛宮籥攸司於惟淮甸實始皇基道之以禮董之以威俗賦甘棠之頌人歌樂職之詩運屬繼明業隆二聖首輯瑞玉來參大政乃爲左相其班上台乃封夏口其賦千乘赫矣元后蒸哉古風不私其子天下爲公並命叔仲奮茲顯庸或踐我舊藩或陟爾青宮辭不獲命處之益恭晉鄭之勳推而更融臧札

之操久而彌崇若泰伯之讓異周公之東京江汝水旌節從容皇統旣正靈符允荅國步清謐羣生欣洽復大道于三古永文昭于萬乘越我嗣君尊尊親親極以昌望之高位崇以貞觀之舊稱賜書不詔贊禮不名曰予小子實擊叔父維藩維翰宗社之故永錫難老日新王度謂天蓋高命亦靡常台階殞宿河月沉光慟東堂之哀臨輟南園之春相與聖賢而共歎獨天地之何長嗚呼哀哉知生若寄臨凶奢於蜃炭舉士庶而均哀頌聲猷于無間嗚呼哀哉歸虎節於王府靡鸞旌于雉門閑西園之風月慘緜嶺之烟雲象輅迴兮遵途遠歸帷整

于 於 壤 閣

徐騎省集卷第十四

兮逝水奔賓友散兮霰雪積巾箱故兮經藉殘嗚呼哀
哉身歿懷存道悠運促贈今日之典册閱當時之寶玉
全大義以經國激清風而被俗昭遺烈于千仞寄玄堂
於陵谷嗚呼哀哉

徐騎省集卷第十四

南陵徐乃昌校



國家圖書館, NATIONAL CENTRAL LIBRARY, TAIWAN, R.O.C.

徐騎省集



四

NATIONAL CENTRAL LIBRARY, TAIWAN, R.O.C.

徐騎省集卷第十五 墓銘一

東海徐 鉉



唐故左諫議大夫翰林學士江公墓誌銘

唐故泰州刺史賈公墓誌銘

唐故泰州刺史陶公墓誌銘

唐河南方公墓誌銘

唐故筠州刺史周公墓誌銘

唐故朝議大夫太原王公墓誌銘

唐故奉化軍節度判官趙公墓誌銘

唐故左諫議大夫翰林學士江公墓誌銘



克

升 尺

於

署宣

署 儀

公諱文蔚字君章其先濟陽考城人也昔高陽恢若水之靈光有萬國伯益獲箕山之護勉成夏功故其子孫延祚丕顯茅土錫胤圭組流光在漢者爲孝子在宋者爲忠宰在梁者爲烈將在陳者爲詞臣長城旣封淮水亦絕辭周粟而遠驚避嬴亂而深藏徙籍建安世爲大姓至於我王考毗考秦皆以隱德清操垂爲門風惟公嗣奕葉之賢有生知之異幼挺奇表夙韜殊量殫儒墨之祕奧窮文史之菁英閭里歸仁宗黨稱孝于時天下未一遐方不甯公鄙斥鷃之爲從黃鵠之舉類延州之觀樂同太史之探書并名俊造從事河洛衰俗難佐天

壤不支我烈祖孝高皇帝王業始於江東仁風被于四裔公仗策高蹈款闕來儀府朝肅以生風臺閣藹其增氣署州觀察巡官試祕書郎遷水部員外郎賜緋魚袋王國初建改比部員外郎知制誥于時天人協應獄訟攸歸舜禹相與言游夏不能措潤色之任也我則無慙旣受禪遷主客郎中知制誥如故俄而眞拜仍賜金紫今上嗣位大禮聿脩徙公爲給事判太常卿事時同軌胥會會有司失職公與司門郎中蕭君儼博士韓君熙載協力建議周行翕然由是祖功宗德之位定大行昭名之義允功著高廟與天無窮明年拜御史中丞矯枉

坐署

銜

鑄署風

於年

情理齋

於

持平無所顧憚由廷劾宰相其言深切貶江州司士叅軍初國朝自王義之後曠數百年憲署之舉閒無廢職然未有危言激論如此之彰灼者也故權右振竦朝野喧騰傳寫彈文爲之紙貴人心旣爾天鑑亦迴前所劾者或免或黜公就加江州營田副使頃之徵爲衛尉卿俄拜右諫議大夫充翰林學士權知貢舉出納密命樞機靡失登進造士衡鏡無私聳禁署之清氣著春官之故事薦賢之賞行及于台司曳杖之期奄先于朝露春秋五十有二保大十五年八月二日卒于京師官舍皇上痛惜爲之廢朝送死卹孤一從公賜有司考行易名曰

簡卽以其年九月十三日葬于某縣某里之原禮也長子翕祕書省正字次子騫皆早卒今以從子翹爲嗣嗚呼哀哉公心平氣和貌古神正雅好玄禮有方外之期尤善詞賦得國風之體去華簡禮不以位望驕人怯才誘善不以威名傲物操履堅正靡得動搖襟懷坦夷初無蒂介謫居江楚恬然自足孜孜色養蒸蒸孝心嘗爲詩云屈平若遇高堂在應不懷沙獨葬魚此其心也江州節度使賈公崇以武立功以剛肅物事公如師傅親公如兄弟時皆服公之重名而賢賈之樂善也旣歸京寓居公廨無以家爲二子繼亾一慟而已齊死生于夢

覺遺寵辱於錙銖古之遠者何以過此嗚呼凡我僚舊
 均哀共戚入黔婁之門闔覽伯喈之經籍睇落日以流
 慟愬秋風而沾臆企景行於高山勒哀詞于樂石其詞
 曰

高陽之裔伯益之孫展矣君子載大其門爰翔爰集樂
 我樹檀影纓幕府振藻西垣禮儀卒獲風憲攸端道行
 在時業隆自我英英若人見義必果直指烈烈宮鄰瑣
 瑣死生以之何適不可允矣天鑒明哉主恩乃還宣室
 乃入修門從容禁署密勿王言得才為盛知人則難求
 戶宗伯載善其官人必有終古無不死嗟嗟若人風流

永矣徐庶有母鄧攸無子闕里諸生荊州故吏謂之何
 哉啜其泣矣秋風落木逝水成川昨朝飛蓋今日荒阡
 一邱殘照萬古愁煙素車自返寶劍高懸高才兮直道
 共盡兮何言

大唐故中散大夫檢校司徒使持節秦州諸軍
 事兼秦州刺史御史大夫洛陽縣開國子賈
 宣公墓誌銘

公諱潭字孟澤洛陽人也周先同姓卽列國之諸侯漢
 得名臣乃洛陽之才子攀鱗河北豈須方面之功借筭
 譙都自有良平之策源長派遠德厚流光史不絕書後

將必大當先天之內禪也我七代祖黃門侍郎平陽公曾實寅丕命及至德之中興也我六代祖黃門侍郎晉國公主實贊大猷曠古已還一家而已五代祖孫衡州刺史高祖種司門員外曾祖昶太子司議郎祖琛河南密令皆有韜世之量濟眾之仁大位不躋餘慶斯洽考翊以經術擢太常第以才用爲諸侯卿捍虜輸粟有勞王室于是佩金紫升朝廷上疏論邠甯節度王行瑜恃功恣橫坐貶愛州掾俄行瑜就戮優詔徵還復出常州刺史鹽鐵江淮留後屬宗社中絕官司解弛計吏未上哲人其萎公有世德之資負夙成之器風神爽邁智術

通明景福二年以學究一經射策高第釋褐京兆府參軍事遷祕書郎侍從南遷進修不懈天祐丁卯歲居先君憂服喪過哀宗黨稱孝楚泗郡守宣城廉使虛左交辟三府馳名俄而內艱感憂如禮藝祖皇帝創基分陝側席求才素與公周旋卽加禮命奏記書檄一以委之內贊謨猷外爲詞令出應盟會入陪罇俎霸功光赫公有力焉十有餘年任用無閒旣而楚雲告變穆醴不陳已酬國士之知亦得退人之禮改宣州觀察判官烈祖高皇帝受命中興不忘舊德徵拜祕書少監充儀禮副使遷中書舍人崇英翰林學士周慎密命潤色王言公

公

於

全二

千

望無淪朝獎彌厚保大嗣統拜兵部侍郎知制誥學士
 如故充永陵儀禮副使同軌胥會大禮無違遷兵部尙
 書修國史考定郊廟之樂褒貶歸正擊拊允諧會六夷
 南侵天眷北顧命我持節使于契丹宣大國之威神得
 諸戎之要領及輶軒還軫而控弦出塞矣報命稱旨時
 論具瞻于是避寵台衡就安關輔除泰州刺史視事數
 月丕變土風邁疾還京保大六年九月二十有一日卒
 於江甯永安里官舍享年六十有八皇上軫悼再不視
 朝飾終之禮務從加等太常考行賜諡曰宣以其年月
 日葬于某所與夫人楊氏合祔焉禮也長子朝散大夫

行大理司直彬次子泰州司倉叅軍穆少子修等咸負
 當世之才皆爲保家之主種德垂範未易可量長女用
 文適水部員外郎楊元鼎不幸早世次日用柔適膳部
 員外郎知制誥張緯次日用光適進士姜某少曰季芳
 尙幼惟公事業富壽昭映一時族望婚姻熏灼當代自
 非天監與善孰能若斯雖大用未光而能事畢矣鉉以
 世親之舊執隨行之敬服義承教惟公在焉判勒論撰
 蓋感遇之萬一也其銘曰

於惟茂族實有世德七業繼軌嘉猷允塞亶矣君子其
 儀不忒修詞立誠以匡王國言以文行矢由威克東畿

匡兵

刊

之政爲邦之則天地長在春秋代遷今朝喪善何日生
賢蒿里誰地佳城許年永安舊里門館依然寢丘傳邑
京兆開阡勒名泉石以配青編

唐故秦州刺史陶公墓誌銘

公諱敬宣字文褒其先尋陽人因官徙籍今爲合肥人
也西京作相開國封侯于是貽孫南國主盟長沙公茲
焉不朽籬邊黃菊解縣印以言歸嶺上白雲挂朝衣而
不返光靈攸屬固無得稱之丹青所存可畧而言也高
祖復右監門衛將軍曾祖琳建州錄事參軍祖晟青州
博昌縣令皆天縱其能世濟其美韎韐君子屈迹于驍

游縉紳先生折腰於州縣積善餘慶明德後興考雅武

昌軍節度使贈太師楚惠公雲雷

全上

屯

龍冥會橫瑯

戈而蕩寇功冠一時裂鷄尾以疏封禮優萬方公卽太
師第四子也幼而岐嶷長而俊茂非禮勿動時然後言
天祐中門廕起家太子校書遷至府長史賜緋魚袋丁
宣公憂時年十四孝心昭感喪禮無違釋服除都官郎
中賜紫金魚袋改大理少卿青縑寓直時推伏閣之勤
丹筆持平人絕署門之歎俄遷江都少尹趙張治劇由
來表則之司淮海分疆自昔輕揚之地公處之貞固行
以廉平愛民則忠事長以順一圻欣賴三載有成遷大

徐集卷十五
理卿仍兼尹事烈祖考高皇帝允釐百揆實總六師爰
求鄭國之良以貳楚人之廣奏請君判左右軍事丁酉
歲堯咨文禪禹迹中興徵舊德于角犀考官成于喉舌
拜工部尚書今上嗣位加金紫光祿大夫檢校太保會
閩人作梗王旅欲南聲實所資豫章爲急故輟公副總
判軍府及羽檄四出芻輓相尋民以悅而忘勞事有備
而無患嶺表既定洪人亦康復移宛陵仍兼棣州刺史
海陵郡甸服之地邦賦最優歲比不登民用胥怨除泰
州刺史公以清淨爲理仁恕積中視吏民其如傷守法
令而畫一餘糧棲畝無庚癸之呼白駒過隙感辰己之

歲春秋五十有二保大八年夏四月十有八日卒于位
上省奏傷悼輟朝兩日有司考行賜諡曰順卽以其年
月日權窆于東都明年月日葬于江都府縣里與前夫
人合祔焉禮也惟公冲和體質仁孝爲基立身有常與
物無忤尤善聲韻聞音而知樂頗好篇詠下筆而成章
身後不留餘財所任必有遺愛求之作者斯亦難能嗣
子泰州司倉參軍崇鼎崇諒崇倫等皆勤修令名夙奉
成訓君恩靡替家法如初鉉昔在朝行實惟舊好今從
仕宦仰醫東道痛死生之已矣感意氣以何報延陵挂
劍願保于不欺峴首刊碑終慙於妙絕銘曰

淮淝之靈衡霍之精必有賢傑爲時而生乃伯乃仲乃侯乃卿望冠六事風馳百城人生有涯大命夙傾不見君子猶存鄭聲遠日旣吉靈輻旣行寂寞公館蕭條古垆哀哀郡人泣涕沾纓嗚呼彼蒼不知福善之胡明

唐故金紫光祿大夫檢校司徒行少府監河南

方公墓誌銘

公諱訥字希仁其先河南人也後世從官徙籍新安支流繁衍遂爲郡之著姓迨公數世皆以儒雅退讓播爲門風曾祖顥登州文登縣令祖亮在武衛兵曹參軍考穀榮王府司馬母聶氏追封河南縣太君問政先生師

道之長女也公承積善之慶負夙成之智砥節礪行好學能文時然後言非禮勿動鄉曲之黨翕然稱之太師陶公來守新安撫納人士署爲郡史委以典籤恪恭詳敏甚稱所職厯事累政其志如初烈祖肇基王業元宗實綜軍政管紀之任勤擇其人聞公之名召至幕府王國初建署甯國軍節度館驛巡官掌都統表奏皇室再造慶賞遂行擢拜虞部員外郎掌元帥表奏數歲以皇孫就傅命我侍讀講道贊德厲裨益之誠端己直躬盡表微之節俄遷水部郎中明年皇孫封南昌王東都留守以公爲留守判官遷主客郎中參贊政務事無違者

改司農少卿依前充職明年王移任宣任二州大都督復以公爲浙西營田副使通判軍府六載匪懈庶職交修懋官之賞詔命疊委累遷至紫光祿大夫檢校司徒封河南縣男俄拜秦州刺史充本州屯田監院使正身而令悉以爲理公無遺利民自從風屬強敵深侵東京失守而州兵盡出人心大搖于是士庶老幼盡室南渡公自歸闕下坐是除名數年除歙州團練判官上曰戰爭之際吾豈以武勇責書生哉軍法不得不爾卽召拜太子右諭德今上嗣位遷少府監丙寅歲正月十六日卒於京師美仁坊官舍享年七十七上爲之廢朝一

日賜諡曰定以其年某月日葬于某所禮也前夫人謝氏早亾繼室施氏封沛縣君長子前宣州甯國縣主簿次子志饒州文學公以名教爲樂以矩矱自任行必中立居無惰容縉紳之間推爲純行公之外祖得道之士故公頗以朝禮修養爲務鷄鳴而起孜孜不倦年俯悼耄體常強健及屬纊之晨無伏枕之疾斯亦力行之報也鉉也不佞早辱交契昔先君從事黻公適仕本部及公策名郎署鉉亦忝官聯旣熟其素履願垂于不朽附于史氏以永令猷其銘曰
聖人四教文行忠信惟公似之光有令問秉筆贊畫登

驚
貞樹

朝典郡寵至若驚道喪無悶年俯中壽官參列卿歸全
委順終吉永貞宰樹長在高臺自傾用刊圓石闕此佳
城

唐故客省使壽昌殿承宣金紫光祿大夫檢校

太保使持節筠州諸軍事筠州刺史本州團

練使汝南縣開國男周君墓誌銘

公諱廷今上字正材洛陽人也岐山至德綿瓜賦者萬邦

洛宅舊都守枌榆者百世簪組相繼譜牒存焉曾祖侃

太常博士祖潛深州樂壽縣令避亂南徙因家廣陵考

廷禧明經擢第有吳之霸受辟為淮南巡宮至戶部郎

官

殷
貞

中與殷文公游貞公同掌翰林無祿早世故大位不躋

君即戶部第四子也幼而岐嶷長而篤厚躬行孝悌餘

力學文以蔭釋褐補弘文館校書試吏為池州司戶參

軍改宣州甯國縣尉烈祖在藩乃瞻舊族聞君修謹復

有吏能因表為黃州長史寵以朱紱置之府朝及受禪

遷通事舍人鴻業肇興王澤遐布贊導之任實寄司聽

護戎修聘觀風按獄受命而出動罔不臧歷事兩朝任

遇彌厚賞賜既數階勳累遷而通事之任如故蓋惜其

能也保大七年轉將作少監判四方館事浩穰之地尹

正為難復以本官判江甯府事其閒監諸侯之典者十

穰

掌
聰

已

後集卷一五
通四方之命者三攝州府之政者六按枉撓之獄者四
或敷惠於新附之俗或投忠於危亂之地本于忠而後
動忘其生而後存元宗嘉之以爲客省使今上嗣位深
惟舊勞特加金紫光祿大夫台州刺史常御壽昌殿視
事中外之人咸得引見又以君爲壽昌殿承宣出爲忠
義軍監軍泉南等州宣諭使還遷筠州刺史本州團練
仍使充客省使君以備嘗艱危復迫遲暮懇辭繁劇恩
旨不從丙寅歲十月二十二日終于京郡某里之官舍
春秋六十有六詔廢朝一日賜諡曰某明年正月葬于
某所禮也夫人天水縣君姜氏輔伉之勤率由歸禮訓

誨諸子備有義方子大理評事崇儉太常寺奉禮郎崇
素及崇順崇信等皆儒謹且不墜其先鉉家世通舊嘗
接姻婭淡成之分終始不渝何以寘懷是用刊德其銘
曰

猗嗟周君世濟其名展如之人克嗣厥聲受任幹蠱臨
難忘身居中處約全和保真與物皆化萬古同塵松楸
勿伐蘭菊惟新刊石表墓于嗟善人

唐故朝議大夫行尙書禮部郎中柱國賜紫金

魚袋太原王君墓誌銘

君諱某字某其先太原人也昔者諸侯共職起末運于

髡王諸后上賓示靈期于瞽史緱山維岳肇翦賁之崇
基汾水遂荒導沈渾之遠派其後金行云季貴種言還
行者制禮樂于土中處者保邛園于淮左世濟之德鄉
人所宗故今爲廬江人也曾祖廬江令祖洪州長史皆
有廉讓之風純粹之行得祿于仕不累于高考吳尙書
左司郎中贈太府卿負適用之才獲愛人之譽應星辰
而列位道邁朝倫□河海以命官禮優贈典君則府卿
之第三子也門風漸教天質孕和翼翼服勤眞保家之
主愔愔若訥多長者之言墨妙筆精固稟于性奕思琴
德咸是所長幼有令聞獲鍾慈愛及加冠之歲以門子

叙資漢室孝廉方從令史晉時英俊更屈下僚晨昏之
養有歸州縣之勞靡憚乾貞二年自黃州司馬遷洪州
都督府別駕治中懋績屏星煥其增華公府見知佩刀
由其受賜俄拜尙書度支員外再遷虞部郎中皆判吏
部兵部事夫當官匪懈伏閣之勤也照姦得情坐曹之
能也前史所趨君皆則焉頃之以親累解官君雅好玄
言夙尙閑適由是角巾私第閉關卻掃交游罕得見其
面窮達不以介其懷用晦而明居貞以利高皇帝受禪
之始牽復疏恩拜工部郎中轉禮部郎中寓直中書省
預聞機密彤庭弘敞禁垣清切絲綸之出堯言于是惟

樹 霓

於 承

妻

游

貞

刊

刊 國

行樞機之微省樹由其勿洩方將振鱗溟澥驥首雲電
 而生也有涯仁而不壽昇元六年夏六月二十有六日
 卒于建康翔鸞里之官舍享年五十有一嗚呼哀哉惟
 君孝於事親悌于事長和以接上廉以在公胥吏臣僕
 靡不被仁恕之惠家人惠子未嘗見喜愠之容學古觀
 書如恐弗及卹舊敬老周知其疲三德聿修五福斯闕
 卽世之日遺愛存焉卜遠不從旅殯京邑後四歲春二
 月五日嗣子延紹延貞等始備大葬之禮窆于江都縣
 某鄉里從先卿府君大瑩與夫人李氏合祔焉禮也鉉
 以世親之舊承子妻之知恕明德之不當痛祖行之斯

在遐食自公薄送于畿刊樂石以爰紀庶令名之不虧
 嗚呼哀哉其銘曰

汾州溶溶淮源颯颯興我宗兮世濟其美家餘其慶生
 我公兮靖共正直行名迹存南宮兮與義相扶知命
 不憂永考終兮邗城之石蜀岡之陽馬鬣封兮道不虛
 行有令之子遵遺風兮

唐故奉化軍節度判官通判吉州軍州事朝議

大夫檢校尚書主客郎中驍騎尉賜紫金魚

袋趙君墓誌銘

君諱宣輔字仲申其先天水人也累世從官不常厥居

曾祖全真工部員外郎滕州刺史祖倚太子校書考台
歙州海甯令君卽海甯府君第三子也生於廣陵長于
江左幼而俊敏博綜羣書尤善刑法之學烈祖輔政方
申明紀律君以是中選釋褐補江都府文學直刑部明
年改信州司法參軍察獄詳刑號爲詳練久之召赴闕
以本官權參元帥府法曹事踰年改大理評事元宗嗣
服之初庶獄權要舉不附己者因中傷之君坐黜爲饒
州司士叅軍明年王師伐閩護軍查公表君才可煩使
以本官判軍司事時頓兵深入自冬涉秋經束馬懸車
之塗督飛芻輓粟之役事集師克君有力焉師還加朝

散大夫行常州義興令推誠率下民用協和丁憂去職
復爲江州錄事叅軍時連帥議浚湓浦以屯舟師詔從
之君以無益戎備而勞民力乃指陳利害抗疏極論上
甚嘉之卽命止役由是遷大理司直通判蘄州軍州事
明年遷檢校水部員外郎充建州觀察推官通判軍府
事會越人闖邊使聞誘建民將以爲亂君廉得其實盡
按誅之優詔褒美賜衣一襲遷檢校屯田員外郎三年
徵拜守水部員外郎判度支時師旅薦興軍食不給命
君爲沿江催運使軺傳所至轉輸如流朝諭以姑熟居
畿甸之間實供億之始徙君爲當塗令踰月復徵爲主

客員外郎判大理寺賜紫金魚袋始君以理官得罪至是上知其無私故復任焉守官循理挺然中立轉工部員外郎仍判寺事今上嗣位上疏論時政以爲刺史縣令親民之先而考績掄材未盡其理上深然之遷朝議大夫戶部員外充宣歙常潤等道安撫使以刺舉無避爲權臣所排宸鑒昭明故得無咎使還以本官判兵部事廬陵羣盜充斥州兵不能制上憂之亟命君爲奉化軍節度使官判吉州事轉主客郎中擒姦摘伏克舉其職其年秋九月七日遇暴疾翌日終于郡之官舍享年六十有一明年春二月歸葬江甯府某所禮也夫人宣

氏吉王府長史昌之女也工部尙書文徽之妹婉孌之德閨房之秀內助著美士林所推子七人長曰鈞袁州新喻尉次曰錯樞密院承旨次曰鍾舉進士次曰銓前國子監三禮次曰鐮鉞鏗皆國子監生女一人適祕書省正字周希定君有孝悌之性聞于宗族敦然諾之信稱于友朋守己有常事君不諂位未達而知足祿雖優而彌貧其當官持事也必盡己所長不爲利回不爲威惕故屢失大臣意然好直之士亦以此多之鉉多塵近職熟君操行直筆聳善以告後人故銘其墓曰
英英趙君松茂蘭薰應用以法飾身以文道直詞正心

於
樹

徐集卷一五
平氣純如何不淑今也為塵金陵仙鄉古多名人歸骨
于是與善為隣泉臺不曉壟樹空春勒名挂劍慷慨沾
巾

徐騎省集卷第十五終

南陵徐乃昌校

光校



徐騎省集卷第十六

東海徐 鉉

唐故中書侍郎光政殿學士承旨昌黎韓公墓銘

唐故守尚書刑部侍郎喬公墓誌銘

唐故建州觀察處置等使陳公墓誌銘

唐故檢校司徒苗公墓誌銘

前虔州雩都縣令包府君墓誌銘

唐故常州團練判官檢校尚書左僕射劉君墓銘

唐故印府君墓誌

唐故御史中丞包君墓誌

唐故中書侍郎光政殿學士承旨昌黎韓公墓

銘

公諱熙載字叔言其先南陽人傳稱武王之穆詩美韓侯受命晉以六卿升降漢以三傑重輕至東晉末征西從事延之以忠義之節踐艱屯之運避亂遠徙遂家昌黎餘慶流光最爲繁衍曾祖鈞太僕卿祖殷侍御史考光嗣祕書少監淄青觀察支使故又爲齊人公秉夙成之智負不羈之才文高學深角力傑出年始弱冠遊於洛陽聲名靄然一舉擢第同光之亂藩郡崩離公以國難方興家艱仍今上瞻烏擇木杖策渡江烈祖孝高皇帝

納麓在辰側席時彥得公甚喜賓禮有加于時有吳肇基庶事草勅公以俊邁之氣高視名流旣絳灌之徒弗容亦季孟之間不處以校書郎釋褐出爲滁和常三州從事公亦怡然不以屑意詠風月遊山水而已中興受命上嗣撫軍以公有七子之才膺四友之拜徵爲祕書郎掌東宮文翰元宗深器之及踐位以爲虞部員外郎史館修撰賜緋又以大禮繁疊加太常博士時有司議孝高廟宜稱宗司門郎中蕭君儼上疏論之公與給事中江君文蔚協同其議凡書疏論難皆成于公手由是廟號尊諡定于一言君子以爲眞博士也頃之以本官

權知制誥初公但以文章際會未嘗與政及其當維新之運感知己之恩未及聽政章疏相屬或駁正失禮或指摘時病由是大爲權要所嫉竟罷其職丞相宋公朝之元老勢迫地高公又廷奏黨與詞旨深切天子優容之而用事者滋怒旋貶和州司士參軍數年移宣州節度推官徵還復爲虞部員外郎遷郎中史館修撰賜紫俄拜中書舍人從時望也公雖才識優贍而質性疎散凡在位者道復不同於是深居移疾罕與朝謁時兵興之後國用不充公援古酌今請以錢爲幣時獻封者甚眾元宗獨以公議爲長卽拜戶部侍郎充鑄錢使今上

踐位改吏部侍郎兼修國史初鑄錢之作也自宰執而下相與沮之故百司不供久未就上爲之曉譬事理親加督責而公猶不勝其忿嘗因對見聲色俱厲因徙爲祕書監不逾年復拜吏部侍郎新錢旣行大濟經費詔賜錢二百萬拜兵部尙書充勤政殿學士承旨公少而放曠不拘小節及年位俱高彌自縱逸擁妓女奏清商士無賢愚皆得接待職務旣簡稱疾不朝家人之節頗成寬易雖名重于世人亦訝其太過上不得已左遷太子右庶子分司南都于是謝遣伎樂單車首路留之未幾復爲兵部尙書學士如故是時歲比旱歉主上憂勤

公復論刑政之源明防救之術又上格言五篇手詔嘉
納卽拜中書侍郎充光政殿學士承旨初上選近侍數
臣直宿禁中常御光政殿召對夜分乃罷故命公此職
以寵異之霖雨之望方深鍾漏之期遽迫春秋六十有
九庚午歲秋七月二十七日沒於京鳳臺里之官舍上
省奏震悼爲之涕流有司奏當輟朝三日手批天不憇
遺碎我瑚璉辭章乍覽痛切孤心嗟乎抗直之言而今
而後迨不得其過半聞聽者乎可別輟朝一日贈右僕
射平章事仍官給葬事士庶聞之知與不知莫不爲之
悲歎有司考行易名曰文靖卽以其年九月某日葬于

某所禮也夫人隴西郡君李氏生簪纓之族有桃李之
芳內則有光夜川先逝繼室北海縣君蔣氏長子疇爲
奉禮郎早卒次子伉爲校書郎聰慧夙成無忝世德次
曰佩曰份曰儼曰佺曰儔曰俛女四人或作公族或爲
媿出家嗚呼哀哉公之爲人也美秀而文中立不倚率
性而動不虞悔吝聞善若驚不屑毀譽提獎後進爲之
聲名片言可稱躬自諷誦再典歲舉取實去華故其門
人多至清列屢從譴逐殆乎委頓俯視權倖終不降心
見理尤速言事無避凡章疏焚藁之外尙盈編軸焉審
音妙舞能書善畫風流儒雅遠近咸瞻向使檢以法度

後集卷十六
加以慎重則古之賢相無以過也俸祿既厚賞賜常優
忘懷取適不事生計身歿之日四壁蕭然衣衾樽櫝皆
從恩賜詔集賢院編其遺文藏之祕閣凡所開卷可知
也鉉與公鄉里遼負年輩相懸一言道合傾蓋如舊綢
繆臺閣契闊江湖區區之心困而獲雪一生一死何痛
如之援毫反袂識彼陵谷其銘曰

猗嗟韓公有蔚其文俊才絕俗逸氣凌雲高名直道玉
振蘭薰猗嗟韓公天賦忠規君臣之際言行俱危其身
可辱其節寧虧猗嗟韓公屈亦能伸松寒益茂玉焚始
真乃感明王乃爲大臣送往事居不淄不磷嗚呼韓公

胡爲而然閱此相印歸于夜泉茂陵遺簡京兆新阡斯
文不朽此別終天哀哉郢匠已矣牙絃勒銘圓石永識
桑田

唐故朝請大夫守尚書刑部侍郎柱國賜紫金

魚袋喬公墓誌銘

并序

士有放懷夷曠介然中立外物無累於心沒齒不違于
道吾友喬公嘗從事於斯矣公諱匡舜字亞元廣陵高
郵人也曾祖闕祖泰皆不仕考鴻漸本縣尉家世清操
州閭稱之故其子孫必有興者公少好學善屬文弱冠
游京都詞藻典麗容止都雅烈祖輔政見而器之補祕

書省正字丞相宋楚公初獲進用位望日崇聞公之名
辟置門下每爲文賦詩詠輒加稱賞由是名譽日洽而
卿士大夫皆前席待之累遷大理評事司直監察御史
屯田員外郎從宋公出藩爲江西浙西掌書記府公告
老歸九華山公乃升朝爲駕部員外郎未幾守本官知
制誥就遷祠部郎中中書舍人典掌樞機周慎靜默凡
十餘年值邊境倏擾師出無功詔旨親征中外憂懼公
上疏極諫坐阻撓軍勢黜居臨川頃之宋公獲譴又以
故吏爲累由是累年沉廢今上卽位徵爲水部員外郎
改司農少卿判太常寺轉殿中監修國史拜給事中權

知貢舉又兼獻納使遷刑部侍郎公自徵還數年間聯
厯清望蓋舊齒直道上簡聖心至是以老病不堪朝謁
聞上知其家貧詔以二卿之秩養疾壬申歲九月二十
有三日卒於京師濱江里官舍享年七十有五遺命以
周易孝經寘棺中太常考行易名曰貞卽以其年冬十
月二十有三日葬于江甯縣某所禮也夫人太原縣君
郭氏代公玄孫晉陵令喻之女也餘慶所被門風甚高
婦德母儀聞于宗族一子僧孺祕書省正字早卒孫諶
亦爲正字公之爲人寬簡真率常以詩酒自適不以勢
利縈心毀譽讒慝之詞聞之晏如也從事楚公府殆二

十年凡爲府公見知者皆詭譎傾側公獨淡然無營守正不諂故但以文義知賞未嘗任用烈祖下詔公卿舉可以親民者楚公所薦非其人烈祖甚不悅謂給事中常公夢錫曰吾望其薦匡舜也常公及中書侍郎韓公熙載嫉楚公如讎而與公善嘗相謂曰宋公誤識亞元正可怪也公之歷任奉法循理似不能言者及其臨危擊節抗詞忤旨侃侃然有古人之風黜官奪祿甘貧守約凡五年不形于色言恂恂然道家之流也故能享老壽保康寧歸全委順斯可貴矣公臨終數日舍弟往候之怡然言曰吾往矣君兄弟可各爲一詩哭我翌日復

告門生曰吾已得徐君兄弟許我詩余無事矣其忘懷死生也如此嗚呼絮酒之禮已隔平生挂劍之信永畀穹壤故以二章爲誌闕於九原所撰集七十餘卷編紀之任屬于門人此不備書也其詩云

舉世重文雅夫君更質真曾嗟混雞鶴終自異淄磷詞賦離騷客封章諫諍臣襟懷道家侶標格古時人逸老誠云福遺形未免貧求文空得草埋玉遂爲塵靜想忘年契冥恩接武晨連宵洽杯酒分日掌絲綸蠹簡書陳事遺孤託世親前賢同此嘆非我獨沾巾

錯詩云

諸公長者鄭當時事事無心性坦夷但是登臨皆有作
未嘗相見不伸眉生前適意無過酒身後遺言只要詩
三百笑談成理命一篇投弔尙應知

唐故左右靜江軍都軍使忠義軍節度建州觀
察處置等使留後光祿大夫檢校太尉右威
衛大將軍臨穎縣開國子食邑五百戶陳公

墓誌銘

公諱德成字仲德其先穎川人也帝嬀餘烈侯滿崇封
盛德之祀綿邈于百世光衍之慶蕃衍于萬國故我洪
胄代雄建安王室中微闔方角立網羅英異弘濟艱難

我曾祖茂新祖滔皆以雄才勇略奮揚忠力將領之任
生表其策勳督護之名沒垂于飾壤父誨檢校太尉兼
侍中建州刺史忠義軍節度使諡忠烈殊勳大節有信
史豐碑存焉公卽忠烈公之長子也鍾粹和之氣秉沖
淡之心通習孫吳固其家法酷好墳典乃自天資就傅
之年已著名譽先公剖符劍浦威信洽聞諍子之助實
有其力弱冠爲本郡裨將先公以身守邊郡心存本朝
累表遣公入宿衛卽擢拜右千牛衛將軍充殿直指揮
使恭命畏法修身擇交先公每言邊事常密疏于紙遣
公上啟默識強記敷奏閑習元宗甚嘉之累遷右靜江

指揮使值淮上兵起王師不振公屢上書自奮詔隸西
 北面行營以舟師趣濟難破其屯戍遂入海陵與諸軍
 會勵兵固守強敵日益公連戰破之虜獲千計圍兵既
 遁乃涉長淮指下蔡別率戰艦分擊浮橋三中流矢神
 色自若自秋徂冬且戰且前凡五進軍壘皆以眾寡不
 敵之勢當輕悍卒至之師臨難忘身每戰必捷而元戎
 逗撓逆臣攜叛羣帥失道公全軍而還遷右宣威軍廂
 虞候制曰獨此一軍之眾堪為百戰之師其見稱如此
 數月為和州刺史又為左天威將軍廂虞候明年改池
 州刺史是時疆場甫定閭井未完公奉法循理正身率

下庭無滯訟吏不生姦鐵軸牙檣無忘水犀之備輕裘
 緩帶常為峴山之游賦詩紀頌粲然可述元宗南狩從
 至石牌上每登臨置酒必命公陪侍訪山川之形勢問
 風俗之美惡應對詳敏咸有條貫捧觴上壽進退由儀
 求解印扈蹕優旨不許今上嗣服屢表乞還徵為右天
 德軍都虞候舊制常以舟師為下軍至是詔旨以南國
 之用尚于舟楫今而後知非是乃練簡精銳置龍翔軍
 以隸親衛命公為龍翔都虞候舟師之重自茲始也會
 先君來朝臥疾邸第公親侍醫藥躬執煩辱容貌瘠損
 衣不解帶客至問疾者不知其已貴也及丁憂制憂毀

過禮扶護靈柩歸于建安詔起爲歙州刺史本州團練使視事三載其理如初秩滿復爲右龍翔諸軍都虞候遷都指揮使每仲秋講武訓兵仲冬而畢進退號令由公指顧威容嚴整覩者肅然頃之又爲虔州巡檢使知州事五嶺之際地廣民悍內據谿洞外接蠻夷告奸斂攘習以爲俗于是申以刑政示以嚴明廣視聽審情僞吏以微文出入者皆面詰其狀莫不惕息退弊爲之革人以之和於是浚溝隍嚴壁壘出私帑以助費因農隙而儆功凡書勞考績此其昭昭者也尋拜池州觀察使以其秩居虔州上以建安之地人思舊德且欲以畫錦

之盛顯公之能乃除忠義軍節度使建州觀察處置等使留後公以奉違歲久無以私爲抗表來朝固辭不拜改右威衛大將軍充左右靜江都軍使又轉光祿大夫檢校太尉奉以建州之祿歲計千萬甲第廐馬賜與優渥俄而被疾自識終期申告理命備有規度中使問疾但曰世受主恩未有以報唯此爲恨耳又親問門吏草遺奏旣成自益兩句曰苟游岱之有知必結草以爲報上省表震悼手詔荅之公猶捧詔向闕稽首流涕壬申歲秋七月十有二日卒於建業江濱里之官舍春秋四十一上痛惜之至再不視朝贈安南大都護遣中使監護

葬事皆從官給有司考行易名曰烈卽以其年九月日
葬于某所從理命也夫人信都郡君刁氏故昭武軍節
度使能之女容德之美閨房之秀宜家睦族光此門風
子倩孝友聰慧修詞好學以蔭起家授著作佐郎必大
之慶其在于是嗚呼哀哉公生於戎馬之際長承鐘鼎
之業修文習武全孝資忠風格端莊襟懷夷直嫉惡獎
善如恐不足穆親念舊無有所遺先人之費公私畢給
出入數載家爲之貧在公之餘手不釋卷篇詠詞筆皆
傳於時近代儒學將唯公而已凡四典藩郡皆有借留
去思之美民到于今稱之由是恩顧獨隆委遇無間修

於

及睦

託於

程遙

樹

塗方騁大年不登知與不知皆爲悲歎鉉與公非故特
以道義相期雖復出處不齊班序致隔金蘭之分終始
不渝寢門流慟痛生死之永已圓石表墓患陵谷之靡
常亦公之遺言以此見頌豈非慷慨之氣思振發于知
己哉故爲銘曰

龍泉之靈武美之英生我儒將垂茲令名臨戎有勇察
俗有聲爲臣之節與世作成位迫建牙秩參掌武才實
膺時忠惟得主鬱此雄圖溘然中露謂天蓋高不可以
愬悲哉俊氣永已荒丘鳳臺遺館梅嶺窮秋樹惟挂劍
地卽眠牛餘芳不泯淮水長流

唐故檢校司徒行右千牛衛將軍苗公墓誌銘
公諱延祿字世功其先上黨人昔者楚多淫刑賁始逃
難晉賴謀主苗受其封高門之慶雄視欒卻綿綿瓜瓞
翼翼孫謀存諸簡編可以揚摧延洪千我七代祖中書
舍人延嗣光大於我六代祖太師晉卿源流繁衍蔚爲
甲族中朝喪亂後裔播遷匿迹淮楚之間今爲盱眙人
也先公諱隣生於兵戎之間長集旗鼓之用遭遇英主
建功立事出爲泗州防禦使入爲靖江軍統軍世卿之
祀衰而復振公卽靖江之長子也弱不好弄壯而有立
負雄勇之量不以驕人秉剛直之資未嘗忤物持重善

戰默識寡言時輩推之以爲君子初先公奉王略領偏
師南破山越西定江楚東絕滄海北捍徐戎弓不解卷
兵不匣刃公年甫弱冠實參其間舉旗斬將所向披靡
宣力用於君父舒壯氣於風雲然而職以序遷蓋歸美
於先公也烈祖孝高皇帝中興大業疇咨舊人命公領
泗上精兵入爲宣威軍裨將六卿之選以翼京師八屯
之權實資宿衛歷紀授任一心靡渝今上祇嗣鴻圖益
宣朝寄德千牛之士以爲心膂假立教之秩以崇班列
會侍中燕王以帝子之重兼鎮兩藩詳求命卿以事大
國俾公提步卒屯宣城凡甲兵壁壘之事皆聽於公夙

夜惟勤燥濕生疾春秋六十一保大九年十月七日卒于宣州公署上省奏傷悼為之罷朝送終之禮有以加等即以其年十二月二十七日葬于江甯府縣里禮也夫人王氏淮南裨將唐之長女也先公負游俠之氣有征討之功勇冠三軍力制奔虎夫人麗桃李之質襲蘭薰之芳婦禮聿修遺訓無墜君子以孝慈率教夫人以嚴正克家閨門之理實有內助以保大八年五月一日先公而逝今始祔焉子全厚全贍全節全義全海皆有父風苗氏為不朽也鉉本自世親早為姻族歎封侯於李廣發哀詞于杜篤刻翠琰于荒阡擬高陵于深谷其

銘曰

才之俊兮將之雄位之侯兮壽未中天難諶兮人云亡川既逝兮歲將窮素車兮丹旒白草兮青松悲雄心與壯氣漸荆棘兮蒙龍

前虔州零都縣令包府君墓銘

鉉序 錯銘

昔者鄭都涕產知懷仁之有誠孔門慟淵見福善之無驗遺恨千古可勝言乎君諱詠字義修其先延陵人漢大鴻臚咸之後也曾祖章祖岌皆眷戀本土卒于下寮考洎遇故侍中寶之亂乃去仕唐吉州長史入吳終和州歷陽令政有遺愛故家焉今為歷陽人也君幼而岐

憾脩

於縣察

節

紆

數

于

安

貞
節

於

贈
款

貞
遺

嶷長而學問孝敬自律名利弗嬰安貧怡然綽有餘裕
 順義末丁先府君憂泣血絕漿杖而後起朝廷獎勸善
 政砥礪淳風卽起君爲歷陽主簿秩未滿移知含山縣
 令先是兵興之後循吏用稀君簡法舒刑約廉敦信縣
 無通事吏不能欺蒞官七考清嘯而已選授知虔州雩
 都令西楚之地南際殊隣本之以蠻蜒之風因之以斂
 攘之眾長鯨之戮雖久碩鼠之刺猶繁君下車考政經
 察人病矯異俗均地征常爲諸邑之最吏民上書借替
 期求真命者無虛歲矣而懋賞弗臻成功輒去解印之
 日單車卽塗君素多疾至是增劇以己亥歲秋九月十

九日終於歷陽馴翟里之私第享年四十有一以其年
 冬十一月六日葬於本縣本鄉許思里耐先君長史之
 塋禮也君前娶潁川陳氏後娶樂氏花氏皆良家之子
 淑德不爽二子曰德容德鈞二女皆佩觿卯角之歲君
 天資貞吉立性和雅尊敬師友敦睦親姻移之於官故
 所至皆理而位不參于朝籍年不登於下壽能無遺恨
 乎鉉兄弟少孤長于舅氏親承撫卹勉以進修門上不
 傾君之力也嗚呼渭陽之賜已矣寧追逝川之嘆哀哉
 何極故拂貞珉紀述道德庶深谷以徒遷見清芬之未
 泯其詞曰

懿哉華族鴻臚有聞家餘厥慶世濟其文祉祚鍾積實
 生我君惟君之生姿性天成清談變馬寶思凌雲道光
 表式才中銓衡爰職縣符政閑務舉旋綏二邑鳧飛鸞
 舞天亦難堪俄悲物故驚波易邈陽露難收荒郊落日
 宿莽窮秋銘茲幽壤永樹芳猷

唐故常州團練判官檢校尚書左僕射劉君墓

誌

夫資忠全孝含貞履潔君子所以沒身而守之聖人所
 以屈己而申之其道可傳其風可仰嗚呼劉君其殆庶
 乎君諱郃字巨源其先彭城人徙居廣陵重世矣曾祖

永澧州司戶參軍祖審不仕考瓌檢校戶部尚書贈左
 僕射君生而岐嶷有異常童五歲而孤卽稟至性年在
 幼學卓然老成初先君事吳實幹近職而太夫人王氏
 與貞穆皇后復有姻舊故宣帝命君使事丹陽公府公
 龍飛以君爲殿前承旨便蕃左右靖恭夙夜動必稱職
 人無閒言二十年間累遷檢校禮部尚書充崇賢殿使
 及轉俯代謝眾或將迎君侃然正色有死無二游說之
 詞不能入權利之勢不能動于是闔豎希旨以飛語中
 之坐除名流池陽郡明年有唐受禪烈祖嘉君盡忠亟
 召之還除常州長史悉還其官階田宅未幾又改和州

長史聽歸廣陵舊居初元宗方在膠庠吳帝使君召拜
郎中賜以章綬自爾至於爲相每朝謁必先見君而後
入及元宗卽位召至京師復命太夫人入禁中如貞穆
之時謂曰吾受吳朝恩禮不敢忘也今猶數夢讓皇帝
執臣子之禮吾觀當時近臣唯夫人兒爲長者帝意親
之今復得在吾左右良足慰也君聞之遂稱足疾不任
趨拜上仍賜第以居之歲時錫賚甚厚時使親近諭旨
竟不能移上乃加太夫人封邑召君受命于朝固辭以
疾上嘆息曰此子至孝今以其母故召之不來是必然
也此亦古人所難吾何爲奪其節耶久之以君爲常州

團練判官不使之任優其祿而已今上嗣位加檢校左
僕射君家承鐘鼎之富少居綺紈之職時逢革故年俯
壯室而遂閉門卻掃高謝人間孜孜色養怡怡自然姻
族以之肅穆士友以之景仰名節終始清風邈然丙寅
歲夏六月某日終於建安某坊之私第春秋五十有九
初君葬太夫人於茅山良常洞之西因自卜塋地卽以
其年月日葬焉禮也前夫人張氏早亡今夫人吳氏實
有萊妻之賢能從伯鸞之操天資玉映令聞薰蘭子昭
嗣女某等善慶所鍾家聲不隕愛敬哀感在禮無違嗚
呼令人其必有後鉉家世通舊復連懿親常以君抗節

肺

苦

謀

子

行

於

脩

法

遺世既近代之孤標而元宗推誠聳善又列辟之難事
足以激揚薄俗垂示將來乃爲銘曰

忠於事君孝於養親逢時有道以義衛身隱不絕俗居
能保真我永終吉誰爲古人地肺之原三茅之麓左盼
□岡前瞻柳谷欒棘新吹松楸再卜令聞昭顯流光似
續刻此苔華永芳蘭菊

唐故印府君墓誌

君諱某字某其先京兆人也因官徙牒遂居建康曾祖
知章無祿早世祖某官考某官君幼而勤學長而力行
孝悌著於家庭信義行于州里弱冠明經擢第釋褐太

子校書千里之游時輩推許會上國喪亂遂南奔豫章
連帥鍾公見而悅之辟爲從事豫章府變始歸建康并
邑更移親舊泯沒君慨然悲世難之未已感官路之多
艱于是抗志衡門息機世表樂山水寡言語極談不過
經籍之事足迹不游卿相之門篤好六經歲誦再徧雖
憂慘疾病未嘗廢也孜孜焉修善如不及恂恂焉與人
無間言保大丙寅夏四月日考終命臨終訓勵諸子備
有嚴誠如魏顥之命無莊舄之吟春秋六十有九夫人
徐氏通儒書有婦德先公而逝卽以其年月日合葬於
某所禮也子崇禮崇燦舉進士崇簡明經及第爲舒州

于

貞

于

于

署於于

于

敬

司法參軍秀茂之業聞於場中咸以為印氏之門其後必大諸子以我宗之自出故銘撰是求銘曰
 於惟穆氏代有君子恂恂若人亦既克似退不巨壑進不朝市體道居貞全高沒齒俊造之學施於後嗣昭昭令名與石無已

唐故銀青光祿大夫檢校國子祭酒御史中丞

包君墓誌

君諱諤字直臣丹陽延陵人也粵我長源發於夏后分封受代著於會稽司農而後代有賢哲轉徙旁郡遂家延陵種德流光世為大姓曾祖某丹陽令祖岷潤州錄

事參軍考洎和州歷陽令業官之美播于氓頌公以廣明庚子歲生於丹陽長於戎馬之間遂好金鼓之政氣質慷慨而孝于事親材用敏幹而慎于畏法命不我與事多無成高皇帝兼總六師以輔王室署君牙門右職將進用之君以歷陽府君喜懼之年辭歸就養因隸歷陽軍中自是服勤祇役多在外郡家貧援寡仕不求聞三十餘年有勞無過養心知命以保遐齡交泰元年春二月日卒於鄱陽舟中春秋七十有九夫人韓氏故賀州刺史韓德卿之女也婦道以順家政以嚴內慎有光六姻是則子三人曰會宗曰穎曰銳皆敬述先志勤修

後集卷十六
某
令名號奉靈輔俯就成制則以其年月日葬于江甯縣
某里禮也某感深自出名謝貴甥載悲涓陽之詩永痛
西州之墅敬書遺懿以鏤貞珉其銘曰

猗歟府君世載其間有道無命與俗同羣代耕得祿全
和保真高壽八十下從先人乃整歸艤秦淮之濱乃卜
玄宅句金之陵不可不識封丘勒銘悠悠餘慶永永芳
塵

徐騎省集卷第十六

南陵徐乃昌校

徐騎省集卷第十七

東海徐 鉉

岐王墓誌銘

故平昌君孟氏墓銘

故昭容吉氏墓銘

唐故鍾氏太夫人太原縣太君王氏墓銘

唐故太原府君夫人彭城劉氏墓銘

唐故隴西李氏夫人墓銘

唐故文水縣君王氏夫人墓銘

岐王墓銘

目

於夏王

於

桓

于

天地之靈氣發為賢人邦家之積慶鍾于公族其或富老成之智促殤子之年感羣情者自出於天資垂英聲者非由於事業是以蒼舒軫悼于魏祖表行曰哀安平鍾愛于明皇錫名為一中興在運代有人傑見于岐王矣王諱仲宣今上之第二子也文武儲慶日月輪祥實太姒之子如魯桓之貴天質秀發神機內融亦既免懷未遑就傅問安長樂視膳寢門承歡愛於瑤齋極友悌于朱邸成人之量宛由生知三歲受封為宣城郡公假大司馬之秩維城之望日以光矣不幸今上御名疾甲子歲冬十月二日薨於閣內年四歲主上痛幼敏之異極天

慈之懷詔輟朝七日冊贈司徒追封岐王既而感上聖之忘情遵先王之從儉節哀簡禮以厚古風卽以其月十有八日備鹵簿鼓吹葬于江甯府某縣某里之原有司謚曰懷獻禮也惟王以襁褓之年蘊金玉之度異迹昭灼可得而言至如禁中娛侍常在左右或異宮一日則思戀通宵翌旦未明必親至御幄須奉顏色然後卽安其孝也如此上每罷朝稍晏莊色未迴王則儼然侍立不妄言笑須天顏悅懌則趨就膝下怡怡稚戲不失其儀中宮以上之鍾愛恐漸于驕故撫字之方威克于愛每加教訓過於嚴厲而王凜然祇畏初不讓容退或

於
誨
壞

於

於

目

他

于

於

貞

於

見上乃啼而自悔其敬也如此始二歲上親授以孝經雜言雖未盡識其字而每至發端止句之處皆默記不忘至于寢疾近數千言矣時聽奏樂必振袂擊節咸中律度工人試中變其曲王輒止之曰非前曲也雖周郎之顧何以加焉其慧也如此受封之日見于內殿詞音宣朗容止閑習觀之者咸歎重焉其敏也如此凡玩好之物意有欲者瞬自賞譽未嘗求索識其意持以與之必再三推卻不肯卽取受其毅也如此上曰昔人謂王勣爲神仙童子今此兒近是乎及其薨也悼念之甚曰吾見佗人賢子弟猶惜之豈惟父子之性乎中宮哀慟

至於加疾自非英姿感動孰能臻此哉議者以爲列宿淪精高眞降迹表瑞王室今復還矣嗚呼凡我臣庶暨乎藩戚瞻飛蓋之何期慨神理之難測甯盡美于稱讚庶騰芳於簡冊詞臣奉詔謹勒貞石其銘曰

粵我仙源流光慶延公族之異惟王生焉禮詩仁孝斯謂之賢夙習非學生知自天旣與之智胡奪之年瞻庭蘭刈顧掌珠捐孟冬寒氣京兆新阡鼓吹蕭蕭旌旗翩翩踈逸躅於稚齒閱藩房于夜泉已焉哉庶彭殤之一夢豈沒世之無傳

嗚呼庭蘭伊何方春而零掌珠伊何在玩而傾珠沉媚

澤蘭隕芳馨人猶沮恨我若爲情蕭蕭極野寂寂重局
與子長訣揮涕吞聲噫嘻哀哉

又銘一首

至尊所作上省庭蘭掌珠之句謂得比興之實遂廣其
意發爲斯文親遙宸翰批於紙尾足以厚君親之義行
孝慈之風是用勒石永光泉戶謹記

故平昌郡君孟氏墓銘

太歲癸卯五月十有九日大行皇帝諸妃平昌郡君歿
於大內之別院享年四十有三嗚呼哀哉昔天保未定
大東啟其疆魯道有蕩三桓紀其政實始孟氏伏爲強

宗德厚流光之符祥發慶膺之効宜乎來裔生此淑人
曾祖某祖造父及皆以合道居貞遯世無悶克家垂訓
式永門風郡君麗窈窕之容秉肅雍之德游移漢水氣
兆河閒乃膺八月之求人預良家之選璧門受職彤管
服勤恭順之心奉坤儀而得禮明惠之智導宮教而無
遺爰屬造邦遂崇封邑路寢之後柔芳載揚旣而千載
上仙宮車晏駕號遺弓於萬國感餘香于九御沈哀共
極美疹獨縈不延幽窆之期重惻上宮之念嗚呼哀哉
卽以其年六月日葬于江甯縣安德鄉德信里之原禮
也青鳥旣吉覆斧斯營永光烈女之風盡紀他山之石

詞臣奉詔謹勒銘曰

杳杳平野蕭蕭一丘原松積靄隴吹臨秋于嗟淑女於此藏舟委貞質兮厚夜奉靈駕兮仙游惟惇史兮未泯豈餘芳兮不休嗚呼哀哉

故昭容吉氏墓誌

天子建內官必先令德九嬪掌婦學以教六宮是故壺則成風漢濱流化者矣昭容吉氏麗瑤姬之質富班女之文治絲枲以服勤宮功有序絜粢盛而舉職祀先無愆用能妙簡皇心光膺盛典頃錫粉田之賦因開左輔之封嗣服之初日不暇給視月卿而命秩近正朝恩閱

徽禮

其
徵刻陽

逝水以成川俄悲異物春秋三十有三保大三年秋七月二日薨于別宮皇帝悼之廢朝一日遺奠之禮有加等焉卽以某年月日葬于上元縣龍城鄉之原禮也昭容諱某字東海朐山人也曾祖徵朗州龍溪縣令祖黨壽陽縣令父彥輝海州懷仁縣令咸膺鄉里之選屈從州縣之勞有利物之能不享其位垂積善之慶克茂其宗著籍金門移家戚里昭映惇史不其美歟詞臣奉旨式揚懿德庶使高深自改長延丹砌之恩金石無虧仰慰璧臺之念其詞曰

吉甫作頌穆如清風儲慶炳靈實生昭容史曰明智詩

云肅雍內職以理柔芳有融闕川宵奔燃膏曉滅西陸
移景涼風殺節虞殯流聲遣車成烈茗華不磨蘭菊無
絕

唐故鍾氏太夫人太原縣太君王氏墓銘

夫人太原祁人也因官徙籍遂居豫章自緱嶺肇基晉
陽錫壤光靈繁祉蔚爲大宗圭組簪纓與世升降聖歷
中否我亦不彰故祖考某皆蘊道居貞流謙毓德夫人
有金玉之質桃李之姿柔順睦姻以奉慈訓組紉織紵
聿勵家風宗族里閭莫不稱美先公司徒纘戎嗣服實
臨我邦夫人誕昭四德之華用光九女之選門內之理

實皆聽之家人尙嚴婦道貴順主饋以敬均養以慈契
闊夷險始終若一邦君內則皆取正焉嗚呼昊天不庸
路寢卽順夫人棘心蓬首率由舊章素尙空玄益所明
習常齋居晏處諷誦眞文雖祁寒盛暑未嘗廢也又以
恭儉孝悌文學遺義訓勵子弟皆成其名保大□年詔
封太原縣太君從子貴也二子長曰懷建由校書郎歷
東府掾以羣從百口家于豫章於是辭祿公朝歸綜司
政因除洪州都督府司馬次曰蒨以屬詞敦行從事戚
藩累登臺郎爲集賢殿學士會中令齊王避親讓寵授
鉞臨川朝廷慎選英僚以光幕府除撫州觀察判官檢

子

仙

閑
於
榮

于
殷

相

符
怡

弟

節

校屯田郎中既拜而夫人疾亟交泰元年春二月十八日卒於京師嘉瑞坊之官舍享年七十有五卽以其年月日歸葬于洪州某縣某里之原禮也嗚呼富壽戩穀天所以祐善金石銘讓世所以垂範也二者無愧可謂賢哉鉉早奉世親晚連姻好景行懿德敢用直書其銘

曰

緱山不傾清淮不湮故我王氏實生令人衛姬之智孟母之仁光昭祖禰垂慶來雲西山之陽章江之濱靈山攸宅松檟相因遐壽歸全以反吾真

唐故太原府君夫人彭城劉氏墓銘

夫人麗窈窕之容蘊幽閒之德孝敬肇于天性明惠本於生知光乎六姻是謂賢女初我大父殷考遇皆立功興運蔚為將臣婚姻之盛冠彼當代故夫人既笄歸于我府君君諱承進壽州節度使國公之第三子也二族斯睦百兩是將婦禮之嚴家道爰正府君性疎直喜賓客理劇如簡不以世務嬰心行已取適不以家財為重鐘鼎之族化為簞瓢夫人雅性冥然自足慈和待物恭儉飭躬子孫以之而克家僕御以之而服教及罹蓬首之痛擔全柏舟之德柔芬方遠景命不融春秋四十有九戊午夏六月某日終於京師濱江坊里第子某等俯

就成制號奉靈輻卽以某年月日葬于某鄉耐府君之
塋禮也鉉幸參諸壻獲從外姻載陳執紼之儀仍奉懷
鈿之託敢書懿範以鏤貞珉其詞曰

嗟淑女兮仁慈肅雍伊君子兮亮簡疎通合二姓兮五
侯之宗垂內則兮素士之風悲秋霜與冬霰摧女蘿與
青松念光塵之倏忽獨天長兮無窮

唐故隴西李氏夫人墓銘

夫人諱某字某其先太原人故左司郎中贈太府卿諱
潛之孫今太弟洗馬裔之第三女也伯仲世父皆踐歷
臺閣抑揚聲實相糾以孝相高以讓芝蘭桃李閨庭燦

然夫人襲圭組之英發為秀色鍾姻睦之氣凝為淑性
柔而有則愛而不驕紉組之工翰墨之妙稟自天性能
必過人及長歸於李君君名俛故楚州刺史諱承嗣之
孫今禮部尙書度之少子也舅甥之故齊魯之匹好合
之美潘楊之風夫人移天睦族率由典禮不恃舊以廢
職不矜能而怠敬門內之理清芬穆然嗚呼嚴霜春零
薜華朝墜享年二十有五某年月日卒於京師某里之
寓居二族悲慟六姻悽愴仁而不壽古則有之以其某
年月日葬于江甯縣某鄉里之原禮也東海徐鉉以世
親之舊實維私之敬執紼永悼刊石為銘銘曰

天之命兮不可知生此賢女兮鍾淑姿嬪于盛族兮昭
令儀與之才兮不與之壽永凋落兮芳時儼黼斐道靈
輻小江村兮長江湄千齡萬代兮草離離空餘初月如
蛾眉

唐故文水縣君王氏夫人墓銘

夫人諱晚字國香其先太原人今爲廬江人也祖潛左
司郎中贈太府卿考坦禮部郎中皆以貞幹純懿見稱
于時夫人麗窈窕之容秉明慧之性幼失所恃事繼親
以孝聞在家不違于姆師移天不失于婦順初先姑之
治也嚴而有惠通而得禮夫人觀形稟教莫不率循故

三十餘年門風家法凜然如舊性尙靜退不樂世喧始
愚之在要職也夫人憂形于色及其居貶所反欣然忘
貧此其所以爲異也雖門族素盛而世塗多故祿賜所
入調給無遺豐約同之親疎如一至於澣濯之儉組紉
之勤繫藻盡敬儒玄勵操環珮中節始終不渝少善秦
聲長亦捨棄每晨興誦五千言而已享年五十戊辰歲
八月一日終于京師舜澤里之官舍其年十月二十三
日歸窆于西山洪崖鄉鸞岡里從先姑大塋禮也有子
曰夷直女曰神華林華嗚呼愚常以體道安命爲懷而
情之所鍾不知其慟銜涕秉筆庶不泯其聲塵焉銘曰

緱嶺之靈生此淑人洪崖之濱寄此新墳生與道居沒
與仙隣悠悠精爽豈或爲塵嗚呼吾信積善之必爾故
攄恨於斯文

徐騎省集卷第十七

南陵徐乃說

徐騎省集卷第十八

東海徐 鉉

御製春雪詩序

後序

御製雜說序

北苑侍宴詩序

文獻太子詩集序

翰林學士江簡公集序

蕭庶子詩序

成氏詩集序

御製春雪詩序

臣聞堯尚文思書有詠言之目漢崇儒學史稱好道之名所以澤及四海化成天下其後迂闊王道蕩搖淳風正始之音闕而莫續魏帝孚雲之句不接輿詞王融曲

浮

章 曙 郊

水之篇無聞聖作將興古義允屬昌期我皇帝陛下常
武功成右文業廣明踰日月不以聖智自居思揆雲天
不以才能格物其或南薰有懌東作無憂民思秋稼之
娛物茂冬蒸之禮恩覃在鎬調振橫汾天籟發音疇非
聳聽乾文垂象寧隔仰瞻信可以暢列聖之謨猷變生
人之耳目者也於是歲躔作噩序首青陽玄鳥司啟之
明晨白獸稱觴之節日有唐中興之一紀皇上御歷之
七年地平天成時和歲稔衢樽之味普洽玄風擊壤之
聲散爲和氣同雲密野朔雪飛空急勢隨風影亂東祁
之仗凝華窗曙光浮元會之筵星蹕旣移雲壘乃啟太

雲 護

躬

弟以龍樓之盛入奉垂旒齊王以鳳沼之崇來參變几
霞軒結轍革履齊趨唯陳韶濩之音無取魚龍之戲喜
油油之旣洽顧奕奕之方呈筆落天波言成帝典七言
四韻宣示羣臣乃命太弟太傅建勳翰林學士給事申
朱鞏常夢錫翰林學士中書舍人殷崇義游簡言吏部
尙書毗陵郡公景運工部尙書上饒郡公景遜左常侍
勤政殿學士張義方諫議大夫勤政殿學士潘處常魏
岑駕部員外郎知制誥喬舜主客員外郎知制誥徐鉉
膳部員外郎知制誥張緯光祿卿臨汝郡公景遼鴻臚
卿文安郡公景遊太府少卿陳留郡公景道左衛將軍

樂安郡公弘茂駕部郎中李瞻等或賡元首之歌或和陽春之曲如葵心之向日馭似蟄戶之由當門二十一篇咸從奏御皆所以美豐年之兆申萬物之情非徒載笑載言一吟一咏而已昔者白雲之唱七萃驅馳黃竹之詩萬人凍餒王猷且塞後嗣何觀孰若偃仰大庭優游六藝初筵有秩而六宮不移夜漏未央而百官已事被之樂府授以史官煥乎文章無得而稱也有詔為序以紀歲月御批云宿來健否酒醒詩畢可有餘力何妨一為之序以紀歲月呵呵天慈過聽猥屬微臣徐樂上書徒慙暮入其日內宴臣鉉近夜方赴安國作序幸冠首篇狂簡僅成兢憂罔措謹上

後序

昔者漢官故事著成王負裔之圖魯殿弘規紀黃帝垂衣之象用能昭文昭物雖十世而可知如玉如金更百王而不易況乎天統建寅之首皇猷累洽之晨上瑞方呈宸游載穆拱北極而眾星咸在祝南山而萬壽無期明皇花萼之樓風流不泯德祖中和之節雅頌常垂實奕世之耿光為中朝之盛觀固當騰之竹帛飾以丹青襲六藝以同明與天文而共麗皇太弟重離普照博望凝思敦古道以致君法前經而作事命千秋而指畫召立本以趨馳粲然後素之功焯爾彰施之象煦如就日

于

重

文

於

承

方

肅不違顏萬國式瞻若奉衣裳之會羣臣仰止似聞輿馬之音盛德形容於斯大備者也初外朝既罷內宴方陳赴召者上自副君逮於戚里銅壺已晏聖藻爰飛或逡巡而載歌或蹈詠而不作既而有詔出示羣官臣建勳義方鉉等聞命在前援簡先就因承中旨入奉斯筵而兩省眾篇翌日咸集故奉和者二十一首而侍宴者十有四人前序闕遺被令熏述謹上

御製雜說序

臣聞軒后之神也畏愛止乎三百唐堯之聖也倦勤及乎耄期文王之明夷也交象周於六虛宣父之感麟也

褒貶流于百代乃知功利之及物者與形器而有限道德之垂憲者將造物而常新是故體仁者必懇懇於立言務遠者必勤勤於弘道然則封泰山告成功七十二家正禮樂刪詩書一人而已大矣哉立教之難也有唐基命長發祥符舊物重甄斯文不墜皇上高明博厚濬哲文思既仍累聖之資仍就甘盤之學鴻才綺縟理絕名言默識泉深事符影響自祇膺眷命欽若重熙廣大孝以厚時風勵惟精而勤庶政宥萬民而罪已體百姓以爲心俗富刑清時安歲稔其或萬機暇豫禁禦宴居接對侍臣宵分乃罷討論墳典昧旦而興口無擇言手

不釋卷嘗從容謂近臣曰卿輩從公之暇莫若爲學爲
文爲學爲文莫若討論六籍游先王之道義不成不失
爲古儒也今之爲學所宗者小說所尙者刀筆故發言
奮藻則在古人之下風以是故也其高識遠量又如此
焉昔魏武帝有言老而勤學而所著止於兵書吳大帝
亦云學問自益而無聞述作風化之旨彼其慙歎屬者
國步中難兵鋒始戢惜民力而屈己畏天命而側身靜
慮凝神和光戢耀而或深惟遂古遐考萬殊懼時運之
難并鑑謨猷之可久於是屬思天人之際游心今古之
閒觸緒研幾因文見意縱橫毫翰炳煥縑緗以爲百王

於

之季六樂道喪移風易俗之用蕩而無止悖心堙耳之
聲流而不反故演樂記焉堯舜旣往魏晉已還授受非
公爭奪萌起故論享國延促焉三正不修法弊無救甘
心於季世之僞絕意于還淳之理故論古今淳薄焉戰
國之後右武戲儒以狙詐爲智能以經藝爲迂闊此風
不革世難未已故論儒術焉父子恭愛之情君臣去就
之分則褻申生明荀彧俾死生大義皎然明白推是而
往無弗臻皆天地之深心聖賢之密意禮樂之極致教
化之本源六籍之微辭羣疑之互見莫不近如指掌煥
若發蒙萬物之動不能逃其形百王之變不能異其趣

工以錯

於之

洋洋乎大人之謨訓也夫天上不能獨運元后不能獨
理故有道無時孟子所以咨嗟有君無臣鄭公所爲歎
恨庶乎斯民有幸大道將行舉而措之域中則三五之
功何遠乎爾臣又聞將順致美鋪陳耿光布堯言於萬
邦稱漢德于殊俗蓋詞臣職也若乃嚮明而理負展而
朝慶賞威刑豫游言動則有太史氏存焉又若雅頌文
賦凡三十卷鴻筆麗藻玉振金相則有中書舍人集賢
殿學士徐鍇所撰御集序詳矣今立言之作未卽宣行
理冠皇墳謙稱雜說臣鉉以密侍禁掖首獲觀瞻有詔
冠篇勒成三卷而三卷之中文義旣廣又分上下焉凡

一百篇要道備矣將五千而並久與二曜以同明昭示
孫謨永光册府謹上

北苑侍宴詩序

臣聞通物情而順時令者帝王之能事感惠澤而發頌
聲者臣子之自然況乎上國春歸華林雨霽宸游載穆
聖藻先飛雷動風行君唱臣和故可告於太史播在薰
絃帝典皇墳莫不由斯者已歲躔已巳月屬仲春主上
御龍舟游北苑親王舊相至於近臣並儼華纓同參曲
宴時也風晴景淑物茂人和望蔭嶠之嶽崱祝爲聖壽
汎潮溝之清淺流作天波絲篁與擊壤齊聲酸竽共君

溝與

共長大千

於肇

桓衆
於肇

千冗
於謀

後集卷十八
恩與醉乃命卽席分題賦詩睿思雲飄天詞綺縟文明
所感蹈詠皆同旣擊鉢之爭先亦分題而較勝常景未
暮百篇已成自揚天雅之風豈在道人之職奉詔作序
冠於首篇授以集書藏之金匱謹上

文獻太子詩集序

鼓天下之動者在乎風通天下之情者存乎言形于風
可以言者其惟詩乎粵若書契肇生雅頌乃作達朝廷
邦國之際其用不窮更治亂興替之時其流不竭六義
浸遠百代可知若夫王公大人居尊履正其行道也無
迹其成務也不宰所以可則可象有功有親非夫詠言

何以觀德周文陳王業之什召穆糾宗族之篇聖人輯
之皇猷備矣子桓振建安之藻昭明總作述之英體有
古今理無用舍夫機神肇於天性感發由於自然被之
管絃故音韻不可不和形於蹈厲故章句不可不節取
譬小而其指大故禽魚草木無所遺連類近而及物遠
故容貌俯仰無所隱怨則可戒贊美不誣斯實仁者之
愛人智士之博物王室光啟人文化成上去刪詩綿二
十祀其用益廣其制益精絕其流穴結以周密王言帝
典炳蔚于縑緗詞人才子充溢于圖牒若乃簡練調暢
則高視前古神氣瀟薄則存乎其人亦何必以苦調爲

高奇以背俗爲雅正者也。殿下挺生知之哲，有累聖之資，道冠三才，學兼百氏。虞庠齒胄，騰聲於就傅之年；侯社錫圭，底績於爲邦之際。隨城封壤，人歌召伯之棠；浙右控臨，時賴京師之潤。戎機鞅掌，曾不勞神；閑館娛游，未嘗釋卷。深遠莫闕，其際喜愠不見於容；唯奮藻而摛華，則緣情而致意。至鍾山樓月，登臨牽望闕之懷；北固江春，眺聽極朝宗之思。賞物華而頌王澤，覽稽事而勸農功。樂清夜而宴嘉賓，感邊塵而憫行役。沉吟命筆，顧盼成章。理必造於玄微，詞必關於教化。或寓言而取適，終持正於攸歸。著於簡編，凡若干首。及玉符來觀。

玄圃歸尊，臨飛閣之華池；游雷之講肆，斯文閒作盛德。日新蓋曠代之宗英，實一時之師匠。以鉉幸塵贊論，嘗典絲綸。謂可言詩，因令視草。聽鈞天之奏，徒欲動心酌滄海之波。唯知滿腹敬抽短翰，式繼頌聲。謹序。

翰林學士江簡公集序

士君子藏器於身，應物如響。成天下之務者，存乎士業通萬物之情者，在乎文辭。然則日月不知人亡，政息瞻之則眇然在羲軒之上；蹈之則肅然若日暮之閒。自非遺文餘教，則作者之道或幾乎息矣。嗟夫！天地長久，英靈超忽。鄴中才子與樂事以俱淪，江左名臣及玄譚而

嶽

知

大

捨

共盡清流可揖勝氣猶生閱蠹簡以淒涼撫絕韋而慷慨斯文未喪何代無人濟陽江公鍾川岳之粹靈體角犀之奇相芳蘭十步本自天資建木千尋非求外獎弱齡聞道夙歲馳名竹箭稱美於東南來充王府天馬擅奇於西北入奉乘黃於時聖厯中興賢才閒出從容冠蓋之際頡頏臺閣之間文高學深識優理勝虛襟接物簡易多通正色當官直方無擾定祖宗之久號功補神明端風憲之直繩氣懾姦宄身可屈而名不辱用卽行而舍卽藏故叢棘三年雅懷自若承明再入時望彌高人無聞然道亦光矣嗚呼運逢上聖年在中身人之云

亡空嗟殄瘁死而可作誰與同歸詩所謂胡不萬年傳有云古之遺愛者也昔襄陽孟浩然年五十有二疾發背而亡公豈其後身歟何符合之若此惟公以進士擢第以詞賦馳名事藩邸參管記之司登朝籍專掌綸之任奏議表啟時然後言詩筆歌頌和者彌寡絕文場而遠鶩橫學海以孤飛綜南北之清規盡古今之變體優游兩制不亦宜乎然而初無簡編文乃亡逸嗣子翹門生王克貞等或搜諸經笥或傳於人口或焚藁之外或削材之餘彙聚羣分得十卷授之執友以命冠篇鉉族近情親官聯迹密每西垣景晏北第風清忘形樽俎之

卓凡樽

蹄

毫

其

蘭

樹

閒得意筌歸之表西江東海俱爲賦鵬之鄉北門右掖
並對受釐之問嗟乎相如既往空存封禪之書季子云
來但有心期之劍寢門流慟已隔生平都門長送遽成
今昔追託言於夙契申永悼於斯文援筆悲吒存諸梗
概云耳

蕭庶子詩序

人之所以靈者情也情之所以通者言也或情之深思
之遠鬱積乎中不可以言盡者則發爲詩詩之貴於時
久矣雖復觀風之政闕道人之職廢文質異體正變殊
塗然而精誠中感靡由於外獎英華挺發必自於天成

以此觀其人察其俗思過半矣此夫澤宮選士入國知
教其最親切者也是以君子尙之蕭陵蕭君江左之英
詩苑之精其爲人也樂易其處世也靜默忘形衡泌之
下苦節戎馬之間其道日新其名益震諸侯虛左五府
交辟今晉王殿下樹藩作相樂善愛才幕府初開君實
首冠由典校書至儀曹郎出入兩宮官無虛授優游多
士交必正人每良辰美景登高送遠適莫不存於心府
勢利不及於笑談含毫授簡唱子和汝其性淡故略淫
靡之態其思深故多清苦之詞大雅之士何以過此鉉
與君爲友幾將二紀其閒聚散窮達罕或寧居淡成之

讓宮

斯于

也

邪

懷終始若一靜言投分想見古人丁巳歲撫王高讓承
華出分陝服君以官省舊德復踐初筵撰行之夕俾予
視草鉉也不佞無足揚君之美徒欲申別恨敘交情故
作詩文冠於篇首云爾

成氏詩集序

詩之旨遠矣詩之用大矣先王所以通政教察風俗故
有采詩之官陳詩之職物情上達王澤下流及斯道之
不行也猶足以吟咏情性黼藻其身非苟而已矣若夫
嘉言麗句音韻天成非徒積學所能蓋有神助者乎羅
君章謝康樂江文通巨希範皆有影響發於夢寐今上

谷成君亦有之不然者何其朝捨鷹犬夕味風雅雖世
儒積年之勤曾不能及其門者即逮余之知己盈數百
篇矣觀其詩如所聞接其人如其詩既賞其能又貴其
異故為冠篇之作以示好事者云戊戌歲正月日序

徐騎省集卷第十八

南陵徐乃昌校



國家圖書館, NATIONAL CENTRAL LIBRARY, TAIWAN, R.O.C.

徐騎省集卷第十九

東海徐鉉

送謝仲宣員外使北蕃序

送贊善大夫陳翊致仕還鄉詩序

送張泌郭賁二先輩序

送武進龔明府之官序

送劉生序
游衛氏林亭序

送謝仲宣員外使北蕃序

自昔新都盜國撓我中州建武開元越在江左日月之
照不及河洛之地者四十年矣主上方恢遠畧弘文下

武聖作物觀有開必先故使僞邦失政胡馬大入山泉
 反覆羌渾沸騰五州遺叱二京故老引嶺南望庶幾撫
 予天子聞之憫然故命大司馬賈公使以觀變儀曹郎
 謝君副焉儀曹別予應曰美哉是行蒼生之福在斯舉
 矣始予及子同省予弟又與子同府交道深矣今子將
 之絕域無以為贈請贈以言夫格天地充四方莫先乎
 禮我太宗文皇帝革暴隋一寓內屈己濟物虛心納諫
 故四夷君長歷代不賓稽顙闕下可謂德矣聲名文物
 垂三百年絕而復續可謂禮矣苟使踰百千代之有國
 家者猶當企聳下風奉行不墜況中興之嗣君乎周秦

宮闕是本朝二宅貞觀德禮是本朝家法若棄之而不
 念委之而不修非天子之意也主上躬行於內而使二
 君順之於外今強胡入貢中原無主聖人不能違時時
 至不可失也子其勉之哉思聖意願人心犬羊百萬以
 攻戰為事不可以威武服也酋豪聚首以姦詐為常不
 可以智力勝也子其將之以德慎之以禮衣冠餘緒必
 觀光於使臣一觀漢官威儀必感泣頓服宅心南向苟
 或不爾是絕蒼生之望也可不慎歟鉉自束髮從宦則
 聞長者之論盛言為戰國者必以權道子視商周以降
 誰非戰國寧有以權道躋太平乎而言以人棄故事與

願違今子王府元僚居可言之地遠使上介當可行之
時勉之哉故人之願蒼生之望在此而已行矣文昌春
風二月征途萬里捨游宴之適就鞍馬之勞征虜亭下
南朝送別之場臨滄觀側茂弘思洛之所敘離懷古寧
無情乎矧輅車所經觸緒牽思渡長淮則想清流映月
之景過睢園則思愁雲零雪之興望鞏洛則傷麥秀之
詩指唐晉則感大風之歌綏懷之暇彈琴詠詩以祛鬱
陶之慮還軫在邇不復多陳聊序鄙志爾

送贊善大夫陳翊致仕還鄉詩序

夫進退之機大易稱首止足之誠玄文所宗君子動必

既

位

乘時故言行而事立靜惟體道故身貴而名全然則知
之非艱行之不易去聖不遠引年益稀是以古之明君
爰有成式重辭祿之士優懸車之禮賁飾寵秩靡限常
均所以崇德尙賢激貪勵俗者也皇風所及我有其人
太子洗馬陳翊江浙炳靈鄉閭獲譽棲遲下風而升聞
自高便蕃寵任而祇畏日積時方多難寄切司聰將命
無私臨事能斷盤錯必解風雨不渝及少海告符搖山
表慶天下之本既正四郊之壘亦罷於是詠遂初之賦
決高謝之懷京口之西先有別墅前臨廣陌卻枕長江
田逾二頃桑都八百戴仲若軒懸之地不遠風煙蒲眞

人鹿迹之鄉依然川域誅茅築室素欲終焉其所闕者
飛泉而已嘗因暇日策杖尋幽爰有道人指示岩溜百
步之內一道懸流其清可鑑其味如醴縈崖漱石滌慮
蠲痾信山川助其好尚亦心府資其瑩濯旣而挂冠請
命伏閣陳詞優詔嘉之竟允其請錫金紫之服升贊善
之資輕舟東浮盡室而去副君執手流涕似宜都之別
弘景羣公供帳祖餞若都門之送二疏知與不知莫不
稱歎殿下調高雅頌文動星辰賦詩一章以寵行邁掩
鄴中之舊制流樂府之新聲足以厚君臣之情敦風化
之本縑緗麗色丘壑增華自周行之人與觀光之士靡

然投贈粲爾成章遠比河梁之篇近擬白雲之集夫其
貞退之節樂善之風實教義之所臻亦詠歌之盛觀也
鉉名參望苑迹本騷人敢言能賦之才濫奉言詩之賜
敬序麗則冠於首篇

送張泌郭賁二先輩序

君子所以章灼當時焜耀來裔者必曰進士擢第畿尉
釋褐斯道也中朝令法雖百王不移者也自聖麻中興
百度漸貞能與此美者今始見張郭二生矣則知九仞
之勢千里之行凝雲逐日未可量也鉉也不佞生於先
賢之後進在二子之前此美不兼可以歎息然有事同

于

於楊

而時異請試論之噫詞場陘廢五十年矣故老之言議殆絕後生之視聽懵然今百辟有司達於郡國吏徒見趨走公府中一尉耳焉知其餘哉而二君子調高才逸年少氣盛將以俊造之業自重責人以既廢之禮又將以堯舜之道為用議政於俗吏之間如是將與時大乖矣嗚呼彼眾我寡或者難以勝乎君子之道無施不可舒之彌四海卷之在掌握日磬見奇于牧馬元揚知名于水磴彼二人即公輔大器也豈以恥辱為累哉愚願二君子反己正身開懷輯耀無望人以不知無強人而不能如斯而已矣今天子重文好古諸生懷才待用所

以蒼生未蒙福者上下之勢殊中有閒爾大易之義物不終否否極必泰泰之時在上者其道下降在下者其道上行君臣相合然後事業遠矣吾以為斯道之復不遠吾子其勉之句曲仙鄉廣陵勝地多難將弭春物將華琴棊詩酒足以為適贈言之旨盡於斯焉

送武進龔明府之官序

古人有言士君子志意既立名譽不聞蓋朋友之過也嗚呼吾子龔生有之矣始予居獻納之地生已為赤縣尉嘗竊議謂生宜參諫垣憲府之任而未果拔茅之志遽為賦鵬之行生不旋踵亦左授天長用武之地朝廷

予於

置建武軍于其所使爲將者治之習兵與儒其志不通也遽長與佐其勢不均也軍市之征日困於民王澤之流不被于俗及生之至官聯始舉刪煩革弊丕變舊風踰年告歸舉邑之民相率遮道不聽去乃潛匿佛廟室中耆耄輩索而獲焉扶之上車擁之而還竟不得已中夜而遁異哉遺愛之風若此考功之吏弗聞丙辰歲予避兵于池陽遇生侍親郡中勉之東下是時甘泉有烽火之急天子下哀痛之詔予謂生必自致青雲之上以解天下之倒懸而出入三年始爲武進宰噫非朋友之過乎嘗試論之曰才不才在我用不用在時道之所存

其人乃貴功名寵祿何足算哉苟澤及於民教被於物則百里之廣千室之富斯可矣與夫楊孟之徒坎壈巷垂空言於後世者不猶愈乎行矣龔生苟有良田何憂晚歲贈言之要其過此乎

送劉生序

彭城劉生爲南畿令天官侍郎昌黎公作序以送盛稱故歷陽宰楊員外光儒之爲政以勗之鉉與楊君有姻深知其內行君清簡仁愛心無適莫自妻子僕妾及家族吏民接之無親疎之隔求之於形骸之外蓋眞純之氣充而感召之應遠民之好競者皆相與言曰眾若歸

訟必撓吾員外矣嗚呼其古人乎今劉生才俊於楊學
 優於楊觀其政績等然生猶耿介有不平之氣觀吏部
 之勗子與予之贈言蓋爲是也子其心藏用滔然與道
 合在古人上矣矧西山神仙之宅也旌陽其遠乎僕固
 倦談生停驂已久故揚摧以論之九月二十七日中書
 舍人徐鉉序

游衛氏林亭序

建康西北十里所有迎擔湖水木清華魚鳥翔泳昔晉
 元南渡壺漿交迓於斯今中興建都人煙節比於是其
 閒百畝之地宮率衛君澣水之所也前有方塘曲沼之

勝後有鮮元峻嶺之奇表以虛堂累榭飾以怪石珍木
 悅目之賞充物其中待賓之具無求於外庶子王君諭
 德蕭君贊善孫君與上臺僚嘗游焉賢衛君也陶陶孟
 夏杲杲初日虛幌始闢清風颯然班荆蔭松琴弈詩酒
 登降靡迤闕臨馳蕩熙熙然不知世與我之爲異矣嗟
 夫天生萬物貴適其性君子有屈身以利物後已而先
 人或行道以致時交或效智以濟世用斯有貴乎自適
 者也朝市丘壑君得中道焉下雍道汗智劣無益於事
 山資弗給歸計未從每尋幽選勝何遠不屆一踐茲境
 杳然忘歸凡我同游皆爲智者徵文紀事其有意乎壬

也
子歲夏五月祠部郎中知制誥徐鉉躋蹻慨歎之所作

徐騎省集卷第十九

南陵徐乃昌校

徐騎省集卷第二十

東海徐 鉉

百官奏請行聖尊后冊禮表

賀德音表

謝詔撰元宗實錄表

謝賜莊田表

爲蕭給事與楚王書

又代蕭給事與楚王書

復右納書

答林正字書

答左偃處士書

常夢錫行狀

薦處士陳禹狀

冊秀才文四首

祭文獻太子文

與中書官員祭江學士文

祭韓侍郎文

祭王郎中文

祭劉司空文

百官奏請行聖尊后冊禮表

文武百官臣某等言伏奉制旨以聖尊后冊禮奉令旨俟百日後上進者仰承嚴命固合遵行但以事有未安理須陳奏中謝伏以歷代以來嗣極之主禮之大者尊奉上宮儻或正儀未行庶事莫敢先舉所以陛下裁膺冊禮卽下制書長樂歸尊已先孝理百司承式將撰吉辰及金輅言還六宮卽敘惟憂典禮已屬稽遲遽觀絲言備聽慈旨在苴麻之次誠極感傷然凶吉之儀本無

妨礙歷觀前載徧考儒臣法度具存事體至大況渙汗之澤普及諸侯簡冊之行便當相次未修大禮交慊羣情伏乞陛下再稟嚴慈俯迴聽允臣等幸塵有位庶免曠官冒瀆冕旒無任云

賀德音表

文武百官某等言伏覩御札崇尚儉約克已庇民節省服用去金玉之飾減放嬪御屏聲色之娛供進珍羞製作奇巧中禁賜與內門資用並從損廢以緩征徭宸翰章明德言流布凡百卿士至于兆人歡呼感動倍百常品中賀臣聞文武之政方策存焉知之非艱行之不易

於

徵
於

遠

於

故自三代已降繼體之君有師保之訓以制其情有諫
諍之臣以救其失及其行也猶未臻焉豈有發自宸衷
出于獨斷乾文昭煥至德宏新聳動四方如此之盛者
也伏惟陛下重熙撫運下武膺期翼翼小心乾乾夕惕
寅畏所感人神罔弗和仁明所加細大罔弗理然猶勞
謙訪道虛已求才日照天臨山藏海納體唐堯之仁以
親九族極虞舜之孝以奉上宮率天下之尊以承顏問
安舉四海之富以扇枕調膳德既充矣化亦孚矣然後
卹小民之艱食閔郡吏之急徵息澤虞之征釋公田之
禁崇足用之本近取諸身致九年之儲無求于外斥靡

曼之色咸遂物情除玩珍之飭率由舊典去淫巧以急
用罷私積以歸公生人之耳目惟新風俗之澆浮立變
先皇帝貽翼子之訓垂聖人之資言有所未宣行有所
未逮陛下奉揚先志推而行之數年之間盛美斯備向
若非陛下之孝心廣達無以見先帝之聖作惟幾巍乎
煥乎不可得而名已昔者成湯因歲旱而罪已周成動
天威而責躬咸能卽致時雍永錫繁祉豈若陛下春秋
方富中外方甯制于幾先行此難事宗社之降靈可見
邦家之流祚何窮率土之濱孰不幸甚則臣向所謂知
之非難行之不易陛下既能行之矣臣又聞行之甚易

守

終之實難願陛下慎而行之則登三邁五夫何遠耶臣等幸塵班列無補盛明徒慙充位之譏但賀蒼生之福措詞有盡順美難周臣等無任瞻天仰德歡呼躍踊之

極云

謝詔撰元宗實錄表

臣鉉伏奉詔諭以元宗皇帝實錄命臣修撰才微任重恩厚責深拜捧絲綸若臨冰谷中謝臣聞握圖御宇旣憲章于在昔創法垂統亦啟祐於後昆然則至德無名玄功無迹惟日用而不竭豈淺局之能量是以良史之才厯代以重爲南董之直而無聞于成編如遷固之能

於

爲以於

而不絕于浮議則知鋪陳王業昭灼皇圖求之當仁豈易輕授伏惟元宗皇帝紹中興之統承累洽之基大孝邁於有虞仁恕逾於漢祖愛人節用得孝文之風重學崇儒有建元之烈東京則光武章明以憂勤立政魏室則太祖陳王以文藻化人綜是全功允昭聖德對越上帝敷佑下民二十年間慎終如始陛下嗣膺寶歷欽若天明以累聖之資輔生知之哲導揚休命啟煥貽謀故得畏軒后之神更延三百配文王之祀永奉明堂必將著以丹青播于金石斯爲重任宜在鴻儒如臣者章句末流記問微學遭逢之便塵玷可言豈意天鑒不遺宸

於

恩 驚

於

驚 觸

讓 憫 施

於

慈過聽猥加寵寄及此非才進退莫違怔忡失次然臣
祇事先帝常忝近司沐王澤以滋深欽皇風而永久報
大君之厚德誠有愚忠廁作者之清塵其如公議戴心
愈極揣分彌驚未識津涯徒知慶躍云

謝賜莊田表

右臣伏蒙宸慈念及闕乏特降宣旨為置莊田仍且于
少府監賜熟米二百石者望外之恩莫知所自撫躬拜
命終懼且驚伏以臣稟性顛愚塗疎拙幸緣際會早
玷清華祿秩之資既為過量吉凶之備皆沐優恩空費
稻粱甯裨海嶽但以家傳清白族有羈孤雖欲居常終

慙逼下蓋亦闇於世務非敢竊効古人伏惟陛下明極
燭幽仁深廣覆親加寵諭曲軫殊私昔者葛亮薄田不
聞君賜孫弘脫粟尚獲時譏如臣非才何以致此辭讓
則有幸_圖憫祇受則更覺貪饕徒承推食之恩轉積素
飧之懼乾坤之私無可上酬螻螻之軀惟知畢命

為蕭給事與楚王書

世事推移長塗杞隔違離軒砌二十餘年追念生平有
覲心目伏承大王英謀奮發妙略宏施長驅伐叛之師
克正奪宗之罪奉大朝之正朔慰全楚之謳歌成功上
簡于帝心惠澤遠敷于疲俗風猷所及慶快同深儼早

被恩私今通信問欣躍之極倍萬常情

又爲蕭給事與楚王書

儼聞君子退人忠臣去國舊君有反服之禮交絕無惡聲之言以義終始古今一也某受性無術闇于事機佩師訓以周旋忘時態之險易追維疇昔受遇先王國士之知何嘗暫忘某復曳裾侯館委質府庭松楸所依兄弟少長大義若此乃心如何而世事推移讒言交今上御名忠信獲罪干戈日尋某雖不才非敢愛死過君以求名則不忍苟生以失節則不能誠恐蕞爾之身終爲執事之累所以仰冒嚴禁逃還故鄉出魯國以悲歌向西河

而下泣子鮮去衛非欲立朝梁鴻適吳本期自質先皇帝恩深善貸義極綏懷采鄉曲之棄妻收荆岑之遺璞遂得服勤州縣歷職朝廷始望初心豈將及此但封疆負隔玉帛不尋奕世君臣一朝胡越愧三州之父子羨五部之弟兄外覩交朋俯慙章綬每春秋代序霜露交零飛江南之羣鷺嘶岱北之朔馬悲興觸緒淚落霑襟自分沒身長懷永歎而天將厭亂人或與能大王以命世之資克清家難聖上以至仁之舉宏濟橫流車書既同冠蓋相望方承大王念紉蘭之逐客哀叢棘之離人煦以恩光感之意氣乘軒食肉有若平生始聽音塵猶

懔於

大時

疑夢寐且悲且慰五情無主苟非大人之德不以細故介懷則惠好所臻孰能若是某又聞善父母者必推錫類之感善兄弟者必廣棠棣之風故能功冠生民道濟天下大王英謀遠略弘量深仁上國仰其嘉猷全楚被其渥澤如某昔年事分曾無薑介之嫌今日支離合在昭蘇之數况東西一體道路無虞儻蒙閱以懸旌全斯天造兄弟子姪並許還朝存者荷二天之恩沒者釋九原之恨則生死肉骨未可比量瀝膽隳肝甯申萬一某以學古爲家業以感義爲素懷空言虛詞且非說客皇天后土實鑒此心猶覲式玉張旃或從行人之末捧禽

溝
三
大
執贄重趨典客之傍丹懇獲申微願斯畢雖復身填溝壑猶望魂魄知歸攬筆陳詞悲來橫集

復方訥書

鉉以疎拙之性頑滯之資廁于人曹無足比數然以荷先人之業猥踐清貴讀往聖之書頗識通方累朝舊恩漸于肌骨至於行道濟物立身揚名報國士之知成天下之務竊不自揆頗嘗有心故膺耳目之寄當要津之路侃然受任不以爲憂而才與心違命與運背言出而不能寤主身廢而無足救時三年之中百艱備歷干戈擾于內地烽火照于闕庭奔走道路容身靡所當此時

於

於

義

閣

寶

於

也苟得耕于南畝齊于一民以斯終焉尚為幸也而副君將聖王道漸亨博采遺賢以濟多難贊論之任首及非才拜命以來翻自憂媿何者儲后踐納麓之重而處于承顏之地有從諫之善而立于無過之場徒欲持稊米以實太倉秉燭火以助義御恐不足以副上德之舉塞故人之望也但當正身潔已徇公滅私使內不媿于本心外不違於所學而已閣下德我太甚期我太深歷陽郡佐白君至京辱賜手札慶譽優渥勗勵殷勤知已之情無以過此然此日副君之垂顧乃昔時閣下前席品題之所致也緘藏佩服何日忘之今兵難少甯蒸民

未泰頂踵利物斯寶其時閣下高臥已久羣望頗鬱宣室之召斯在不遠勉慎興居以副翹企悽悽之意遲用面諭不宣某再拜

答林正字書

十二月日復書正字足下辱賜長牋詞高旨遠循環捧讀欲罷不能見顧之深良足愧也吾子以老成之智蘊救世之心一言悟主俯拾初筮雖位未充量然升聞特達超然獨異亦古之所難也推是而往其道可知鉉也不才猥廁先達雖復識不能見之于未兆才不能濟之于已形然而振天下之公議舉天下之公器推轂後進

於吾妻

忽

心無適莫庶幾不下于昔賢君子異日當知之不忘其古今之變安危之勢恕乎微哉未可一二以言語盡也謹俟暇日當接餘論聊奉還答伏惟鑒悉徐鉉白

答左偃處士書

月日東海徐鉉答拜稽首復書處士足下鉉讀聖人之書探作者之意出處語默信非徒然故高臥堯舜之代不爲背時濡足楚漢之際不爲趨利嗟夫天下兵起百年于茲立功名取富貴者有之貞苦節安徒步者何寂寞而無聞也愚常疑廉恥之風于是乎絕而足下負磊落之氣畜清麗之才褐衣韋帶賦詩自釋介然之操其

於身

吾

殆庶乎悠悠之人尙未識其所謂惟韓君叔言知之以鉉愛奇好古者也故屢稱足下之行亟誦足下之詩相視欣然以爲今猶古也然鉉才名地望遠謝韓君故望廬息心不敢當隱君子之厚顧足下德我太甚惠然而來咫尺之書則古人之道在其中百篇之詩則作者之序冠其首先以溢美之贈益以謙光之詞發緘欣翫不能自已又念昔之隱者消聲物外絕迹時人今足下高蹈如彼自屈若此得非以我道久否思憤發而振起之爾鉉誠淺劣不足以堪願契素交歲寒然後盛集續當歸納不宣鉉再拜

故朝散大夫守禮部尚書柱國河內縣開國男
食邑三百戶賜紫金魚袋常公行狀

曾祖不仕祖泓邠州宣祿縣令考修成都府
戶曹參軍京兆府萬年縣洪固鄉曹貴里常

夢錫字孟圖年六十一歲

公字量恢弘識度弘曠質重有氣博學多聞初舉秀才
值世亂不克隨計西周羣後羔雁交辟累為秦隴諸郡
判官岐王茂貞據有扶風傳國二世承制除公寶雞縣
令兼監察御史是時京洛屢變幙府驟更公審擇木之
所宜乃瞻焉而來止烈祖肇基王業物色異人得公甚

涇

宏

州

貞

高

於

於

臣

喜授大理司直今上初秉機務慎求賓從公實預焉允
塞時望既授禪遷殿中侍御史改禮部員外郎寓直中
書預聞機密周慎詳敏冠于當時烈祖深器之擢拜給
事中封駁奏議無所顧憚由是始為當塗者所疾今上
嗣位恩禮甚優公以發號之初四海瞻望機微所慎宜
在斯時盡規極言如恐不及于是大忤權貴貶佐池州
明年徵為戶部郎中復拜給事中仍充翰林學士知貢
舉天子以典司詔命最宜親密乃別置宣正院于內庭
以先朝選授公為稱職俾以內任尊長是司秋霜之操
歲寒不易凡敢言之士皆依賴焉甲辰歲諫官皆貶公

亦罷院事公深惟君臣之義思全進退之禮稍儲伏臘
將卜優游又除吏部侍郎領御史臺事上復置文理院
爲司聰之寄以公爲文理院學士承旨公以椒蘭不雜
絳灌方隆從容中道守正而已明年以疾固辭乃遷戶
部尙書領商州刺史上以公問望夙重足以坐鎮雅俗
強起令知省事而病久不復公私廢失爲宰相所劾坐
貶饒州上以羸瘵憂之詔留東都以便醫藥踰年小愈
徵爲吏部侍郎翰林學士改禮部尙書戊午歲冬十一
月方與客談奄然而逝主上念藩邸之舊追亮直之誠
罷朝悲悼贈送優渥以嗣子方幼詔中使監護其喪惟

公誠純性剛文高學富詞賦典麗而執筆甚稀名理精
覈而吐論甚簡多識故事洞明政體自昇元中至保大
之初便蕃密勿有犯無隱門絕私謁出則詭辭獨見先
覺邈然靡及政先古義而時方尙權論舉大體而人提
給彼眾我寡故不能克主恩方重莫果歸田之心世路
未夷竟鬱濟時之用恥爲狷介之行以邀讎察之名畜
伎樂飲醕酒怡然自得聊以卒歲啟手足之際無呻吟
之聲古之達者正當此耳不以名法之學獲選正門固
非良史之才曷紀賢人之德庶爲實錄以俟易名謹狀

此文與門
生樹丕作

薦處士陳禹狀

右臣伏觀國家哀采羣才搜揚片善有上書言事者猶有可取必加甄錄廣納之意遐邇知恩然臣竊嘗觀之率皆淺近止於采取金寶檢權賦租製作舟車斬伐木材巡察關禁收捕寇攘既利害相參亦虛實畧半食祿者眾成務者稀若乃先王教化之源朝廷刑政之本謂之迂濶竟爾寂寥得人之盛未可致也去夏有布衣陳禹議獻納院上疏之獨與眾異其言曰五帝之教不立度量之器不均又曰江鄉之民存不事之以禮亡不祭之于室斯實有意于教化而不溺于流俗者也臣于是

訪其爲人則鄉曲無過延之與語則靜默寡詞儻使行願其言才副其識則古之循吏何以踰之願陛下以親民之職試其爲理考績之際自有常科臣忝豫銓司願慙則哲謬妄論薦俯伏兢惶謹奏

冊秀才文四首

自三五以還文質迭變百王之法六籍渙然及周室旣衰諸侯異政俊賢之士分軌並馳至如管仲霸齊之功商鞅強秦之令申韓之名法孫吳之戰陣李悝則務盡地方墨翟則崇尚節儉此其尤著者也蓋百家之說雖其道不同奉而行之皆足以致理子大夫服膺聖道必

後集卷二十一
三
盡幽深試論其中孰得周孔之旨可爲當今之用者悉心極慮以著于篇

夫君者民之表也天下取則焉故慎威儀定其聲氣時其憲令審其好惡以此示之未有不化者也然而唐堯在上日用而不知聖主立言親譽者其次夫如是則寂然不動澹乎無爲使蚩蚩之氓何所則象而能革其浮僞驅之仁壽哉舉要立中必有其說

昔太公理齊因其俗故報政速而後世強伯禽爲魯易其俗故報政遲而後世弱則商辛淫虐之風不可以不去也周家仁厚之化不可以不被也修舊者未見其遷

於
効

善之塗革故者豈傷于惟新之義遲速之效強弱之由願聞嘉言以釋斯惑

肉刑之法明王之制著于周禮垂憲無窮何故三苗行之以爲虐秦人奉之以爲暴漢文除之以爲仁乎自晉魏以還議論閒出理竟不決法竟不行豈時運之變有殊將聖賢之才或異願聞歸處以正古風

祭文獻太子文

粵惟上天降鑑我李文昭武穆神孫孝子赫矣謨訓昭哉圖史以濟時屯以永千祀恭惟盛烈仰屬尊靈惟精惟一克長克君有信厚之風以睦公族有孝敬之德以

於

於
効

讓樹

奉天經避寵崇讓以正流俗主留分陝以樹風聲惠下
之政爲民慈父平戎之績爲國長城聳多士之耳目煥
萬古之丹青儲闈旣正鴻猷允塞雖主器而納揆更承
顏而養德四海無波百官成式光昭興運允答靈心宗
祊之所託者重蒼生之所望者深何國步之已泰忽神
儀之永沉陽光爲之而晝晦萬籟爲之而哀吟惟恩信
之所洽孰憂傷之可任某等迹備三千義深凡百或選
自朝廷或仰由推擇或方列于宮府或嘗陪于賓席分
曹著位有先後之差辱顧推誠無高卑之隔徒歲月以
滋深愧涓塵之靡蓋今也徒御分散軒墀間寂摧傷于

於

蓋

苑於

望苑之前慟絕于華池之側實邦家之不幸豈臣吏之
空惜嗚呼哀哉寢園斯啟遠日將從儼象輅以帷白建
鸞旗而旒紅聽寂歷以無覩視杳冥而遂空撫躬弔影
涕雨號風敢寓誠于籩豆庶寫恨于心胸願資天之下
降鑑永慕之無窮嗚呼哀哉尙饗

於

與中書官員祭江學士文

維年日月廣平游簡言隴西李貽業清海張緯東海徐
鉉謹以清酌庶羞之奠敬祭於故翰林學士江公君章
之靈眇眇玄造茫茫萬有若明若晦爲天爲壽顏子不
幸仲宣無後豈同概之能量實令名之不朽惟我之生

於

公

俊德高名一日千里三頃五城乃邦之彥乃時之英藹
然臺閣存此風聲惟公之沒音容倏忽二子繼天高堂
結髮有女垂髻摧心裂骨門館秋風階庭夜月哀從中
來云誰能邊簡言固陋夙奉光塵廟朝之舊豈無他人
西垣並入禁署相因二十年中心同道親曾無閒隙靡
或淄磷貽業不才依仁仰德晚獲同舍因成近戚形忘
累遣情深分密杯酒痛飲光陰一擲豈料歡遊遽分今
昔緯在三川論交早年才力工拙詞場後先與之聲價
借以騰騫徒欣踐迹敢曰差肩佗鄉胥會分舊依然倍
成感歎轉奉周旋鉉實後生幸爲同族聯事之好友于

之睦以道相許以義相勗官路迤邐天涯遠逐千里關
山佗鄉心曲自帝里連歸周行並復稅駕未安捨我何
速嗚呼君章魂遊何方非巫陽之可招非祖洲之可望
平時笑語舊日顛狂何夢覺之不識何悲歡之不常惟
四友之分義成終天之感傷雖山公之無說豈延陵之
可忘有肴在御有酒盈觴死生之會終于此堂願公如
在來爲我嘗長號有慟迸淚無行薄奠云畢哀情未央
嗚呼哀哉尙饗

祭韓侍郎

維開寶三年太歲庚午九月己亥朔七日乙巳東海徐

鉉謹以清酌庶羞之奠昭祭于故中書侍郎贈相國昌黎公之靈天祐下民必生賢人數有治亂道或亨屯君子處之全名保貞窮不易節達不私身嗚呼明公與道為隣其本也忠其動也仁折而不撓屈則能伸懋此成績揚于王庭名聞天下道合明君宜若張公上應台星宜如衛武享茲百齡如何不淑與世同塵城郢遺忠感深紫宸黔婁之衾賜從御府季子之印佩入泉扃知與不知孰無悲辛嗚呼哀哉某惟不佞早奉先容傾蓋之交繾綣相從公之知我如我知公何義不協何言不同寧懼觸鱗之忤豈防羸角之凶先號後笑無初有終霰

雪既消陽光乃融海郡山城幾憐煦沫南宮西掖近見搏風豈主恩之可報幸吾道之非窮今也歲月逾邁悲歡一空平生氣宇夙昔心胸極視聽而無所與造化而冥蒙露泣門柳霜凋井桐物感于外悲來自中生芻表德絮酒申恭願貞魂之降鑒庶丹懇以斯通

祭王郎中文

維年日月朝議郎行秘書省秘書郎直門下徐鉉謹以庶羞之奠昭告于故郎中文人之靈惟靈立身行己之規理職奉公之節聞于士友著在官司今以銜悲豈容繁迷伏思頃歲獨奉深知獲承子妻之恩追序通家之

於

於

月

於

貞於

於貞

舊邕和二族出入十年情不閒于初終義實敦于骨肉
 去歲天恩舉善右掖登賢幸以王事僅同省垣不隔陪
 侍靡違于旦夕興居常在於見聞雖無光益之期且慰
 因依之望豈謂悲歡迭代光景須臾才周旬歲之間奄
 全終天之痛追攀靡及哀慕何窮嗚呼哀哉昨聞訃之
 初方當卧病不能親臨易箆躬奉遺言徒奄淚于漳濱
 但痛心於夜壑嗚呼哀哉家存餘慶念屬帝心有後之
 期自符公議不孤之任豈在佗人嗚呼哀哉故國方遙
 良時未卜王畿寓殯遠日將臨霧昏而丹旄悠揚日落
 而總帷蕭索涼風助慘行路同悲瞻望靈筵酸辛無地

敬陳薄奠少道深懷髮髯明靈一賜臨降尚饗

祭劉司空文

惟靈氣稟冲和志推廉潔白璧蘊孚尹之美朱絃含清
 越之音操行純深性克全于天爵襟懷弘遠譽早播于
 人龍頃自奮迹清朝策名近侍既保後凋之節終諧貞
 退之心道因損而益光名以謙而更著優游自得忠孝
 歸全求之古人我復何愧某等幸承事舊况豫姻連眷
 分過私襟期莫逆厯歲時而彌固經險夷而不同揖淡
 水以無厭仰高山而何極今則佳城將啟遠日有期光
 容有隔于重泉醴斝聊申于薄奠仰惟貞魄俯鑒丹誠

尙饗

徐騎省集卷第二

徐騎省集卷第二十

南陵徐乃昌校

國家圖書館, NATIONAL CENTRAL LIBRARY, TAIWAN, R.O.C.

徐騎省集



五

NATIONAL CENTRAL LIBRARY, TAIWAN, R.O.C.

徐騎省集卷第二十一

東海徐鉉

奉和 御製雪

豐登盈尺瑞物象九門深壁月環丹砌梅花滿上林
茶香偏自得酒力詎難禁別有寒郊外銀河映玉岑

奉和 御製打毬

上閑精習渥洼驄玉鏤花鞍錦覆駿金埒無塵初裊露
朱旗向日自生風雷傳畫鼓偏增氣星度飛毬欲映空
共道宸遊因習武凱歌猶自奏平戎

又五言

照



曙

驚樹

照軒

朗

彩仗映花韉春庭散曙煙毬飛皆應手馬駿不須鞭仙
樂飄雲外祥風起日邊籌多不虛發制勝在機先

奉和 御製春雨

祁祁甘雨正當春草樹精神一倍新勻灑農郊偏長麥
緩飄花檻不驚人密隨宮仗環青輅普逐皇恩下紫宸
霽後樓臺更堪望滿園桃李固松筠

冬至奉和 御製

吹律政知寬迎長物倍安初陽殊勝臘積雪更添寒庭
實羅千品珍符薦百般羣臣同偶聖不歎夜漫漫

奉和 御製寒食十韻

朝陽散宿煙登望思悠然簷影晴偏暖雲容晚更鮮共
歡時景好不惜歲華遷旋試嬌驄步新調寶瑟絃宮花
紅焯耀御水碧潺湲歌吹清連夜輜屏麗滿川依林張
幄幙夾道建鞦韆仙樂來天上祥光起日邊遊絲輕冉
冉芳草綠芊芊聖製如春色周流遍八埏

奉和 御製歲日二首

運歷三元正升平太古同五侯皆輯瑞四海盡占風聖
政乾行內羣生壽域中撞鐘元會罷晃朗日升東

二七言

正仗臨軒萬國來漢儀周禮盡堪吟浮光雲蓋青龍轉

香透椒花白獸開慶賜應時均億兆卜年從此數京垓
羣臣共感文明運況是天言誠懋哉

奉和 御製上元燈

幔亭高敞九門前銀箭遲遲夜漏遷明月靜添華燭影
和風時度御爐烟朱輪繡轂車聲接玉勒金羈馬首駢
一曲雲謠飛聖藻萬方歌詠仰堯天

奉和 御製烟

春晴纖靄映斜陽幕幕偏能覆水鄉濃似慶雲同馥郁
薄如輕素自飛揚堤橫新柳真成畫樓對遙山正好望
誰見朝元香案上龍旂交影共騰驤

奉和 御製署中書懷

浴殿晨開氣象新虛亭金井轉轆鳴陰成楊柳千絲密
涼入襟懷一扇輕寒水乍沉朱李熟薰綃長有好風生
高樓更稱頻臨望臺笠行歌麥隴青

奉和 御製聞早蟬

綠樹陰陰愜豫游早蟬清韻遠還收喚回晝夢和宮漏
引起微涼助麥秋禁柳烟中飛乍覺御溝聲裏聽都幽
羣生遂性宸章悅從此人聞不識愁

奉和 御製夏中垂釣作

物茂時平日正長翠華停馭睠方塘文竿乍拂圓荷動

清暑

樹溝間
偏

後集卷二十一
三
頽尾時翻素苻香睿賞只應從暇豫聖恩寧肯間沉翔
吞舟自是貪芳餌猶笑成湯一面張

奉和 御製殿前松兼以書事

脩
長松修幹列承明虎盼龍盤氣貌靈風度乍聞琴曲調
巢高初見鶴儀形枝籠陛戟寒生檻葉帶鑪煙翠滿庭
澗底山頭各生殖託根爭似在青冥

奉和 御製扇

調
齊紈新裂月輪全蟬雀分明彩翠鮮救暘自符仁主意
揚風須假手中扇暫遮樓日霞光透半掩歌唇寶曆圓
一曲睿詞精比興好將金石奉雕鐫

奉和 御製棊二首

似上
制法精微自帝堯勢如天陣布週遭沉思迴覺忘千慮
妙訣終須附六韜急劫未分香印匝一枰初滿月華高
御詞仍許羣臣和愁殺中山玉兔毫

二

常嫌羣藝用心麤不及棊枰出萬途妙仰孫吳論尙策
深如夔益贊訐謨靜陳玉檻連琴榻密映珠簾對酒壺
聖智縱橫歸掌握一先初不費多圖

奉和 御製早春

羣生遂性得天眞陽景无私發秀勻堯厯永從新律正

苞拆

啓

繡艷武

韻

丘

煙

蠟

乃

皇恩散作萬方春華林日麗紅苞拆太液冰消漾浪新
天意分明起昌運岱宗卽看報羣神

應制賞花 懷字

上林春暮紫英開組織成帷蔭玉階豔逐晨光隨步舞
香和輕吹透襟懷生成澤廣時芳茂魚水情通樂詠諧
禁籞年年陪睿賞何時梁甫奉燔柴

和陳處士在雍州見寄

衰薄喜多幸退公誰與閑高人乘興去相望兩程間卷
箔有微雪登樓无遠山清談勝題贈何日杖藜還

送湯舍人之陳州

尼父恓惶地離情向此偏家貧聊復爾道在肯徒然詩
景明松雪鄉山隔水滄三年須赴召莫戀食頭眠

送阮監丞赴餘杭

楊柳依依水岸斜鷁舟東去思無涯坐臨碁局延明月
行采詩題對落花虛白亭中多宴賞錢塘湖上剩煙霞
風光到處宜攜酒況有餘杭阿姥家

送容州程員外端州吳員外

士生秉道義公論重才名美哉雙白壁高價等連城昔
在南國時折桂嘗抗衡今爲北朝客通籍齊振纓連鏹
適炎徼並命典州兵地遠方寄重無爲憚遐征俗雜則

才
材難當在通其情投香與還珠前哲有遺聲君看奏諫
者接武趨承明摻袂贈斯言斯言勿見輕

和潁州賈監軍

別離情緒兩難任消遣唯應有醉吟冉冉光陰玄鬢改
勤勤書札舊情深涼宵夢寐清淮月永日徘徊玉樹陰
野鶴乘軒無所用角巾何日返中林

和清源太保閑居偶懷

朝退閑齋落葉天道心真氣本仙源簾前風月澄秋景
門外輪蹄任世喧棊罷早寒生北戶酒醒黃菊滿西園
時人自有思齊者踐迹觀形不在言

又和寄光山徐員外

早年南國日追隨冠劍晶熒佩陸離匪石心誠徒自許
浮雲蹤跡信難知官閑從飲扶頭酒地僻誰同敵手棊
門館舊恩今更重高齋遙枉謝公詩

和徐秘書

年少支離奈命何悲秋懷舊苦吟多龍泉有氣終難掩
荆玉無瑕豈憚磨會偶良工收杞梓莫將閑夢挂煙蘿
佗年得路搏風去肯念今朝煦沫麼

送汪處士還黟歛

孤雲野鶴任天真乘興遊梁又適秦興盡卻歸南國去

黃山何謝武陵春

和翰長聞西樞副翰隣居夜宴

開筵別有隣居興卜夜應憐禁漏長舊友不期爭命駕
新姬憑寵剩傳觴香煙結霧籠金鴨燭焰成花照杏梁
京邑衣冠多勝賞鱸魚爭敢道思鄉

和清源太保寄湖州潘郎中

老大離羣一倍愁谿山風物且淹留醞成春酒誰斟酌
抄得新書自校讎莫似牧之矜曠達須教子重讓風流
恩門舊分知難忘題取新詩上郡樓

送南華張主簿改承縣

適去莊生邑還臨孔父鄉仍聞舊隱處近在武夷傍道
氣年長度儒風日以光何時看解組歸去事仙方

和白州錢使君上元夜侍宴

御宴宵陳敞百層君恩芳景兩難勝風傳天上九成樂
月映樓前萬樹燈醉捧玉觴疑夢寐靜臨丹檻似飛騰
因觀謝守牕中詠自媿瀛洲是濫登

送蘇州梁補闕

軋軋朱輪道路長虎丘山下剩春光軍城舊是吳王國
郡守曾爲諫署郎祖席詠歌金玉振下車條教蕙蘭香
青雲舊是高飛處三載徘徊亦未妨

和金州錢太保春雨

濛濛膏雨遠空迷
點滴圓紋水繞堤
折帶喜如知醉舞
花房愁似宿粧啼
煙籠麥隴連天濶
雲映漁舟掠岸低
廉使解分天子念
一篇騷雅慰蒸黎

送高秀才

龍門一上嫌輕進
關塞西遊自愛山
緱嶺春歸林影密
津橋人靜水聲閑
如今正得幽尋興
佗日青雲不易還

送施州單員外

精金百鍊始知難
何似仙枝兩度攀
名逐鳳書歸故里
身從鳥道入巴山
詔宣遠俗皇恩厚
惠洽齊民利刃閑

珍重加飡順風土
歸來高步七人班

送宣州張員外

故國干戈後
憐君得意歸
綺霞橫郡閣
犀燭照漁磯
天迴青山遠
江平白鳥飛
此行同衣錦
況是老萊衣

和筠州談鍊師見寄

共歎崑岡火
誰知因自分
寂寥人境外
蕭索數峯雲
真籙終年秘
空歌偶得聞
應憐霸陵上
衰病故將軍

送吳郎西使成州

所向皆為道
遐征豈足辭
中華垂盡處
別路正秋時
高閣蘭臺筆
閑吟板屋詩
良工無棄物
珍重歲寒姿

後集卷二十一
送下博陳員外

曠望叢臺路飄飄楚塞人琴堂無故舊何由免霑巾

送淨道人

北阜與西山前期夢寐閒羨師乘興去應擬此生閑喬
木人誰有鱸魚我未還歸心寄秋水東去日潺潺

鄴都行在和刁秘書見寄

征袍結束從宸遊邊上塵清見戍樓柏殿賦詩知是幸
茂陵多病自堪愁清潭幽咽長流恨銅雀荒涼幾換秋
深羨高眠全道氣姓名應已在丹丘

和旻道人見寄

戎服非吾事華纓寄此身謬爲金馬客本是釣鄉人引
領梁園雪揚鞭輦路塵知師亦多病擁褐待陽春

和復州李太師誦筆

處處良工事筆鋒宣毫自昔最稱雄因思南國中箱學
願入蘭臺掌握中委質自歸雕玉匣操詞曾侍兔園宮
一篇麗藻眞閑暇其仰才多道不窮

送蒯員外東遊舊治

百歲猶強健知君卽地仙孤飛下華表太息問桑田故
吏今誰在高名昔共傳伊余亦遺老相送一潸然

送王監丞之厯陽

歎息曾遊處江邊故郡城青襟空皓首往事似前生綠
綬君重縮華簪我尚榮年衰俱近道莫話別離情

送阮殿丞之靜海

聞子東征效遠官行行春色黯離魂中途輟棹尋吳苑
西向登樓望海門鵬舍曾嗟經歲謫靈光空念歸然存
陵遷谷變今如此為我停驂盡酒罇

送周員外之達

之子敷王澤迢迢蜀棧東頒條有餘又對酒與誰同身
占賢良籍家傳道德風遠民思靜理卽此是陰功

送長社胡明府

黃綬繫未穩桂枝香尙新琴堂寧久次諫署正求人皎
皎涼秋月飄飄清路塵元常有遺翰求作篋中珍

送表姪達師歸鄱陽

故鄉禾黍世親稀中表相尋只有師惆悵離懷向何許
鄱陽湖上葉飛時

送秘閣朱員外知復州

景陵山水舊知名珍重詩人建隼行未免簿書勞利刃
省貪煙月縱高情揚雄閣下諸生送陸羽門前百吏迎
聖代羣賢皆得路三年傾首望鵬程

送淨道人東遊

身服竺乾教心爲鄒魯儒觀風遊稷下訪古入中都短
景程途遠寒原店舍孤東周多俊造能賞碧雲無

送李道士南遊

雲水李道士曾爲中貴人綺紈終不戀松鶴自相親雲
氣蒼梧晚芳華紫蓋春匏瓜老猶繫惆悵望行塵

送國士徐博士之澧州

多才適世用學者不遑處新詞八詠樓更汎涪陽浦行
當應列宿且復施甘雨高齋閑坐時清談孰爲伍

送錢副使黎陽發運

一盃寒食酒珍重送君行花影黎陽渡春風浚水聲汎

無脩

舟元廢事騁驥有修程應用方无暇何須愴別情

寄張階州

儀甫秉忠信神明自來舍絳灌雖不容蠻貊皆從化榮
名任紛糾道性常閑暇傳語當途人無爲勞嘆吒

送文懿大師淨公西游

乘興西游誰與同一囊詩藁一枝筇厭棲廬岳蓮花社
卻勸南山紫閣峯懷古有時應悵望尋幽何處不從容
關中風物常牽夢老臥閑曹轉放慵

奉和武公學士舍人紀贈文懿大師淨公

舊國荒涼成黍稷故交危脆似琉璃高人獨喜湯師在

功

糾歎

後集卷二十一
手把新文數道碑

其二

滿卷文章爲世重出塵心迹少人同騰騰自得修真理
不管浮生覺夢中

其三

文似春華鋪曉陌思如泉湧注長江詩情道性知無夢
頻見殘燈照曙牕

其四

已結仙源超世表卻緣詩句有時名初聞行業如耆宿
及見容顏是後生

潔心起

曙

脩

其五

只有閑情搜景物不將容鬢惜流光京華才子多文會
眾許清詞每擅場

其六

惠遠禪師名素重維摩居士室皆空羣公競有詩相贈
組繡珠璣滿袖中

其七

南朝人物古猶今只恐前身是道林處處經行常自適
不妨譚笑不妨吟

其八

往往冥搜宵不寐時時任性晝仍眠高情麗句誰偏重
聖代詞臣李謫仙

其九

霜髯病叟掩閑局禪客相尋有故情每憶江南初識面
至今猶得愛才名

詠史

京洛多權豪游服相追隨青牛中甸車白馬連環羈珎
珮競照耀紳組舊參差騶鳴行人駐倏若流風馳名園
不問主下輦輒成嬉秦官錫雕盤光祿假羽扈侏儒善
爲優邯鄲有名姬坐客應餘顧論眄成恩私鹵簿留國

何敢

香

何官

門誰向不能譏歸來臥華堂瑣牕承文楣武夫瑩庭階
璧璫攢榮題列燭函晶熒噴者常逶迤明朝入君門密
侍白玉墀開言迎合旨羣公默無爲乍請考工地亦拜
牀下兒吹噓枯稊生指顧千鈞移回瞻狗名士猿介爾
可施朱雲折檻去梅福棄君歸寂寞楊子雲口吃不能
辭著書述聖道徒許俗人嗤漢室已久壞往事垂于茲
眇然千載下慷慨有餘悲

徐騎省集卷第二十一

南陵徐乃昌校



徐騎省集卷第二十二

東海徐鉉

送曾直館歸寧泉州

常憐客子倦征騑誰似曾郎得意歸
廳瑣石渠封簡冊手持仙桂拜庭闈
舟橫劍浦凌清瀨馬過猿巖點翠微
卻笑遼東千歲鶴下來空歎昔人非

送樂學士知舒州

憶在同安郡誰知是勝遊
仙山常獨往騷客自忘憂
暫別經多難勞生已白頭
羨君驅舊旆兼得漱清流
民俗長如古風光最稱秋
短歌聊抒意爲賦謝沙鷗

送慎大卿解官侍親

聖朝無事九卿閑
藹藹東門采服還
舊日高名齊汲鄭
今朝行至似曾顏
更憐雙鬢垂玄髮
猶恨深居遠舊山
老鶴乘軒真自愧
徘徊空在稻梁間

代書寄泗州錢侍郎

起部紆兩綬
恢恢刃有餘
既為侍中郎
又復專城居
無久戀鈴閣
早應還直廬
浚川春水滿
珍重寄雙魚

寄舒州樂學士

皖伯臺前綠樹春
吳塘初下碧溪分
舊遊風景長牽夢
遙羨高齋望白雲

送吳支使之長安

幕府清資新雨露
高陽舊第久塵埃
百年遺老知誰在
應喜遼東鶴下來

和譚鍊師見寄

一別高人世事多
歸山岐路轉蹉跎
定知上藥延衰齒
每憶玄談養太和
任道人生如夢寐
也從時態起風波
錦囊真籙遙相許
只待颿輪更一過

和錢祕監與邊諫議南宮同直贈答

筵上詩題共筆牀
樽前酒興話高陽
心清自覺官曹簡
院靜先知節候涼
南國少年推貴重
東堂前輩讓賢良

霜 間

樹

歧

讓

好看雙鳳追飛處胡粉新塗紫界墻

送周郎中還司

憶在廬山始識君當時唯擬共眠雲那知身計關前定
卻向人間逐世紛紫閣峰前欣欲往銀臺門裏歎維羣
青囊舊有登真訣莫道閑人取次聞

太師相公輓歌詞二首

巖廊舊德漢儲師富貴優游自古稀四序不能違代謝
九原誰可與同歸精神恍惚騎龍尾功業紛綸在虎闈
惆悵鳴珂洛陽道素車丹旆奉雲衣

其二

風流安石在東山曾許從容妓樂間傾蓋莫來能幾日
逝川而去不知還北邙原上寒雲結鄭國門前曉月彎
祖奠欲收賓御散滿衣零淚掩衰顏

送贊寧道人歸浙中

故里夫差國高名連遠師君恩從野逸歸棹逐凌澌舊
訪雖無念牽懷亦有詩因行過秦望爲致李斯碑

和元少卿送越僧

塵機息盡一眞僧唯有林泉捨未能蓮社故人今暫別
稽山舊隱與誰登時清豈覺前游改道勝寧辭白髮僧
遙羨高齋吟望處孤雲野鶴是親朋

代書寄譚鍊師

朱山松桂翠連望中有清虛小隱居密養丹砂存正氣
靜披瓊蘊誦真文填笿金石心長在圭組煙霞路自分
憑仗鄉人傳尺素山前驚起白羊羣

送鄭先輩及第西歸

春曉緱山路華光滿翠微憐君持郟桂歸去著萊衣故
國幾人在浮生萬事非唯當拭病眼看子九霄飛

送高先輩南歸

鄉國悲前事風光屬後生名從天上得身入故都行草
色初裁綬鵬飛不算程自憐枯朽思相送剩含情

送嚴秀才下第東歸

世胄今爲旅多才懶自營坦懷君子道惜別故人情歸
棹春潮滿郊居海月明雄文不輕售須待最高名

送周味道秀才東歸見別依韵

庭闈芳夢想孤棹渡江關駿馬猶論價荆藍且抱還
花綵服疎雨映家山頻見春官說明年待鑄顏

送曾秀才

淦水神仙宅仙山夾縣樓吾孫好詩句歸詠故鄉秋紫
竹遮書幌紅蕉拂釣舟東堂有平路莫謁外諸侯

寄玉笥山沈道士

珍重江南沈鍊師未曾相識久相思已全真氣能從俗
不墜家風善賦詩玉笥共游知早晚金貂回顧覺喧卑
多慙書札遙相問更望刀圭換白髭

和錢秘監旅居秋懷二首

秘監疎朝謁門前長綠苔未愁玄鬢改且喜素秋來獨
坐翻棊勢閑行繞藥栽涼風入書幌時動水沈灰

其二

閑靜無凡客開罇共醉醒琴彈碧玉調書展太玄經酒
熟看黃菊詩成寫素屏晚來瀟灑甚山鳥下中庭

送元道人還水西寺

李白高吟處師歸掩竹關道心明月靜詩思碧雲閑綠
樹寒凌雪飛泉響徧山白慙工壑志皓首不知還

送李秀才歸建安

昔聞武夷士皆是帝曾孫李君卽其人命舛道常存愛
子已折桂華組耀閨門吾身可拂衣綵服歸丘園捧觴
慶北堂其樂不可言清溪環幽居遠岫橫前軒彈琴詠
招隱芳意飄若蘭老夫無此分何必矜彈冠

和李太保寄刁秘書

名位雖卑道自光訟庭無事俗平康簾開尙覺琴牀暖
院靜偏聞酒甕香養性已知無病染持廉唯恐有名彰

臨

主人莫訝睽違遠，千仞由來有鳳翔。

又和刁秘書寄太保

百里憐民自可憐，青雲何必籍階緣。家貧聊欲資三徑，政簡無非草太玄。處眾忘懷均物我，程才不器任方圓。江湖相望真堪喜，聚散悲歡盡偶然。

送坊州賈監軍

聖主欲東封，憐君四護戎。鄉心經霸岸，詩思省幽風。舊業今成旅，朱顏已變翁。忘懷一杯酒，閑夜與誰同。

送李補闕知韶州

南國求良牧，中朝輟諫官。君恩偏念遠，臣節豈辭難。騎

衰

驅潼

伸清

洽

味

影過梅嶺溪聲上，贛灘曲江宜訪古。韶石好憑欄，詩景緣情遠。民心逐政寬，哀翁尋舊分。為致葛洪丹。

送脩武鄭主簿糾郡梓潼兼寄王舍人八韻

杖策辭清浴，騎車向梓潼。棲鸞才乍展，叱馭氣方雄。暫割趨庭戀，將神糾郡功。詩情衝密雪，別酒愬寒風。山水秦關外，煙花錦里東。府公名素重，語掾道仍同。坐嘯新知治，隨行舊分通。當令從此去，不復數文翁。

和李秀才雪中求酒

雪英飄灑繞虛廊，曉景沈沈朔吹狂。銀闕晶熒標帝里，桂華紛糅認仙鄉。少年風氣新吟動，老叟襟懷萬事忘。

自倒空罇酬絕唱書幃聊得泛寒光

送謝著作之濠梁

謝客乘輅去清和景物初淮流宜映月濠上好觀魚吏
事應微撓吟情自有餘偏州莫留滯東觀待紬書

貢院鎖宿

開呂負外使高麗贈送

聖化今無外征塗莫憚賒揚帆箕子國駐節管寧家去
伴千年鶴歸逢八月槎離情恨華省持此待疎麻

代書寄宋州錢太監

衰朽經煩景傭將病共侵北窗時企足東望一披襟祕
監清罇滿平臺綠樹深年來書信少何以慰離心

送

大

暑情

樹

持

范
鴈

送錢先輩之虔州

子實東南美來參第一流從容一片玉談笑運前籌
石運雲秀廉泉帶月秋可憐行樂地況從板輿遊

送阮洗馬之全州

望范迴先馬山城駐使車塗中值歸雁頻寄北來書

觀燈玉臺體十首

吳歌楚舞玉詩新華燈蘭焰動魚鱗臺前共道明如晝
醉裏唯愁夜向晨

其二

綺席金爐香正燃銅壺銀箭漏初傳天迴星月送燈燭

迷

風過樓臺度管絃

其三

雙闕重闌夜不關
金車寶馬曉應還
亭亭朗月臨遙席
灼灼華燈照玉顏

其四

火樹燈山高入雲
紅筵翠幄自成春
游女有時還解佩
青樓何處不留人

其五

帝京風景不曾秋
萬戶千門夜更游
玳瑁銀鞍連繡轂
晶瑩珠網挂瓊鈎

其六

夜未央
明月光
熒照九華燭
交影照歌梁

其七

做麗譙
披綺寮
歌聲和夜漏
火樹似花朝

其八

星漢斜
樂無涯
明月千門雪
銀燈萬樹花

其九

撫雲敖
吹玉簫
豔舞迴羅袂
香風閃步搖

其十

日照花
七香車
歌舞平陽地
經過趙李家

日

味

唯

衛

和李秀才端午見寄

角黍菖蒲酒年年舊俗諳采衣君自樂白髮我何堪
靜詠瑤華句閑思玉柄譚報之長命縷祝慶在圖南

送清道人歸西山

嘗憶漱甘醴洪涯藥臼旁今來眇如夢此景未曾忘
圭組老無味林泉路更長羨師從此去當暑扣雲房

送張學士赴西川

右蜀分憂輟近臣翩翩旄節下青冥單車頃載支機石
夙駕長先使者星已有清風馳棧道猶酣別酒過長亭
佗年報政徵黃入留取文翁舊典刑

和李宗諤秀才贈蒯員外

性僻時難偶神清壽有餘曾施卓魯政蒯累宰劇縣皆有善政舊
講老莊書賤更襟懷曠貧猶世利疎聖君將就見慎勿
買山居

送德明道人還東林

每懷曾遊處東林惠遠房老來情更重師去興何長
澗曲泉聲咽松深露氣香題詩寄楚老惆悵不成章

送馮中允使蜀

莫笑皤然一病翁百家交分兩家同今朝倒屣迎王粲
舊日清談賞阿戎玉壘無辭輶傳送金閨初喜姓名通

青城山下逢仙客爲記心丹未輟功

送新除國博徐員外知婺州

憐君盡室泛安流職重官新未白頭楚老歡迎歸舊里
春風留戀過揚州逢時肯更嗟庭樹屬諫還應上郡樓
殷仲文宗黨故人鄉外少勤勤書札緩離愁
沈隱侯

送望江張明府

之官別思縈詔許侍親行溫清自爲樂煙波不算程山
留丹竈室俗有故鄉情無使千年後空傳麴令名

送廖舍人江南安撫

上天本愛民治亂當有時傷嗟江表人三災迭擾之如

何遭盛明不能免流離王澤限遐遠孰云天聽卑賢哉
廖夫子盡忠不顧私朝聞青蒲奏暮見輶車馳愚聞奉
使者受命不受辭但使民瘼瘳無憂國賦虧貞觀笑割
服文侯諭治皮學古平生事行行當在茲贈言聊執手
願子副心期

送陳使君之同州

太守驅征旆翩翩西過關冰容先臘至膏雨逐春還綠
樹游沙苑高樓看華山從來京輔地出入盡崇班

送顧道人還西山

嘗憶洪崖澗穿雲路萬尋曾經照玄鬢未得卸朝簪老

楊樹詠

是榮

服頁

額樹

蝶

薛三

和元少卿雪

朔風飛雪徧遙天
為瑞偏宜在臘前
有客棹舟將命友
何人高臥共揮賢
瑤花散亂紛臨席
玉樹晶瑩爛滿川
閑想冰容比君子
始知姑射有神仙

去馳莊喋年來有越吟羨師從此去舊隱翠微深

送厯陽方明府

方被召當授京官解無侍親因除厯陽令厯陽余外氏舊邑

古縣橫江北絃歌似武城善辭金馬召欣著綵衣行舊

感吳山色離愁浚水聲外門井廬在相送幾重情

送李著作之漢陽

聞道驅征旆行行至漢陽初程微雨霽路滿落花香遠

宦心常適青雲去未妨惟餘親戚分惆悵上河梁

賦二首

牡丹賦

伊牡丹兮灼灼其華擢秀暮春交光綺霞其氣則胡香

趙

欲

病

陳

回

於

楚蘭其麗則湘娥越娃向日爭媚迎風或表爛如重錦
粲若丹砂京華之地金張之家盤樂縱賞窮歌極奢英
艷既謝寂寥繁柯無秋實以登薦有皓本以蠲疴其為
用也寡其見珍也多所由來者舊矣孰能遏其頽波

感舊賦送鄭殿丞西使

兩綬威蕤駟牡駢駢送子于行關中陝西惟天道兮迴
復嗟人事兮推移昔百二之形勝今尋常之藩維龍池
閣道徒處所驪山仙館空崔巍豈憐感舊之遺老心如
灰兮鬢如絲喜使者之得人美大君之拔奇察為政之
善否求斯民之癘疵庶我奮擊轡澄清之志致國風于

貞觀開元之時

徐騎省集卷第二十二

三

徐騎省集卷第二十二

南陵徐乃昌校



徐騎省集卷第二十三

東海徐 鉉

重修說文序

韻譜前序

韻譜後序

故兵部侍郎王公集序

文房四譜序

張氏子集序

鄧生詩序

進士廖生集序

廣陵劉生賦集序

重修說文序

銀青光祿大夫守右散騎常侍上柱國東海縣開國子
食邑五百戶臣徐鉉奉直郎守秘書省著作郎直史館

臣句中正翰林書學臣葛湍臣王惟恭等奉

詔校定許慎說文十四篇并序目一篇凡萬六百餘字
聖人之旨蓋云備矣慨夫八卦既畫萬象既分則文字
爲之大輅載籍爲之六轡先王教化所以行于百代及
物之功與造化均不可忽也雖復五帝之後改易殊體
六國之世文字異形然猶存篆籀之迹不失形類之本
及暴秦苛政散隸聿興便于末俗人競師法古文既絕
譌僞日滋至漢宣帝時始命諸儒修蒼頡之法亦不能
復故光武時馬援上疏論文字之譌謬其言詳矣及和
帝時申命賈逵修理舊文于是許慎采史籀李斯楊雄

之書博訪通人考之於賈逵作說文解字至安帝十五
年始奏上之而隸書行之已久習之益工加以行草八
分紛然間出返以篆籀爲奇怪之迹不復經心至於六
籍舊文相承傳寫多求便俗漸失本原爾雅所載草木
魚鳥之名肆意增益不可觀矣諸儒傳釋亦非精究小
學之徒莫能矯正唐太厯中李陽冰篆迹殊絕獨冠古
今自云斯翁之後直至小生此言爲不妄矣於是刊定
說文修正筆法學者師慕篆籀中興然頗排斥許氏自
爲臆說夫以師心之見破先儒之祖述豈聖人之意乎
今之爲字學者亦多從陽冰之新義所謂貴耳賤目也

自唐末喪亂經籍道息 皇宋膺運

二聖繼明人文國典粲然光被興崇學校登進羣才以爲文字者六藝之本固當率由古法乃詔取許慎說文解字精加詳校垂憲百代臣等愚陋敢竭所聞蓋篆書堙替爲日已久凡傳寫說文者皆非其人故錯亂遺脫不可盡究今以集書正副本及羣臣家藏者備加詳考有許慎注義序例中所載而諸部不見者審知漏落悉從補錄復有經典相承傳寫及時俗要用而說文不載者承詔皆附益之以廣象籀之路亦皆形聲相從不違六書之義者其間說文具正體而時俗譌變者則具于

於
注中其有義理乖舛違戾六書者並序列於後俾夫學者無或致疑大抵此書務援古以正今不徇今而違古若乃高文大冊則宜以篆籀著之金石至于常行簡牘則草隸足矣又許慎注解詞簡義奧不可周知陽冰之後諸儒箋述有可取者亦從附益猶有未盡則臣等粗爲訓釋以成一家之書說文之時未有反切後人附益互有異同孫愐唐韻行之已久今並以孫愐音切爲定庶夫學者有所適從食時而成旣異淮南之敏縣金於市曾非呂氏之精塵瀆 聖明若臨冰谷謹上

韻譜前序

端成

譌

於萬於

昔伏羲畫八卦而文字之端見矣倉頡摸鳥迹而文字之形立矣史籀作大篆以潤飾之李斯變小篆以簡易之其美至矣及程邈作隸而人競趣省古法一變字義浸訛先儒許慎患其若此故集倉雅之學研六書之旨博訪通識考于賈逵作說文解字十五篇凡篇六百字字書精博莫過于是篆籀之體極于斯焉其後賈鮪以三倉之書皆爲隸字隸字始廣而篆籀轉微後漢及今千有餘歲凡善書者皆草隸焉又隸書之法有刪繁補闕之論則其譌僞斷可知矣故今字書之數累倍于前夫聖人創制皆有依據不知而作君子慎之及史闕文格

言斯在若乃草木魚鳥形聲相似觸類長之良無窮極苟不折之以古義何足可觀故叔重之後玉篇切韻所載習俗雖久要不可施之于篆文往者李陽冰天縱其能中興斯學贊明許氏奐焉英發然古法背俗易爲堙微方許李之書僅存於世學者殊寡舊章罕存秉筆操觚要資檢閱而偏旁奧密不可意知尋求一字往往終卷力省功倍思得其宜舍弟楚金特善小學因命取叔重所記以切韻次之聲韻區分開卷可觀楚金又集通釋四十篇考先賢之微言暢許氏之玄旨正陽冰之新義折流俗之異端文字之學善矣盡矣今此書止欲便於

檢討無恤其它故聊存詰訓以爲別識其餘敷演有通釋焉五音凡十卷貽諸同志者也

韻譜後序

初韻譜旣成廣求餘本孜孜讎校頗有刊正今復承詔校定說文更與諸儒精加研覈又得李舟所著切韻殊有補益其間有說文不載而見於序例注義者必知漏脫並從編錄疑者則以李氏切韻爲正始無遺矣前序猶謂學者殊寡而今之學者益多家畜數本不足以供其求借潁川陳君文顯任當守土罷列侍祠習武好文憐才樂善見人爲學如已誨弟子焉因取此書刊于尺

知之說滿

之於
寵

于

於

牘使摹印流行比之繕寫省功百倍矣噫仁人之用心也因躬自篆籀庶祇來命序之於後以記其由雍熙四年正月序

故兵部侍郎王公集序

君子之道發于身而被于物由于中而極于外其所以行之者言也行之所以遠者文也然則文之貴于世也尙矣雖復古今異體南北殊風其要在乎敷王澤達下情不悖聖人之道以成天下之務如斯而已矣至於格高氣逸詞約義微音韻調暢華采繁縟皆其餘力也琅琊王公負英俊之才稟耿介之氣世濟其美爲時而生

後集卷二十三
五
適文麗句冠縉紳而傑出純誠直道歷夷險而安貞故
能奮厲羽儀抑揚聲實振清芬于臺閣浹仁政于藩垣
潤飾典謨銓衡人物主恩人望終始不渝載籍所高何
以過此鉉頃歲來自江左會公西適王峰客有以拙文
示公者大相知賞擊節而喜曰此人必能知我及召還
京輦惠然見尋亦以舊文爲貺觀其麗而有氣富而體
要學深而不浮調律而不泛尋既返覆如四子復生矣
由是傾蓋甚歡恨相知之晚也是時天子方闡文明之
化闢俊造之場網羅羣才待以不次公則首冠綸閣標
表朝倫前達後進莫不推仰猶以爲古道未盡復已用

未盡伸每在談宴屢形詞色由是論者頗以躁競爲譏
愚以爲不然夫古之君子莫不汲汲於逢時孜孜于救
世汲汲長孺漢之賢卿也而有積薪之嘆李令伯晉之名
臣也而有中人之詩其有仰憚貴勢旁畏流議緘詞含
意從容自全者不得已也如公則內無隱情外無飾貌
遇事輒發胸中豁然此真趙魏意氣之士豈爲兒女之
態哉上方注懷而公寢疾十旬旣滿卽臥內拜兵部侍
郎其恩禮如此嗚呼流連不停儀表長謝伯牙之絃已
絕延陵之劍徒懸公平生所爲文未嘗編錄至是諸子
緝綴斷簡得二十卷泣授故人鉉也不才無足延譽善

善惡惡敢言褒貶之能一死一生粗達交朋之分後之
知我者庶斯言之不誣端拱二年夏六月序

文房四譜序

聖人之道天下之務充格上下綿亘古今究之無倪酌
之不竭是以君子學然後知不足也然則士之處世名
既成身既泰猶復孜孜于討論者蓋亦鮮矣昔魏武帝
獨嘆于朱伯業今復見於武公蘇君矣君始以世家文
行貢名春官天子臨軒考第首冠羣彥出入數載翱翔
青雲綵衣朱紱光映里閭其美至矣而其學益勤不矜
老成以此爲樂退食之室圖書在焉筆硯紙墨餘無長

於
歎於

物以爲此四者爲學之所資不可斯須而闕者也由是
討其根源紀其故實參以古今之變繼之賦頌之作各
從其類次而譜之有條不紊既精且博士有能精此四
者載籍其焉往哉愚亦好學者也覽此書而珍之故爲
文冠篇以示來者

張氏子集序

觀夫賢人君子稟清真之氣應斯運而出故生而岐嶷
幼而敏惠既成而貞國士之器既立而爲天下之用康
甯壽考繁衍流祚此其常也若乃秀而不實仁而不遇
前聖所以興嘆百代所以遺恨斯則神道忽恍萬化茫

期
貞
歎
憾

於
吳歎

標
朗

貞
情

恆
為覺

之
於
追

於

昧自古乃爾吾將奈何嗚呼張氏子秀而不實者也子
名冉本字叔相今戶部員外郎洎之長子也年七歲博
覽經史日誦千言十歲能屬文詩賦議論成于俄頃十
二著禮上下二篇舊君奚王見之而嘆曰此子天假之
年侘日必爲國器矣乃至梁京翰長李公昉閣長李公
穆皆引之登門特加禮遇其道日以光矣其風儀標格
蕭然朗徹觀者謂之玉人余甚重之以爲四科之俊也
故改其字師德于時天子敦重文學親考英秀海內士
子靡然向風咸謂子必當振鱗附翼一舉凌邁而介然
特立澹然貞退求聖賢之微旨以養親修心爲先復探

釋老玄言讀華陽諸真經飄然有脫落塵滓之志而况
於榮名乎不幸羸瘵踰歲遽從夭折年十有六諸公聞
之無不憫惜余以事舊之厚鍾情特深故求其遺藁集
而序之又嘗見前載見古之人如子之人物敏俊詞藻
趣尙而促齡無祿者皆密契真籙蛻爲列仙此乃靈篇
奇紀非史筆所當言矣但用遺慈父追念爾其草隸遺
迹及侘著述皆藏于家此不備述辛巳歲冬十月序

鄧生詩序

古人云詩者志之所之也故君子有志於道無位于時
不得伸于事業乃發而爲詩詠南陽鄧君少而從吏服

勤靡盬時命不偶淹翔末涂養心浩然不以爲慊遇事
造景輒以吟詠自怡悔吝不及終始無累至于皓首未
見愠容家貧晏然作詩藁盈篋太原王君武陵龔君好
文樂善皆序而伸之愚亦與君有姻故復爲之述嗟夫
士君子樂道自娛貞節沒齒斯可矣悠悠世利曾何足
云子其勗之無易爾守丙子歲秋九月左散騎常侍徐
鉉述

進士廖生集序

端拱改元歲春官它職俊造畢集有廖生者惠然及門
以文十五軸爲贄觀之則博瞻淵奧清新相接其名理

詞

於

則師荀孟之流其文訓得四傑之體問其年則旣冠矣
覆簣之功往而未止也詢其爵里則閩方茂族組綬奕
葉善慶之所及也他日與之語則風骨清粹識度淹雅
咸以爲遠大之程可企而致不幸遇暴疾數日天于逆
旅士君子知與不知莫不爲之悲歎嗚呼以生之詞藻
俊秀蓋天假之也而促齡早世又天奪之也然則神理
玄邈聖人猶復不論余當何言哉會其友生采其遺文
著於編簡因爲之序以示方來夏四月辛卯左散騎常
侍徐鉉述

廣陵劉生賦集序

歎 於 龍

楚人孟賓于嘗爲予言其叔父工爲詞賦應舉入洛贄
文于學士李公琪公爲之改定數處時中書舍人姚公
洎知舉謂人曰孟生賦李五爲改了不煩更書看也遂
擢上第孟還鄉從事郡府亟歷危難唯以李公所改文
綴於衣中曰吾家但存此足矣賓于每自喜其家門美
事嘆後來之無人今廣陵劉生奮衣衡門振藻文囿詞
贍而理勝行潔而言方求己若不足好問如不及余之
名不逮于李公何能振發于子乎聊薦所問以答子勤
學之志冠篇于首以伸我與進之心噫子家貧親老必
將圖登親之舉不暇從冥鴻之遊文明之世羣才畢舉

之
慎重足以全孝靜退足以知命此前達之務也子其勉

徐騎省集卷第二十三

南陵徐乃昌校



徐騎省集卷第二十四

東海徐 鉉

送潘湖州序

送刁桐廬序

送高紳之官序

送汪遜序

送葉元輔秀才序

連珠詞五首

安金藏畫象贊

參政李公眞贊

玉芝贊

方竹杖贊

筠州三清觀逍遙亭銘

虎谿銘

龍山泉銘

晁錯論

伊尹論

出處論

送潘湖州序

士君子所以貴于眾庶者以其能理民也理民者莫若二千石其地廣其勢重仁以字之義以斷之文以行之信以成之於是乎優游暇豫以平其心導其和數者闕一則不足以爲良二千石吳興名郡新被大化延頸契聳以仁德音以成德之才道將明主憂勤之旨而頒詔條當下車政成待箴諷况蘋洲雪谿天下勝絕緩轡縱權嬉遊其閒發之以詩詠參之以奕思名教之樂何以過斯豈惟吳氏民歡康固亦我曹企慕閣長隴西公敦

義聳善賦詩龍行懷文之士靡不閒作視眾君子之詞知成德之爲人矣某辱事舊之尤者是用冠于篇首

送刁桐廬序

陶彭澤古之逸民也猶曰聊欲絃歌以爲三徑之資是知清貞之才高尚其事唯安民利物可以易其志仁之業也元賓長官生鐘鼎之族處綺紈之間懿文敏行角立傑出雲心鶴態蕭然物外而世祿所及初筮實從策名蘭臺寓直宮省挂冠解紱至于再三終以地連肺腑時屬憂患電俛從事出入十年及時移世改自以爲獲平昔之志矣而物有萬殊命不我與昔之朱紫盈門今

於

紆此益
于

於
蠟

則羣從無所庇矣昔之金玉滿堂今則簞瓢不常給矣
 乃慨然曰潔其身而忘其宗得為孝乎于是濯纓清流
 投迹名路綬涖於桐廬暮春正月飲餞都邑傳曰人之
 所欲天必從之嘗聞桐廬江浙之勝景也朱張顧陸遺
 墟邇焉王謝任沈舊迹存焉山水林壑應接不暇夫以
 天下之廣而首獲此邑非天從子之欲乎將惟新之化
 撫思又之俗道在于已事至乃應誠接于物令行莫違
 彈琴詠詩角巾臘屐推是而往所至必安朝市邱壑復
 何有異他日豈失為東方曼倩哉離羣之思亦宜裁抑
 慎夏自愛無假多談

送高紳之官序

高生以俊造之科中聖明之選清秩解褐尹縣南荆少
 年得途其道光矣復能追步前哲永以言贈愚也不佞
 試為子妄言之觀夫閭里之民皆能用天之道分地之
 利仰以事父母俯以蓄妻子重生畏法蓄真性也其所
 冒沒詐偽由吏擾之也吏所以能擾之由賦役之煩也
 賦役之煩由為政者從諛也夫君之與下民其勢曠而
 不接故設守宰以代一人之耳目焉受百里之寄當以
 百里為己任民之舒慘由乎已已之窮達在乎天率是
 道也其何往而不可此老夫平生之所守吾子以為何

大

如哉

送汪遜序

士君子懷道于己有志于時講學以聚之修詞以察之不苟且於名譽不隕穫於貧賤見之于汪生矣生家世從宦幼而孤子託迹于諸侯之門主人武夫不知其善輕田文之下客棄衛青之舍人迨余季氏司貢籍克日將蒞職悉出羣士所贊文共詳之首舉一通乃生之文也相與驚歎曰此子文甚高而名甚晦是必守道寡合者也卽與之上第旣而主人大慙乃今上造誣謗布於用事者由是久不得調余時參典選事抗疏論事始得爲

於脩發

初

驚

於天

嶺隅一尉生亦怡然不以屑意厯佐二邑皆有善聲及至久朝復幹郡掾考績稱最遷秩新都白髮青袍惠然訪別君子曰士之處世不欺閭室不差小官游心于自得之場措身于無過之地以此行天下雖蠻貊可也況右蜀之域列仙之都風景融和山水奇秀一時之遇誰克知之行矣自愛無假詞費仲冬十一月序

送葉元輔秀才序

君子依仁據德讀書爲文孜孜于求已汲汲于待問蓋將以行道濟物勤身存教然而有不偶者焉人君側席求賢懸科取士昧且不顯日旰忘食蓋將以盡一國之

於 卽 於

才成天下之務然而有所遺者焉此古人所謂離合之由命運之謂也君子審其若此故退而無悶進而不矜豈以無可奈之命而撓不可奪之志間者愚及諸賢品第貢士于南宮其間高等者數年之中登第略盡今所遺者惟葉生而已苟有良田何憂晚歲先後之間其與幾何哉行矣葉君蘋洲若下清風朗月一時勝賞矧復故鄉唯恐子青雲之志不得嘯傲于其間爾慎夏自愛無假多談己丑歲孟夏序

連珠詞五首

背時則棄不必論貴賤之殊適用則珍不必論精麤之異是以瘠風既返抵金璧于山林考室已成間泥塗于采萃

反於 自 於 於 於

運不常偶體道者無憂時不常來抱器者無滯是以霜露既降徂來不易其貞弓矢載囊董澤不踰其利道不可以權行終則道喪情不可以苟合久則情疏是以兵諫愛君君安而忠敬已失同舟濟險險夷而取舍自殊

先王之道或紕於合變之謀萬乘之權或輕于眾人之力是以時逢革命夷齊餓而呂望封運偶愛才絳灌強而賈生絀

有用于物雖遠弗遺無功于時雖近猶棄是以梗枿在野見采于良工蒿艾在庭不容于薙氏

安金藏畫象贊

心腹腎腸所以爲人安公感激捨此求仁旣已其亂不愆厥身眉壽高位惟天所親咨爾百世仰之愈新

參政李公至字言幾年三十八眞贊

金玉其相君子之容廟堂之器多士攸宗謀先帷幄道合雲龍絕景橫鶩干霄直上黑頭三公風流宰相人具爾瞻惟肖之像

玉芝贊

天地粹和之氣交感化成鍾于人事爲仁孝鍾于植物爲芝英故以孝行感必芝草生以類至也宜春易君延慶先君徙籍來占臨淮清節考終因葬其郡君茹茶泣血廬墓終喪申罔極之哀盡善君之禮里閭率化生植效祥乃有玉芝產于瑩域擢本數十爛然叢倚柯條交今上玲瓏朗瑩樛枝俯映間以葩華雪英碧藥紛敷率御名璣客有好事者圖之而來蓋耳目所及圖象所紀未始有也余與君遇甚邇而熟君伯氏聞君世家積善餘慶果生孝子且有奇應以振滄風昔天台之琪樹唐昌之玉藥皆以珍麗見頌詩人比之於此曾何足貴乃爲贊曰

其

英英玉芝生彼邱墳交柯離巽揚葩敷紛神之應之斯
意訥訥愷悌君子熒然泗濱孝心潔白孝德升聞撫翼
亨衢振衣衡門昂增爾虔以永後昆

方竹杖贊

彼美者竹確乎貞堅峻節無撓虛心體玄用之扶老可
以窮年所不足者其形乃圓誰謂奇標產于巴夔削成
廉稜挺然端直既方既勁斯為全德會吾素心寶爾無
極

筠州三清觀逍遙亭銘

羽客吳君心馳窈冥興隆道館陟降真靈綽有餘裕建

樹

茲幽亭下臨曲池甘泉清泠環植嘉樹羣芳苾馨俯矚
長川滄波帶縈前睇仙山奇峯翠橫游者忘歸居之體
甯君子修道物境與并必有福地居為殊庭勤行不已
可臻層城我聞其風用刊斯銘

虎谿銘

遠公宴居虎谿之陽將迎順理步武有常斯須或違猛
擊為防其閑不逾其道彌光湯湯碧流與名俱長咨心
後學鑑之勿忘

龍山泉銘

建康城北有雞籠山焉傍帶湖溝卻臨宋元嘉中改為

溝後湖

雨

龍山湖曰玄武紀瑞也雷次宗之儒學蕭子良之西邸

遺蹤可識爽氣長留東麓有泉生清而甘水旱不增減

道人今隱今上精廬於其陽酷愛此泉以為靈液因思前

作皆有銘贊而此獨闕常欲補之無何夕次松下恍忽

若夢見一人玄巾丰衣謂隱曰此泉已有銘矣因徵其

文即高吟四句吟罷不復見觀其詞意無以加也余聞

而異之因篆于石其詞曰

原發石中 派分慶外 如醴之味 與時而在

愚因讀李觀所為文見其論晁錯盡忠于漢而袁盎以

晁錯論

私讎陷之景帝過聽可為王者之差誠皆然也以愚觀
之則盎之罪一也夫二子者才識度量不相上下遭天
下初定文帝勵精求理能用善言故盡忠論事並獲聽
用而皆欲功名在我莫肯急病讓夷故相與為敵非素
有父兄之讎也及七國兵起而錯遽欲按治袁盎宜知
吳之計謀其吏不聽而止盎聞之懼遂譖錯焉然則忘
公家而務私及怨其罪先在錯也夫古之君子為而不
有功成不居付物以能任之則逸故能成可大之業今
二子者冒道家之所忌以智能為身榮故終于惡是知
道不可離也如此

至

素
街

塵

於

謹

反

可大

於

伊尹論

伊尹放太甲論者多惑其臣節請試論之太甲在諒陰百官聽于伊尹太甲不明者蓋居喪之禮有闕修身之行不周伊尹訓而罔念慮不堪繼統故徒于成湯之墓使其親見松柏切感慕之心進思王業知艱難之迹三年之制纔終伊尹乃迎歸于亳非謂絕其大位幽于別宮也古之言質故與于逐同文亦猶君臣交相稱朕下告上亦爲詔也霍光憂昌邑王淫亂而不敢有異謀田延年盛稱伊尹廢太甲以決大事宗社之故不得已也本非如霍光之廢昌邑也聖人舉至公于前姦雄躡陳

於

放

於

讓於益

啓

於

受

於

迹于後自古而然非聖過也魏晉之後更相傾奪皆引堯舜揖讓爲詞亦當不可罪堯舜矣禹讓天下于益知天下歸殷故不敢當苟天下歸益益則爲王亦無媿也如今太甲遂失德天下歸伊尹伊尹復何辭哉今天下未忘成湯故尹復奉太甲無傷于至公也夫古之有天下者一身處其憂責億兆蒙其富壽天下旣理則辭之巢由是也天下不理則愛之湯武是也後之人役天下以奉其私故比于騎獸不可下步驟之相遠如此豈可一槩而論哉

出處論

人之爲貴與天地參者也是則有四人焉食爲民天故農爲政本上致天下之器用商通天下之有無此三人者交相養者也而士人者無所資于三人而生受其養何也蓋爲之君師而司牧之教其不卹知其不足安其情性遂其生成爲之立上下之節正長幼之序闕一則亂故魯哀公曰信如君不君臣不臣父不父子不子雖有粟吾豈得而食諸是則資三人之最切者也故享天下之祿而無愧及世之衰也上之道不被于下下之情不達于上億兆困窮無所告訴在位者惠不及物徒以富貴爲身資君子恥之故逃之而隱於陵爲農輪扁爲

工弦高爲商如此者不可勝數是皆失路之人也不肯無功而微利故任力而自食以免貪冒之罪非其所欲也不不得已也而後之人不本其意以爲高尚之士倥傯軒冕糝糠祿稍若爾則伊臯稷契曷足貴哉或曰伯夷叔齊當文武之世曷爲棄之而窮處也荅曰聖人一致而百慮殊塗而同歸天下至大非一人所能兼也力之所及擇處一焉當是時十亂協心以著翦商之業沛有餘力矣故夷齊不復措意于其閒至于正君臣之大節垂百世之大統則十亂不能兼也故夷齊以是爲己任焉方知扣馬而諫左右欲兵之太公曰此義士也扶而

於 知

桓

於

以 徵

者 於

去之夫以夷齊爲義則明己之不義矣故歸惡于己以
成立義之志是太公如夷齊之心也夫積德累仁之聖
因八百諸侯之心以滅獨夫之紂盛業如此而義士猶
恥之不食其粟乃知以臣伐君之惡也大矣則後之帝
王罪未及桀紂諸侯之德未及文武敢有闖竊者乎故
春秋之時周室微弱不絕如線以桓文之強大不敢自
用乃糾合諸侯以尊王室則夷齊之功所及也逮至秦
漢興替之際士君子濡足授手之時而南山四皓隱居
自若夫四皓者知漢高之寬仁神武有三傑輔之足以
安天下無待于己故也及太子之危留侯不能正于是

褒然而起以救其失出處之分高尚之名皆不以屑意
功成不有超然而去于時有應響耀者與四皓俱徵應
獨不至時人爲之語曰南山四皓不如淮陽一老彼應
生焉蓋知四皓足以安太子無待于己故不出也不然
豈獨潔其身乎斯皆大人君子至公之舉而淺局者輕
爲褒貶不亦傷乎

徐騎省集卷第二十四

南陵徐乃昌校



徐騎省集卷第二十五

東海徐鉉

大宋李公德政碑文

大宋新建上清太平宮碑銘

大宋重修蛾眉山普賢寺碑銘

巫馬大夫碑銘
江州彭澤縣修山觀碑

大宋推誠宣力翊戴功臣金紫光祿大夫檢校

司徒使持節齊州諸軍事齊州刺史充本州

防禦使河隄等使關南兵馬都監兼御史大

夫上柱國隴西郡開國侯食邑一千九百戶

惟於

宗子

果

暮

李公德政碑文

臣聞四岳疇咨帝堯所以光宅三良共理漢室于是隆
 興然則運歷冥符風雲交感必有作哲之后乃有稱職
 之臣用能遠肅邇安刑清俗富其或久於其道課最于
 時行邊按部籍其能羣吏萬民浸其澤流芳金石舊典
 存焉公名漢超其先隴西人因官移籍今為雲中人也
 柱下史之真源克昌厥後前將軍之壯氣不隕其聲世
 有哲人多為名將備諸前載可以不書昔者同光之季
 莊宋失馭公烈考諱霸德實典親衛力扈乘輿奮不顧
 身有死無二忠顯於國慶鍾於家及公之貴詔贈左監

門衛將軍夫人石氏追封本縣太君道不虛行沒而可
 作有後之報斯焉豈誣公方幼而孤嶷然特立英果之
 氣出於天資遠大之期志為時用年未弱冠自奮從軍
 始負羽於魏侯復策名於鄆師有周受命選入禁軍夫
 忘歸之鏃非逢蒙無以宣其利絕影之駿非造父無以
 騁其能

今上當歷試之辰受有征之任妙選比較公首預焉上
 黨之役名書勳籍奏發劓之刃起漸陸之程及眷命有
 歸飛天在運攀鱗之効捨爵攸先乃掌句陳式嚴微道
 恩威洽著而七萃知方夙夜惟寅而九重甘寢暮歲考

績較然可稱

皇上以文武之任中外惟一有和眾之略必著撫俗之能有衛社之勤必堪守土之寄越建隆二年拜齊州刺史本州防禦使爾乃海岱封圻虛危躔次厯下屯兵之地夙表要衝東陵聚眾之鄉素稱暴傑公本以簡易濟之強明恕己以兼容正身而可象先之以孝悌故其民和則爭訟息而囹圄虛矣示之以誠明故其民信則賦役充而儲廩實矣農時不奪故曠土闢而生植滋關市無征故百貨通而財用足于是舉廢典正國容樹門反坫以備制度高閎厚垣以待客使蒸肴折俎以燕嘉賓

樂

於
樹

於

東

泉

椎牛釃酒以享軍旅出于私積無以家爲近悅而遠懷家至而戶到一年而宿弊革載稔而新政行郡齋肅然清嘯而已由是知董戎之用可移之于頒條露冕之風可推之于護塞乾德二年詔公以本官充關南兵馬都監幽都南際河閒北壤守方之要慎簡爲難至則遠斥埃審號令養士如子戢軍無私威聲颺馳亭障山立絕關邊之虜有狎野之農而郡之大事亦皆聽命千里之內若指掌焉二職交修七載如一開寶二年召赴京師天言褒慰復遣還郡而戍士思慕毗俗繫憑故其年冬再爲關南監護公負倜儻之氣蘊沈厚之謀民已安而

驚

於

明

於

政益修邊旣甯而備愈謹績茂而不伐寵至而若驚君子知福祿之攸歸郡人感惠澤而思報于是僚吏之屬耆艾之徒相與上言願旌不朽且曰任賢使能天子之命也計功稱伐先王之典也非有理世孰揚頌聲復詔嘉之克遂其請昔者考父循墻之頌非曰君恩當揚沈水之文眞成自伐豈輿情欣洽令譽升聞播樂石于無窮等高山而可仰永惟懿美足煥文明爰命下臣勒銘紀實其辭曰

茫茫禹迹畫爲萬國建侯定守立民之極提封且千屬城以百惟威惟懷有典有則威懷伊何君子時中典則伊何三代同風以使則悅以令則從率是古道茲惟李公濟水之南東陵之下伏生荒耄盜跖狙詐嗟我蒸黎孰聞道化主魯猶遠尊周靡暇李公來思富之教之政先體要物必由儀夜犬無撓晨羊不欺歸民附影末俗風移天下雖平四方是守桓桓虎旅懾爾戎醜籍我兼資是率是糾道合舞干威行戴斗郡政旣成邊塵旣清僣僣比屋肅肅連營夫懷其惠人竭其誠欲報之恩思垂頌聲明明大君知臣善使舉必至公義無虛美用建隆碣永昭信史錫爾介福施于孫子晉稱峴首漢紀燕然風流不續寥落千年猗歟良牧無愧前賢高深自改

敦至

桓桓

蘭菊常傳

大宋鳳翔府新建上清太平宮碑銘

并序

臣聞鴻荒代序太極流形二儀肇判而猶通萬類交馳而未別巢居血飲孰知王者之尊物魅神姦尙作生民之患於是聖人繼統大化宏開畫八卦而序四時奠五山而分九服衣裳軒冕采章之制以庸動植飛沉性命之宜必遂高卑既位幽顯既分蒸嘗雩禱致其恭宗祝史巫紀其秩猶或觀其道而設教依于人而後行通其變而不窮感於物而遂動未始有極無得而名其或數偶三災德如二季民懷慈衛帝念疇咨必有靈符允歸

畢 於 惠 於 徵 於

興運易著與能之旨傳稱觀政之徵史遷之論至哉左氏之書詳矣我國家受天之命如日之升御六氣而平泰階麗大明而照萬國清亂畧于百王之季返淳風于邃古之初天瑞呈祥羣靈受職粵

御歷之元祀有神降于鳳翔府蓋屋縣之望仙鄉其象不形其言可紀蓋玄帝之佐命禹強之官聯眞位參于紫微靈職分于井鉞其稱述則儒玄之奧旨其敷演則禳禱之嚴科教義之深也則孝友姻睦之行興焉威力之大也則魍魎魑魅之害除矣由是秦雍之地尸而祝之

於圖

太祖神德皇帝聖智淵深睿謀默識饗之明德待以不
祈方且奉天時而蒼靈心握玄符而齊七政故得皇猷
允塞庶績其凝舞兩階而四隩來同正九伐而庶邦承
式得遺珠于象罔協吉夢于華胥乃知玄告之不誣駿
命之如響豈止五車兩騎來爲牧野之祥赤帝素靈出
表芒碭之應而已哉

今皇帝千年應運二聖繼明恢大業而惟新浸深仁而
累洽如周王之翼翼若夏后之孜孜聖作無方先幾靡
測雲門大濩綜六代之昭聲稷下淹中采百家之精義
酌而不竭者衢樽之味仰之彌高者垂象之文王澤既

護意

於分

流頌聲無斁而復念深溪后義切勤民睿眷春臨 皇
威電擊大禹會諸侯之地盡入隄封宣王逐獫狁之鄉
率從稽服舉無遺策役不踰時聊存尉候之官已戢橐
鞬之器瑤圖之盛也如此珍符之至也如彼深惟肸鬻
益驗昭明而豐報未嚴壽宮不度非所以光敷景貺垂
示方來者也夫庸庸祇祇爲政之要元元本本致理之
端蓋神之受命于天天之造始於道是用歸誠眾妙訪
制昭臺申畫福鄉聿崇仙館緬維虛皇之真境參以聖
歷之嘉名詔立上清太平宮於所降之地爾其星壇玉
井邑峙金城終南峻極鎮其前渭水清深紀其後鮮原

開樓

欄

旨

於

求

恍惚

成

建子

祝襄

後集卷二十一
靡迤接漢皇訪道之臺佳氣鬱蔥對關合修真之宅物
皆茂遂風雨罔愆人盡滄和舟輿不用瞻新宮之爲狀
也崇墉繚野絳闕凌空祕殿雲高俯軒櫺而轉眩修廊
繩直步欄宇而中疲極丹青黼藻之工窮銑鎔鑿瑤之
飾玉几正御璠壇在庭帝座旣嚴眾眞畢饗鹿巾霞
帔之士霓旌絳節之儀空歌洞章揚其音紫煙素雲散
其彩飈歛之馭縹緲于太虛氤氲之氣充被于羣有至
矣哉元后之德與天地合眞人之應將富壽并亦何必
定郊鄩以下年禪岱宗而探策者也夫金石之刻雅頌
之興所以示民不佻永啟厥後況乎尊道貴德廣清淨

之風窮神知化超言象之表是宜告于太史副在名山
爰命下臣式揚丕烈其銘曰

上天之載無臭無聲忽恍有象氤氲化成寄以神理發
爲昭明惟德是輔惟皇作程赫矣元后悠哉遂古咸有
靈貺式昭天祚龜出清洛鳳臨玄扈赤字興堯玉書授
禹降及商亳逮于邠岐天之所啟神亦格思牲玉有秩
馨香孔儀奕奕宗祀子孫保之道德下衰質文不復俗
限楚夏運遷水木時歎陵夷民嗟慘黷必有眞人膺圖
受錄

皇哉帝宋大拯橫流出自蒼震類茲九疇垂衣卷領端

拱凝旒永言建福式協人謀有煒明靈降從玄極致帝
 之命觀政之德用薦忠信甯惟黍稷籍陋蕙蘭帳非甲
 乙運隆二聖慶洽重光誕敷一德奄有八荒時文載郁
 我武惟揚通幽受職罄宇儲祥乃眷珍符本乎至道肇
 建仙館是彰玄造前望終南旁瞻豐鎬泱泱平原崇崇
 新廟端闈特立秘殿宏開九華之室方丈之臺平闕列
 闕直寫昭回崆峒邈爾姑射遼哉聖靡不通道無不在
 靈場既穆祀典無改福爾蒸黎格于四海用刻貞珉永
 垂千載

大宋重修峨眉山普賢寺碑銘 并序

臣聞聖人闡化必有胥附之資賢士膺期必垂不朽之
 迹是以顏回默識冠師門於洙泗之濱尹喜受經應真
 氣於崑函之右故得千載之下好學之徒入其國而知
 其教思其人而愛其樹聖賢相遇有如此焉在昔像教
 權輿能仁命世綜百靈而貫羣動歸向如流窮絕國而
 亘諸天感通若響爰有法王之子來從普勝之方憑翼
 真乘導揚宗極其大悲之願行綜十智之因緣從我立
 名斯爲上首及乎慈航旣濟慧炬分華乃暨眾真俱乘
 佛勅乘六牙之瑞獸降右蜀之靈峯將以協并絡之會
 昌鎮金方之勁氣猶且潛而勿用明而未融閭持摩頂

肇

於

攸

徵

於

旋

鼓

脩

鈕

王

侵

境

謁

陛

之仁陰隲含生之命故使神嬰青縷肇建國都路闢金牛始通華夏沈犀息沴李太守之玄功嘆酒救災藥尙書之妙用郡開學校文翁廣洽於儒風樂播中和四子誕揚于帝德藹爾褒斜之域穆然周漢之民非法力之悠憑豈人謀之獨得其後金人既應白馬斯來神開顯俗之徵家識致誠之所于是祥符煥爛靈變紛綸或則銀色浮空與朝陽而共麗或則燈光並列將夜魄以俱明聖眾盤施眞容隱見奇蹤萬狀不可勝圖瞻之者耳目咸新聞之者身心共肅一方欣賴歷代修崇遂于白水之源特建普賢之寺金土交運開閉不常白毫之相

長存法古之音靡絕夫以導江遺迹天漢名區必有道之見歸豈三分之能久

太祖神德皇帝文修內禪武定中區正卿揚九伐之威遠俗致七旬之格納蜀王之土貢受劉禪之驟車重鎮坤維還銘劍閣于時皇風初被汙俗尙繁游魂篁竹之閒假息萑蒲之際匪輕刑之可禁顧先甲以徒勤金地寶坊浸成數澤田衣毳褐漸致流離妖禽既就于焚巢紺宇終志于闐戶雖復葺其撓棟繕彼墻垣而階序猶卑基局未廣

尊號皇帝長君嗣統二聖重熙覆萬物以如天廓重昏

比日徵

護玉

於圓於

時

貞材於

而皆畫聿修成業欽若靈心尺書徵懷德之君折簡定
畏威之地盡炎洲而極玄朔尉候徒存巨日域而浹流
沙車馬莫二然後勝殘去殺反朴斲雕包干戈以虎皮
鑄劍戟爲農器定大漢雲門之樂舉淹中稷下之儀慈
衛仁薰時和俗阜天地應而慶雲甘醴律呂調而王燭
景風猶復成而不居勤則有繼一游一豫表王度之惟
常必躬必親示庶民之光聖慮極冰霜之誠皇網畢舉
睿思彌精以爲象外微言無生妙理修于心則圖通無
滯被于物則福應來臻足以助王道之和平致蒼生于
仁壽乃申明詔歷選精廬唯此蛾眉獨標殊勝天真人

皇諭道之地楚狂接輿隱景之鄉封域之間氣象盤薄
洪源奔注二江雙流沱潛之川峻岳回環玉壘銅梁岷
嶓之阻况禪枝擢秀來自祇園法海餘波別疏定水慈
氏所相誰能廢之烝哉聖謨符此玄貺五年春申命中
使率將籽人伐貞石于它山下環村于邃谷或子來而
肆力或神運以標奇模制度于驚峰極莊嚴于花界耽
耽正殿轍轍飛甍玉登丹楹金鋪瑣闥洞戶順陰陽之
候中宸變寒暑之威揭以端闈繞之周廡鑄鴻鍾之萬
石貫猛簾之千鈞桀孽凌空鏗笥震野其後則層樓入
漢飛陛連雲彩檻離婁冠餘霞而上出璇題玃灤綴列

於 于

宿以旁迴神明之臺不足以語其高天梁之宮不足以
矜其麗鑠金爲字寫大藏之經祕于上逾五百函範銅
爲像擬普賢之容設於下高二十尺味其文則如來之
宗旨可得而觀禮其相則菩薩之威神于是乎在將使
三蜀之地一切有情皆冲氣以含和盡革凡而成聖則
知大雄之教漸于世也深焉元后之仁利於民也至矣
昔者軒皇訪道歷襄野以猶迷漢帝祈年拜竹宮而無
得恭惟盛美允屬皇猷若夫事以頌宣言以文遠作而
不記後嗣何觀爰命下臣式旌不朽其銘曰
允矣象教洪惟法王如何不竭比目同光有情斯應無

未

於

脩

遠弗彰化自八國聲馳萬方爰有大賢是稱達者異境
齊致同聲協雅聞道莫逆瞻顏不捨乃演真乘來儀東
夏蛾眉之阻羣帝之庭作固作鎮棲真宅靈普賢至止
潛耀千齡爾來我覲我疇爾形經教旣孚神明乃作瑞
相顯晦圓光歛霍萬變凌峯百靈溢壑信士歸依輿人
駭愕崇崇梵宇于此宏開時遷末運數偶三災焚如魯
廟傾若齊臺凜風必復聖日斯迴赫矣皇圖烝哉二聖
混一區宇受天明命與物皆春得人爲盛式叙九疇迭
修三正皇帝若曰咨爾西人助我神化其惟正眞爲爾
祈福轉茲法輪禪林則舊寶刹惟新祕殿耽耽高門奕

奕修廊四注層樓百尺尊經聖像金文寶質妙善周圍
福釐繁錫乾光俯燭慧炬朝焯同開壽域共闢重昏
珉之伍杜宇之魂乘是妙果俱登法門明明大君照臨
下土墜典咸修靡神不舉彼都人士式歌且舞揭此豐
碑永傳終古

巫馬大夫碑銘

大夫與宓子賤俱事仲尼迭宰單父恢上聖宓子之道
舉任賢之明故有鳴琴之化大夫勤以繼德身親其勞
故有戴星之迹從師則同行道則背其故何哉夫天下
至大也萬物至眾也至大者不可以一槩量至眾者不

可以一術治故君子出處語默屈伸變化一致而百慮
同歸而殊塗其要在存至公於百代不私榮名于其身
而已若夫上德無為玄功不宰知人則哲付物以成功
成身泰神全理勝與夫勞心焦思臞瘠胼胝勝負之間
較然可見狗名之士皆奔走之則將有智小而謀大行
邇而志遠推是以往天下必有受其弊者子期知之故
就而為其節制並分聖人之體以極萬物之變効伯禹
之力師文王之勤夙興夜寐不遑啟處仲尼識其志故
譽子賤而不譏子期以此防民而西晉王夷甫之徒猶
祖尚浮虛望空署白以亂天下則子期之慮不亦遠哉

於

難

脩
貞

是

夫君子道積于躬惠加於物事至而應時動則隨功之
 豐約視事之細大力之勞逸繫時之險易致理而已何
 常之有焉舉成績而較優劣歎與言智矣泱泱舊國籍
 籍遺芳舊俗不偷頌聲未泯行太守事彭城劉君名察
 望高持憲寄重頒條以師古之學舉時中之政訟庭益
 簡祀典咸修永懷前賢願紀貞石鉉也不佞承命爲文
 其銘曰

烈烈先聖侁侁眾賢升堂入室體道同玄其用無方萬
 化齊焉其教無窮百世賴焉文王既勤大禹盡力英英
 子期服勞繼德夙興夜寐自強不息苟利於後唯變所
 適季世道薄務華喪真居簡行簡不躬不親亂由是生
 俗以之淪思我子期亾己爲人瞻言舊邈魯道之首邈
 哉二賢佐佑先後同焉皆得通則能久千齡旦暮敢告
 邦守

江州彭澤縣修山觀碑

混元資始玄造權輿道以久而化成樸既散而爲器聖
 人在位修之於天下則有明堂清廟表訓民事神之方
 賢者貞遯修之于身則有名山福地爲朝真降靈之所
 小大則異宗致惟均江州彭澤縣有修山焉瞰天險而
 高標抗盧峯而特立氣雄而勢聳翠積而光寒峻岷深

巖風雲蓄泄茂林穹谷材用蕃滋游居之所走望真隱之所棲息考諸圖牒昔靖節先生游憩之地也杉松交影猶懷種柳之風山水清音尙想素琴之意遺德所及仙祠以興梁大同元年有句曲道士尉文光靈氣夙成陰功將滿遐擇勝地以恢妙門聿來此山益廣基今上制度無闕標題載光越二年尉居白日登晨舉邑咸覲人民未改飈歟載還霓衣則殊鶴貌如故稅駕之地甘棠永在故今有尉駕池焉而中山丹竈香鑪松壇石室儼然奇迹若奉宴居歷代嚴恭有如旦暮唐狄梁公履虎不啞絃歌此邦企仰仙游重加崇飾又塑高宗大帝聖

像以伸送往之誠朔望朝拜不失常禮復以錢五十萬爲致田園厨廩所資至今猶賴季唐之世臨川宋震來爲宰邑掘地得藥鼎藥合因見尉真人之室于東序設象以奉之秩滿還鄉遂入麻姑山爲道士是知清心冥契玄鑑孔照青天白日孰云其遠道士謝又能早參真籙夙負時名閑館靈場備嘗踐歷空談祕訣悉詣精微克享修齡言歸廬岳郡侯敦請付以修山闡教之心勤行匪懈棟宇之制日以增嚴端闡屹其穹隆周廡紛其同合煥然藻繪藹爾重深清澄之氣攸充汗漫之游斯在戊寅歲謝君解化弟子王省昂繼之方行才亦世出

金石之刻僉曰其宜鉉也欽羨真猷因爲之頌其詞曰
大道混成修之乃真必有勝境以居異人南楚之域玄
風所臻邈哉修山棲靈降神陶令高名尉師仙卿狄公
元臣矯矯三賢于祀齊聲是相是宅載經載營疏此翠
巘列爲殊庭想像玄圃規模赤城瞻之者肅處之者甯
心之所至道豈虛行刊名翠琰永告諸生

徐騎省集卷第二十五

南陵徐乃昌校

光校

徐騎省集卷第二十六

東海徐鉉

揚州新建崇道宮碑銘

洪州奉新縣重建闔業觀碑銘

洪州西山重建應聖宮碑銘

驪山靈泉觀碑
洪州延慶寺碑銘

揚州新建崇道宮碑銘

并序

有天地然後有萬物有萬物然後有君臣有君臣然後有教化教之大者當由其本則大道是已夫道積乎中動合于真故能舉堯舜周孔之法奮禮樂刑政之用若

揚府

揚府

於

於
因心
觀
音大

道不在焉而守其籩廬則莊周于是糠粃仁義輪扁于是糟粕古書矣夫孝本因恩而宗廟簠簋所以致孝也道本勤行而宮館壇墀所以尊道也爲政者有能厚聖人之真以垂憲崇列真之宇以薦誠其殆庶乎廣陵六藩四海都會制度之盛雄視諸侯土德旣微三災斯今上御名井邑屢變城郭僅存

皇宋膺圖更造區夏雖天寶輔德亦世而後仁今上嗣位之六年詔太常博士孫君邁佐理斯郡君服膺古訓得意玄關以爲教之不興民之安仰於是相爽塏之地卽清曠之墟創朝修之宮奉玄元之御當崇墉之左次

營
沖
於
丕

俯合瀆之東涯出俸錢以易置運心匠以經度班倕方集畚鍤旣興未及僦功移典秋浦同聲之應千里非遙太子右贊善大夫潘君若沖負儒雅之才韞恬淡之量允膺朝選代撫斯民庶政交修能事畢舉惟茲靈宇旣有成規于是揆日庀徒克終懿績若乃殿堂階楯之制閑閤采悤之列或躊躇以閑宴或竄窅而曼延睟容肅穆仗衛紛繹搖太霄之佩植紫旄之節拊洞陰之磬扣豐山之鐘歛若經閭風而厯琳房飄如排玄雲而揖丹露風亭月觀之地紫氣浮空歌臺舞閣之基芝英擢秀學者假荃蹄而有得游者甘樂餌而斯留霽然福鄉不

復

楊

天仰

則是

變浮俗既畢雲今上乃揚王庭有詔賜名曰崇道大矣哉
聖人在上墜典咸修自成嶷嶷之區何假崆峒之問是
宜刻於樂石紀在方書某也素為道民嘗學史氏以文
見屬所不獲辭銘曰

大哉道原湛然常在其質無象其功不宰君子得之勤
行不怠勤行伊何啟煥靈場乃闢隙荒乃築宮墻峨峨
高門屹屹崇堂祀事孔明玄儀載光淮海惟揚九州之
輿厥民伊何富庶而教夫何靈今上人知至道咨爾三方
是效崑崗北峙邗水南通□□聖日麗天真氣盤空燁
燁煌煌魂熊熊道民作頌永播皇風

洪州奉新縣重建闔業觀碑銘 并序

道之為體也大大則眾無不容道之為用也柔柔則物
莫與校南方之強也故沖氣之所萃異人之所生壇館
之所先景福之所興相乎城中南楚為盛先聖之論豈
誣也哉洪州奉新縣闔業觀者案方志西晉邑人劉真
君之真居也真君名道誠以經明行修仕至刺史郡守
金行不競仁獸非時知發之賢有道士卷懷而退修之
於鄉玄德陰功之昭受靈貺故真君辭張邴之祿追茅
許之風單車還家勤行不息以永嘉二年八月十五日
舉族上升藹爾福鄉依然舊址錦帷乍降玉鳥長留後

之故宅

學瞻望若仲尼之闕里遺民思慕如召伯之甘棠梁大
 同元年乃建為觀爾其豫章垂蔭淇州儲靈華林蒼翠
 當其陽馮水清冷環其域烟霞韜映竹樹青葱居然人
 境之閒自是仙游之地載祀四百朝市三移封域之閒
 英靈不泯鹿巾霞帔之士往往冥升縉紳逢掖之流時
 時傑出存諸舊史是號名區土德既徵羣方今上難城有
 復隍之患室多撓棟之凶乃眷殊庭俄悲閭戶而瓊蘊
 之所祕霜鐘之所懸屹爾麗譙儼然對峙有道門都監
 余守微者翦除宿莽草創精廬苦節忘形口五十餘載
 修心以化俗傳法以度人入室弟子龔紹元吳紹甄皆

能肅奏真科祇稟遺訓惟鄉人之善者知歲計之有餘
 高士胡君名仲堯延慶簪纓息機丘壑師黃老之術以
 虛方寸躬曾閔之行以睦閭門博施濟眾斯謂智以為
 集靈之館祈福之場陋而不度民將安仰于是揆時屬
 役即舊謀新詢謀僉同脆信咸萃增湫下為爽塏易卑
 室為崇今上棟宇之設則因夫故基制度之中則考于經
 法凡殿堂宮闕居室厨廩延袤周徧殆且百區三尊眾
 真羽儀侍衛精嚴肅穆不可為狀履端闡造廣庭悅然
 如從汗漫之游即瑤階瞻玉座竦然若奉武夷之會既
 而息徒已事日吉辰良明祀以告成功精意以荅真祐

舉紫旄之節搖太霄之佩然九華之燭奏空洞之章星
斗迴光煙雲改色青天白日夫豈遠哉于時胡君以姻
睦之行慈惠之澤里閭稱舉郡國升聞詔書褒美特加
旌表揭以雙闕蠲其追胥江楚之間以為盛事是知玄
風之被俗聖政之化人變魯至道見于今矣夫如是則
可以傳芳金石垂裕昆雲俾乎好道之徒益勵齊賢之
志云爾其銘曰

大道無名得之為真矯矯劉君知幾其神遜爾侯社上
為帝賓維梓之地甘棠之人峙此仙祠章江之濱華表
未歸桑田已改舊井誰泐高臺尙在不見芝英猶芳蘭

苗佳氣鬱蔥如將有待彼美胡君州閩之英世味道腴
家傳義聲歸誠玉闕奉贄金籙易此殯全上化為殊庭乃
眷福鄉實維南楚閑館相望飈輪交午真圖秘錄唯仁
是與刻頌貞珉永歸終古

洪州西山重建應聖宮碑銘 并序

先儒有言曰山者宣也宣氣生萬物者也然則崇岳巨
鎮蓋氣之雄者也其閒靈峰奇岫又氣之粹者也是故
帝以會昌神以建福感而生聖賢宅而為洞天奇怪恍
惚非尋常所能測已西山者作鎮荆楚雄視衡巫勢靡
迤而崇高氣清虛而和暢動植滋茂樵隱閑安物軌之

申於

陞於

洪崖先生所居於此洪井之右澗水之濱喬木森羅古
 壇猶在長阜回抱是謂鸞岡北隅特高仍有伏龍之號
 唐乾元初山人甲太芝上言其地有異氣詔于此立應
 聖之宮抗玄元正殿於其前塑肅宗聖容于其上繚垣
 觀闕仰法於紫宮路門納階取規于丹禁光靈煥爛薦
 獻精嚴上士勤行守臣泣職口秩之盛莫之與京廣明
 已還三災在運望拜之地闕而莫修遼東之鶴徒還絳
 縣之人已老甲辰歲有道士王守玄者緱山仙裔茅嶺
 名流受命藩侯來膺道任翦荆棘于高閔之址今上茅茨
 於隆棟之基不出焦光之廬自化庚桑之俗善言彌遠

今上 御名

秘於境

樹於王

馴致其功二十許年克甄舊制入室弟子劉德淳氣沖
 貌肅節苦行高恪恭以居次謙和以接物既嗣其業遂
 成厥終又十餘年締構云畢凡內外殿宇百有餘區材
 用善良工藝堅密其藻飾也不踰奢儉之節其廣袤也
 足展朝修之儀秘殿深嚴靈壇博敞睟容穆若列侍參
 然鐘磬在縣苾芬具薦燦旭景于軒檻延夕月于萱題
 蕭寥空洞之音希夷颺歛之御邈哉真境無得而名鉉
 爰在弱齡服膺至道先君頃參戎乘嘗涖斯邦依然棠
 樹之人自是桐鄉之邑乃以庚申歲遷奉松楸卜兆于
 鸞岡之陽敢言折臂之祥願占維桑之地明年復以主

於

於
澤
曰
曙

事再至山中祠虛皇于游帷之宮投龍簡于天寶之洞
所經靈跡實契幽尋又是山有寶光初至之夕卽見於
中峯之上下至山麓倏忽聚散狀如野燎而精明眩目
不可正視澗中有盤石石有三藥舊歲端午日未曙前
常有擣藥之迹餘澤在焉水流至此甘香如蜜取以灌
漱心府瑩然斯皆載于舊經親所覆視者也此山登晨
之士接武而洪崖爲之冠列仙之墟連屬而洪井爲之
宗然則閩風玄圃之在人閒者也宜其篆刻金石永齊
穹壤鄙儒不佞敢作銘曰

江之右楚之區峙靈岳爲仙都洪井濱鸞岡隅建清宮

應眞符廢而興神之扶宮旣成道旣行校三官朝百靈
集景福薦皇明復淳化遂嘉生億萬年流頌聲

驪山靈泉觀碑

蓋聞遂古洪荒旣表大庭之車皇猷炳煥亦尊軒后之
臺是知聖哲相因比千年於旦暮質文迭用厯三正以
循環斯之謂至公斯之謂不朽頌聲所作冊府存焉若
乃天地細縕陰陽孕毓神臯天府莫爲王者之居靈液
甘泉出奉聖人之用丹甌不炊而自熟溫谷不爨而自
然神妙無方所以存而勿論蕩衰難老所以酌而不竭
矧夫西都舊國東井垂芒終南太乙寓其精淇河清渭

均其潤湛然神井冠此崇岡據九州之膏腴備萬乘之湯沐固可以蹄筌眾壑畎澮百川猗歟無得而稱已在昔唐之方有德也稟金匱之道訓受羊角之禎符奄四海而爲家綿六葉而愈盛教宗玄默心寄窈冥卷領結繩幾致華胥之俗鳴鑾弭節常從汗漫之期輿馬之音朝行而夕至玉帛之會天動而雲臻孝惟奉先仁不忘本乃于山之北址建華清之宮玄元之御當陽而玉瑩五聖之象列侍而星環別館離宮連薈接棟朝元長生紀其號霓裳羽衣播其聲至誠所通純嘏來應太平之運五十斯年三代已還未始有也及夏庭兆釁戲水挺

災因室之亂雖平厭世之游遂往金莖露掌但有餘基樂水雲謠聊無嗣響而歸然真宇儼若清都同光中初殄國讎永懷舊物載賡成制肅奉玄科因改命曰靈泉之觀芝泥龍簡時修精禱之儀雲錦鳳羅歲度勤行之士是知豐功盛業將厯運以有遷道捷玄關與虛元而其久累朝寅奉五紀于茲素雲紫氣以常霏白鶴青牛而狎至國家朱光繼統綠字膺圖受白環于龜山得玄珠于赤水雖三秦父老猶牽望幸之心而九服蒸黎重覩開元之日信皇天之輔德諒百祿之咸宜道士武又玄冲氣內充仙才外挺紀綱道任啟煥靈場薦享惟嚴

珠

享清

脩神

勒貞

境

於

羽儀若舊琳房浴殿如清蹕之時巡絳節朱旛想丹輿
之下降幢幢御路奕奕宮墻或乘輶建節之賓或觀藝
探書之客陟瑤壇而增肅瞻玉坐以長懷蓋仁風之所
被者深故遺德之所加者遠是宜播為雅頌告於神明
敢摛紫素之文恭鏤蒼華之玉其辭曰

天地之氣宣以名山陰陽之英融為溫泉聖人用之益
壽延年同出於道同謂之玄渺矣伊周蒸哉六葉河圖
帝籙鴻勳大業天叙天秩祀事孔明真符屢接雲蓋亭
亭芝房燁燁歸功聖祖過祖過宮周垣繚野反宇凌空
孝思不匱道德惟公希夷有象肸鬻宜通數有推移世

分今昔屹爾雲今上御名依然聖迹藹藹修林湯湯神液備物
莊嚴百祥繁錫至哉坎德效此坤珍配靈上藥薦祉真
人冥升自遠遺烈長新思玄之老頌德之臣冥懷靡所
用勒貞珉

洪州延慶寺碑銘

若夫名區勝境真靈之所徘徊通都大邑游居之所走
望故其府朝之制度里閭之延袤宮廟壇壇之肅禋祀
薦享之嚴無不及焉必可觀也豫章古郡通楚要津萬
靈所宗百寶攸集龍劍之氣炳耀于列星金冶之精騰
光于峻岳飛錦帷于仙館植鐵柱于重陰方志所傳奇

於狀

通

更瘞躬

連帥署

法音

沉

霞

蹤可見而故老復言晉元帝卽位之歲郡人有耕于東湖之良隅者獲璃像焉其高三尺其決殊異守臣上啟詔立寺以處之歲紀迭更薦奉無絕至唐大和三年文宗皇帝以夢寐交感特詔修崇有僧普願者率勵眾力創造飛閣極高明之制盡臨觀之室瞻仰之徒勝賞仍在會昌汰沙旋復殄夷時有寺主僧神確供奉瑞容療于堂下大中改制將復修完像堙沈求不可得而靈迹所在羣心未忘咸通二年達師嚴譔表請重建因紀誕聖之節署爲延慶之寺子來之力雲今上御名如初廣明中巢寇亂常羣盜蜂起三災所及寺復焚如光啟二年廉使

王師甫卽其故基又加營繕自時厥後百載于茲市朝屢更興廢不及名人上土增飾相因國家奄有寰區普恢教洪人識修心之真家懷祈福之誠此邦之人素多尚信千里之地頻致豐穰戶有餘貲居多暇日監寺僧智清勤行其道時省其庸推誠以化人節用以成務峻其卑庫緝其傾頽改作正殿及廊廡其七間疎楹廣廈雕蕘藻稅瑣窗洞戶珠網金鋪蹇產鴻紛深泥煥爛闕政備矣能事畢矣觀其康莊旁達閭伍綺分西則崇山隱天煙雲韜映乎其上前則平湖彌望魚鳥翔泳乎其

中雖復觀雉接連車馬迴合蕭然人外自遠世紛信乎

棲息之場習靜之地也曾契緣攝贊其事不朽是圖伐石爲碑以文求我銘曰

至哉玄貺邈矣坤珍疑爲異像以祐斯民靈心所格精舍攸因其神或隱其迹寧淪廢興在運啟煥由人有美清師勤行其道彼都人士服義承教率是眾力完斯廟貌祕殿穹窿層軒窈窕勝事精嚴丹誠至到名山雄雄大江溶溶五侯之國千里之封靈場隱軫道氣明融神明所相有感必通刊名法宇永播無窮

徐騎省集卷第二十六

南陵徐乃昌校



徐騎省集



六

徐騎省集卷第二十七

東海徐鉉



洪州西山翠巖廣化院故澄源禪師碑銘

大宋舒州龍門山乾明禪院碑銘

大宋故天雄軍節度行軍司馬易府君神道碑

故唐大理司直鄂州漢陽令贈衛尉少卿樊公神道碑

洪州豐城縣李司空廟碣文

洪州道正倪君碣

洪州西山翠巖廣化院故澄源禪師碑銘



聖人設教賢者學之有能極深研幾剖疑析滯不肯本以矯激不汨波而流宕世人宗仰時君褒異斯可以爲君子矣禪師名無殷姓吳氏閩連江人也昔泰伯獲讓肇啟南藩至德所及流光百代子孫蕃衍吳越爲多至今爲著姓焉累世隱德鄉曲推重道氣鍾粹而生禪師幼異常童不染俗態年七歲從晉安雪峰真覺禪師出家二十詣開元寺受度真覺之道見重於時禪師默識微言盡得要旨而復博考性行幽尋勝迹江浙諸郡靡不經遊先達推稱後生請益結轍連袂虛往實歸禪師以道貴冲用性復虛靜所止之處學徒俯千人輒復捨

去晚歲止廬陵之禾山其名益彰季唐先主召見之特加禮遇俾居廣陵之祥光院嗣君踐祚優禮有加賜號澄源禪師命移處豫章之上藍西山之翠巖院是皆都邑之勝槩高人之游集自非密行淳德不能鎮服羣情我迭居之綽有餘裕雖身在巖谷而恩注帷展存省問遺使者相望享壽七十有七建隆元年春二月五日終于翠巖院甘露被樹數日不晞皓鶴盤空三周而去門弟子用西域之禮葬于院之巽隅封于其上恩真褒飾名其丘曰火醫道俗孺慕會其葬者萬數鉉也趣捨異術聲塵致睽于時釋氏方盛師門互啟嘗侍嗣君宴語

善

實 永 光 實

光 光 越 區

於 時 和

從容上言曰古稱千里一賢猶比肩也今號長者十數無乃多乎嗣君深以為然因曰惟澄源禪師其殆庶矣無幾何以家門情禮請告至山會師已沒仰瞻遺像參述行事乃信名不虛得亦表君之知臣今來京都復與師弟子鑒琮相遇琮師志性端慤修習精勤肅奉成規博總眾藝慈惠救物時人稱之明詔賜號慧覺大師錫以紫服朝恩浹于累世寶教門之榮觀也于時禪師委順三十年矣琮也思廣銘頌庶承遺風以鉉嘗學舊史見求直筆若夫褒善稱伐翰墨攸先載瞻西山寶寄松檟敢抽祕思以告九原銘曰

芴芴東域武夷之險時生異人與古為徒禪師出焉俊邁且都顯顯南楚西山作鎮真靈所宅教法斯振禪師居之允矣令問道無不在法非可名理超言象俗仰風聲豐碑載勒勝氣長生猗嗟來者用此為程

大宋舒州龍門山乾明禪院碑銘 并序

山岳極天莫雄于瀟霍川瀆紀地莫靈于江淮盤薄縈帶中畫郡國幅員數千里舒皖居其陽真聖之所躔次景福之所興作必有高士來闢妙門以導精粹之氣以恢濬初之俗則龍門山乾明禪院所以建也是山東去郡九十里蓋瀟岳之一峰山有龍井郡人雩禱之所靈

脩

樓
信

於
陞
物

京
嘉

祐

應昭哲因以名焉深巖洞岫風雲之所畜世湧泉清池
璿碧之所隱見涼颼爽氣五月可以披裘修竹茂林四
時未嘗易葉游方之士至輒忘歸有曉遵禪師者家本
宜春幼捐俗累從師訪道歷抵湘沅探幽洞微得聖人
之宗旨清心鍊行踵前作之風聲向道之徒靡不宗仰
乾德五載始來此山顧瞻林泉有懷棲息邑人宋仁瑗
輟其隴畝以奉宴居面壑臨流誅茅穿徑遠擬關令草
棲之觀近同焦光蝸牛之廬歲計有餘善言來應廬江
人侯霸大施資賄以奉經營數年之間蔚然崇全復廟
重屋瑣牕洞戶藻以丹雘駢以璧璫所以重威神也覺

宮講肄疎楹高坐皓壁月皎層軒霞舒所以敷道義也
前則端闈瞰野旁則修廊納階廚廩充牧居室閑安闕
經籍于巖房息徒侶于奧寢棟宇延袤凡二百區蓋精
誠之所憑實邑里之勝槩也

今上嗣統像法大興禪師徒步神景對揚雲陛恩旨喜
賞賜號曰乾明禪院華題鳳篆降自慶霄聖日天光煥
乎幽谷夫道之行也時與地并斯郡山水奇絕動植茂
遂民情淳朴聖迹迴環非明主至仁不能恢清淨之教
非禪師密行不能化嶮嶇之人示之以精修佑之以戩
穀變魯至道夫何遠哉鉉頃歲謫居此地思過三載閭

於

累

驚

於
楊

於

即

於

後集卷二十一
君子是策名周行入典離衛于時戎事俯定國容載穆
君止于拊循士眾恭守官常時其寒燠均其勞逸勤愆
徼道廉察何留不矜出位之思甚得為將之體自宣威
軍裨將異遷至左右天威軍都虞候自檢校右常侍至
檢校太保及淮甸倣擾都邑震驚以君為雄州刺史充
建武軍使其理所即廣陵之天長縣也據衝要之地有
士民之眾綏懷訓練其俗用和會周世宗親惣六師志
平江右于是濠泗攜叛揚楚摧陷君城小援絕堅守累
旬世宗使降將郭廷謂臨城招諭君曰棄命以苟生不
義勦民以全名不仁吾處中道而已乃閒道表于本朝

備陳形勢且論遠慮還旨嘉納諭以割地之謀君則開
誠請罪世宗慰勞數四錫賚加等即授衡州刺史封太
原縣子充天雄軍節度行軍司馬皇宋啟運優獎有加
改道州刺史進爵為侯君以俯絳老之年有卻克之疾
表求致仕優詔不許勲懇固請聽歸臨淮郡私第春秋
七十有五開寶元年秋七月考終命三年九月葬于盱
眙縣義和鄉西嵩里北團山禮也夫人會稽縣君謝氏
亦江左之冠族作合君子克昭令儀箴管之勤夙彰于
婦德湯沐之邑晚從于夫貴訓導諸子備全義方鍾蓬
首之痛哀而知禮受高堂之養嚴而有慈春秋七十有

於

驚歎

六太平興國二年七月終于臨淮私第某年月日合祔
 焉禮也有子五人曰延貴延祚延壽延義並克荷先業
 勤修令名或參藩郡或幹內職皆先夫人而沒唯第四
 子延慶獨稟粹和服膺儒教孝悌之至稱于州閭承顏
 先意侔曾閔之行居喪過哀有二連之風廬墓絕漿義
 感生植嘉木連理玉芝成叢遠近聞之莫不驚嘆由是
 自前臨淮令拜大理丞及夫人卜葬違制臨赴為有司
 所劾有詔勿問聽解秩家居惟府君之生也臨戎以恩
 信理民以慈惠事君全其節處身由其道故垂此家法
 推為慶門是生孝子以永世祀美矣哉鉉聞風而悅之

故勒于神道其辭曰

於惟易氏忠義之門德厚流光顯于後昆後昆之賢生
 我府君體道自居壯圖不羣輟耕永嘆負羽從軍赴赴
 和門勇爵斯設靜則嚴重動則奮發臨難忘私處危全
 節名遂身泰考終無闕芘芘泗川永闕佳城哀哀孝子
 載感坤靈君恩賁寵樂石刊銘百代之下常流淑聲

故唐大理司直鄂州漢陽令贈衛尉少卿樊公

神道碑

公諱潛字仲明京兆萬年人也昔者虞仲垂孫謀之慶
 肇啟我封山甫昭補職之勤實大吾族或則游聖門而

於

歎

芘芘

肇

稱達者或則冠仙籍而號真人豐沛功臣經營于大業
南陽外戚佐佑于中興傳祀百世流光萬國而我之占
籍世茂西京樊川之居抗衡韋杜曾祖澄以七世同爨
孝德升聞大中制恩特加旌表峩峩石闕至今存焉祖
傅濮州司戶參軍考諭光化中補池州至德令時天下
已亂因家池陽終潤州金壇令公中和稟粹形器夙成
好學之勤本由天賦至孝之性不墜家聲始及弱冠併
違怙恃絕漿泣血哀感州閭負土成墳終喪廬墓言于
道者以爲美談于時唐祚淪胥宗室稱制江淮之地不
失舊章公以射策高等補潤州丹陽尉試吏之課書考

爲優廬陵之民古稱多訟加以畝籍違制亂獄滋豐守
臣上言求拯其弊有命擇堪其事者聞公之能因而命
之公旣至乃相五土之沃瘠察夫家之眾寡采古之制
酌今之宜創爲新規眾皆悅服而復出械繫之者窮兩
造之亂雪當死者數十人使還議賞增秩進等遷壽州
壽春縣主簿旣而廬陵之政日理南楚之人聳觀久之
以公爲光州光山縣令加大理評事猶以前効也于時
南北分裂縣臨敵境有爭桑之女多探丸之吏比閭之
眾罕嘗寧居公于是糾集義勇分守要害推以恩信濟
之疆明三載之中一邑用乂遷池州石埭令縣有大姓

於埭

辭

子

於

脩問訥

於

於

侵撓細民歲比不登俗乃重困公繩之以法董之以威
豪右震悚相與逃匿于是啟請出官粟以賑乏絕省力
役以濟農功慈撫仁薰視之如子歲豐俗阜政用大成
就加大理司直旌能政也秩滿遷鄂州漢陽令未幾遇
疾壬子歲某月日終于縣之正寢享年五十有七以丙
辰歲某月日葬于池州貴池縣永泰鄉保靜里之原禮
也夫人王氏鴻臚卿滔之女軒冕之族閨房之秀室家
垂訓惠門風行長子若納不事王侯自全高尚次子知
古才藝畢給際會昌朝踐歷臺省交修煩劇今爲右諫
議大夫河北轉運使揚名之業方茂顯親之數遂優公

累贈祕書丞戶部員外郎衛尉少卿夫人封琅琊縣太
君惟公生而岐嶷長而學問窮九經之奧旨綜百代之
微言率是古道施於爲政行之以直守之以廉事親以
孝飾躬以禮士元之器命屈于生前賊孫之忠慶貽于
身後君恩飾壤世祿傳家咸京之舊表未堙秋浦之豐
碑復立俗有遺愛吾無媿辭其銘曰

南山崇崇樊川溶溶翦商之烈補袞之功百代之後流
光不窮爰有孝德克生我公猗歟我公顯允君子投此
利刃行于百里有惠于民何必貴仕垂慶于後何必在
已慶霄之澤自葉流根歿垂中佃生駕魚軒二子殊志

優優

驚

桓楊

秦

於驚

俱大吾門優優愚谷英英諫垣九峯之下貴池之口覆
斧馬鬣金雞玉狗民卽桐鄉碑如峴首江水長流令名
同久

洪州豐城縣李司空廟碑文

先王之制以勞定國以死勤事皆得祀之然則非通幽
洞靈之士有驚愚顯俗之迹亦不能臻此也李君諱承
簡字大用其先隴西人中葉因官遂家上黨先君諱神
福避亂擇主來適維揚于時唐室崩離諸侯角逐吳武
王奮桓文之舉我先君効關張之用摧兇略地所向無
前功加于前慶鍾于後終淮南節度副使鄂岳招討使

君卽招討長子也幼而爽俊長而雄勇年始志學卽從
義旗善撫士卒生知韜畧厲若鷹隼疾如風電時稱虎
子敵畏馬兒以功累檢校左僕射爲橫衝裨將天祐丙
寅歲從招討使奉裴平豫章敘功爲最新附之地屬郡
未賓明年命君領偏師平餘盜戈船先進羣師後期山
越霧集漢矢且盡同玄冥之沒若桂畿之沈享年二十
有三諸將嗣事逋穢克清迎君之喪窆于洪州豐城縣
揚子洲惟君夙齡挺秀盡忠死節識與不識雜然推奇
而英靈胙蠻若在左右如鄭人之驚伯有類吳俗之畏
子文于是耆艾相率啟求立祠于墓側公議僉允因贈

於
於貞

於
殉

先
貞

彰

司空水旱禱祈無不卽應鄉邑之際頻歲豐穰滿瀨無
虞疾癘不作而君之家門亦康寧蕃衍焉及今七十年
矣雖神道恍惚不可備論而忠誠報應良足爲勸猶恐
年世綿邈流俗失傳或見操于越巫將受譏于淫祀嫡
孫仁昭願以事實勒于貞珉鉉素與君諸子游復連姻
戚披文相質所不獲辭初君之長弟諱承鼎爲吳王之
愛壻故人咸謂君爲伯氏而忘其官稱焉今用明白之
銘曰

嗚呼李君勇且有仁生狗國難沒爲明神南楚之郊章
江之濱祠堂奕奕像設侏僂薦信以時降祐于民龍泉
太阿校靈比珍衝斗之氣終天不渝

洪州道正倪君碣

君諱少通字子明其先千乘人也末葉避地徙居巴陵
濯洞庭之餘波襲九嶷之秀氣儒風繼世貞節自持垂
慶炳靈仙才是出君風骨秀整襟懷坦夷幼挺高情卽
依道樾弱冠遐舉來遊九江悅廬阜之名區得董君之
故靜種杏之地榛莽森如慨然永懷誓復靈今上誅茅築
室練行修身闔然而章千里斯應于時唐運告謝宗室
代興江左被玄元之風二葉恢清淨之教君以清心苦
節升聞于朝癸丑歲賜錢三百萬卽所居建太乙之觀

於

干

壯

於

諱

塵

於是疏鑿舊址草創新規悅以子來成之勿亟十有餘
歲清宮煥然凡建四殿五堂重門兩序內外棟宇總百
三十區像設儀衛莫不稱是力闢汗萊爲良田者五百
畝而節賢之費有餘手植杉松成茂林者十餘根而甘
靈之祥再降由是牧守嘉尚道俗依憑爲本州道正乃
知太乙觀事享壽九十有一體力康莊淳化元年秋八
月八日子時怡然而化容貌如生初君自擇葬地于蓮
花峰下卽以二年春正月窆焉君性質沖淡不耀其光
表率教門正身而已嘉賦詠善鼓琴龍鳳之形皆由手
製山水之操自洽天和所居之觀俯邇城廓登山之客

必先造焉君將迎接待高卑如一絕迹朝市成樂林泉
六十餘年慎終如始門人弟子先以慈孝爲訓有若李
延照蔣守龍等近四十餘人皆以孝行爲時所稱親弟
德規同學弟謝又能等叶力同心共復靈迹並先早世
今謝君弟子王省昂嗣膺道任師孫錢知素繼知太乙
觀事師門之盛論者美之鉉頃歲扈從南巡與師款接
旬日傾蓋之分有如素交錢君以論譔見求不當爲讓
其銘曰

太乙董君上帝之賓遺方眇邈奮迹荆榛倪師慷慨復
來清慶種杏之地林光再新異世神交豈其後身冥升

自遠代劍非淪瞻言華表誰見千春刊銘翠琰道契攸親

徐騎省集卷第二十七

南陵徐乃昌校



徐騎省集卷第二十八

東海徐鉉

泗州重修文宣王廟記

邢州紫極宮老君殿記

淇州華山胡氏書堂記

江州新建尚書白公祠堂記

淇州始豐山興立觀記

金陵寂樂塔院故立寂禪師影堂記

撫州永安禪院記

潤州甘露寺新建舍利塔記

後集卷二十八
重建宓子賤碑陰記 邠州定平縣傳燈禪院記

泗州重修文宣王廟記

昔我先聖有周公之才無文王之時故憲章其道以垂萬世精神冥契夕則夢之是知千載旦暮蓋其道同也自時以降鴻儒碩生敷暢微言佐佑大化專一之志通于神明感夢宣尼以著名實斯文間作來者不誣國家彰灼神功在宥天下禮樂刑政舉百王之中典謨訓誥用三代之式文學之士靡然向風臨淮徐君名某字某弱而好學壯而有立行敦乎族黨名聞于州閭修辭立誠躬儒者之業博施濟眾秉義士之規隨計春官再不

成 於 厄

中選會長子宗孟郡亦舉秀才君以爲名不可多取卽欲退而求志無何夢游淮上倏有淪胥之危眾君子拯之而置于宣聖之堂儼然逢掖之容若奉緇帷之會寤而神聳益用兢懷聞者奇之勉以西上明年春冕旒臨御親校羣才崇朝之間父子俱捷蓋古今未之有也君歎曰

天子廣孤平之路杜請謁之門先聖知之是有敦勉斯實至德咸兆鄙何有焉思欲昭答靈心丕顯立貺惟茲泗上雄視百城學校之制我在不後王業伊始天下初平舟車輻輳之都郵傳旁午之地邦君丞掾日不暇給

於

嘗

歎當於

茲誦之所窺戶闐然君白于公府願補闕政于是出家
 積鳩國工卽舊謀新瞻星揆日乃建路寢乃立應門闢
 講論之堂設東西之序廣袤合度奢儉中規像設增嚴
 繪素加煥凡祭器制度皆圖于垣墉俾夫觀藝之徒橫
 經之侶居今識古虛往實歸三代之風由斯而致也錄
 事參軍張君濬綱紀之任夙夜惟寅黨與同僚及斯而
 嘆曰振舉廢闕公力未遑儻屬于好事君子非徐公不
 能也及茲締今上如宿契焉是知善人之言罔弗響答夫
 聖人之教也與天地常在將陰陽並運恍惚立應昧者
 不知今徐君服之而成大名感之而臻介福咨爾後學

可不勉歟金石之銘其無愧已于時歲次乙酉雍熙二
 年秋七月記

邢州紫極宮老君殿記

昔者老君伯陽憫大道之既隱傷周室之既微以爲清
 淨無爲道之本也非建言不能盡其意安上治民道之
 用也非設教不能永其成乃著書于函關以明清心之
 要授禮于仲尼以開垂世之統由是教義之被于民如
 造化之漸于物賢者識其大不賢者識其小出入戰國
 經歷薄俗君君臣臣父子子民至于今受其賜則二
 聖人是賴焉故並享明祀格于寓縣雖百世不能易也

於於

真

於

貞陽

分數

接

頁

邢州紫極宮者唐開元中所立老君像則琢玉石以爲之貞靈所憑功用殊絕睟容奇表儼然若存瞻仰之徒莫不增肅王室剝亂郡國崩離三晉之郊戎馬孔棘崇堂隳落乃移像于北極殿之西偏數十年間不絕如線皇宋膺運百度惟貞道風載暢真侶咸萃女道士陳體元江左右族夙挺立符不從象服之華自結鳳羅之誓勤行匪懈真氣日滋乙亥歲伯氏從宦將之俱至嶷嶷知化汗漫與期郡守賢之授以宮任亦既蒞止慨然永懷嗟崇全上之傾頽嘆尊位之蹂雜程工度費卽舊謀新知州事段公思恭仙派公源諫垣舊德嘉其偉志助以

俸金郡僚而下歡然風靡卽宮之西序建老君殿三間材用必良工藝必精廣袤中規奢儉合度旭景升而丹彩煥清風襲而爽氣生肅然仙都復覩靈境粵某年月奉玉像而處焉霓衣致虔羽蓋成列几筵嚴肅香燭苾芬鐘磬咸和煙雲改色非至誠感召孰能臻此者乎鍊師之家奕葉從公清白垂訓仲兄前鹿邑令省躬秉直忤俗退而居貞季兄邢州書記長參學古入官和以接物積善之報宜生仙才鉉知二君歲久故美其事而紀于石某年十二月二日記

洪州華山胡氏書堂記

於仁

煥君謙絲言

當境於 謀於 境

士君子承積善之慶服聖人之道治身修心義之本也
風行于家德之充也教被于俗人之周也疇克其舉吾
其與之豫章屬邑世雲舊里山水特秀英靈所躔安定
胡君籍于是君名仲堯字光輔奕葉儒學蟬聯簪紱曾
門標舉揚列宿之華祖德韜映戢少微之耀至于我先
人少好左氏春秋之學研幾索隱儒者宗焉及公之長
克揚其業言斯出矣身則踐之揖讓周旋之儀孝友姻
睦之行修乎閨門之內形于羣從之間少長有禮總麻
同爨鄉黨率義人無閒然君以為上古之風可以馴致
由六經之旨可以成化也乃即別墅華林山陽立秀峰

今上下書堂為築室百區聚書五千卷子弟及遠方之士
御名肄學者常數十人歲時討論講席無絕又以為學者常
存神閑曠之地游目清虛之境然後粹和內充道德來
應于是列植松竹閒以葩華涌泉清池環流于其閒虛
亭菌閣鼎峙于其上處者無斃游者忘歸蘭亭石室不
能加也又案圖牒云昔陶正公李八百皆修道于此是
知人境相得其道乃光勤而行之古猶今也鉉欽羨其
事道阻且躋故述斯文以垂不朽年月日記

淇州新建尚書白公祠堂記

大丈夫處厚居實據德依仁豈徒潔身將以濟世故著

於發於

於

幸

贊

北

於

塵喜嘉

貞

後集卷二十八

于事業登于文詞而後功績宣焉聲名立焉蓋有其實者必有其名是以君子恥沒世而名不聞也若乃格于穹壤漸于蠻夷大則藏于石室金匱之書細則誦于婦女稚孺之口則古今已來彰灼悠久未有如白樂天者不其國乎故神明相之攸居不傾黎甍懷之餘風不泯士大夫神交道親若旦暮焉潯陽古郡昔公謫宦之所綿祀二百市朝屢變而司馬聽事之室巋然獨存斯益異矣聖運光啟崇古尚文三代之風傳遠萬里禮部郎中江南轉運使張去華述職按部聿來是邦弭節城闔攝齋堂奧以為先賢所舍邑里具瞻與夫元規之樓惠

遠之社崇飾祗薦我何後焉太子中允知州事梁君翌善大夫通判州事羅君或皆叶規同心相視莫逆政有餘裕府多羨財即舊謀新創為祠宇傳寫廬山之遺像寘于兆埔棟宇深嚴門序奧祕肅然廟貌想見其人凡游居之徒仰高山聆遺韻薦誠觀藝結轍于斯禮不云乎禱祠古之卿士有益于人者觀樂天之文主諷刺垂教化窮理本達物情後之學者服膺研精則去聖何遠其為益也不亦多乎尸而祝之固其宜矣某昔游廬岳獲拜儀形今慶騎省遙聞締今上嘉儒宗之不墜喜使者之得人故作斯文勒于貞石年月某記

於於規境謀

修

訪筭

脩於

淇州始豐山興立觀記

聖人之言道無不在若乃域中歸其大萬物恃之生鴻
化立造無德而稱已至于顯神道之教挺方外之圃反
之于身以固其本清心鍊氣保精齋神浪霞茹芝修用
者殊軌御風乘景游集者無方蓋真階仙品之有差故
洞天福地而區別奇篇所紀靈境可尋豫章始豐山者
案圖牒第三十七之福地也爾其穹窿蹇產干霄蔽日
凌空瞰野之勢嶽崱窈窕蒸雲泄雨儲神宅怪之奇陰
林脩幹材用之所生也周飛湍激流利澤之所及者遠
紫煙白霧隱映而紛霏靈風爽氣蕭寥而披靡醮享之

數歷代相因爰有興立之觀是為薦誠之地土德云季
三災迭興市朝貿遷堂今上隳頓幾歎遼城之鶴常棲楚
幕之鳥若夫真氣所憑神靈攸相物無終否道不遠人
道士聶紫庭襲玉笋之地英追九仙之夙契以勤行為
志業以放古為師資歲在立枵來游此觀顧瞻祠宇慷
慨傷懷徒侶敦請遂膺其任積行所應至誠易通游居
之人莫不信奉以為興作者古人之所慎因循者前哲
之所宗足備制度何必侈大于是補其闕而葺其壞窒
其隙而扶其傾集瓴甌塶埴之工加圻鏝丹雘之飾瑣
牕鏤檻朱戶金鋪深沉靡迤虛明藻麗百年舊制一旦

於 堙

脩 於

態

於

朗

惟新日就厥功十稔而已已不病于費人不知其勞用此修真真其焉往又以方志漏略碑頌湮沉使夫來者何所宗仰謂余爲好道者故求我以文是用直書以觀成績淳化元年夏六月記

金陵寂樂塔院故立寂禪師影堂記

士有切問強記以修其內和光退節以晦其外而人自仰之名自歸之不知所以然而然見之于立寂禪師矣師名澄玘姓陳氏番禺人旣生而孤天骨奇秀岐嶷之能有異常童常端居靜念如學道者七歲復失所恃母臨終以託其姑曰此兒幼有奇應法當出家倘果斯願

吾無恨矣年十一歲遂詣本郡從師十七歲韶州南華寺正度于是造詣先達請益質疑歷游名山無遠弗屆不違類於顏子起予同于卜商丁未歲來止舒州山谷寺徧閱經論師門之學無所不通然未嘗爲人言也是時季唐二葉像法大興凡聚徒講學者所在奉之以爲長老禪師狗狎鷗之志慕爭席之風雖眾人與居而羣望自集道俗敦請抗志不從郡守周公因人之心封章上啟嗣君嘉賞以詔書命之周公延至郡齋親爲至禮師不得已乃攝齊卽坐音詞宣朗寮吏屬目士庶咸歡還處精廬宴居如故丁巳歲避難南渡止于廬山嗣君

徵

於

於

於
署一署

後集卷二十八

召致建康累徵乃至迭處名寺咸敷講席恩禮優渥賜號立寂禪師時之名流無不景仰至於誘進後學開導真詮激厲憤排皆得所欲乾德五年冬十一月終于建康龍光禪院春秋六十有一後主遣中使護葬贈送甚優葬于都城東南隅鳳臺鄉門人弟子廬于墓次誅茅今上御宇遂成道場儼設靈儀式觀遺愛鉉頃自禁掖放逐舒庸閉關卻掃不豫人事時游滯岳因獲今上御止容貌閑暇議論平淡言意相得有若舊交雖慙方外之期自叶忘形之契一生一死已隔于當年谷變陵遷復悲于陳迹弟子嗣昭等永懷遺範願勒貞珉因述斯文庶申夙

分年月日記

撫州永安禪院記

教之大者其行遠利之博者其報豐自三代已還百家並驚炎靈之後釋氏特隆經法之盛參乎先聖祠宇之設廣于虞庠不知所以然而然非言象所及已撫州郡署之左里而近有禪院焉乾符中署曰國寶天祐中改名永安方志失傳莫知肇興之始高人迭處咸為宴坐之場夫經像之所居苾馨之所薦必將據郡國之形勝襲川原之氣象斯郡也摠楚越之都會斯院也浸章汝之清流逸少康樂江左名士而墨池經臺介乎比閩麻

余集卷二十八

九

姑南真丹臺上列而仙壇閑館峙乎封域閑閔相望鐘磬交音神靈之所依憑煙霞之所韜映爾其棟宇之狀也則赫赫乎顯敞耽耽乎深嚴黼藻成文磨礱盡妙層樓對峙修廊四通列講肆于崇堂安眾士于奧室動有擊蒙之益靜有窻體之娛儲峙必豐器用必給四方學者至輒如歸考績程功則住持禪師義韜之力也韜公道學精詣慧心朗悟以濟眾爲務以興教爲懷少游名都歷訪先達晚棲臨汝自闢師門甲申歲詣京華褐衣請見對揚玉宸躬奉天言論難所及辭義響答聖恩嘉矚賜以紫衣登門之徒莫不增肅韜公以斯院制度崇

麗修奉精嚴金石闕如何以示後惠然見願求我以文辭讓不獲因爲之記年月日記

潤州甘露寺新建舍利塔記

維皇宋二葉改元五祀潤州丹徒縣令王記改築縣墻掘地得石函驗其刻文梁大同五年道人法序瘞真身舍利于此函中銅龕一龕中銀合一合中銀瓶二舍利七粒存焉而銅龕復有刻文則唐貞觀十二年再加營奉掌役者張遇獲之以獻遇也感貞應之在已念妙道之可修因投郡之慈雲寺削髮爲沙門易名閏精心苦行誓復前迹廣募眾施疇咨協心數年之間克果其願

脩

効瘥

楊

擊於

故

於五

淺

於

卽以端拱元年夏四月八日遷致于郡之甘露寺東隅
建浮屠焉獻狀而來求志其績粵

聖人在上欽若靈心政無不修神靡不舉立既交感坤
元效珍用能使幽葬之質煥然景彰騫崩之迹蔚然雲
瓘全上然則澤及微隱福彼含生其可知也是郡也揚州之
都會京口之重鎮六代之風流人物綜萃於斯三吳之
山川林泉肇發于此高深自改氣象常存是寺也北固
山之陰崖贊皇公之遺迹崢嶸飛閣迴闕滄江麗迤巖
房周行數里□植之作遠邇雲臻真師因人之心相地
之勝獲此空隙建茲崇封材用工役必求善良規模制

度必據經法其高七十尺其周二十步八隅瑩玉立蓋
凌霄冠星珠于觚稜積日先照圖雲氣于夢僚宿霧常
棲中嚴晬容肅然月滿旁續靈變煥若霞舒游居之徒
莫不稱歎愚嘗見釋氏子爲此役者多矣如真師者其
涉道也高其居處也卑上無許史之託下無猗陶之助
苦節以感物績微而著功不恩民不愆素而能事以立
亦可尙也故嘉而志之端拱二年二月一日記

重建宓子賤碑陰記

單父縣宓子賤舊碑賈至文梁耿書天寶十年四月四
日柳載建始致于故縣北隅琴堂之上光化二年以縣

為郡署縣令李知侈傑理於今所碑亦隨徙措署不謹
 風雨所摧因折為數段扶置垣墻之間及今八十年矣
 皇宋膺運書軌大同人文化成清靜為理縣令毛君名
 庶幾越自江左來撫斯民見賢思齊好古博雅以為宓
 子之化人猶不忘賈君之文世其稱賞若棄之而不修
 非所以訓民事神也于是再建隆碣重書舊詞以鉉嘗
 學篆籀見求運筆梁氏之迹本自非工仍為倒薤之勢
 非八書之正也而又字體譌俗文詞舛誤今以賈氏集
 校而正之遠擬秦李斯改為玉箸立于宓君之祠庭事
 之宜也以改作之意附于碑陰云太平興國五年正月

二十日記

邢州定平縣傳燈禪院記

乾維巨屏實曰邢郊其地險固其氣剛勁被宗周信厚
 之澤詠王業艱難之風是故人知徼福之方俗嚴慈氏
 之教精廬靜宇隱麟相望定平縣傳燈禪院者帶位署
 之左方據郭邑之勝勢囹圄環其址烟水盪其胸卻倚
 崇岡爰標龍尾之號上瀉寒澗仍有天河之稱藹爾鮮
 原鬱然佳氣昔居唐室之季四海崩離中和四年有禪
 師從一者挺秀宗門從師臨海避難高舉擇地遐征萬
 里而來稅駕於此相其爽塏有志盤桓羣心翕然助成

其事買地築室者咸集橫經躋履者亦臻十年之間百
堵斯建守官喜尚請命于朝景福二年詔賜題署天光
所及道譽彌高一公化去弟子佐範克嗣其業範之弟
子知信復繼其任守之以恪加之以勤感召益多法事
增廣毀堂像設靡不莊嚴儲峙器用無乏供億而經典
猶闕講誦弗聞以爲居今識古者存乎書觀象得意者
存乎言金匱石室之宏觀名山京師之故事此而不務
何以爲能乾德四年秋肇起精誠指期繕寫邑人石遷
等聞風而悅叶比其謀日就月將惟力是視卷以緗帙
貯之琅函邑人高玘奉其家山以備全上室采伐之備夫

役未充俄而暴雨猥至山溜奔激屹然巨石自至院前
取以給用宛契心匠雖廬岳神運之殿石頭後渚之梁
感通冥符無以過也旣而信公復沒以屬弟子令熙熙
也遵行弗敢失墜而民非兆萬俗空猗陶漸以化之靜
以俟之二十餘年猶未訖事會中使王君名素分權筦
之職督關梁之征歸餘子終率顛眾力于是簡牘几閣
卽日僦正俾下帷鑿壁者得肆其勤研精索隱者不愆
其義真風無泯介福來臻繁高士四世之勤垂本宗百
代之憲宜其篆刻金石永示方來知余有好善之心專
舊史之學求我是用直書于時歲次壬辰淳化三年春

三月記

徐騎省集卷第二十八

南陵徐乃昌校

國家圖書館, NATIONAL CENTRAL LIBRARY, TAIWAN, R.O.C.



徐騎省集卷第二十九

東海徐鉉

大宋左千牛衛上將軍追封吳王隴西公墓誌銘

大宋右千牛衛上將軍隴西郡公李公墓誌銘

大宋故處士贈太子少師李公墓誌銘

大宋故尚書戶部郎中王君墓誌銘

大宋故尚書兵部員外郎江君墓誌銘

大宋故陳留縣主簿贈太子中允李府君墓誌銘

大宋左千牛衛上將軍追封吳王隴西公墓誌

銘并序

後集卷二十一
盛德百世善繼者所以主其祀聖人無外善守者不能
固其存蓋運歷之所推亦古今之一貫其有享蕃錫之
寵保克終之美殊恩飾壤懿範流光傳之金石斯不誣
矣王諱煜字重光隴西人也昔庭堅贊九德伯陽恢至
道皇天眷祐錫祚于唐祖文宗武世有顯德載祀三百
龜玉淪胥宗子維城蕃衍萬國江淮之地獨奉長安故
我顯祖用膺推戴滄耀之烈載光舊吳二世承基克廣
其業皇宋將啟玄貺冥符有周開先太祖歷試威德所
及寰宇將同故我舊邦祇畏天命貶大號以稟朔獻地
圖而請吏故得義動元后風行域中恩禮有加綏懷不

勅
脩
考
世魯用天王之禮自越常鈞鄙存紀侯之國會何足貴
王以世嫡嗣服以古道馭民欽若彝倫率循先志奉蒸
嘗恭色養必以孝賓大臣事耆老必以禮居處服御必
以節言動施舍必以仁至於荷全濟之恩謹藩國之度
勤修九貢府無虛月祇奉百役知無不爲十五年閒天
眷彌渥然而果於自信怠於周防西隣起釁南箕今上禍
投杼致慈親之惑乞火無里婦之辭始勞因壘之師終
後塗山之會 太祖至仁之舉大資爲懷錄勤王之前
效恢焚諂之廣度位以上將爵爲通侯待遇如初寵錫
斯厚

後集卷二十一
今上宣猷大麓敷惠萬方每侍論思常存開釋及飛天
在運麗澤推恩擢進上公之封仍加掌武之秩侍從親
禮勉諭優容方將度越等彝登崇名數嗚呼閔川無捨
景命不融太平興國三年秋七月八日邁疾薨於京師
里之第享年四十有二

皇上撫几興悼投瓜軫悲痛生之不逮俾歿而加飾特
詔輟朝三日贈太師追封吳王命中使蒞葬凡喪祭所
須皆從官給卽其年冬十月日塋于河南府某縣某鄉
某里禮也夫人鄭國夫人周氏勳舊之族是生邦媛肅
雍之美流詠國風才實女師言成閩則子左千牛衛大

將軍某襟神俊茂識度淹通孝悌自表于天資才畧靡
由于師訓日出之學未易可量惟王天骨秀異神氣清
粹言動有則容止可觀精究六經旁綜百氏常以爲周
孔之道不可暫離經國化民發號施令造次于是終始
不渝酷好文辭多所述作一游一豫必頌宣尼載笑載
言不忘經義洞曉音律精別雅鄭窮先王制作之意審
風俗淳薄之原爲文論之以續樂記所著文集三十卷
雜說百篇味其文知其道矣於弧矢之善筆札之工天
縱多能必造精絕本以惻隱之性仍好竺乾之教草木
不殺禽魚咸遂賞人之善常如不及掩人之過唯恐其

於

樹

於

於

於

氏 踰 謀

聞以至法不勝姦威不克愛以厭兵之俗當用武之世
 孔明罕應變之畧不成近功偃王躬仁義之行終于亡
 國道有所在復何媿歟嗚呼哀哉二室南峙三川東注
 瞻上陽之宮闕望北邙之靈樹歔寂寂兮迴野下冥冥
 兮長暮寄不朽於金石庶有傳於竹素其銘曰

天鑒九德錫我唐祚綿綿瓜瓞茫茫商土裔孫有慶舊
 物重覩開國承家疆吳跨楚喪亂孔棘我恤疇依聖人
 既作我知所歸終日靡俟先天不違惟藩惟輔永言固
 之道或汗隆時有險易蠅止于棘虎游于市明明大君
 寬仁以濟嘉爾前哲釋茲後至亦觀亦見乃侯乃公沐
 浴玄澤徊翔景風如松之茂如山之崇奈何不淑運極
 化窮舊國疏封新阡啟室人諗之謀卜云其吉龍章驥
 德蘭言玉質邈爾何往此焉終畢儼青蓋兮緋緋驅素
 虬兮遲遲卽隧路兮徒返望君門兮永辭庶九原之可
 作與緱嶺兮相期垂斯文于億載將樂石兮無虧

大宋右千牛衛上將軍隴西郡公李公墓誌銘

公諱從善字子師隴西成紀人唐室之諸孫元和之近
 屬譜牒詳悉此不具陳若夫天祚之德大運有時而極
 積慶之祀百世無得而疏必生克肖之賢以承有後之
 應保姓受之公實宜之昔者土德旣微羣雄角立維我

於

於

駟

於

真

穎
蘭
穉

貞

顯祖奄宅舊吳延祚四紀傳國三世公以天屬之愛膺
寶玉之封始在膠庠已有名望姿儀秀出文學生知仁
孝極于事君謙揖形于下土中外之論翕然稱之由是
受任六官交修庶職彌綸舊典諮訪老成恪居無違所
至皆理于時聖人出于中土正朔及于四方維我先君
祇畏天命受盟請吏息民弭兵玉帛交馳冠蓋相望公
親則介弟位則中台獨奉絲綸留參槐棘元戎四牡分
建節之權玄冕九章奉侍祠之列朝獎旣厚臣誠益恭
後凋之葉無渝萬頃之陂自若故得全名節於危疑之
際保恩顧于終始之間環衛迭遷寄任增重盤根必解

師律以貞十有餘年其志如一嗚呼修塗方騁景命不
融春秋四十有八雍熙四年秋九月九日薨于通許護
軍之廨詔輟朝一日賻絹百匹卽其年冬十月十三日
葬于開封府開封縣吹臺鄉蘇里耐太夫人凌氏之塋
禮也前夫人徐氏繼室周氏竝早卒皆有肅雍之德窈
窕之華宜家治內盡其規魚軒象服昭其盛子十四人
仲顛仲翊仲衍仲華仲雅仲隸仲寧仲簡仲彬仲文仲
猷仲玄仲義仲端女十四人慕英懿卿奉蘋蘩正容
茂節穉仙惠昭如賓道崇鳳兆幼貞閨秀季真或嬪于
盛族或待禮未行惟公生于深宮特稟異氣謙而得禮

和而執中容納直言賓延素士經歷夷險雅度不渝大年未登終古同歎鉉登門斯久辱顧殊深永惟知己之恩願表為陵之谷其銘曰

真源引派仙李垂芳實生我公金玉其相非禮勿動出言有章忠信以濟終然允臧三代之姓倏焉為庶九萬之程溘然中路吹臺北峙浚川東注不植刺草長瞻宰樹大雅君子隴西公之墓

大宋故處士贈太子少師李公墓誌銘 并序

道之泰也賢人振衣而濟物時之否也君子括囊以獨善其有修之家而孚教于俗無其位而博施于人角立

傑出蓋亦難矣公諱某字某庭堅邁德百世流光源長派遠蕃衍郡國今為常山真定人也祖某贈太子少保考某贈太子少傅公即少傅第三子也幼而岐嶷長而純孝承顏先意實稟生知七歲丁太夫人憂泣血絕漿殆于毀滅宗族驚異謂之神童事兄弟人莫能間先是唐之叔世燕趙多虞故我先人累世貞遯公亦奉家法咸樂止園躬稼敦本儉以足用百年之業是享素封既而天下兵興生民益否公盡出私積以均有無為食以救饑歉微嗟來之請焚券以贈乏絕非市義之求遠邇之人全濟甚眾懷仁向義者撫之既無矜色背惠棄信

樹

於

於驚

貞

請

者接之亦無愠容襟懷曠然莫窺其際慈愛惻隱視人如傷昆蟲草木無所天闕故閭里率化風俗以和崇儒遵道墳籍未嘗釋手喜酒好客醒醉必與之同常以爲芳華易凋光陰不駐發于吟詠以寄其情黎杖角巾所至皆適是非擾擾若蚊蟲之過前愚智憧憧若蜾蠃之在側至矣哉古之達者也開運末有晉失御獫狁孔棘公挈家南度居于昨城伯氏飛龍府君時在滎陽召公同處廣順三年夏六月日終于鄭州私第享年四十有三夫人清河郡太夫人張氏以謝女之淑德狗萊妻之高節宜家理內令問藹然威姑性嚴諸婦皆聳夫人順

而得禮勤而無怨晨夕參侍獨被深慈凡飲食藥餌須經夫人之手然後卽御長妣亦頗嚴厲夫人事之如姑或被誚責怡聲致拜由是閨門之內不肅而成及罹恭姜之哀更全孟母之訓諸孤稍長教以學文爲之擇師友爲之致經籍凡學舍賓館之所須者輟衣食捐簪珥以奉之躬截髮之惠俾其親仁引斷織之言誠其中廢故諸子皆立門戶如初越建隆二年秋七月十日終于鄭州私第享年四十有五長子格大理評事次子至吏部侍郎兼秘書監吏部以文學冠時擢高第于聖鑒以才業膺世參大政于中樞以疾告罷復爲少宰天子秘

御書于中禁命我朝掌式恢文教時人榮之先是少師之葬也世猶多故禮或有闕及夫人耐也塋地逼隘介于羣塚之間君子曰非安神之宅也卽以端拱元年冬十二月十三日改卜于鄭州管城縣某鄉里原禮也鉉鄉里遼夔聲慶致睽揭來京師獲與吏部游處覩于公高門之盛知臧孫有後之由公之行實皆聞于輿論或得于家老梗槩而已不能備舉也金石之紀宜在鴻儒惠然見顧辭不獲命謹爲銘曰

天生賢人以佑生民生民數奇賢人隱淪修之于家富以其隣里閭率化宗族歸仁樂天知命全和保真鳳凰于飛以況嘉耦伯鸞之妻士行之母婉淑宜家嚴慈啟後金鈎鵲印魚軒紫綬令問無已流光不朽刻此眞珉高深其夙

大宋故尙書戶部郎中王君墓誌銘

君諱克貞字守節其先太原人也緱山之胄本固源長淮水旣微枝分派別所居占籍吳楚爲多今爲廬陵人也曾祖某不仕祖某贈吉州別駕考某屯田郎中君弱不好弄幼善屬文風骨峻整器度閒雅年未及冠名聞于時自唐室之季詞場道喪江左延祚復覩舊章翰林學士江君文蔚典司春官詳求藝實取人至寡較文尤

舉

吏

辭

楊

於

於

後身卷二十九
精君一學擢第首冠諸子時人以為追蹤元和之際矣
明年以祕書省正字釋褐寓直樞近專掌文翰之任措
詞典雅敘事詳審守位以慎當官以勤由是二十餘年
累遷至中書舍人樞密副使未嘗佗任求之前載亦為
異矣及末葉多故時政浸衰唯吾守道中立不涉浮議
及宗國淪喪策名天朝自太子中允歷戶部兵部二員
外郎禮部戶部二郎中典漢滑襄梓四州事皆以寬簡
為務仁愛推誠當時之不名臣僕長孺之擇任丞史是
故民以之睦政以之修端拱二年秋自梓潼還至京九
月十八日遘疾終於興州之傳舍享年六十明年某月

日葬于揚州某縣鄉里禮也夫人隴西縣君李氏早亡
無子女一人許適鹽鐵使諫議陳某惟君有文雅之用
有周慎之誠言行相顧光塵不異奉職無廢舉在私無
惰容歷夷險而不回保始終而無吝初君始從鄉薦余
已典綸誥謬為先達屢辱請益及余消長在運而君金
石不渝古人之風于是在矣已悲深谷更閱逝川發為
哀詞誌彼泉戶銘曰

猗嗟夫君心冥氣純英英達士疊疊詞臣不愆于位有
惠于民無悔無咎不淄不磷吉往凶歸道悠運促旋自
九折復于左轂駟馬悲鳴市人行哭邈矣彼蒼云何不

令樹

淑悠悠邦水隱隱崑岡慈親臨奠今季持喪旁羅宰樹
下闕玄堂郊原掩靄雲日冥茫痛光塵兮永已念蘭菊
兮徒芳

大宋故尚書兵部員外郎江君墓誌銘

君諱直木字子建潯陽人也廬九之地時生俊才忠壯
之族世著南國末葉堙替與時汗隆儒墨退讓垂為家
法曾祖晁祖蟻考隲皆不仕父薨孫與先君同隱廬山
以經學大義自娛伯父後膺宰府之辭自求弦歌之任
報政罷去復隱舊山孝友貞清鄉里推服先妣李氏方
娠夢神人授以直木一枝寤而生君故取名焉幼而穎

淫讓

伯夢

貞

本

歎

於

畢舉

於

悟生知經義七歲以神童擢第未幾丁先君憂至性孺
慕宗族稱嘆孜孜色養無復宦情學古屬文惟日不足
爰及弱冠遂以詞藝知名其為文清淡簡約自為品格
尤長于古風詩家居凡二十五年親友敦喻乃從常調
釋褐太常寺奉禮郎轉江都縣主簿直以事上不失其
恭勤以率下異學其職民從其化吏服其能府尹陳玄
藻縣令路儀皆恃才傲物獨推重于君以為不如也改
江夏令其理如初鄂帥何洙武勳致位性愎暴桀亦加
優禮異于餘人嘗視君舉止迂緩車服樸野輒怡然而
笑每責諸寮屬曰君輩稱為儒生不學江令也秩滿改

泰

仍

二

閨貞

貞於

兒

於

啜白答

後集卷二十九
一
蘄州黃梅令議者以爲屈君以鄉曲俯接欣然而往踰
歲遷歙州黟縣令會宗屬封建妙選府寮授君記室之
任處平臺複道之地列璫簪珠履之間清節素風凜然
不改正詞直道動必盡規府公甚重之十有餘年累遷
至水部員外郎賜緋而記室如故庚午歲府公奉使天
朝留鎮兗海授君奉寧節度判官檢校金部員外郎數
年遷司門員外郎判刑部今上元年加朝奉郎先君贈
大理司直先妣追封隴西縣太君視事三載求外任以
自效上以君恭勤詳慎宜久其職拜兵部員外郎任兼
刑部享年六十有四居常康寧微病數日奄從物故時

太平興國五年冬十一月二十八日也卽明年二月十
日葬于開封縣汴陽鄉豐臺里禮也前夫人封氏今夫
人太原縣君王氏皆有窈窕之質幽閒之操叶此貞節
蔚其門風長子敞京兆府醴泉縣主簿次曰用成用明
用澄用康用平用文用寧女二人曰慕昭用貞君生于
季俗世全素業性純貌古行潔文高守道安貧非禮不
動未嘗忤物亦不隨流真所謂鞠躬君子者矣夙惠之
性稟于天資年十餘歲侍伯父食不過園蔬而已伯父
戲之曰薤之羹淡而無味君應聲對曰齧紫茄之蒂鏗
爾有聲人知其當大成也余始聞其名晚乃識面察言

觀行重其爲文藩房見選余所薦也亦旣稱職頗嘗自
 多丙寅歲與君俱年五十歲日會飲酒相與賦詩君先
 就曰學易寧無道知非素有心余遂不復作也君有文
 集二十卷嗚呼契濶夷險咨嗟年鬢一生一死孰克忘
 情聊存挂劍之期故有刊銘之作其詞曰
 嗚呼江君世濟其名生今之俗爲古之人閨門侃侃鄉
 里恂恂其實如秋其華如春握蘭有裕伏閣惟勤考終
 歸全邈焉清塵葬于所沒古稱達者浚水長源夷門迴
 野徒挂寶劍空馳白馬勝氣如存逝川不舍勒石垂芳
 千載之下

大宋故陳留縣主簿贈太子中允李府君墓誌

銘并序

府君諱某字廣途其先隴西狄道人仙源帝系蕃衍萬
 邦隴西一族獨爲鼎甲中葉從官因家雍丘今爲縣人
 曾祖巢祖禮皆不仕考洪蔡州長史府君清明稟氣才
 智夙成幼而屬文已洽時譽旣志學通左氏春秋未冠
 卽爲講說橫經請益虛往實歸微言奧義別爲編錄年
 二十三舉進士再不中第後唐天成初宗人璩爲大宗
 正見而器之曰王室多故吾道未光得祿而已何必是
 也乃表爲屬吏委以牋奏丞相鄭公班奇君之能特除

蔡州汝陽主簿奏課連最改冀州南宮主簿于時期運告謝河朔多虞君內撫疲羸外給軍旅民安事集郡國稱之澤潞節度侍中馬公存節聞其名辟為管記薦章連上制命弗臨君知命之不遭乃謝病而退閉門卻掃以名教自娛漢氏初基羣心改屬親友敦諭復詣京師直道而行焉往無吝又為興平河東二主簿秩滿以常調當遷望令時皇運肇啟多士狗名君之次子巨源已從鄉薦獲知于尚書陶公公時典選事謂曰丈人才高運否遭迴下位區區一宰未足為光孰若復佐近畿以便吾子之舉事不亦可乎乃除陳留主簿乾德六年春

三月四日終于縣署享年六十有八夫人追封琅邪郡太君王氏緱山仙派河洲懿德婦道以順家人用嚴睦族惟和訓子由義以建隆三年月日先逝俱權殯于縣之乾明寺至雍熙五年二月日合葬于開封府開封縣吹臺鄉蘇村禮也子五人長巨舟早亡次巨源擢進士第今為都官郎中鹽鐵副使次巨載以疾家居次巨川妻及二女皆早夭惟君懷恬淡之性秉貞介之規孝以奉親仁以睦族雅志宗道餘力攻文有孔墨之志無管樂之遇淹翔末路從容自若所至之處輒全上茅齋延高士談宴終日曾無倦容嘗謂諸子曰吾志在大名非欲

後集卷二十一
三
夸世欲行吾道爾時命不偶古則皆然汝輩宜勉成吾志也而巨源果能奮奇藻捷高科際會聖明騫翔臺閣長才利刃應用忘疲追遠之澤漏于泉卜宅之儀由乎禮積善之家斯在大名之應何慙仁人孝子正當如是鉉嚮風斯久傾蓋甚歡不朽之文惠然見託賢賢善善翰墨之任也故采家牒勒于貞珉其銘曰

才高位下古實有焉積善餘慶神靈舍旃邈哉李君一時之賢其身則屈其道斯全餘慶伊何實有令子奉之以孝葬之以禮屢輅同載佳城雙啟九原與歸三廟而祀遺愛被俗沒而不忘貞珉頌美久而彌芳阡如京兆地卽桐鄉綿綿瓜瓞永永流光

徐騎省集卷第二十九

南陵徐乃昌校



國家圖書館, NATIONAL CENTRAL LIBRARY, TAIWAN, R.O.C.

徐騎省集卷第三十

東海徐 鉉

故唐慧悟大禪師墓誌銘

故唐衛尉卿保定郡公徐公墓誌銘

故唐水部郎中崔公墓誌銘

故汝南縣太君周氏夫人墓誌銘

大宋故亳州蒙城縣令曾君墓誌銘

故唐內客省使知忠義軍尙公羨道銘

故鄉貢進士劉君墓誌銘

故唐慧悟大禪師墓誌銘 并序

於

士有佩服聖道闡揚師訓進不累于軒冕退不滯于工
樊務勤身於濟眾不養高以絕俗其唯仁人矣大禪師
名冲煦字大明姓和氏昔者帝堯光宅天下我祖世掌
天官保姓受氏冠冕百代在漢則調鼎之重在晉則專
車之賢末葉湮沉徒居固始先君從郡豪王氏南據閩
方今爲晉安人也大禪師生稟異氣幼挺玄機年十有
五詣鼓山興聖國師出家卽具戒品博覽經史雅好文
詞郡多俊秀咸見推仰證無爲之理演不信之教綽爲
先達端然妙門居城北之昇山于時王氏衰淪亂臣專
恣淫刑飛語虐及善人大禪師杖策去之適臨川郡中

書令宋公齊工作鎮南楚頗尙空玄聞師之來遠加延
納言意不合拂衣而行下至池陽郡守王公繼勳鄉國
之舊賓禮甚渥時季唐二葉像教方興嗣君聞其名召
與之語移晷而罷眷矚殊優命居光睦禪院復遷長慶
道場俾與儲貳游處實羽翼也後主卽位恩旨加隆特
賜法智禪師之號廬山開先禪院者嗣君所剏眞容在
焉命大禪師居之精嚴修奉之儀以申罔極之感居數
年召還建康止報恩禪院加號慧悟大禪師名其所化
曰智度堂精廬櫛比選勝而處禮秩之數有踰于前出
則居奉先道場入則居淨德內寺開寶七載夏六月寢

於

疾旬餘乃大眾與論生死之理十九日清旦上疏告辭
 後主遣使問之至則化矣享年五十有九住法四十四
 年卽其月二十五日從西域之禮收靈骨葬于鍾山之
 陽禮物官給中使監護至某年月日弟子省才遷於廬
 山某所遵理命也大禪師風骨秀整機神穎悟博綜眾
 藝綜以玄談王公大人咸所欽尚鉉非學釋氏者不能
 言其道業徒以傾蓋之分久要不忘今京師復與才公
 胥會才公以文藝精敏見重於時永惟嚴師之義願刊
 不朽之迹嘉其偉志爲作斯銘銘曰
 慧悟禪師釋雄之奇有文飾已有道膺時生延世寵沒

有遺思歸舟翩翩九江之湄鑪峯勝境蓮社餘基門人
 稟訓遷神于茲衰翁懷舊勒銘誌之蘭菊無絕高深與
 期

故唐衛尉卿保定郡公徐公墓誌銘

公諱迪字昭用東海人也仁義之胄繁衍萬邦別族于
 太史者十家因封而占籍者四郡而有郟之邑鉅人實
 多著于簡編可以揚推唐室云季天下崩離江淮之間
 獨爲漢守惟我大父首從義兵受遺戡難同伊尹之相
 太甲字孤立後如有虞之保少康故得勳銘鼎鍾世享
 茅土連姻合族與國存亡考諱知詢爲江西節度使公

生于郡解方孩而孤四歲免喪卽加五品之服幼學就
傳遂疏百里之封立朝侍祠恩禮優渥自太子中允累
遷至衛尉卿天姿嚴肅常持謙下之禮世祿隆盛每存
恭儉之規不讀非聖人之書自爲保家之至思不出位
時無閒言始終一心出入三紀嗚呼星迴日薄棟折榱
崩命有所懸義無苟免享年四十有六開寶八年冬十
有一月二十有八日沒于難明年春三月權窆于大塋
之側至某年月始備大葬之禮卜祔焉夫人王氏張氏
劉氏皆早世竝南朝之名族享小君之命數壺儀婦順
彤史存焉子太素太初太冲等皆修令名不墜前訓故

於

能以淪胥之後具飾終之禮奉先之孝時以爲難宗人
永懷是有紀述辭曰
於惟我宗昭時顯庸積德垂範爰生我公出孝入悌夷
心直躬生能棄官沒不忘忠是有慶靈鍾于令子不墜
其訓葬之以禮謀卜謀筮維桑維梓神道永謚流光不
已來者難誣斯之用紀

業於

故唐朝散大夫尚書水部郎中崔君墓誌銘序并
公諱致堯字用之其先清河人也周室大風肇洪源于
公望漢庭明月抗忠節于季珪德厚流光謀孫翼子冠
蓋之盛莫之與京我高祖翼高有唐四至丞相曾祖蠡

業於
於
亮

於

貞

棧

於

穎

于

不仕祖潯吏部員外郎考億建州建陽令值天下亂因而家焉今爲建安人也君少而不羈長而好學介然如石非禮不行鄉曲之名籍甚于世季唐嗣業博采時才君以卿族之秀獻書求試補江州彭澤滁州清流二主簿改建州浦城軍判官所至有聲應用不暇再爲建州將樂令其地巖險其民獷悍寇攘亡匿率以爲常君厲以嚴明信其刑賞汙俗咸革比戶安居遂獲貞幹之稱又遷紀綱之任改常州錄事參軍連考善最擢拜殿中丞遷虞部員外郎郡國之政多使案治忘身徇節綽有能名無何都下受兵羣帥入授以君爲水部郎中實掌

軍饋旣而時運告謝宗社淪胥諸侯之師莫不卷甲君與其部將南趣建安中途眾潰遂沒于難春秋若干嗚呼興亡之數聖賢安能免忠義之節顛沛必於是不然何以見伯夷首陽之風王蠋布衣之操也夫人吳氏克有婦德能緝素風藐是流離不墜門閥子憲寔定等皆稟庭訓咸修詞業憲在舊國以進士擢第入朝爲穎州沈丘尉復從州里之舉 皇上臨軒親試又擢高科爲隨州觀察推官所謂善人必有餘慶某年月日憲等始備大葬之禮號奉靈柩窆於某州縣鄉里之原禮也鉉素熟君行學因銘墓焉銘曰

嗚呼崔君百世清芬忘身徇國斯爲貞臣種德垂訓斯爲慶門芘芘故園峩峩高墳沒而不朽用勒斯文

故汝南縣太君周氏夫人墓誌銘 并序

夫人諱某字某廬江舒人三國時吳將公瑾之後公瑾葬於舒之宿松今裔孫奉祀者百餘家雖降在畎畝而時生閒傑烈考諱本幼而遇亂自奮從軍吳王創基功冠諸將季唐建業位列宗臣官至中書令封西平王夫人卽王之弟某女也天姿玉瑩淑性川渟孝德內融柔儀外映旣笄歸于徐氏府君諱某卽唐相司徒公玠之弟某子也于時江左方盛二族齊榮婚姻之貴雄視王

謝而夫人雅性謙謹率由禮經至于蘋藻之嚴佩環之節澣濯之儉織紉之勤必以身先罔非由道宗族親睦人無閒言府君任爲閤門副使殿中少監早卒四子皆幼夫人提攜教訓親授經書及其出就外傅已通孝經論語矣性曉音律而尙雅聲善絲竹而精琴瑟習孝經而宗立言齋居諷誦未嘗懈怠雖閨門之內常以慈撫而家人之節有若嚴君故其門風肅然先業不隕豈非天和充己而道氣感物者歟春秋四十八開寶九年正月二十一日終于建康瑞里官舍其年二月葬于江寧縣鳳臺鄉婁侯里長子某亦爲諸司副使及入朝爲京

兆府醴泉令陝州錄事參軍公府交薦遂升閩籍太子
 右贊善大夫夫人始以子貴授汝南縣太君至是朝命
 復追榮焉次子繼宏舉進士次繼宇次繼 次繼宗初
 夫人之亡會宗國淪覆窀穸之事不暇如儀至太平興
 國某年月日繼崇等始改窆于某所附大塋焉禮也鉉
 與西平諸子辱為交遊及相府宗黨復敦事舊故得以
 門內之理為隧道之銘傳于無窮斯為實錄銘曰
 侯藩之子相門之嬪道高萊婦德劭陶親猗歟彤管永
 世芳塵生榮沒哀何必眉壽粉田啟邑斯為不朽令子
 承家斯為有後狐卻降替二族依然陵谷遷貿松楸附

焉謂天蓋高福善胡愆勒銘泉戶蘭菊綿綿

大宋故亳州蒙城縣令賜緋魚袋曾君墓誌銘
 君諱文照字知章其先魯人百行之先垂為家法子孫
 蕃衍不隕其聲末葉因官徙居南楚今為廬陵新淦人
 也祖朴考福皆不仕君生稟異氣卓然老成六經奧旨
 有若夙習于時江表之地唐室猶興憲章文物不失舊
 典君年七歲應州里之舉以神童擢第選滿補江州東
 流尉遷靖安句容二尉皆以清白敏惠承上率下和而
 有正能不自矜連考殊左擢為吉州太和令桑梓之地
 瓜李多嫌君閨門之內素修童艾之情已信而復臨事

能斷盡公無私由是暮年政成就賜朱紱會宗國淪覆
舉族人朝授亳州永城令舟車輻湊之地郵傳傍午之
塗盤根錯節發矓靡滯事無愆素民不告勞上疏論以
一邑之眾供列郡之賦指引利害較然可分詔特許免
其縣輓船夫歲省萬計改蒙城令其理益精頃之河南
大蝗獨不入城之境于是吏民相率詣闕借留優詔褒
美許留三載會王師北討君督本縣運輸深入虜庭危
而後濟既還遇疾以雍熙三年四月日終于永城傳舍
享年若干初君之赴選也余遇之于建康察言觀行知
為良士因以表甥女姜氏妻之有子六人女八人君之

蒙培於

於

世

於大

於

於

從士事塗多故王事靡盬不遑顧私雅志未申中路早
世唯第三子乾度再舉進士名聞場中有後之慶當在
于此卽以某年月號奉靈柩歸葬于某鄉里耐太瑩焉
禮也嗚呼姻舊之故豈無他人援毫濡涕識彼陵谷其

銘曰

有惠于民死事以勤嗚呼曾君永世清芬仙山之陰章
江之濱考終歸全下從先人刻茲琬琰垂示後昆

故唐內客省使知忠義軍檢校太傅尚公羨道

銘

公諱全恭字子初其先清和人也粵若天監代商文王

後集卷三十一
受命渭濱卜獵尚父膺期實始華宗誕彰餘慶在漢則
正園之盛德在唐則藩屏之名臣蕃衍孫謀著之家牒
祖愨潤州館驛巡官因家焉考公迺爲昇州牙將爲郡
守馮鐸使于淮甸與吳武王議疆事抗詞奮厲誓不辱
命明年而馮氏兵敗悉眾歸于廣陵吳王得之甚喜曰
汝爲馮公詬我真義士也今事我無易爾心卽以右職
處之賜與甚厚由是感激知己竟死事于鄱陽以故三
子皆獲敘錄累贈右千牛將軍公卽第三子質性端慤
容貌矜嚴吉人寡詞非禮不動季唐有國公仕爲客省
承旨先主器之特加任使凡所授職皆與先達長者侔

勤以繼之所至皆理累遷至館驛副使嗣君卽位轉閣
門副使遷客省引進使凡時務制獄多命公與焉循理
持平甚獲時譽宣布詔命出納必信監護師旅威惠得
中不從諛以取容不矯激以忤旨故考績無玷而主恩
益深累遷內客省使後主卽位兼領閣門使遙領婺州
刺史初國之戈船皆屯于石頭城之後盧龍鎮下命曰
龍安軍旅之重任也于是復兼龍安軍使明年改潤州
監軍使權領州事善於爲政大洽民謠逾歲徵還遙領
饒州觀察使兼左龍衛神武護軍公固辭兵柄閩嶺之
地巖險遼遠鎮守之寄常以爲難又命公知忠義軍兼

後集卷三十一
 建州事蒞政三載建人安之會都下受兵羽檄相望公
 調發軍實應接舟師奔命之眾道路相望猶以不獲身
 先憂憤成疾朝廷方命公為節度觀察等使留後檢校
 太尉使者未至甲戌歲冬十一月二十五日卒于公署
 享年七十以十二月二十三日葬於建安縣某鄉某里
 前夫人蘇氏繼室安樂縣君孫氏皆早卒子三人審元
 審庸審能公以忠烈之風處親近之職守以周固齊以
 法度身貴而志遜祿厚而持廉凡同列者使于諸侯率
 多貪求浸以成俗公獨淡然無取出入垂囊士君子以
 此重之及邦國淪胥豪右降替向聚斂者翦焉無餘唯

公令嗣克家門族如故識者知有大道矣鉉少參近密
 與公常接笑言道義相期有若寮舊聲塵永已慷慨常
 悲惜其風猷思有論撰昔裴子野之卒湘東王為誌矣
 而邵陵王又銘于羨道羨道有銘自此始也故仰前躅
 追而銘云

表海之慶世載厥聲展矣君子心純道貞恭職軒階申
 威禁營將命四方宣風百城哀哉不淑永矣忠誠舊國
 禾黍交情死生濡毫頌美愴愴霑纓

故鄉貢進士劉君墓誌銘

君諱鶚字仲翔其先彭城人也炎靈之裔繁衍萬邦占

混祖

於諱

於今氏

與君

哀

籍廬陵蓋重世矣高祖珍皆不仕父雄嘗從九江辟司
兵掾自免去職閨門之教不肅而成有三子君其仲也
質性純素智識聰敏年十有五則知屬文未及弱冠馳
名矣至于事親孝事長悌與朋友信接鄉黨讓動不違
禮居常慎獨故州里耆耄與時之名輩推重焉郡舉茂
才擢升上第明年而宗國淪覆君慨然知時人不利也
于是閉門卻掃爲學益勤以爲今之文人率以詞賦取
高先王之教化蓋蔑如也乃擴天下之務論古人變著
法語八十一篇大抵宗尙周孔以質百代之惑視其書
知其人矣皇宋二聖崇古尙文郡國考秀親臨考覆君

以詞場舊望復爲本郡升聞余以翰林學士賈公承詔
先考第于南宮賈公重公之文以爲古人之俊也乃第
爲高等而君狗難進易退之節稟外敏內愚之容及其
敷庭復不中選退還鄉里篤行如初雍熙三年九月卒
于家享年四十有三嗚呼有才有時命不我與自古同
歎可勝道哉遺文累牘不朽之謂也卽某年月葬于本
縣化龍鄉折桂里之原禮也君娶郭氏先十日而亡子
師望文綺皆得父風其有後矣二女長適太原郭方次
適隴西李某師望以余爲父之知己也故千里號訴求
誌其墓云詞曰

嗚呼劉生江楚之英才識兼茂時命難并沒于白屋闕
此泉扁立言可法何必浮榮刻茲貞石永爾高名

徐騎省集卷第三十

南陵徐乃昌校

徐集補遺

君臣論

徐鉉

君人者推赤心以接下者也臣人者推赤心以事上者
也上下交感政是以和故大易之義在上者其道下降
在下者其道上行則曰天地交泰上者自居其上下者
自居其下則曰天地不交否則為上而下降甚易為
下而上達甚難何者君人者其勢足以行人之道其貴
足以顯人之德其富足以聚人其義足以感人賢人君
子望景而歸之理自然也苟不逆之可矣又況於禮致
之者哉故齊桓之德薄也猶能使管仲受執甯戚扣角

况聖君乎此易之效也人臣者在貧賤之中處疎遠之地有上下之隔有左右之蔽自媒則有暗投之患因人則無苟合之譽禮秩之不足則不肯進也况不禮之哉故以仲尼之聖懷救世之心歷聘七十而不一遇况常人乎此難之效也然則士之失君所喪者富貴耳莊老更隱於陵躬耕商皓采芝君平賣卜未失其所以爲士也君之失士或喪旣安之業或敗垂成之功紂踏于京厲流於莒魯哀奔吳項羽屠裂則失其所以爲君也聖帝明王鑒其若此故屈已以下士推誠以接物軒轅問道於下風唐堯求賢於側陋周公吐餐於白屋漢祖輟

洗於布衣况朝廷之臣乎夫朝廷之臣位有前後任有小大至於君臣之分誠心所感其揆一也詩曰嗟我懷人寘彼周行卿士大夫各居其位所謂周行也言周行之中皆所懷之人也書曰汝則有大疑謀及乃心謀及卿士謀及民孔彰按民上當有庶字大疑大政也庶民猶與焉况羣臣乎此治世之主至公之義也世之衰也疎公卿而親近習憚君子而狎佞人親而狎之也以爲腹心疎而憚之也以爲仇敵於是政出於羣小而責及於大臣如此而不亂未之有也君子之事上也近之不敢佞遠之不敢怨受命無二慮臨難無苟免小人之事上也遠之

則憾近之則比受命則顧望臨難則幸生人君不能熟
察也以爲我之所親彼亦盡忠我之所疎彼亦懷二於
是聽鑿惑於外精神汨於中及亂之來也小人無忘生
之節君子非死難之所楚靈殞於乾谿二世弑於望夷
而莫之救也其所由者自私與自勝也自私故慙與君
子言自勝故憚與君子言此小人所以易見親君子所
以易見疎也夫亡國非無賢臣亂主非獨坐於堂上也
用心之不一也書曰一哉王心詩曰淑人君子其儀一
兮人君用心一則賢臣知所從矣

持權論

徐鉉

天下所以奉者君也君之所以尊者權也權者非他也
賞罰而已矣賞公則當善而爲善者進矣罰公則當惡
而爲惡者退矣若然則君子在位小人在野而權不在
公室者未之有也中才之君知賞罰之權不可失而不
知所以守之之道欲人之懷己也則必賞自我出欲人
之畏己也則必罰自我行此亂之本也老子曰爲者敗
之執者失之賞罰者受之於先王行之於有司人君正
其本遏其淫而已苟自爲之而自執之其與幾何尙書
數堯之德曰聰明文思及其舉舜也則四岳師錫堯曰
子聞如何朕其試哉夫堯旣聞舜之行賢猶待四岳舉

然後登用此則賞不必已出也周公作萬代之典設三聽之法眾聽則殺之眾疑則赦之此則罰不必已出也漢高祖氣吞羣雄威振海外然而不敢以私忿誅季布不敢以私惠賞丁公秦始皇親治庶務以衡石自程羣臣莫得專任而秦漢之成敗豈不明哉然則賞罰在於公不在於自執必矣魏晉已降創業之君才略冠世功勳震主既當失政之代遂踐數終之運後世人君懲其若是故憎疾勝已誅鋤高名所謂同歸於亂者也昔楚莊王謀事而當群臣莫能及退而有憂色曰楚國之大而群臣莫吾及吾國其亡乎此所以飲馬於河也漢高

祖自謂不如三傑而能用之所以有天下也梁武在雍州時破魏將王肅得其中箱書見魏帝手勅曰吾聞蕭衍善用兵勿與鬪其威名如此及其爲帝也乃用臨川王宏貞陽侯明爲將在竟陵府時與謝朓王融之儔齊名及其爲帝也乃用陸驗石珍爲心膂何者患其失權貪其易制曾不知亡國之釁始基於此也夫權者非謂其強臣專政王命不行前邀九錫後徵殊禮也蓋人君有偏聽焉有偏好焉偏聽則朋黨有所附矣偏好則奸邪有所入矣朋黨勢固姦邪在側人主以不聞過爲賢不違命爲治如是則賞罰者朋黨之所爲而假手於人

主矣當時之人知其如此亦且棄正義而事朋黨背公室而向私門非徒競利且以避害然則權安在哉後魏孝明時衛士數千人焚領軍張彝宅殺其父子朝廷懼以爲亂也止誅八人餘並釋之高歡時在民間聞而歎曰亂之始也乃散家財招集亡命卒移魏祚魏人不知失權之始在乎孝明及高氏執政方云祿去公室不亦晚乎誠令人君用法公共接下均一善善而能用之惡惡而能去之不以己之私妨天下之義雖復體非聖賢蓋亦思過半矣嗚呼斯道也甚易知甚易行甚易效而鮮能行者蓋夫疑信之際貪旦夕之便因循僂俛以至政隳勢敗而自不之知也傳曰失之毫釐差以千里豈虛言哉

師臣論

徐鉉

至大者天必配以地至明者日必配以月至剛者陽必配以陰至尊者君必配以臣君臣之義與天地並者也君之有臣也所以教其知匡其不逮扶危持顛獻可替否其任大矣故君失之臣得之臣失之君得之上下相維乃無敗事非徒承其使令供其喜怒而已故曰師臣者王友臣者霸書曰能自得師者王謂人莫己若者亡自三皇以來莫不由斯而致者也衰世之君闇於大道

嘉言美事掠歸於己諛臣佞妾從而成其過曰生殺廢
置國之利器必出自一人不當爲人臣所教嗚呼斯甚
不然也夫往古之事不可言已其世近而昭然者請以
漢祖明之高祖奮布衣取天下功俸三代享祚四百可
謂盛矣其舉事之始駐軍於陳留則酈食其之謀破武
關入咸陽則張良之策還定三秦則韓信之計爲義帝
縞素則董公之說出兵宛葉則鄭忠之畫破垓下則三
王之力量其成功則高祖享帝王之業數子獲人臣之
祿豈爲人臣所教者不能爲帝王乎故高祖曰吾不如
三傑而能用之所以得天下也及太宗文皇帝力行王

道天下已平喟然歎曰魏徵教我功業如此夫二帝者
皆用忠賢之謀以建三五之業歸功臣下而其道愈光
老子曰功成而不居夫唯不居是以不去此之謂也昔
魏武帝使夏侯淵守漢中蜀先主用法正之計破漢中
殺淵等魏武聞之曰吾知玄德不辦此必爲人之所教
言之失也史論之備矣魏武雄傑之主猶有斯論況常
人哉夫爲國譬用兵焉大將將十萬之眾舉千乘之國
有坐籌制勝者鋒摧孔彰按鋒摧當作摧殺敵者有先
登陷壘者及其成功則元帥之功也今使元帥兼此數
者而獨論功可乎夫君人出令臣下唯知奉行則役夫

豎子可爲卿相何必勞於求賢哉嗚呼斯道之不明久
乎孔彰接乎明達君子可無思乎可無思乎

余旣采東萊文鑑補錄論三首惟所見文鑑是明

刻本亦有脫誤因在本文下加注按焉朱孔彰又

記

